


9(47.925)

L-47

With





ԵՐԵՎԱՆԻ
ՊԵՏԱԿԱՆ ՀԱՄԱԼՍՈՒՐԱՆԻ
ՀՐԱՏԱՐԱԿՉՈՒԹՅՈՒՆ

ԵՐԵՎԱՆ 1963

9(47.925)
2-44

ԱԵՍ

ԱՐԴ

ՏՊԱԿՈՒՅՑՈՒՄՆԵՐ
ՀՐԱՄԱՎԵՐ
ԹԵՂԱԿ
ՈՒ

091



ՀՐԱՏԱՐԱԿՉՈՒԹՅԱՆ ԿՈՂՄԻՑ

Մեծանուն հայագիտ Լևոն «Անի»-ն զրել է 1905 թվականի ամռանը, մի խումբ հայ մտավորականների նետ Անիի ամերակները այցելելուց հետո: Նրա նպատակն է եղել Անիի մասին քններցողներին հանձնել «տապափորություններ», հիշատակներ, անցածն ու մնացածք: Ստացվել է միայն Լևոնին հատուկ գունդ և պատկերավոր լեզվով ու ոճով մի հոյակառ գրական-պատմական քերրված:

«Անի»-ի ձեռագիրը հրատարակության պատրաստ էր դեռևս 1904 թվականին, և նեղինակը փափագ է ունեցել, որ «Անի»-ն ըլինի, որրան հնարավոյ է, մի շրեղ հրատարակություն, սեղանի զարդ»: Սակայն աշխատարյունը այն ժամանակ չհրատարակվեց:

Նախահոկտեմբերյան տարիներին «Անի»-ն այդ պես էլ մնաց անտիպ: Նրանից մի հատված ժամանակին հրատարակվել է «Սովետական գրականություն» ամսագրում, իսկ 1946 թվականին աշխատությունը, զգալի կրնառումներով, լույս է ընծայվել: Հայոցեանրատի կողմից: Ներկա հրատարակությամբ «Անի»-ն լույս է տեսնում ամբողջությամբ: Կատարված են միայն խմբագրական բնույթի աննշան շրջակամատներ:

Ա Ե Օ
Ա Հ Ի

Издательство
Ереванского государственного университета
(На армянском языке)
Ереван • 1963



650

Ա ն ի

Խ ա շ - պ ո լ լ ա յ ւ . - Յ ի շ ա յ ս ի ւ . -
Մ ե զ մ է և Խ ա յ մ է :-


1904.

Ա ն դ լ : « Ա ն ի » ա շ խ ա տ ու ր յ ա ն ձ եռ ա զ ր ի ա ն վ ա ն ա ր ե ր բ ը

Մասդիր էի քննարձակել այս աշխատությունը, տաղ Անիի ամբողջ պատմությունը և բոլոր այն ուսումնասիրությունների արդյունքը, որոնք եղել են մինչև այսօր։ Պիտի ստացվեր մի ստվար հատոր և նա պիտի նրատարակվեր մեծ շեղությամբ։ Մնաց... Զկարողացա։ Այս գրության մեջ աշխատությունն ավելի բարեփիկ նամփորդական նիշատակաւան է։

160

1914 թ. օգոստոսի 28-ին



Անի բաղտրի զինունշանք

Առաջաբանի տեղ

I

ԹԵ ԻՆՉՊԵՍ ԱՅՍ ԱՇԽԱՏՈՒԹՅՈՒՆԸ...

Մեր թարգմանիչների ամառնային տոնը 1903 թվականին գալիս էր Հունիսի 26-ի օրը: «Մշակի» խմբագրության մեջ աշխատողներս այնպես կարգավորեցինք մեր գործը, որ բացի այդ տոնից, երկու-երեք օր ազատ ժամանակ ունեինք: Մտածեցինք այդ ժամանակը գործ դնել մի թեթև ճանապարհորդական պտույտի վրա: Վճռեցինք այցելել Անին և այցելեցինք:

Ահա ինչից առաջ եկավ իմ այս աշխատությունը: Ես այժմ էլ մի տեսակ զարմանքով եմ արձանագրում մեր տեսած իրողությունը. Անի գնալը—ճանապարհորդական մի թեթև պտություն: Բայց դա ճիշտ իրողություն է, նոր իրողություն: Մենք գնացինք առանց ծանր ու բարակ պատրաստությունների, առանց մեծ-մեծ հոգսերի. մեզանից շատերի համար գնալը մի կես ժամի ընթացքում կայացրած վճիռ էր. կային և այնպիսիները, որոնք հարկավոր չհամարեցին նույնիսկ փոխել ամառվա թեթև, քաղաքային հաղուստը:

Իմ զարմանքը հասկանալի կլինի ընթեցողին, եթե նա ինձ պես շատ է կարդացել այնպիսի գրվածքներ, որոնց մեջ գանազան տեսակի, զանազան ժամանակների մարդիկ նկարագրել են իրենց ճանապարհորդությունը դեպի Անի: Այդ գրվածքներից երբեք չի կարելի հետևցնել, թե Անին տեսնելը մեծագործության պես մի բան չէ: Անիի ուխտավոր դառնալու համար, ամենաքիչը, հարկավոր է, որ ուղևորը շատ ազատ օրեր ունենա, բավական համբերատար, դիմացկուն, նույնիսկ շարքաշության սովորած մեկը լինի:

Թողնենք այն երկար ժամանակները, երբ Ախուրյան գետի աջ ափը պատկանում էր Օսմանյան պետության, և ավագակ քրդերի սարսափն էր տարածված Շիրակի գաշտերի վրա։ Այդ ժամանակներում հատուկտոր անհատներ միայն, օտար թե հայ, այնքան ուժ ու հարմարություն ձեռք ձգեցին, որ հեռու տեղերից, անմշակ ճանապարհներով, զնացին տեսան ու նկարագրեցին Անին, Վայրենի հասկացողությունները, վայրենի վարչությունը սանձարձակ են մանավանդ ավերակ, անտեր տեղերում։ Անին նման էր Հերիաթների կախարդական ամբողներին, որոնց մեջ հրաշքներ կան, բայց որոնք վիշապների և այլ հրեշների ձեռքին են գտնվում։

Վաղուց են անցել այդ ժամանակները։ Ահա 25 տարուց ավելի է, ինչ Շիրակի արևմտյան մասը անցել է Խուսաստանին։ Առաջիւ դժվարությունները, իհարկե, այլևս չէին կարող լինել, և ոռւսաց տիրապետության հենց առաջին օրերից լայն բացվեց Անիի ճանապարհը այցելուների համար։ Շատերը զնացին, բայց անհամեմատ շատ-շատերը չկարողացան գնալ։ ճանապարհը, այնուամենայնիվ, գնո հանրամատշելի չեր։ Իմ խոսքը, իհարկե, Ալեքսանդրապոլի, կարսի և այլ մոտիկ հարևանների մասին չէ։ Հեռու ապրողները չենին կարողանում գնալ։ Հինգ-վեց տարի առաջ հարյուր փափաղողներից մեկին էր հաջողվում հաղթել տարակուսանքները, արհամարհել դժվարությունները...

Այժմ այդպես չէ։ Հինգ-վեց տարին էլ բավական է, որ հիմնովին հիդափոխվեն մի երկրի պայմանները։ Հանկարծ անհրաժեշտություն դարձավ Ալեքսանդրապոլի և կարսի հետ արագ հաղորդակցություն ունենալը։ միլիոնների կույտեր թափեցին մի ըմբոստ բնություն նվաճելու համար, երկաթուղի շինվեց։ Ալեքսանդրապոլից հետո հերթը հասավ երեսականին։ Եվ ահա երեանյան գիծը տարվեց այնպիսի տեղերով, որոնք Անիի ավերակներից 6—7 վերստ հեռավորություն ունեն։ Կա այդ գծի վրա մի փոքրիկ կայարան, որ Անի էլ կոչվում է։ Վագոնի միջից հեռատեսը հեշտ կարող է նշմարել հորիզոնի վրա կանգուն շինությունների ուրվագծերը։

Անի կայարանում իջնողը այժմ հարմարություններ չի գտնի իր ճանապարհը գեպի Ախուրյանի բարձր ափը, գեպի մեռած մայրաբաղաբը շարունակելու համար։ Շատ-շատ նրան հաջողի մի հասարակ սայլ վարձել մերձակա հայ գյուղում։ Բայց այդքանն էլ բավական է. մնացածը լրացնում է մոտիկությունը։ Գնում են ոտով, գնում են ամբողջ խմբով, ոչ միայն տղամարդիկ, այլև կանայք։

Սույժմ շատ բանուկ չէ այդ ամենակարճ ճանապարհը։ Պետք է տեղափոխական փոքրիկ հարմարություններ ստեղծել, իսկ ո՞վ պիտի ստեղծե։ Գոնե կայարանի մոտ եղած հայ գյուղերը հասկանան իրանց օգուտը և կառքեր պահեն...

Ճանապարհորդների մեծ մասը դեռ շարունակում է գնալ Ալեքսանդրապոլի վրայով։ Թեև այս ուղղությամբ ճանապարհը երկարանում է, քանի որ դեռ 50 և ավել վերստ տարածություն կա կառքով, բայց գլխավոր բանը արված վերջացած է։ Թիֆլիսում գիշերվա տասներկու և կես ժամին գնացք նստողը մյուս օրը իրիկնապահին թագրատունյաց գոված, ինչպես ասում են՝ նաև անիծված մայրաքաղաքը ներկայացնող քարակույտերի մեջ է, ինչ ճանապարհով էլ գնաւ։

Գիշերը նա կարող է մնալ Անիի վանահոր զարմանալի հյուրընկալ հարկի տակ, վաղ առավոտից ման գալ, տեսնել ամեն ինչ, և երեկոյան նա դարձյալ Ալեքսանդրապոլի երկաթուղով վրա է։

Օրը, իհարկե, ամառնային պիտի լինի։

II

Ի՞նչ իրԱՎՈՒՆՔՈՎ

Այդպես էլ արինք մենք՝ զնացինք, վերադարձանք։

Թեթև ճանապարհորդական պտույտ,—մենք ճիշտ էինք ձևակերպել մեր ուղևորությունը։ Նա, այդ պտույտը, կարելի է, հարմար ու մատշելի է ամենքի համար։ Մի ամառվա ընթացքում հազարավոր մարդիկ կարող են գնալ, տեսնել, և եթե այցելուների քանակությունը դեռ մի այդպիսի թվի

շի հասել, այդտեղ մեղավորը ո՛չ ճանապարհներն են, ո՛չ մանավանդ ինքը, ավերակ քաղաքը, ճանապարհները լավ են, իսկ Անին երբեք չէ գաղարել հրաշալի, ուսութիւն լինելուց: Բարի կամք, ցանկություն է հարկավոր:

Տեսած գեղեցկության տեսարաններ տեսնելու, տպավորություններ ստանալու, սիրտը առօրյա զծուծ հաշիվներից մաքրելու և սուրբ զգացմունքներով լցնելու համար բավական է այդ փոքրիկ պատույար: Սովորական հասարակ այցելունները կարիք էլ շունեն դրանից ամենակ գործ դնելու Ռոբիշ է ոչ-սովորական այցելունների բանը: Մրանք գնում են ուսումնասիրելու, ավերանքի մեջ նոր մանրամասնություններ որոնելու: Այդպիսինների համար արդեն օրերով, շաբաթներով, նույնիսկ ամիսներով նստելն ու մանգալն էլ քիշ է:

Ես գրանցից չեմ, ես շկարողացա գոնե մի քանի օր մնալ Անիում: Մի քանի ժամերի հյուր էի ես ամերակների քաղաքում: Եվ, սակայն, ուզում եմ գրել իմ տպավորություններու ի՞նչ իրավունքով: Այս հարցը բնական է, քանի որ խոսքը Անին է վերաբերքում:

Ի՞նչ իրավունքով: Կարող էի արդարանալ նրանով, որ ամեն մի ճանապարհորդ-տուրիստ ազատ է իր թուցիկ տպավորություններն անգամ նկարագրելու: Բայց որքան ճիշտ է այս, այնքան, զուցե և էլ ավելի, ճիշտ կլինի և այն, եթե ընթերցողը հարցնե—իսկ ի՞նչ նոր բան պիտի կարողանա ասել տուրիստը:

Իրավ, Անիի մասին նոր խոսք չկա առայժմ: Նրան տեսել, նկարագրել են ամեն տեսակ ընդունակություններ,— Փայեր թե օտարներ: Տեսել է հնագետը, տեսել է բանաստեղծը, նկարիչը, տեսել է ճարտարապետը, տեսել է թե՛լուրչ, ծանրախո՛ճ գիտնականը և թե՛վառվուն, ողերովող երիտասարդը. տեսել է երկրաբանը, ինժեները, լուսանկարիչը, աշարհի շորս կողմերում թափառած ճանապարհորդը: Եվ անտարերներ համարյա չեն եղել: Ամեն մեկն իր իմացածն ու զգացածը արտահայտել է իրան տված եղանակով՝ տառերով, գծերով, ներկերով, լուսանկարչական գործիքով:

Խոսելու, գրելու, մի բանով իր եսը հայտնելու մի զար-

մանալի տրամադրություն է տիրում մահվան քաղաքում: Անիի ներսում գուք պատ ու ծեփ չեք գտնի, որ ծածկված Անիի անուններով և ազգանուններով: Եատ տգեղ, վրդովեցուցիչ բաներ են դրանք: Բայց երբ մի բոպի մտածում եք, աւեսնում եք, որ վայրենի վարմունքը մասսամբ հասկանալի է: Մարդը ուզեցել է մի որևէ կերպով արտահայտել իր զգացմունքը: Իսկ թե զգացմունքը ո՞ր աստիճան կարող է գերել, հափշտակել մարդուն,—այդ կարելի է իմանալ միայն Անիում: Վանահոր սենյակում կա այցելունների մի հին, բրբարված մատյան: Այդտեղ էլ դուք կկարդաք բազմաթիվ գրություններ հայերեն և այլ լեզուներով: Եվ տեսնում եք, որ ոչ ոք անտարեր այցելու չէ եղել: Հիացել է ամեն մեկը... Ի՞նչ նոր բան կարելի է ասել:

Այնուամենայնիվ, ես էլ գրում եմ իմ տպավորությունները: Ի՞նչ իրավունքով:

Պատասխանի տեղ ես էլ հարցնում եմ ձեզ. Ի՞նչ իրավունքով ամեն մեկը կարող է գրել արշալուսի, գարնանացին պատկերների, կանալ սարերի, բնության վեհ երևոյթների մասին, թեև հարյուրավոր ու հազարավոր մարդիկ գրել էլ են, երգել էլ: Ինչո՞ւ գեղեցկությունը մինչև այժմ չէ սպառվել ոչ գրականության, ոչ արվեստի, ոչ պաշտամունքի մեջ: Ինչո՞ւ սրբությունը այսօր էլ երգլում, մեծարվում է, ինչպես հարյուրավոր և հազարավոր տարիների ընթացքում:

Ահա իմ իրավունքը: Բնության մեջ կան հավիտենական գրություններ, որոնք միշտ մնում են, միշտ կենդանի են: Նորությունը նրանց մեջ չպետք է որոնել, այլ մարդկանց մեջ, որոնք կանգնում են նրանց առջե, հասկանում են նրանց այնպիս, ինչպես կարողանում են: Ճիշտ է, նրանց հասկացածի մեջ միշտ կրկնվում է հավիտենականը, անփոփոխելին, բայց անկարելի է, որ անհատականությունը այս կամ այն նոր հնչյունը, նոր շեշտը շմտցնե այդ կրկնությունների մեջ: Լուսնի տակ, ասում են, նորություն չկա, ամեն ինչ կրկնություն է: Այսպիս պիտի լինի մանավանդ զգացմունքների աշխարհում: Բայց և այնպիս, մենք միշտ գտնում ենք թարմ նորություն, թեև գիտենք, որ կրկնություն է ամեն ինչ:

Անին կարելի է նկարագրել անթիվ անգամ, ինչպես

նկարագրում են արշալուսը, լուսինը, ծովը, զեփյուրը:
Որովհետև նա էլ այդպիսի մի երևոյթ է մեր մարդկային
աշխարհում...

III

ՎԱԱՆԵԲՔ

Արդյոք չափազանցություն չէ՝ այս համեմատությունը:

Եատ հետաքրքրական մի հարց է սա, և եթե նրա հանից
ընկնենք, մեղ անթիվ վկաներ կներկայանան, որոնք կա-
սեն, թե ինչ է մեր Անին: Տեսնենք, ընթերցող, եթե ոչ բո-
լորը, գոնե մի մասը:

Անիի Մայր եկեղեցու արձանագրություններից առաջմ
թող մեր ուշադրությունը գրավե մեկը: Երիտասարդ մի
հույն, պաշտոնյա, անունը Առոն, աստիճանով մագիստրոս,
եկել է Անի և այդուղ դանազան բարեկարգություններ է
մտցրել: Իր մասին նա ասում է, թե բյուզանդական մեծա-
փառ թագավորներից մեծարված մեկն է: Բայց առանց այդ
վկայության էլ մենք պիտի հասկանանք, որ Անիի կառա-
վարից շատ կարեոր մի անձնավորություն պիտի լիներ: Դեռ
եսոր էր թագրատունյաց թագավորությունը մի ստոր մատնու-
թյան զոհ դարձել, զեռ վերջին Գագիկը կենդանի էր և տա-
ռապում էր իր հայրենիքից հեռու: Անեցիները շեխն մոռա-
նում այդ հունական դավագրությունը և իրանց խորին ա-
ռելությունը դեպի հույները ցուց էին տվել բուռն դիմադրու-
թյուններով: Ընկնելով այդ դիմադրությունը մհծ դժվարու-
թյամբ և ծանր կորուստներով, բյուզանդական կառավարու-
թյունը աշխատում էր շահել հայերի սիրտը, մի կերպ մո-
ռացնել եղածը, քաղցրացնել իր լուծը: Ուստի Անի էր ու-
ղարկում իր ընդունակ, պատվավոր պաշտոնյաներին, որոնք
պիտի կարողանային շոյել, աշխարհաշինություններով սի-
րաշահել բնակիչներին:

Ահա այդ պաշտոնյան, բյուզանդական արքունիքի ա-
ռասպելական շքեղությունների մեջ մեծացած այդ պալատա-
կանը իր արձանագրության մեջ Անին անվանում է «գեղեց-

կաշեն բերդ»: Այսպիսի մի հեղինակավոր վկայությունից
հետո այլևս զարմանալի շպիտի լինի այն բարձր հիաց-
մունքը, որով մեր պատմագիրները՝ Ասողիկ, Արիստակես
Լաստիվերտցի և ուրիշներ, նկարագրում են Անիի շքեղու-
թյունը: Իր գեղեցիկ շենքերով, իր բազմամարդությամբ և
հարստություններով նա մի առասպելական հոշակ էր ստա-
ցել, ժողովուրդն ասում էր, թե նրա մեջ հաղար ու մի եկե-
ղեցի կա, իսկ սա ապացուց է, թե որքան սաստիկ էր նա
ազդում երևակալության վրա:

Որ մի քաղաք, մի երկիր իր բարգավաճման գագաթ-
նակետին հասնելով հիացնում, կախարդում է մարդկանց,
այս զեռ հասկանալի է, բնական է: Առոն մագիստրոսի ժա-
մանակ Անին թեև իր ամենավլխավոր դարդից էր զրկվել՝
գահից, բայց արտաքին ամբողջ գեղեցկությունը զեռ պա-
հում էր. բարբարոսության ավերիչ շունչը զեռ նրան շէր
հասել: Եկավ այդ ժամանակն էլ, ավերանք ու կոտորած
յտավ Անիի մեջ, բայց նրան խնայում էին մահմեղական
տիրողները. գեղեցկությունը, հարստությունը կախարդում
էին և նրանց, կոտորելուց ու բանդելուց հետո նրանք շինում.
ու զարդարում էլ էին իրանց օգտի համար:

Սակայն կանգուն, շեն ու վաճառաշահ Անին այլևս այն
չէր կարող լինել հայի համար, ինչ էր թագրատունիների
ժամանակ: Փառավոր քաղաքը սուլի տրամադրություն էր բե-
րում—ահա Անիի հակատագիրը XI դարի երկրորդ կեսից
սկսած: Ողբում է նրան Արիստակես Լաստիվերտցին, որով
հետեւ տեսել էր նրան այն ժամանակ, երբ «թագավորը ա-
ռավուները քաղաքից գուրս գալիս նմանվում էր փիսայի,
որ դուրս է գալիս առագաստից կամ արեգակի պես էր, որ
բարձրանալով արարածների գլխի վրա, ամեն տեսանելի
ռան դեպի իրան է ձգում»¹:

Այդ փառքը չէր տեսել ներսես Շնորհալին, բայց սրա
համար էլ ողբալի էր Անին: Թագրատունյաց թագավորու-
թյան վերջանալուց հարյուր տարի հետո մահմեղականները

¹ Արիստակես Լաստիվերտցի, «Պատմություն Հայոց», Թիֆլիս,
1912, էջ 57 (առաջատակը խմբը):

վերցորին Միջագետքի Եղեսիա քաղաքը, իհարկե, կոտորեցին ու քանդեցին, Այդ աղետը ողբաց Ներսես Շնորհալին իր մի ոտանակոր դրվածքի մեջ, որ այդ շնորհալի բանաստեղծի յավագույն գործերից մեկն է Համարվում (1155թ.)¹: Քանդված Եղեսիան Շնորհալու բերանով դիմում է աշխարհի չորս կողմը, որ ամենքը ողբան իր սոսկալի դժբախտությունը: Գալով Հայոց աշխարհին, նա հատկապես Անի քաղաքին է դիմում: Հարբուր տարիների ընթացքում Անին արդեն շատ աղետներ էր տեսել, նրան ձեռքից-ձեռք էին խլում, նրան վաճառում էին այս կամ այն իշխանավորին, նրան քանդել էին մարդիկ, քանդել էր և գետնաշարժը: Բայց նա դեռ շունչ ուներ, դեռ ապրում էր: Եղեսիան նրան ասում է. դու էլ ողբալի ես, դու էլ ինձ վիճակակից ես: Դու էլ ձայնակցիր ինձ, որովհետև մի ժամանակ դու էլ էիր վայելուզ, ինչպես քողով ծածկված հարս, մերձավորներին շատ ցանկալի էիր, իսկ հեռավորները քեզ փափագում էին տեսնել: Այդ ժամանակ դու ուրախ էիր, ցնծում էիր: Քո մանուկները նման էին նոր բուրաստանի, քո պանուճված, զարդարված աղջիկները միշտ երգում էին, քնար էին ածում, խաղում, իսկ քո թագավորները պանծալի էին, գլխին թագ դրած նստում էին աթոռի վրա, և զորքերը այս ու այն կողմից դարիս էին նրանց հրամանը լսելու: Քո Կաթուղիկե եկեղեցին երկնքին նման և հավասար էր. հայրապետներ, եպիսկոպոսներ, քահանաներ կանգնում էին այդ տաճարի մեջ պատշաճավոր կարգով: Բայց այդ բոլորը անցավ երազի պես, ինչպես ամառնային ծաղիկ: Անօրենի անողորմ սուրբ, որ մեր արյան սոված է, որ չէ կշտացել և չէ կշտանում մինչև որ վերջ կդա մեզ համար, այդ սուրբ հասավ քեզ, ինչպես այժմ ինձ է հասել. Հնձեց անդաստանի բույսերը կանաչ հասակում, արմատից քանդեց այգին, անհաշիվ դիակներ փուց, որոնք անթաղ մնացին, գագանների կերակուր: Քեզ գերի արին, Երուսաղեմից էլ ավելի գերի: Այդ քո՞ աղետով

նանաշիր և իմը: Հավաքիր քո աղջիկներին, ինձ վրա լացեք, սուգ նստած: Ողբի ձայնով կանշի՛ր, ամեն հոգի լացացրո՛ւ:

Այդ ժամանակ Անին կենդանի էր, լսում էր Շնորհալու ողբը: Դրանից հետո էլ նա երկար ապրեց, բարեկարգության, խաղաղության օրեր տեսավ, բայց ավելի շատ էին դառնության, արտասուբների, փախուստի օրերը, որոնք վիճակվեցան նրան: Նա հոչակված էր իրու գեղեցկություն, և նրան իր գիրկն էր առնում ամեն մի բռնակալ: Բազրատունյաց ժամանակից հարուստ ու ճոխ քաղաքի անուն էր նա վայելում և այդ պատճառով նվաճողների ձեռքին խաղաղիք էր և այն ժամանակ, երբ աղքատացել էր, նվազել: Նրա ժողովրդի մեծ մասը փախել էր հեռավոր երկրներ, բայց մնացած փոքրիկ մասն էլ բավական էր, որ քաղաքը նախանձելի կտոր դառնար տիրողների համար: Բոնավորները աղատություններ էին տալիս հոչակավոր քաղաքին, վերացնում էին հարկերի մեծ մասը, որպեսզի նա չզրկվի իր շքեղությունից: Ախուրյանի ժայռոտ ափին ցցված այդ գեղեցկությունը քանդվում էր, կոտորվում էր, նորից կանգնում, փայտիավում: Շարունակ ծիծաղն ու արյուն-արտասունքն էին իրար հաջորդում նրա սիրու գլխի վրա: Որովհետև նա գեղեցկություն էր Ասիայի այս անկյունում: Գեղեցկությունը Ասիայի մեջ կրքեր է կրակում. նրանով վառված գազանը կամ հարձակվում է նրա վրա, ծվատում, կամ սեղմվում է նրա ոտների մոտ և նրա ստրուկը դառնում...

Այսպիսի երկրպագուների գրկում գեղեցիկ Անին դանուազ կերպով հալվեց, մաշվեց: Հոգեվարքը երկար տեսեց և հոգեվարքի մեջ նա ոշինչ շուներ մխիթարյանու, բացի այն փառավոր ժառանգության բեկորներից, որոնք մնացել էին նրա պատմության արքայական շրջանից, Բազրատունիներից: Դրանք հրաշալի եկեղեցիներն ու պալատներն էին, քաղաքի հսկայական, նուրբ ու աննման պատերը և այլ շինություններ: Այդ պատերի մեջ էլ, այդ հոյակապ շինությունների շուրջն էլ նա արձակից իր վերջին շունչը, դարձավ ավերակների կույտ: Նա կորած էր խորին անհայտության մեջ. Հայոց ամբողջ աշխարհում շգտնվեցին մարդիկ, որոնք

¹ Եղեսիա քաղաքի գրավումը և ավերումը Հալեպի Զանգի ամերայի կողմից տեղի է ունեցել 1144թ.: Ներսես Շնորհալին իր «Ռդը Եղեսիոյ» պոհմը գրել է 1145—1146թթ.: Մանուկյան խմբագրի:

հիշեին Հին սրբությունը և գոնե մի քանի խոսք ասեին նրա մասին։ Ով ժանոթ է այն ժամանակներին, երբ թաթարական սուրը, լենկ-թեմուրները մի խավար ու անշարժ գերեզման էին դարձրել մեր ամբողջ աշխարհը, նա չի զարմանա այդ լոռության վրա։ Խոսող շեղափ, որովհետև գերեզմանը չէ խոսում։ Լոռությունը կլանեց ոչ միայն Անիի ճակատագիրը. այլև այն ամենը, ինչ վերաբերվում էր ամբողջ երկրին։

Դարերի մի սե, անթափանցելի բիծ զրոշմվեց Հայության մարմնի վրա, իսկ երբ այդ բիծը սկսեց կամաց-կամաց տեղի տալ լուսին, մեր իրականության մեջ Հանդիս եկած դրություններից մեկն էլ Անին էր, բուերի և կարիճների բույն դարձած, քանդված պատերի, քարակուտերի մի տարածություն, ուր այլևս ոչ մի ձայն, ո՛չ մի ծատուն շկար։ Ո՞վ վերջին անգամ փակեց մեռնողի աշքերը։

Հայտնի չէ Ավերակները սարսափ, սնուտի երկյուղ էին պատճառում. մնացել էր ավանդություն, որ գեղեցիկ քաղաքը մի հոգեորականի անհծովվ է այդ վիճակին հասել։ Աստուծու բարկությունն էր այդտեղ թափվել, իսկ ուր կա այդպիսի նախապաշարմունք, այնտեղ մութ ամբոխը մի փըրկարար երկյուղի մեջ է։ Փրկարար այն կողմից, որ ավերակները նոր ավերողներ չունեցան։ Նրանք մնացին մարդկանցից Հեռու, միստիկական մշտուով պատված, և պահվեցին այդ հանգամանքի շնորհիվ։ Նրանք մոռացության էին դատապարտված, իսկ մոռացությունն այն պատն էր, որի հտեւում նրանք պատսպարվեցին երկար դարեր։

Անին մոռացված էր, բայց անեցին չէր մոռացվում։ Պարծանք էր անեցի լինելը, որովհետև Անին մի բարձր կուլտուրական, բնարյալ, ազնիվ և զարմանափ բնույնակ ժողովրդի անուն էր։ Հայերի մեջ զեռ այդպիսի բարձր, ազնվական տիտղոս ոչ մի նահանգ, ոչ մի քաղաք չէր ստեղծել։ Անեցի լինելը մեծ պարծանք էր, թեև իրապես անեցի լինելը նշանակում էր լինել հայրենիքից զուրկ, թափառական, օտար երկնքի տակ դեգրող։ Դառն ճակատագիրը քշում էր անեցուն ամեն տեղ, որա պես գաղթական չէ եղել նույնիսկ Հայերի նմուն մի ազգի մեջ, որ, հրհաներից հետո, առաջին համաշխարհային թա-

փառականն էր։ Անեցին տեղափոխվում էր Հայաստանի զանազան կողմները, նա նույնիսկ պատռեց Ասիայի սահմանները և ահագին քանակությամբ ցըլից այնպիսի հեռաստաններում, ինչպիս են Ղրիմ, Լեռաստան, Հունգարիա։ Բայց ամեն տեղ նա տանում էր իր սլաքանքը, այն, որ նա անեցի է, եվ այն ժամանակ, երբ Ախուրյանի ափին կարիճներ էին միայն սողում պալատների, եկեղեցիների, պարիսեների հոյակալ բեկորների մեջ, զաղթական անեցու երրորդ կամ շրրորդ սերունդը, նստած Ղրիմի ափերում, Հիշատակարան էր զծագրում, որի մեջ, նկարագրելով իր տարարախտ, ողբալի ներկան, միմիթարելում էր իր հեռավոր անցյալը Հիշելով, այն, որ Ղրիմի հայ գաղթականությունը Անիից է դուրս եկել։ «Մենք, — սրտառու Հպարտությունը պատմում է Հիշատակարանը, — Պահլավունիների սերունդից ենք, Անի մեծ, թագավորանիստ քաղաքից։ Մեր Անի քաղաքը իշխանների և աղնվականների բնակության տեղ էր և շենք կարող սահմանի մեջ զցել ու պատմել այն անսահման և անհուն հարստությունները, որ ուներ ժողովուրդը՝ աղնվական իշխաններից սկսած մինչև գոեհիկները։ բացի յուրաքանչյուրիս ուկեղօծ, զանազան պալատներից, ունեինք նրա մեջ և հազար ու մի եկեղեցի»¹։

Դարերի ընթացքում անեցի գաղթականը ամեն ինչ մոռացավ Եվորպայի հոգի վրա։ և իր լեզուն, և իր ազգային ավանդությունները, բայց երբեք շմոռացավ և նույնիսկ այժմ էլ չէ մոռացել մի բան՝ որ նա Անի քաղաքից է։

Անին պարծանք էր, բայց կա՞ր նրան տեսնելու տեսչանք։ Մեր մատենագրության մեջ ոչինչ Հիշատակություն չկա ավերակների քաղաքի դրության մասին։ Միայն XVII դարի հեղինակ Երեմիա Չելեպին իր մի գրվածքի մեջ Հիշում է, որ տեսել է Անին ավերակ դրության մեջ, ինչպես ավերակ էին և նրա շրջականները։ Օտարազգի ճանապարհորդներից էլ նույն այդ դարում մի երկու հոգի անցողա-

¹ Կաֆայի (Թեոդոսիայի) Յայոմաւուրքի հիշատակարանը, տե՛ս Մ. Բժշկյանի «Ճանապարհորդութիւն ի Լեռաստան», Վենետիկ, 1830, էջ 337.

իր հիշում են Անին իրեւ հեռվից տեսած։ XVIII դարում և ոչ մի հիշատակություն...

Բայց չէ կարելի ասել, թե ավերակները միանգամայն մոռացված էին հայերի մեջ, նկարագրող այցելուներ զգացին, բայց հայտնի էր, որ կա Անին, հայը ուներ իր Անի քաղաքը։ Նշանակելու արժանի է, որ այս երկու բառերը միշտ անբաժան էին գործածվում։ Խոտակացի ճանապարհորդ Զեմելին XVII դարում այդպես էլ անվանում է ավերակները՝ «Առն-Կագա»։ XVIII դարի վերջին քառորդում, ինչպես հայտնի է, Հովսեփի արքեպիսկոպոս Արդությանը բանակցություններ էր վարում ուստաց կառավարության հետ՝ հայկական մի անկախ պետություն կազմելու մասին։ Հայտնի են և այն պայմանները, որոնք այդ քաղաքական կազմակերպության հիմքը պիտի կազմեին, դրանցից մեկն էր մայրաքաղաքի հարցը։ Եվ Արդությանը առաջարկում էր, որ մայրաքաղաքը լինի կամ Անին կամ Վաղարշապատը¹։

Անունը կար, բայց ինքը անհայտության մեջ էր, նախապաշտված մտքին առ աղդող ավերակի, այն էլ անեծքի տակ ճնշված ավերակի մթության մեջ խորասուզված...

IV

ՊԱՇՏԱՄՈՒՆՔԻ ԴԱՐ

Ուղիղ հարյուր տարի առաջ, 1804 թվականի մայիսի 17-ին, Անիի դռներով ներս մտան երկու հայ քահանաներ, Տեր-Խաչատուր և Տեր-Հովհան։ Երկուան էլ էջմիածնից էին, ճանապարհորդում էին հին շինությունների արձանագրությունները արտագրելու համար։ Անիի մեջ այդպիսի մի գործ կատարելը հեշտ չէր. օրեր էին հարկավոր մանրամասն կերպով ավերակները հետազոտելու համար, իսկ Անին մի անընակ տեղ էր, ավագակ ազգաբնակությամբ շրջապատված, ապրուստի ոչ մի հարմարություն չուներ։ Այդ պատճառով երկու քահանաները միայն կարողացան մի պտույտ անել ավերակ քաղաքում և, որքան հայտնի է, երկու հատ արձա-

¹ Помто, Кавказская война, т. III, СПб, 1888, стр. 719.

նադրություն, արտագրել։ Նրանց ուշադրությունը ամենից շատ գրավեցին երկու եկեղեցիներ—Մայր եկեղեցին և նրա կողքին գտնվող ս. Փրկիչը։ Ամեն մեկից մի մի հատ արձանագրություն վերցրին նրանք, իսկ մյուս եկեղեցիների վերաբերմամբ բավականացան մի թուցիկ հաշվով։ Եթե հավատանք նրանց, այդ ժամանակ Անիում կարելի էր համրել մինչև քառասուն եկեղեցի։

Իաշատուր և Հովհան քահանաները առաջինն էին, կարապետները։ Նրանց է պատկանում մեռած քաղաքի պատերի վրա խոսող գրությունները արտագրելու առաջին փորձի պատիվը։ Կարո՞ղ էին այդ համեստ, ոչինչ պատրաստություն չունեցող հնասերները երևակայել, թե իրանց առաջին քայլերով բաց են անում լուրջ հետազոտությունների մի երկար շարք, որ տեսում է մինչև այսօր և ոչ միայն դեռ չէ վերցացել, այլ, ընդհակառակն, այն է ցուց տվել, թե իսկական ուսումնասիրությունները դեռ այսուհետեւ պիտի սկսվեն։

Բայց քահանաների գործը անհայտ մնաց և մեռած Անին ապրող աշխարհի հետ ծանոթացնելու տեսակետից ոչ մի նշանակություն չուներ։ Ավելի իրական էր այն ծառայությունը, որ Անիին մատուցեց Ռուբերտ Կեր-Պորտը անգլիացին։ 1817 թվականին նա ճանապարհորդում էր Ախուրյանի շրջականերում և իր ունեցած ժամանակից մի օր էլ Անին տեսնելու համար նշանակեց։ Նոյեմբերի կարճ օրը (15-ին) բավական չէր, որ նա լիակատար հասկացողություն կազմեր ավերակների մասին, իսկ գիշերելու մասին չէր էլ կարելի մտածել։ Իր ճանապարհորդական նկարագրության մեջ Կեր-Պորտը երկու-երեք երես միայն նվիրեց Անիին։ Բայց ի՞նչ երեսներ։

Հպարտ բրիտանացին, Եվրոպայի քաղաքակիրթ և առաջավոր ազգի զավակը, որ շատ տեղեր, շատ պատմական վայրեր էր տեսել, միանգամայն հիացած էր մեր անտեր Անիի վրա։ Այնքան խիստ, այնքան վեհ տպավորություն գործեցին նրա վրա Բագրատունիների շենքերը, որ նա,

¹ Երկու քահանաների ճանապարհորդությունը, որքան դիտենք, ոչ մի տեղ չէ հրատարակված։ Նրանց հիշում է միայն Մ. Բժշկյանը իր «Անիի պատմության» մեջ։

հափշտակված, ասում էր, թե այսքան հիանալի նրբություն, և ոյս գեղեցկություն ճարտարապետական արվեստի մեջ շէ կարելի գտնել և Եվրոպայում, նույնիսկ Անգլիա եկեղեցիների վրա, Մի կարճ օրվա տպավորություն, բայց նա այնքան հափշտակիլ էր, որ Կեր-Պորտը ըստ շափականցությունների մեջ էր ընկնում:

«Քաղաքը մտնելուդ պես,—զրում է նա,—առջևդ մի տիտոր տեսարան ևս տեսնում՝ խոշոր քաղերով, սյուների գլուխներով և եկեղեցիների բազմաքանդակ շքեղությանց ուրիշ մնացորդների ավերակներով լցված, բայց երբ քիչ առաջ ևս գնում, պատահում են մի քանի եկեղեցիներ, որոնք դեռ անխախտ են մնացել և նրանց ավերակ անվանելը համարյա թե անտեղի է»:

Կեր-Պորտը իհացրեց մանավանդ թագավորական պալատը: «Մի շինություն է դա, որ արժանի է այս հին մայրաքաղաքի համբավին: Երկայնացած ձգված է նա քաղաքի պարիսպներից մինչև խոր ձորը և ինքը մի առանձին քաղաք է, թվում: Այսպիսի ճոխություններով է զարդարված ներսից և դրանց, որ անկարելի է նկարագրության և ոչ մի խոսքով արտահայտել ամրող շինության երեսը ծածկող ճարտար քանդակների զանազանությունն ու հարստությունը և նրա անթիվ սենյակների հատակները զարդարող նուրբ մողափի նմանությունը»:

Այս նկարագրությունը լույս տեսավ 1820-ին: Եվրոպական հռչակի առաջին քարը զրված էր և Անին կարող էր հույս ունենալ, որ իր շքեղությունները միայն քրդերին ու կարիքներին շնորհած Մի քանի տարուց հետո (1828-ին) սկսվեց առաջին ուսու-թուրքական պատերազմը: Կարսր, իրեն նշանավոր բերդ, թե այդ և թե հետագա պատերազմների մեջ այն ուղմական կարեռ կետն էր, որի շուրջը կենտրոնանում էին ուսու զորքի զործողությունները: Անին հեռու չէ Կարսից, նույն պատերազմական բեմի մի մասն է կազմում: Եվ ահա ծանոթանալու մի նոր միջոց: Քաջության, ավերակների ողով վառված զինվորականները տեսնում են Հին, ուժասպառ բերդը, որ ուղմական ժխորի մեջ հիացնում է նրանց իր բարութանդ գեղեցկություններով: Ռուս օֆիցիե-

ները գրում են իրանց հիշողությունները, որոնց մեջ տեղ է բռնում և Անին: Այս առաջին ուսու-թուրքական պատերազմի կիսապաշտոնական նկարագրության մեջ կարդում ենք Անիի գեղեցկությունները դրվատող տողեր:

«Կարսի փաշալրգում,—ասված է այդտեղ,—ուշադրության արժանի են Հայաստանի հին մայրաքաղաք Անիի ավերակները: Նրանց կարելի է տեսնել նույն անունը կրող մի փոքրիկ գյուղի մոտ, Արփաշայի այն ափին, որը խառնվում է Զայա-սու գետակը: Հայկական թագավորների ինքնակալ իշխանության այս կենտրոնատեղիի անցյալ փառահեղության և հարստության մասին մինչև ալժմ էլ պահպել են ժողովրդական բազմաթիվ ավանդություններ: Այս քաղաքը, սկսելով ժաղկել VIII դարից, հետզհետե շատացնում էր իր բազմամարդությունը և համբավը մինչև պարսիկների և թաթարների արշագանքի ժամանակը: XIV դարի սարսափելի երկրաշարքը լրացրեց Անիի գեղեցիկ մնացորդների վնարջնական ուրնացումը, մնացորդների, որոնք դեռ Անիի ժամանակակից որության նկարագրությունը չեր, այլ նրա անցյալի պատմությունը: Մինաս Բժշկյանը, Ղրիմի հայ-կաթոլիկ համայնքի առաջնորդը, մտագրված լինելով տալ թե Ղրիմի թերակղզու և թե Լեհաստանի, Հունգարիայի, Վալախիայի և այլ տեղերի հայաղթականությունների նկարագրությունը, ճանապարհորդեց ամեն տեղ, նյութեր հավաքեց: Գրելով իր այդ ճանապարհորդությունը, նա աշքի առաջ բերեց, որ իր տեսած բոլոր գաղութները Անիից են դուրս եկել, ուստի և ուղեց նախ տալ մայրաքաղաքի պատմությունը, ապա նկարագրել նրա արձակած ճշուղերի ամժման խեղճ դրությունը: Այսպես կազմվեց Մ. Բժշկյանի «Ճանապարհորդութիւն ի Լեհաստան» գործը:

Բայց ի՞նչ պատմություն կարելի էր գրել, երբ Անիի ավերակները դեռ չեն հետազոտված: Բժշկյանը միտք էլ չէ

ունեցել նոր հետազոտություններով նոր լուսաբանություններ մտցնել սուսի քաղաքի անցյալի մեջ: Նա պարզապես արտագրել, դասավորել է այն ամենը, ինչ կա մեր մատենագրության մեջ Անիի մասին: Դա հետաքրքրական մի գործ կլիներ հայ ընթերցողների համար, որոնք միշտ չունեն կարդալ հին մատենագրությունը:

Սակայն Բժշկյանի գործը ուներ և մի աչքի ընկնող նորություն: Նրա մեջ դրված էին վերոհիշյալ Խաչատուր և Հովհան Քաջանաների արտագրած երկու արձանագրությունները, որոնք դալիս էին ցույց տալու, թե Անին ամեննեին լուսումունջ մի սփինքս չէ, այլ ունի լեզու, խոսում է իր փլատակներից և կարող է շատ հետաքրքրական տեղեկություններ հազորներ: Ահա Մ. Բժշկյանի գործի միշտով ինչ էին իմանում հայ և օտար բանասերները:

«Պատմական գիտությունների սիրողները, — գրում է ակադեմիկոս Բրոսսեն¹, — ենթադրում էին, որ Հայերի մշտական սովորությանը նայելով, այդքան հասարակական շինությունների պատերի վրա պետք է պահպանված լինեն հնության հետաքրքրական հիշատակարաններ, խնայված ամեն ինչ ջնջող ժամանակի և մարդկային քանդող ձեռքի կողմից: Եվ, իրավ, երկու հայ քաջանաներ, տեսնելով Անիի ավերակները 1804 թվականին, մեզ թողին այդ ավերակների համառոտ նկարագրության հետ և մի արձանագրության պատճենը... Եվ, բացի դրանից, նրանք ցույց տվին, որ ուրիշ շատ արձանագրություններ էլ կան»:

Մենք տեսանք, որ երկու համեստ քաջանաների գործը դեռ բավական չէր Բագրատունիների մայրաքաղաքը լուսավոր աշխարհին ներկայացնելու համար. Հարկավոր էր, որ դեռ ուրիշ եվրոպացի ճանապարհորդներ էլ գային, հանձնարեին ավերակ քաղաքը եվրոպայի ուշադրության: Եկողը մենակ Կեր-Պորտը չէր: Երեսնական թվականների երկրորդ կեսը Անիի համար բախտավորության մի հաղվառյութ շրջան էր: Այդ ժամանակ նրան միմյանց ետևից այցելեցին մի շարք եվրոպացի ճանապարհորդներ, որոնցից երեքը անգլիացի, մեկը գերմանացի, երկուսը ֆրանսիացի:

Անգլիացիներից առաջինն էր Հեմիլտոնը, որ տեսակ Անին 1836-ի հունիսի 13-ին և գրեց հետևյալ տողերը. «Ներքին գոնից ներս մտնելով, տեսանք ամբողջ քաղաքը, որ իր պարիսպներով տարածված էր մեր շուրջը ամեն կողմ. և թեև շինությունների ավերակները մեր կարծածի պես բազմաթիվ չէին, բայց ազդու և համարյա թե ահարկու էր քրիստոնյա քաղաքի տեսքը, մի քաղաքի, որ շինված է մի ինչ-որ ինքնուրույն, այժմյան եվրոպայում անծանոթ ձևով և որ մնացել է համարյա նույն այն վիճակում, որի մեջ թողին նրա ավերակները ութ գար առաջ: Քաղաքի ամրողջ երեսը ծածկված էր փոքր շինությունների և առանձին բնակարանների փլվածքներով, որոնց մեջ նշմարվում էին մոտ քսան հատ հասարակական մեծ շինություններ»:

Մյուս տարին, 1837-ի մայիսին, Անի մտավ գերմանացի բուսաբան Կոխը: Նրան հետաքրքրողը ավելի Շիրակի գաշտի բուսականությունն էր, բայց և այնպես, նա էլ հիացավ այդ բույսերով ծածկված, այդ բույսերի մեջ բարձրացած ավերակների վրա:

Երկու շաբաթից հետո եկավ էրրոտ անգլիացին, իսկ նույն տարվա ձմեռնամուտին՝ նրա հայրենակից Ուփլիքհեմը: Վերջինս այսպես էր ձևակերպում իր ստացած տպավորությունը.

«Սրտիս շատ մելամաղձիկ զգացմունք է ազդում այս անապատացած քաղաքի տեսարանը. Նրա լքված եկեղեցիները հիշեցնում են, որ այստեղ մի հզոր քրիստոնյա ազգ է ընկած Ասիայի ամենաանգութ բարբարոսների և քրիստոնեության անհաշտ թշնամիների բազմաթիվ անգամ կրկնված հարվածների տակ: Շինությունները ամբողջ են մնացել, և այս հանգամանքը անհասկանալի է դարձնում այստեղի միայնությունը. ակամա կերպով աշքը թափառում է շորս կողմում, որոնելով կենդանության նշաններ: Այսպիսի զգացմունք չէ հարուցանում հին ժամանակներից մնացած ավերակների տեսքը: Բարելոնի անկերպարան հողարկուները մեռելների կմախքի պես են երևում. իսկ այս ամացած և դեռ կանգուն քաղաքը թվում է թե նմանվում է

¹ „Կավկազ“ լրագիր, 1852, № 18:

նոր անշնչացած մի դիակի, որի մեջ գեռ երևում են կենդանության նշույլները:

Մինչև այստեղ մասնավոր ճանապարհորդների տպավորություններ, Հիացմունք, խանդաղատանք, բանաստեղծական նմանություններ, Անգլիացի ճանապարհորդների այս և սրա նման ուրիշ նկարագրական գեղեցիկ կտորներից զրդված ֆրանսիական կառավարությունը 1838-ին Անի ուղարկեց մի հմուտ լեզվագետի, որի անունն էր Էռժեն Բոբե, ճանձնարարելով նրան քննել այդպիսի Հիացմունք պատճառող ավերակները գիտնական տեսակետից: Բոբեն առաջին լուրջ ուսումնասիրողն էր Անիում: Յոթն օր (օգոստոսին) մնաց ավերակների մեջ, մանրամասն քննեց և արտագրեց արձանագրությունները: Ֆրանսիացի գիտնականը Անիի ճարտարապետության մեջ գտնում էր բյուզանդական և արևելյան ոճերը, որոնց մեջ նկատում էր և բուն Հայկականը: Հայ ճարտարապետները ստրկորեն նմանվողներ շէին, այլ այդ երեք ոճերն ինքնուրույն կերպով գործադրողներ, և նրանց ձեռքի գործը այնպիսի նրբություններ ունի, որ դրանց տեսնողը չի նախանձի հունական ճարտարագործներին: Բայց մեր գիտնականը միշտ այսպիս սառնդատող չէ, նրան էլ վարակում է ավերակների աղղած հափշտակությունը, և նրա գրիչը գծագրում է այսպիսի տողեր.

«Մեծ բաղդանքով մտանք Անիի հյուսիսային ավագ զոնով, որ բացված էր կարծես մի տոնական օրի համար, որպեսզի ուրախ բաղարացիների բազմությունը դուրս գա. Նրա ներքին մասը մեր աշխին թափուր երևաց՝ ինչպես կողոպտված գերեզման... Պատերի վրա երեսում են բալիստրների և պարսպարերի հետքերը, նրանք հարվածել են, քանդել են, բայց և այդ բոլորից հետո քանդակներն ու արձանագրությունները, ամեն ինչ միացած պարզ և ցամաք երկնքի հետ՝ մի շտեսնված նորության և թարմության երեսըթ են ներկայացնում. կարծես թե գեռ երեկ էր, որ հարձակվեցին բազարի վրա և հաղթողը նոր է վերցրել ու տանում է կողոպուտները: Հասակ քաշած և արեից խորշակահար եղած խոտերը ծածկում էին գետնի երեսին փուլած ավերակները: Հովհիվը իր հոտը այստեղ արոտ չէ բերում. բաղարի մեջ

ամեն ինչ թվում է անիծված: Արևմտյան կողմում ծածկված, ծայրերը կոտրտած թագավորական ապարանքը կորացած կուցած է Սաղկաձորի վրա, որ այժմ ցամաքած է և ամայի. Հարավից Միջնարերդը քայլաված պատերով ցցված է բարձրավանդակի վրա, իսկ արեկլթից Ախուրյանի ձայնը, մոնշալով հատակի քարքարոտներում, հնչում է որպես բնության ողը համաշխարհային սգի մեջ: Եկվոր պանդուխտը մենակ թափառելով այս ավերակների մեջ և ամեն մի քարից հարցուփորձ անելով այդ տեղի և նրանում մի ժամանակ ապրած աղղի հիշատակներն իմանալու համար, տիրությամբ է համակվում, երբ տեսնում է, թե մարդը ինչ ավերածություններ և անզթություն է գործադրել իր եղբայրմարդու վրա, որի հետ պարտավոր և արժանի էր, որ ապրեր իսպահության ու հանգստության մեջ:

Ֆրանսիական կառավարությունը շրավականացավ հմուտ լեզվագետի ուսումնասիրությամբ. նրա գործը լրացնելու համար Հետելյալ, 1839 թվականին Անի ուղարկվեց ճարտարապետ Տեքսին: Սրան ճանձնարարված էր ընդօրինակել, թղթի վրա գծագրել Անիի շինությունները: Բայց այդ բարդ ու ծանր գործին Տեքսին շատ քիչ ժամանակ նվիրեց, շորս օրից ոչ ավել Հասկանալի է, որ որքան էլ հմուտ ճարտարապետ լիներ նա, դարձյալ չէր կարող այդքան կարճ միջոցում ամենայն ճշտությամբ ներկայացնել թղթի վրա Անիի զարդերը, թեև իր հետ ուներ երկու օգնականներ էլ, հայց երկար ժամանակ նրա նկարած տեսարաններն էին Անին ներկայացնող միակ պատկերները. և բոլոր պատկերագրդ նկարագրությունների մեջ, մինչև նույնիսկ վերջին ժամանակներս, Տեքսինի նկարներն են երեսում, թեև լուսանկարչությունը վաղուց է, ինչ սկսել է տալ ավերակների չիշտ պատկերները:

Ինչ ասել կուզե, որ Տեքսին բացառություն շկազմեց իր նախորդների մեջ: Նա էլ հիացած նկարագրություններ է տալիս և փառահեղ ավերակների տեսարանի մեջ զետեղում է բնության երեք շմաշվող, ավերականալու ոչ մի երկյուղ չունեցող ահավոր կոթողը, Մասիսը...

Բայց սխալ կլինի կարծել, թե Անին միայն անցյալ էր

հիշեցնում և ներկայի վերաբերմամբ ոչ մի պաշտոն շունչեր կատարելու, թե նա միայն բանաստեղծական զեղումներ և հիացական տրամադրություն էր ներշնչում, առանց որևէ կապ ունենալու իրականության հետ։ Այդպես չեր։ Չնայած իր քայլայված դրության, նա անցյալից պահած իր խղճալի ցնցոտիներով բավական ուժ և կարողություն ուներ՝ ներկա հայությանն էլ ծառայություններ մատուցանելու։ Անին շարունակում էր պաշտպանել Հային։ Պաշտպանում էր ոչ թե իբրև բերդ, ոչ թե վայրենիների հարձակումներից ու կեղեգումներից։ Ո՛չ, այդ կողմից նա միանգամայն անզոր էր։ Նա պաշտպանում էր իրեն կառուցանող ժողովրդի այժմյան մնացորդների պատիվը, բարեխոսում էր նրանց համար։

Եվ սա փոքր ծառայություն չեր։ Ինչո՞վ փոքրիկ ու իւնդ Հունաստանը 1820-ական թվականներին արժանացավ և վրոպական ազգերի ջերմ համակրության, ինչո՞վ նա մի անսակ պաշտամունք, սրբազն հասկացողություն դարձավ կաննինդի պես երևելի պետական մարդկանց և Բայրոնի պես բանաստեղծական հանճարների համար։ —իր հին անցյալով միայն։ Ծերերը իրանց դարավոր անհիշելի գերեզմաններից՝ Հոմերոսները, Ֆիդիասները, Սոկրատները բարեխոսում էին ներկայի թշվառության, անկման մասին։ Եվ լուսավոր աշխարհը լսեց նրանց, այդ մեծ երախտավորներին։

Մեր Անին էլ, թեև անհամեմատ փոքր շափերով, նույն բարեխոսի, նույն պերճախոս վկայի գերն էր կատարում։ Նրան անսնում էին, հիանում։ Բայց դա բավական չեր։ Անիի շրջականներում, Ալաջա սարի ստորոտներին, Շիրակի լայնատարած դաշտերում այժմ էլ ապրում է հայ ժողովուրդը։ Շանապարհորդը տեսնում է նրան, խղճում։ Դա մի տափակած, խեղճ, անկարող ազգաբնակություն է։ Նրա տները ստորերկոյա որչեր են, նրա շինությունները կիկլոպյան կույտեր են ներկայացնում, հազիվ տաշած ահագին քարերի հին, նախապատմական շարաններ։ Կեղտի, մթության, ցնցոտիների մեջ է անցնում նրա ամբողջ կյանքը, կարծեաթե այդ ժողովրդին դարերի ընթացքում չէ դիպել առաջա-

դիմության շունչը, կարծես նա երբեք չէ եղել կուլտուրական ազգերի թվում։

Այսպես տրամադրված ուղևորը գնում, տեսնում է Անին, և քարակուլտերը, սյուների բեկորները, հրաշալի քանդակները, կրակոտ լեզու ստանալով, նրան հասկացնում են, որ շրջակա ժողովուրդը այդ աստիճանին հասել է բարբարոսության մի շարք դարերի ընթացքում, որ նա անշարժություն չէ ներկայացնում իր գոյության սկզբից, այլ այժմ անկման մեջ է, մի անկում, որ երկար ստրկության հետեւանք է։ Այդ ժողովուրդը ունեցել է իր կուլտուրան, իր զարգացած, նուրբ ճաշակը, ստեղծագործական տաղանդը։ Ապացուց—ինքը, Անին։ Բայց բարբարոսության սարսափելի ձեռքը իջավ նրա վրա, սևացրեց նրա օրը, հիմնահատակ քարուքանդ արեց նախկին կուլտուրական ընդունակությունները, ավերակ դարձնելով նրա սիրտն ու միտքը, կարիճներ և խեցգետիններ բնակեցնելով նրա մտավոր տաճարների մեջ։ Ապացուց—դարձյալ ինքը, Անին։

Տեքսին, ավերակների վրա ընդհանուր ակնարկ գցելով, ասում է. «Այս բոլորը փոքրագիր է, եթե դատելու լինենք քանակության կողմից. բայց այնքան խնամքով զարդարած և ծածկված այնքան ճշմարիտ նմանություն բերող քանդակներով, այնքան ինքնուրույն ոճով, որ հազիվ կարելի է այս հիշատակարանների մեջ,—որոնք հունական ճաշակ և փափկություն են արտահայտում,—ճանաշել այն ազգի մտքի ծնունդը, որ մեր օրերում կորցրել է արվեստի ամեն մի զգացմունք և նույնիսկ բոլորովին չէ հիշում, թե ինչպիսի մարդիկ էին իր նախնիքները»։

Նույնը, Տեքսինից 38 տարի հետո, 1877-ի ուսու-թուրքական պատերազմի ժամանակ գրում էր ուսու օֆիցերներից մեկը, որին վիճակված էր իր զորաբաժնով ապրել Անիի ավերակների մեջ։ Նա ասում է իր բանակատեղիի հմայքները նկարագրելուց հետո. «Մի երկրում, ուր ներկա ժամանակ միակ բնակարաններն են հողի մեջ փորած խրճիթները, որոնց մեջ միայն փայտե գերանն է բաժանում տանտերերին իրանց անասուններից, մի տեսակ օտարութի բան է թվում տեսնել փառահեղ պալատների մնացորդները, գե-

զեցիկ կերպով պահված արձանագրություններով, որոնք արտիստիքական կերպով քանդակված են ինն, տասը գար առաջ կառուցված շինությունների պատերի վրա»¹:

Այս, պետք է օտարութի թվա: Նախնիքների և ժամանակակից սերունդների մեջ մեծ վիճ էր կազմվել, լցված նախապաշտարմունքներով, տղիտությամբ, բարբարոսության լուծի տակ զարգացած ստրկական հասկացողություններով: Ժողովրդի վերաբերմունքը գեղի Անին նկարագրել է Խաչատուր Արովյանցը իր «Վերք Հայաստանի»-ի մեջ, որ, ինչպես Հայունի է, դրված է 1840—1842 թվականներին:

Այդ գեղի մեջ Անին բավական մեծ տեղ ունի բռնած: Բայց, ինչպես երեսում է, Արովյանցը շեր տեսել ավերակ մայրաքաղաքը, և մենք իգուր պիտի որոնենք «Վերք Հայաստանի»-ի էջերում նրա ճիշտ և մանրամասն նկարագրությունը: Դրա փոխարեն Արովյանցը տալիս է մեզ լիակատար հասկացողություն, թե ինչ համբավ ուներ Անին հայ ժողովրդի մեջ: Դուք զիտեք, որ Աղասին հաստատվել էր Անիում և այդտեղ էլ ազատեց հարյուրավոր հայերի, որոնց Երևանի խանը գերի էր տանում Կարսի կողմերից: Ինքը, հերոս, կարդալ շգիտեր, և գերիների թվում եղած հայ բահանան է պատմում նրան, թե ինչ է եղել Անին, ինչո՞ւ այսպիսի դրության մեջ է ընկել: Աղասին լսում է, որ Հռվիհան Երզնկացի անունով մի վարդապետ անիծել է Անին և իր բնական խելքով հասկանում է, որ այդպիսի բան շեր կարող լինել, որ անեծքով այդպիսի մի ահագին քաղաք էր կործանվի: Եվ նա վճռում է շենացնել Անին, բնակեցնել այնտեղ բոլոր ազատված գերիներին:

Դուք, անշուշտ, գիշում եք, թե ինչ դժվարությունների հանդիպեց նա: Անիծված տեղում ապրելու միտքը սարսափ է պատճառում ստրուկ ամրութին, որ նոր էր ազատվել գերության շղթաներից: Հիշո՞ւմ եք, թե ինչ դառն գանգատներ է դուքս բերում հերոսի բերանից ամրութի ալդ քարային համառությունը.

«Ասենք թե տգետ խալիը էսպես բանը լսել, ասում ա-

¹ Сборник военных рассказов кн. В. Мешерского, т. V., СПб., 1879, стр. 137.

կարգավորին ի՞նչ ա էլել, որ նա էլ ա հաստատություն տալիս, թե էսպես հրաշալի քաղաքը անեծքով ա կործանվել: Առաջինը սուրբ մարդի բերնից անեծք բառը խոսք չի պիտք է զուս գա, զուս էլ էկավ, Սրարիշ, երեսս ոտիդ տակը, զուպետք է մեկ մարդի խաթեր միլիոն հոգի՝ կորցնես: Թե պետք է կորցնեիր, ընչի՝ ստեղծեցիր»:


Սակայն այս պարզ ու հասկանալի դատողությունը ամբոխի համար չէր: «Մնապաշտությունն ու սուրբ Հովհաններնկացվու անեծքի սուրբ էնպես էին նրանց սրտումը զցվել, որ հազար քարոզ ու քյալփաթին ըլէր՝ չը կարող հանիլ»:

Արովյանցը բերում է և այդ ամբոխի իսկական խոսքերը:

«Իմա՞լ կեղնի, անիծած խողում վո՞վ կմնա: Յայսմալուքն սուստ իմա՞լ կխոսի: Մեր վիզը դարկես, մեր զանը խանես, վալլախայ էս չօլում կեցօղ հմլայ մեկն էլ ա շեղնի, շեղնի: Խազար տարի խա ասա՛, խա գլուխդ ի քարին զարկի: Մենք շընք կենա, շընք կենա»:

Զարմանալի շեր, որ Անին մի տարօրինակ երեսութ էր թվում այս տեսակ ժողովրդի մեջ Անին անիծված տեղ շեր Տիայն քուրդ ավագաների, թունտվոր կարիճների և խեցետինների համար: Խսկ նրա աննման գեղեցկությունները հասկանալի էին հեռու տեղերից եկած ճանապարհորդներին: Հայ ամբոխը վախենում էր նրանից, փախչում էր: Եվ նույիտեր մինչև անդամ, որ Անին բարեխոսում է նրա համար, հասկացնում է իր այցելուներին, որ այդ ամբոխը այդքան ժժրախտ է իր տղիտության և գերության պատճառով:

Քառասնական թվականներին էլ Անին առանձին ուշագրության, բազմաթիվ այցելությունների առարկա էր: Գիոնական աշխարհը հետաքրքրվել էր հոչակալոր ավերակներով, և այցելուներից շատերի համար զիսավոր դործն էր արձանագրություններն ընդօրինակելը: Պե՞տք է ասել, որ օտար այցելուները անձեռնհաս պիտի լինեին այդ գործի մեջ: Նրանք շգիտեին հայերեն լեզուն և կարող էին միայն մերենաբար արտանկարել քարերի վրա փորված տառերը, մինչեռ, նախ պետք էր կարդալ արձանագրությունները և,



Լեռ (առինց՝ սուաշինը), Ա. Ֆերդանյանը (երրորդը) և Բ. Թորամանյանը
(աջից՝ սուաշինը) Անվաճ:



Լեռ (աջից՝ կորուրդ), Ն. Մարտ (երրորդը) և Ա. Ֆերդանյանը (ծախիկ սուաշինը) Անվաճ:

ապա մտածել արտագրելու մասին։ Հարկավոր էր, որ հայ-
լերը աշխատեին այդ ուղղությամբ. փոքրիշատե անթերի
գործ գլուխ բերելու պարտականությունը նրանց վրա էր
ընկնում, եվ ահա քառասնական թվականներին Անին այ-
ցելող հայերից մեկը ամենայն բարեխղճությամբ կատարում
է այդ պարտականությունը,

1842 թվականին Թիֆլիսում հրատարակվեց Սարգիս
վարդապետ Զալալյանցի ճանապարհորդության առաջին
հատորը, որի վերջում հեղինակը, հասնելով Ախուրյան գե-
տին, հայտնում էր, թե այդ գետի մյուս (թուրքական) ափում
գտնվող հնությունների մասին ինքը պիտի խոսե երկրորդ
հատորի մեջ։ Այդ հատորը հրատարակվեց շատ ուշ՝
1858-ին, և սկսվում էր Անիի նկարագրությամբ, որ պարզ
ցույց է տալիս, թե Զալալյանը Անիում չէ եղել կամ տեսել
է նրան շատ հեռվից։ Իսկ նրա բերած արձանագրություն-
ները շատ պակասավոր են և, մեր կարծիքով, արտագրված
են ուրիշ տեղից...

Իսկ արտագրելը դժվար չէր, քանի որ այդ ժամանակ
ներում մեր գրականության մեջ երեսց Անիի և նրա շրջա-
կանների մանրամասն տեղագրությունը՝ բազմաթիվ արձա-
նագրություններով։ Առաջին հայը, որին վիճակված էր կա-
տարել այդ գործը, Գևորգ վարդապետն էր, որ այցելեց Անին
1841 թվականի ամառը։ Նրա ճանապարհորդությունը մաս
մաս տպագրվեց Կ. Պոլսի «Հայաստան» լրագրի մեջ,
1849-ին, և այսօր էլ, չնայած բազմաթիվ ուրիշ ուսումնա-
սիրություններին, ներկայացնում է մի լուրջ, բարեխիղմա աշ-
խատություն։ Անիի և Հոռոմոսի վանքի հարյուրավոր մեծ ու-
ժոքը արձանագրությունները Գևորգ վարդապետը արտա-
գրել է հնար եղածին շափ խնամքով և ուշադրությամբ։

Բայց Գևորգ վարդապետից ավելի լավ կատարեց նույն
գործը Վենետիկի Միիթարյան վարդապետներից մեկը՝
Ներսես Սարգիսյան։ Միայն Անին չէր ներսեսի ուշ-
դրության առարկան։ իր ճանապարհորդությունների ժամա-

¹ Ահա, մեր կարծիքով, այսակից է Զայալյանց եղիսկապուշ
արտադրել Անիի արձանագրությունները։ Մի թեթև համեմատաւթյուն
կարող է ամեն մեկին համոզել, որ մեր կարծիքը հիմնավոր է։

նակ, որոնք մոտ տասը տարի տևեցին, այդ եռանգուն հնա-
աերը նպատակ էր դրել ընդօրինակել Հայաստանի և Փոքր
Ասիայի զանազան կողմերում գտնվող հին արձանագրու-
թյունները, ինչպես նրանք կան, առանց իրանից մի տառ,
մի զիծ ավելացնելու կամ պակասեցնելու։ Դա մի դաժան
գործ էր, բայց Սարգիսյանը կատարեց այդ գործը մեծ
համբերատարությամբ, ձեռքից շտալով ոչ մի հնարավոր
զգուշություն։

Անի հասավ նա 1845 թվականի հոկտեմբերին։ Հույս
շնորհով իր սուրբ աշքերի վրա, նա ուներ հետք դիտակ և,
բացի դրանից, Հոռոմոսի վանքից բերեց սանդուղքներ, որ-
պեսզի բարձր տեղերի արձանագրություններն էլ կարողանար
կարդալ։ Յոթն օր մնաց Անիի մեջ և թղթի վրա անցկացրեց
այն ամենը, ինչ գրված էր պարիսպների, եկեղեցիների երե-
սին։ Արտ սպառությունը կատարված է այնպիսի հմտությամբ՝
և բարեխղճությամբ, որ մինչև այսօր լավագույնը շկա մեր
գրականության մեջ, և վետահության արժանին միայն
ներսեսի գործն է։ Բայց նրա ճանապարհորդությունը լույս
տեսավ Վենետիկում միայն 1864 թվականին։

Սարգիսյանի հետ միաժամանակ Անին ուսումնասի-
րելու գնաց Գորպատի համալսարանի պրոֆեսոր և Կով-
կասում կատարած իր հետազոտություններով մեծ անուն
ստացած գիտնական գեոլոգ Սրիխը։ Այդ հանձնաբարու-
թյունը նու ստացել էր ոռւսաց կառավարությունից։ Գիտնա-
կան պրոֆեսորը հնարավոր ճշտությամբ գծեց հինգ վերստ
շրջապատ ունեցող Անիի տեղագրական հատակագիծը, նկա-
րեց գիսավոր շինությունները և բացի դրանից, վերցրեց
տասը հատ կարեւոր արձանագրությունների ճիշտ նմանա-
հանությունը բնական մեծությամբ։ Իր հետ նա տարավ և
մի քար, որի վրա փորագրված էր մի արձանագրություն
1207 թվականից և այդ բոլորը ներկայացրեց գիտություն-
ների Ալաղեմիացին, Պետերբուրգում։ Սրիխի այդ աշխա-
տությունների մասին ակադեմիկոս Բրոսսեն ֆրանսերին
լեզվով մի զեկուցում կազմեց, որ տպվեց Պետերբուրգում։

Հետևյալ տարին, 1846-ին, պաղարյունությամբ հետա-
զոտություններ կատարողների շարքը ընդհատվում է։

Անիի մեջ է մի ճանապարհորդ. որ, բայց պատմական և հնագիտական հմտությունից, ունի տպագործող, գեղագրող ռդի: Դա ուս ճանապարհորդ Ա. Մուրավյանը էր, որի «Գրչունք և Արմենիա» («Վրաստան և Հայաստան») աշխատությունը (իրեք փոքրապիր հատոր) այսօր էլ կարդացվում է հետաքրքրությամբ:

Մուրավյանը Անիին մոտեցավ Ախուրյանի ձախ ափից: Մինչև վերջին պատերազմը սահմանապահ կազակների պահականոցներից մեկը գտնվում էր Անիի դիմաց, բարձրության վրա: Այդուհետից սուս ճանապարհորդը առաջին անգամ տեսավ Թագրատունյաց իշշանքները: Հոկտեմբերի էր, բայց անժամանակ ձյունը ծածկել էր ամեն տեղ:

«Մեր առջև իր ամբողջ գեղեցկության մեջ կանգնած էր Հայոց հին մայրաքաղաքը, — ասում է Մուրավյանը, — փառահեղ Մայր եկեղեցին, քաղաքի միջից, տիրապետում է բոլոր շինությունների վրա. Նրա կողքերին երկու մինարեններ կան: Բայց ահա նորից եկեղեցիներ, որոնք ցրված են Մայր եկեղեցու աջ կողմին, և դրանցից մեկը կարմիր է, աշտարակի ձևով, իսկ նրա ետևում ձգվում է հսկայական ամրությունների մի ամբողջ շրջապատ, ամբողջովին կարմիր քարերից, կարծիս թե արյունով ողողված, թեև այլևս ոչ պաշտոններ կան, ոչ պաշտոններ: Այն ի՞նչ ամայի ըլուր է բարձրանում Մայր եկեղեցու ձախ կողմից, կիսատ սյուներով և կիսատ կամարներով, որոնց կամ մարդիկ չեն կարողացնել շինել-վերջացնել կամ ժամանակն է բանդել: Մայրաքաղաքի Միջնաբերդն է, Բագրատունիների նախկին պայտներն են: Միջնաբերդը մերկացնում է Անիի մեռածությունը, թագավորական պալատներից սկսվեց մահվան սարսափելի հունձը, բայց դեռ ամեն ինչ չէ քանդված այդ քարե արտի վրա: Տաճարները զուր են այդպիս կանգնել ամեն տեղ. նրանց մեջ այլևս աղօթող չկա: Եթե դեռ կան ամայի եկեղեցիներ շրջակա սարերի վրա եամ շրջապարհանդիր ուղևոր, այն գաշտային տարածության վրա, որ մի ժամանակ քաղաք էր, դրանք միայն անցած փառքի հիշատակարաններ են. Անի՝ չկա այլևս: Նրա բոլոր պատուհաններից մահն է նայում. միայն մահն է այդքան բնակարանների մշտական

հյուրը. Նա է զիմավորում ուղևորին բոլոր դռներում, տաշաբներում և ապարանքներում»:

Եվ ամեն տեղ այսպիսի հիացմունք, ոգեսրություն, ժաղկած անցյալի և ավերակ ներկայի համեմատություն: Եսատ տեղեր էր տեսել Մուրավյանը, շատ գեղեցիկ, տպագորիչ տեսարաններ է նկարագրում, բայց Անիի ներշնչած տողերն ամենից շատ ազգու են, խորը թափանցող:

Այս վառվուոն բանաստեղծ-ճանապարհորդից երկու տարի հետո, 1848-ին, արհամարհելով ձմեռվա սաստիկ ցուրտը, որ առհասարակ դաժան է լինում Շիրակի գաշտերի վրա, Անիին տեսության գնաց մի ուրիշ ուսւա գիտնական, Խանիկովը: Նրա ճանապարհորդության բուն նպատակն էր նորից համեմատել և արտագրել Անիի մեջ եղած պարսկական արձանագրությունները: Դեկտեմբերի կեսն էր, ցուրտը հասնում էր 23—24 աստիճանի, Խանիկովը Ղոշավանքի մոտ անցավ Ախուրյանը և կազակների մի օֆիցերի ուղեկցությամբ գնաց, կատարեց իր գործը, արտագրելով 5 պարսկերեն և արարատառ արձանագրություններ: Նույն 1848-ին Անի էր գնացել և Կարապետ վարդապետ Շահնաղարյանը, որ հետո Փարիզում մի շարք հայերեն հրատարակություններ սկսեց:

Խանիկովի հետազոտությունն էլ նախորդ ճանապարհորդների վկայությունները հաստատելով, հասկացնել էր տալիս, որ Անին հետաքրքրական նյութերի մի մեծ գանձարան է: Կովկասյան այն ժամանակվա փոխարքան, իշխան Վորոնցովը չէր կարող առանց ուշադրության թողնել այդ հանգամանքը: Թրոսսեն զրում է, որ իշխանը, «տեսնելով Անիի՝ այսպիս ասում՝ պատմական հանրի այդպիսի հարստությունը և, համոզվելով, որ օգտակար կլինի շարունակել նրա հետազոտությունը», 1849 թվականին ուղարկեց ճարտար գծագրի Կիստներին, որ ամբողջ վեց շաբաթ ապրեց Անիի ավերակների մեջ ու մի շատ հարուստ ալբոմ կազմեց, որ բաղկացած էր թե՛ շինությունների պատկերներից և թե՛ արձանագրությունների ընդօրինակություններից: Կարծեմ ոչ ոք մինչեւ այդ չէր տվել այդքան հարուստ մի ժողովածու վեց շաբաթը բավական մեծ ժամանակ էր ամեն ինչ լսվ

ուսումնասիրելու և տեղնուստեղը թղթի վրա անցկացնելու համար: Կեստները վերադարձավ թիֆլիս, հետը բերելով 65 նկարներ և մոտ 42 արձանագրություններ: Այդ ալբոմը հիացմունք էր պատճառում այն ժամանակվա մարդկանց:

Արձանագրությունները իշխան Վորոնցովի հրամանով հանձնվեցին Թրոստին, որ այդ առիթով մի ուսումնասիրություն տպագրեց «Կավկազ» լրագրում (1852, №№ 18—21): Սակայն այդքանը չէր հանգույցյալ հայագետի գործը: Իր ուրիշ հնագիտական աշխատությունների մեջ էլ նա խոսուել է Անիի մասին, իսկ 1860 թվականին Պետերուրում հրատարակեց ֆրանսերեն լեզվով մի ընդարձակ և մանրամասն հետազոտություն՝ «Leis ruines d'Ani, Capitale de l'Arménie sous les rois Bagratides» վերնագրով: Նա բաղկացած է երկու հատորից և երկու առլասից, որոնց մեջ 45 թերթ պատկերներ կան, Կեստների կատարած գործը: Թրոստին այդ աշխատությունը այնքան մանրամասն է ու լիակատար, որ նույնիսկ հայ հետազոտողների համար էլ նա եղել է առաջնորդ և ղեկավար:

Ինչպես հայտնի է, իշխան Վորոնցովի մասիկ բարեկամն էր Ներսես կաթողիկոսը: Անշուշտ, Կեստների ճանապարհորդությունը Ներսեսին այն միանգամայն ուղիղ մտածությունը պատճառած պիտի լիներ, որ հուշակավոր հնությունների վերաբերմամբ հայոց կաթողիկոսին ամենից քիչ ներելի է անտարբեր մնալ: Ուստի Ներսեսն էլ հաջորդ 1850 թվականին Անիի նկարագրությունը հանձնեց Արել վարդապետ Մխիթարյանին, որ զնաց, մի անգամ էլ արտագրեց արձանագրությունները: Այս այցելության նկարագրությունը տպագրվեց Կ. Պոլսում, 1855-ին՝ «Ճանապարհորդութիւն յԱնի» վերնագրով:

Բայց այն ժամանակ, երբ տպագրվում էր Արել վարդապետի գիրքը, Անիի շրջականերում դարձյալ որոտում էին թնդանոթները: 1853—1856 թվականների արևելյան պատերազմը դարձյալ Շիրակի դաշտերի վրա հավաքեց ահագին բազմություններ: Անիի այցելուների թիվը շատացավ: Մեռած քաղաքը հիացմունք էր պատճառում ոչ միայն ոռու օֆիցերներին, այլև հասարակ գինվորներին: Դեռ 1877-ի պատ-

անրազմի ժամանակ կարելի էր Անիի պատերի վրա կարդաւ 1853—1856 թվականներից մնացած շատ գրվածքներ: Հայվագետ կազակը մի կերպ իր անունն էր ճանկոստել քարերի վրա, իսկ նրա կողքին երևում էր գվարդիայի մի արիստոկրատ օֆիցերի ստորագրությունը: Գեղեցիկի զգացմունքը չէ խլանում նույնիսկ պատերազմական փոթորիկների մեջ և խոսեցնել է տալիս ամեն մեկին, լինի նա նույնիսկ գյուղացի, զինվորական կոշտ կլանքի ամենաբնորոշ ներկայացուցիչ կազակ...

Հիսունական թվականներից հետո Անիի անունը սկսում է արագ ժողովրդականանալ հայերի մեջ: Կովկասում էլ հայոց պարբերական մամուլ ծնվեց, գրողների թիվը ավելացավ: Տիրապետում էր ճառական, վերամբարձ ոճը: Ժամանակակից կյանքը զնու պատշաճավոր տեղ չէր գրավել հրապարակախոսության մեջ, գրողների և կարդացողների մեծամասնությանը հասկանալի էր միայն ազգասիրական ուղղությունը, այն, ինչ փառաբանում է հնությունը, անցագնացածը մեծացնում, ուղցնում է, հաճելի կերպով շոյելով ազգային զգացմունքը: Ճառական-ներբողական ազգասիրությունը ամեն տեղ էր՝ դպրոցի մեջ, բեմի վրա, լրագրի, բանաստեղծության մեջ: Անին, իրոք վեհագույնը Հայաստանի ավերակների մեջ, բնականաբար, պիտի այդ համատարած ազգասիրության կենտրոնական գլխավոր առարկաներից մեկը դառնար: Եվ նա երգվում էր ամեն տեղ:

Բայց այդ բազմաթիվ երգերը ոչ մի ուշադրության արժանի չեն: Բանաստեղծություններ չեն դրանք, այլ ոտանագոր գրելու մի համաճարակ ցավի: Եվ եթե անհամ տափակ ազգասիրական ողբերն ու հառաջանքները տեղ էին գտնում պարբերական մամուլի մեջ, պատճառն այն էր, որ շկարճաշակի հասկացողություն, որ ազգասիրությունը խրախուսել, փայտայի ամեն մի գրողի, ամեն մի խմբագրի պարտքն էր: Թիֆլիսի երկու պարբերական հրատարակությունները՝ «Մեղու Հայաստանի» շարաթաթերթը և «Կոռունկ Հայոց Աշխարհին» ամսագիրը, շարունակ յուղ էին ածում ազգասիրական կրակի վրա և, մանավանդ առաջինը լցնում

Եր իր էջիրը ոտանավորի ձև ունեցող ամեն տեսակ ազգա-
սիրական անհամություններով:

Անին տեսնող, նկարագրող այլնս չկար. բայց քանի
տեղերից և որքա՞ն մարդիկ մի-մի ազգասիրական ողբ էին
թիւում ոք հրապարակում ի լուր աշխարհի: Գնալ-տեսնելը
թի՛ դժվար էր, թի՛ ավելորդ: Գնացող-տեսնողը գրում էր
այն, ինչ գրում էր իր սենյակում նստած, Անին երևակայուց
ազգասերը¹: Մշակվել էր և միանման բեցեպտ ազգա-
սիրական զեղումների համար: Լացն էր բոլոր բանաստեղ-
ծությունների բովանդակությունը, լացողը կամ Անին էր,
կամ ինքը, ազգասերը: Մի քանի նմուշներ, կարծում ենք,
ավելորդ շեն լինի մեր ընթերցողների համար:

1859 թվականի «Մեղուի» մեջ ժամանակի ազգասերը
գրողներից մեկը, Առաքել Արարատյանց, ասում էր.

Թե ո՞չ մարմնով, դո՞նե մտքով
Գնանք յԱնին մեր մորմորով.
Ամպենք, թխողենք մտածմունքով,
Հողն անձրենք արտասունքով:

Այս դեռ ոչինչ: Ալեքսանդրապոլից մեկը, Սիմեոն Զմբշ-
կիկ անունով, ազգասիրական բուռն հափշտակությանց մեջ
նմանեցնում է Անին մի որր երեխայի: Ահա ինչ է գրում նա
նույն «Մեղուի» մեջ.

«Մեկ երեխա երեխի վրա վեր ընկած, նախ շճանաշեցի,
բայց երբ որ երեսը դարձրի, ի՞նչ տեսնեմ, իմ սիրելի Անին է,
երբ որ ինձ տեսավ, արտասվաթոր աշքերը ձգեց ինձ վերա,
կարծես թե մեկ բան էր ուզում ինձ ասելու, — բայց լեզուն
սովածությունիցը չէր դառնում, աղլուսս հանեցի սրբեցի
աշքերի արտասութը. գրկախառն և կաթողին սրտով համ-
բույր մատուցի Անիիս, մեկ կերպով աշխատեցա, որ սոված-
ությունը կշտացնեմ, բայց ճար չէլավ. վասնզի երեխեն
բացի կաթից ուրիշ բան չի կարող ուտել, վասն որո սկսա-

¹ «Կոռունի» ամսագրի մեջ (1862, № 3) տպած է Հակոբ Կարեն-
յանցի ճանապարհորդությունը, որի մի դուրս նվ բգած է Անիի այ-
ցելության. բայց իսկական Անին այդտեղ երկու-երեք խոսք ունի,
մնացած ազգասիրական խոհեր են, չէ մոռացված և անխուսափելի
առանավոր ողբը:

արտասվալի աշօք այն օրորն ասել Անիիս վերա, բալքա-
քնելով սովածությունը շզգա, Աստված մեծ լուս անի, մինչև
որ մայրը գա.

Օրոր ըսեմ, անուշ քնով քնանիս,
Հայկաղունեաց գառնուկ, սիրուն իմ Անիս,
Հերի՛ք օրոցքեղ ճիտղ ծուռ թայկաթիս,
Հերի՛ք մայր մեռած որբ տղոց նմանիս,
Հերի՛ք այդպես զօր ու գիշեր օգբալով...»

Հետաքրքրական է, որ այս միամիտ մարդու միամմիտ
արևակայությունը դուր չեկալ այն ժամանակվա ազգասեր-
ներին: Ոմն Երեմիա Արովյանց պատասխանում էր սրան, թե
շպետք է այդպես գրել: «Նատերը ըստ մեծի մասին Անի
ժայրագաղաքի անունովն են շարժում գրիշները» — գրում էր
նա, բայց Անին շպետք է քնացնել, այլ զարթեցնել: Իր կող-
մից գանդատավորը առաջարկում էր այսպիսի մի գոհար.

Վա՛յ իմ զլխիս, վա՛յ քեղ Անի,
Վարտը գետը թո՛ղ ինձ տանի.
Մարմինս կտոր-կտոր անի
Ու էսպեսով հոգիս հանի¹:

Ոչնչով պակաս չէր «Թորոս վարժապետ Արթիկ գեղջ»
իր բանաստեղծության մեջ, որ սկսվում էր այսպես.

Կորուցեր ես առյուծ արքայք, իմ Անի,
Հափաքել ես գլխույզ շար պայք՝ իմ ջանի,
Կորուսեր ես ազնիվ տիկնայք՝ Անի ջան.
Ժողովել ես զլխույզ նայզ, նանի ջան...»²

Այս բոլորը գրվում էր իսկույն մոռացվելու համար:
Այց և այնպիս, մենք այդ ողբերի մեջ պիտի անսնենք ժա-
մանակի տրամադրությունը, ընդհանուր զգացմունքը: Ապա-
ցուց կարող է լինել Ալեքսանդր վարդապետ Արարատյանի
«Անի քաղաք նստեր կուլա» ողբը, որ այդ տրամադրության
ժողովատե հաջող արտահայտությունն էր և այդ պատճա-
ռվ էլ խիստ տարածված ժողովրդական երգ դարձավ, որ
ամեն մեկի բերանում հնչում էր իրեն պաշտամունքի, ոգե-

¹ «Մեղու», 1860, № 26:

² «Մեղու», 1861, № 27:

վորության անկեղծ շեշտու Մեզանից ո՞վ չէ հիշում այդ երգը իր եղանակով, որ մի քանի տասնյակ տարիներ տիրապետում էր ամեն տեղ, ժողովրդական բոլոր խավերի մեջ...

1877 թվականի ապրիլի 12-ին հայտարարված ոռութուրքական պատերազմը, երրորդը XIX դարում, Անիի մեռնելային կյանքի մեջ էլ այնքան աճագին նշանակություն ունեցավ, որքան դարերով տանջված արևելյան քրիստոնյաների պատմական ճակատագրի վերաբերմամբ հեղափոխի էր:

Ինչպես և նախընթաց պատերազմում, ոռուսաց զորքի զլխավոր և մեծ մասը կենտրոնացած էր Ալնքանդրապոլում և նպատակ ուներ գործել Կարսի դիմ։ Սահմանն անցնելուց հետո այդ զիխավոր բանակը, համարյա ոչ մի դիմագրության շնանդիպելով թուրքերի կողմից, անարգել մուտեցավ Կարսին և շուտով պաշարեց նրան ու ոմբակոծության ենթարկեց։ Պատերազմական բեմը Շիրակի դաշտի հյուսիսային կողմերն էին, և եթե Կարսը շուտով ընկներ, Անիի շրջակաների անապատական լուսթյունը խանգարված չէր լինի:

Թայց հունիսի 13-ին ոռուները Զիվինի ճակատամարտում անհաջողության հանդիպեցին, և պատերազմական բեմի կերպարանը միանդամայն փոխվեց։ Ոռուները ըստիպված եղան հեռանալ իրանց գրաված տեղերից, վերացնել Կարսի պաշարումը և հետ քաշվել դեպի իրանց սահմանները։ Շիրակում երեսն եկավ Թուրքաց աճեղ բանակը։ Մուսթար փաշան գրավեց այն լիոնային շղթան, որ Կարսի մոտերքից ձգվում է մինչև Ախուրյան գետը։ Նրա բռնած գծի համապատասխան ոռուներն էլ դիրքեր գրավեցին Շիրակի դաշտում բարձրացած բլուրների և լիոնադաշտների վրա։ Անին մտավ պատերազմական գործողությունների շրջանը։

Ուղիղ նրա դիմաց, արևմտյան կողմում, բաժանված նրանից մի նեղ դաշտով, բարձրանում է Ալաջա սարը, որի վրա վերջանում էր Թուրքաց բանակի աջ թեր։ Խսկ դեպի հյուսիս-արևմուտք, մի ժամ ճանապարհ հեռու Անից, Շիրակի դաշտի հարթության վրա բարձրանում են իրար կող-

քի երեք մեծ բլուրներ, որոնք կոչվում են Ուշթափա։ Այդտեղի վրա էր հենվում ոռուսաց բանակի ձախ թեր։ Ամբողջ երեք ամիս, հուլիսի սկզբից մինչև հոկտեմբերի սկիզբը, երկու թշնամի բանակները այդպիս կանգնած էին իրար դեմ։ Մուսթարը հանձնարարություն ուներ պատերազմը անցկացնել ոռուսաց հողը։ Թուրքաց կառավարությունը ահազին հաջողություն էր սպասում այդ բանից։ Ռուսների ուժը շատ թույլ էր մի այդպիսի արշավանքի առաջն առնելու համար։ բռնելով պաշտպանողական զրություն Ալաջայի ահավոր ամրությունների դիմաց, Լորիս-Մելիքովը աշխատում էր փոքրիկ պատերազմական գործողություններով և զորքերի շարժումներով զբաղեցնել Մուսթարին և ժամանակ վաստակել, մինչև որ տեղ կհասնեն Ռուսաստանից ուղարկված օգնական զորքերը։

Անին կողմնակի հանդիսատես չէր, այլ մտնում էր պատերազմական գործողությունների շրջանի մեջ։ Շուտով առաները ուղաղրություն գարձրին ավերակների գրաված շատ կարենոր դիրքի վրա։ Մուսթար փաշան անդադար ստանում էր Կ. Պոլսից հրամաններ, որ շուտ սկսե արշավանքը գեղի ոռուսաց հողը։ Մի այդպիսի շարժողություն կատարելու հայտ նրան մնում էր իշնել Ալաջայի արեհելյան ստորոտները և անցնել Ախուրյանը Ղեղաճի կամ Ղըզըլ-Քիլիսայի մոտ։ Գետի այն ափում, որ պատկանում էր ոռուներին, դորքեր շկային։ Եվ Մուսթարը, ինչպես տեղեկացան ոռուները լրատեսների միջոցով, որոշել էր գրավել Ուշ-թափան ու զորքերը անցկացնել Ախուրյանի մյուս ափը։

Այդ ձեռնարկությունը մեծ վտանգ էր սպասնում։ Թուրք հրամանատարի առաջը կտրելու համար Լորիս-Մելիքովը հրամայեց մի առանձին զորաբաժնով գրավել Անին։ առանց այդ տեղը առնելու թուրքերը շեմ կարող գլուխ բերել իրանց մտադրությունը։ Հուլիսի 18-ին զորաբաժինը, բաղկացած հետեւակ զորքերից և թնդանոթներից, գրավեց Անին։ Թուրքերը տեսան Ալաջայի գլխից և կարծելով թե ոռուները պատրաստվում են հարձակվել իրանց վրա, մի ուժեղ զորաբաժին իշեցրին՝ Անիի գեմ գործելու համար թարութանդ

մայրաքաղաքը ամեն ժամ կարող էր աճավոր ճակատամարտի բեմ դառնալ, և այն ժամանակ կարող էին նրա ճաքճռքած, փլված պատերը դիմանալ թուրքաց թնդանոթների հարգածներին: Թարերախտարար, ավերակներն էլ բախտ ունեն: Թուրքաց բանակի մեջ եռանդուտ, վճռական, հրամանատարներ չկային, ընդհարումներ շպատահեցին, իսկ ուսաց զորաբաժինը մի քանի օրից հետո ուղարկվեց ուրիշ տեղ:

Հուլիսի 23-ին Մուխթարը վճռեց, վերջապես, կատարել սովորականի կամքը: Լուսարացին Անիից դեպի հարավ գտնվող Ալյամ գյուղի մոտ հավաքված էր երկու հազար ձիավոր, որոնք պիտի անցնեին Ախուրյանը: Դա առաջապահ գունդն էր, որ զետի մյուս ափից պիտի սրբնթաց արշավանք սկսեր դեպի Ալեքսանդրապոլի կողմերը, իսկ այդ միջոցին ինքը, Մուխթարը պիտի զրադեցներ ուսւաներին Անիի մոտ պատերազմ տալով և ապա իր ամբողջ բանակով պիտի գրոհ տար դեպի Ռուսական և նույնպես անցներ ուսաց հողը:

Թայց այդ օրագիրը քանդվեց ինքն իրան, առանք ուսւաների կողմից միջոցներ ձնոք առնելու: Ալյամում հավաքված ձիավոր զորքը առավոտյան տեսավ, որ Ախուրյանի մյուս ափով դեպի հարավ է գնում ուսաց մի մեծ զորաբաժին: Դա նոյն զրաբաժինն էր, որ գրավել էր Անին, թայց այժմ ուղարկվում էր իգդիր՝ Երևանյան զորաբանակը ուժեղացնելու համար: Թուրքերը կարծեցին, թե այդ զորքը գնում է դեպի Դիգորի կողմը, որպեսզի այդտեղից հարձակվի Ալաջայի վրա, ուստի թողեցին Ախուրյան անցնելու միտքը: Հետևակ զորքը հետ դարձվեց Առաջան պաշտպանիութեալու համար, իսկ Ալյամի հեծելազորը Ախուրյանի ափով դեպի հյուսիս գնալով, տեսավ, որ ոսւաները թողել են Անին և ինքը գրավեց ավերակները: Անիի այս գրավումը այս անդամ էլ ոսւաներին անհանգստություն պատճառեց: Իսկուն կարգադրություններ եղան, որ զետի անցքերը պաշտպանվեն, իսկ մոտակա զրաբաժիններին հրաման ուղարկվեց պատրաստ լինել: Սակայն թուրքերը երկար շմացին Անիում և խղաղ բնակիչներին ոչինչ վնաս չտվին: Հեծելազորքի հրամանատարը նույնիսկ առանձին պահակա-

խումբ դրեց Հոռոմոսի վանքում, որպեսզի ոչ ոք շհամարձակվի վնասել սրբավայրը:

Այդ օրը երկու ուսւա օֆիցերներ քիչ էր մնում փորձանքի ենթակվեին Անիի պատճառով: Գվարդիայից էին դրանք, երկուսն էլ բարոն: Զիմանալով, որ ուսւաները արդեն հեռացել են Անից, նրանք զնացին ավերակները տեսնելու թայց հագիվ էին մոտեցել քաղաքին, հանկարծ հրացանաձություն սկսվեց նրա կողմից: Նոր միայն հնասերները հասկացան, թե ինչ է դա նշանակում, և միայն իրանց լավ ձիաների շնորհիվ էր, որ կարողացան ետ փախչել, ազատվել¹:

Միայն այդ երկուար չէին հոչակավոր ավերակներով հետաքրքրվողները: Այս կողմերում եղած օֆիցերներից շատերը իրանց հիշողությունների մեջ առանձնապես նկարագրել են ավերակները և նրանց թողած տպավորությունը: Մենք ձեռքի տակ ունենք մի քանի այդպիսի հիշողություններ, թայց կանգ կառնենք մեկի վրա: Կազակների հրամանատար մայոր Ռժեսուկին երկար ժամանակ ապրել է Անիի մոտ: Մինչև մնին զորաբաժնով գրավելը, նա Ախուրյանի ձախ ափին էր, պաշտպանում էր այնտեղի ուսաց սահմանապահ պահակը, որ կոշվում էր Անի. իսկ ավերակները գրավելուց հետո նա հրաման ստացավ անցնել Ախուրյանը և միանալ այն զորաբաժնին, որ ապրում էր ավերակ քաղաքում:

Թե ինչ անջնջելի տպավորություն է թողնում Անին Ժարդու վրա ամեն տեսակ հանգամանքների մեջ, կարելի է հմանալ, կարդալով այդ օֆիցերի հիշողությունները²: Ամբողջ ժամանակ նա զրաված է, իհարկե, պատերազմական կյանքով, նկարագրում է ամեն մի պատահար, նկարագրում է արյունահեղությունները, հարձակումները, վտանգները: Թայց հանկարծ, մեռած քաղաքի մեջ, նա դեն է զնում իր արյունություն արհեստի մանրամասնությունները, դառնում է խաղաղ, կրթված մարդ, որ գեղեցկություններ է որոնում, հիանում է

¹ Այս բալոր տեղեկությունները մենք վերցնում ենք զեներականից՝ «Վոյна в Турецкой Армении» աշխատությունից (1884, էջ 246—254, 268—272 և այլն):

² Сборник военных рассказов кн. Мещерского, СПб, 1879, стр. 114—234.

Նրանց վրա: Հրաշքի պես մի բան է երևում այդ հիացմունքը այն բազմաթիվ էջերի մեջ, որոնք կոտորածի, վառողի, թընդանոթների մասին են ճառում: Անին գիտեր հիացնել և այսպիսի հանդամանքների մեջ: Կազակների օֆիցերը ոչ միայն նկարագրում է եկեղեցիները, պատերը, ապարանքները, այլք բներում է Անիի համառոտ պատմությունը: Ավերակ մալրաքաղաքի ընկառող, հպատակեցնող ուժն է դա—հարկադրել ամեն մեկին զբաղվել իր անցյալով, իր փառքի և անկման ժամանակներով:

Թագմագիտական նկատումները հարկադրեցին ուսուն րին նորից զրավիլ Անին հույսի վերջերում: Թուրքերը լավ նկատում էին, որ քանի որ Անին ոռուների ձեռքին է, ոչինչ վճռական գործողություն չէ կարելի սկսել նրանց գեմ: Ուստի Մովսիթար փաշան նորից փորձեց հարձակվել Անիի ոռուաց բանակի վրա: Օգոստոսի 1-ի գիշերը Ճալա գյուղի մոտ հավաքած թուրքաց մի բազական մեծ զորաբաժին լուսաբացին պիտի արշավեր գեպի Անի: Բայց ոռուները ժամանակին նկատեցին այդ շարժողությունը և թույլ շտվեցին, որ թուրքերը առաջ գանու Ճալայի մոտ էլ տեղի ունեցավ մի թեթև ընդհարում, որից հետո թուրքերը ետ դարձան գեպի Ալաջա: Մովսիթարի անվճռականությունը, ծովությունը այս անդամ էլ արգելք դարձան, որ օսմանյան ահապին բանակը շկարողացավ անցնել այն մի քանի քայլ տարածությունը, որ կար Ալաջայի ստորոտների և ոռուաց սահմանի մեջ, ել այդ վախկությունը Անիի համար բախտ էր, այս անդամ էլ նա պատերազմի դաշտ շդարձավ և կարող էր իր ուժասպառ ավերակները պահել:

Ռուսների կողմից սպանվեց մի զինվոր: Մայոր Ռժնուակին պատմում է, որ ոռուաց բանակը մեծ պատիվներով թաղեց այդ սպանվածին Մայր եկեղեցու պատերի մոտ, բայց թաղեց այնպիս, որ գերեզմանի տեղը անհայտ մնա, որպեսզի թուրքերը հետո շքանդեն գերեզմանը և չպղծեն քրիստոնյայի դիակը: Զինվորական մուղիկան թաղման մարշն էր հնչեցնում պատմական ավերակների մեջ, որոնք տիսուր և սարսափելի արձագանքներ էին տալիս:

Օգոստոսի 6-ին ոռուները դարձյալ հեռացան Անիից և

այնուհետև այլևս ուշադրություն չդարձրին նրա վրա: Թուրքերն էլ հանգիստ թողին նրան և միայն բաշիրոջուկներն էին թաքնվում ավերակների մեջ՝ Ախուրյանի ոյու ափին գտնվող ոռու սահմանապահների վրա հարձակվելու համար: Անին ականատես եղավ պարերազմական մի քանի փառավոր գործողությունների: Իր Միջնաբերդի բարձրությունից նա տեսնում էր, թե ինչպիս սեպտեմբերի 19-ին ոռուաց Տի թեթև զորաբաժին, երիտասարդ, տաղանդավոր գեներալ Շելկովնիկովի առաջնորդությամբ բարձրանում էր գեպի Ալաջայի գագաթներից մեկը, ինչպիս այդ զորաբաժինը հետևյալ օրը հանկարծակիի բերեց թուրքերին, հերոսաբար կովկաց, բայց մենակ մնալով, հարկադրված եղավ հետ քաշվել իր ճանապարհի յուրաքանչյուր թիզը կովով խլելով թուրքերի ձեռքից: Առավել պիս նահանջող Շելկովնիկովը Անիի ձուռով անցավ և հասավ Ախուրյանին:

Խակ մի 10—11 օրից հետո Անին տեսավ մի մեծ ոռուական բանակ, որ Ախուրյանի ձախ ափով շարժվում էր զեպի հարավ: Այս բանակի հրամանատարն էր Լազարելը, որ անգավ Դիկորի վրայով գեպի արևմուտք. Ալաջայի թուրքաց բանակը թակարդի մեջ ընկավ, հաղթվեց, ցիրուցան դարձավ: Երեք ամիս զեպի Թիֆլուս տանող ճանապարհների մասին մտածող Մովսիթարը փախավ Կարս, այնտեղից էլ զեպի էրզրում...

Եվ այնուհետև Անիի շրջականերում հրազեն չէր պայմանում...

Վերջացավ 1877 թվականը, վերջացավ պատերազմը: Հաջորդ տարվա գարնանը Անին արդեն նոր վիճակի տեր էր, — ոռուաց հող էր դարձել: Եվ ահա Ախուրյանի ձախ ափից, գլխավորապիս Ալեքսանդրապոլից, բացվում է այցելուների ճանապարհը: Առաջին ճանապարհորդների առաջին տպավորությունը այն է, որ երկիրը հանդարտ է: Որպիսի՞ զարմանալի կերպարանափոխություն Անիի ճակատագրի մեջ:

— Այժմ գայլը գառ է դարձել, — ասում է Ղոշավանքի տիրացուն¹, — անիվծած քրդերը վանքը քանդեցին, ամեն ինչ հափշտակում էին, անցյալ տարի Մովսիթարի այս կողմերը

¹ «Մեղու Հայաստանի», 1878, № 27:

ֆղած ժամանակ վարդապետի հետ չոր հացով էինք կիրակը բռնակի, որ երթեսեկ զորքին ոշխարի միս, մածուն ուսեցնել կարողանանք:

—Այն սուսկալի անցյալը հիշելու հարկ չկա, ընդհատում է Դոշավանքի վանահայրը.—այն օրեն, երբ ուսւը հաղթությամբ Կարս մտավ, ևս քրդաց վրա իշխել սկսա, այն ամեն վանքապատկան հողեր, որ անօրենը բռնությամբ սեփականել էր այժմ վերադարձնելու ստիպված է. վանքին շրջապատող ամեն կեղտուությունք, հող, քար և այլն գյուղերից իրեն բեկյար հավաքած քուրդ մշակների միջոցով մաքրել ամ: Քուրդը այժմ իսպառ զենք վայր զրած է, այս կողմից, որ իրեն երկու տերությանց սահմանագլուխ, ավաղակաց և փախստականաց բնակարան էր, ուր երբեմն 5—10 ձիավորով Անին մտնել երկուողալի էր, այսօր փոքրիկ մանուկներ շրջելու կելքն և պատահմամբ ավերակաց մեջ կը գիշերին:

Մավրակ գյուղի քահանան Անիի ճանապարհը հասցնող ճանապարհորդներին ասում է:

—Ի՞նչ նեղություն, որդիք, սա էլ նեղություն է, Աստված մեզ որ այն անօրեններից (Յուրքերից) աղատեց, մենք ամեն օր փառք կտանք իրան: Թանի-քանի անգամ այս անօրենները մեր գյուղը կողոպտել են, էլ ի՞նչ անզդամություն սան որ շն արել. հիմա ի՞նչ. մենք մի օտար հային որ տեսնում ենք, ուզում ենք աղի պես լիզել:

Արևմտյան Շիրակը, իրեն հանդարտված մի երկիր, բաք էր արել իր կուրծքը ամեն մի այցելուի համար: Կարսի զինվորական նահանգապետ գեներալ Պոպկոն Անին առաջին այցելուններից մեկն էր: Ավերակները խոր տպավորություն թողեցին նրա վրա: Դոշավանքի վանահայր Շիրակունի վարդապետը խնդրեց նրան թույլ տալ ավերակ եկեղեցիները խնամել, վերանորոգել: Գեներալը մեծ ուրախությամբ կատարեց այդ խնդիրը և, ստանալով Կովկասյան Փոխարքայի հավանությունը, Անիի ավերակները հանձնեց հայ հոգևորականությանը: Իր պաշտոնական գրության մեջ գեներալ Պոպկոն ասում էր, որ այդպիսի գեղեցիկ, հոչակավոր սրբավարերը, որոնք դարերով պղծվել են մահմեդականների ձեռքով:

1 Մշակ, 1878, № 126.

պետք է մաքրել, վերանորոգել և նորից ծառայեցնել իրանց նպատակին: Թույլատրված էր Ալեքսանդրապոլում, Կարսում և այլ շրջակա տեղերում նվիրատվություններ հավաքել Անիի ավերակների համար: Գործը Գեորգ կաթողիկոսի կարգադրությամբ հանձնվեց Կարսի հայոց առաջնորդ Գրիգորիս եականոպոս Աղվանյանցին: Եռտով կազմվեց Ալեքսանդրապոլում Անիի ավերակների խնամատար հոգարարձություն, որի գործունեության մասին մենք տեղեկություններ կտանք են հետո:

Եվ այսպես, պատերազմի անմիջական հետևանքներից ժեկն էլ այն եղավ, որ Անին իր դարավոր անտերությունից դուրս բերվեց, ինամբ և հոգացողության առարկա դարձավ: Եթե նա առաջնորում մի մշուշապատ, վտանգներով շրջապատված պաշտամունք էր հայերի համար, այժմ դարձավ ամենքին մատչելի, ոեալական: Եվ հիսնական ու վաթունական թվականներին ազգասիրական ողբերից ավելի արժանակուր գործերով էր այժմ արտահայտվում Անիի պաշտամունքը:

1879 թվականի ամառը Անի գնացողները տեսնում էին յի հայի, որ լուսանկարչական դործիքներով աշխատում էր ավերակների մեջ: Դա Հ. Քյուրքշյանն էր, որ անցյալ տարի վախճանվեց Ճավա կղզում: Քյուրքշյանը, որ լուսանկարչական արվեստը սովորել էր արտասահմանում, դեռ պատերազմի ժամանակ գտնվում էր ուսաց բանակում իրեն լուսանկարիչ: Այդ ժամանակ նա տեսավ Անին և միանգամից հասկացավ, թե հմուտ լուսանկարիչը որքան գործեր ունի ավերակների մեջ: Նա մի քանի տեսարաններ վերցրեց, բայց լրավականացավ դրանով: 1879-ին ամբողջ հինգ ամիս բնակեց Անիի մեջ, ահագին ծախսեր արավ, ահագին շարարանքներ կրեց և դլուխ բերեց մի գործ, որ հուշակեց նրանունը:

Անիի մեջ ապրելու դեռ ոչ մի հարմարություն չկարապացված պես միայն Մայր Եկեղեցու մեջ կարող էր պատրապարվել այցելուն: Այդ դեռ ոչինչ. Քյուրքշյանին և նրա ծառաներին ավելի նեղում էր պաշարի պակասությունը: Շրջակա գյուղերում դժվար էր մի բան գտնել, 1879-ի ամառը

շոր ու անպտուղ էր և սկիզբ դրեց հանրածանոթ սովին, Այս բոլոր նեղությունները տարավ Քյուրքչանը, և նրա շարքաշության, համբերատարության, արվեստի մեջ ձեռք բերած հմտության պտուղները բազմաթիվ լուսանկարներն էին, որոնք պատկերացնում էին Անիի մասերը մի ճշտությամբ և զարմանալի նրբությամբ, որ լուսանկարուական գործիքից կարելի է սպասել: Լուսանկարները փոքրիկ էին, ստերեոսկոպի հարմարեցրած, բայց շափազանց պարզ էին արտահայտում յուրաքանչյուր դիմ, յուրաքանչյուր դիրք: Նրանք ցույց տվին, թե որքան հեռու էին իսկականից Տեքսինի և Կեստլերի գործերը:

Քյուրքչանը կենդանացրեց Անին, ժամանակի խորտակող ժամիքներից ազատեց հոշակավոր ավերակները: Իր ժողովածուի միայն առաջին հատորը նա կարողացավ հրատափել, որ բաղկացած էր 40 նկարներից: Չնայած իր թանկությանը, ժողովածուն տարածվեց, արժանի գնահատություն դրավ, և այնուհետև Անիի ավերակները հայ հարուստ ընուանիքների մեջ էին հիացմունք տարածում: Մինչև այդ Քյուրքչանի պես ոչ ոք չէր կարողացել ժողովրդականացնել մեռած քաղաքը: Միննույն ժամանակ, Քյուրքչանի ժողովածուն ուներ և գիտական նշանակություն: Հանգուցյալ պրոֆեսոր Պատկանյանը մի փոքրիկ բրոցյուրով ժանոթացրեց ուսու հասարակությանը այդ ժողովածուի հնագիտական արժեքի հետ:

Սյցելուների թվի աճման հետ բազմանում են և նկարագրությունները, որոնք զանազան ժամանակ տպագրվեցին մեր պարբերական հրատարակությունների մեջ: Ավելորդ և անհնարին է այստեղ հիշատակել այն բոլոր գրվածքները, որոնք վերաբերվում են Անիին: Կասենք, որ դրանք մեծ մասմբ ճանապարհորդական թեթև նկարագրություններ են, ուր այցելուի տրամադրությունն ու զգացմունքներն են նկարագրվում: Բայց պարտավոր ենք այդ բազմաթիվ գրվածքների մեջ հիշել մեկը, Ե. Գեղամյանցի «Ախալցիայից մինչև Անի», որ տպվեց «Փորձ» ամսագրի մեջ 1880-ին: Գեղամյանցը եղել է Անիում այն ժամանակ, երբ այնուհետ աշխատում էր Քյուրքչանը, այսինքն 1879-ի ամառը, նա տալիս է ման-

ռամասն նկարագրություններ և առհասարակ դիտող ու հետաքրքրվող այցելու է եղել, այնպիս որ կարող է մի լավագույակ ուղեցուց դառնալ ավերակների կույտերի մեջ:

Բայց հայ գրողներից ոչ ոք այնքան բան չէ արել Անիի համար, ինչպես արել է Ղ. Ալիշանը: Դեռ 1858-ին հրատարակած իր «Տեղագիր Հայոց Մեծաց» աշխարհագրության մեջ՝ նա բավական ընդարձակ տեղ էր նվիրել Անիին: Հետու տնշմարք Հայկականք» անունով պատկերազարդ հրատարակության երեք հատորներից մեկը ամբողջապես հատկացրեց Անիին: Այդ աշխատությունը գրված է աշխարհաբար լեզվով, և Ղ. Ալիշանը շատ գողտրիկ ոճով և իրան հատուկ հնագիտական հմտությամբ նկարագրել է նշանավոր ավերակները և նկարագրել է ոչ թե մասնագետների, այլ առավելապես սովորական ընթերցողների համար:

Զբավականալով այդքանով, Ղ. Ալիշանը 1881-ին լույս հանեց «Ծիրակ» անունով իր աշխատությունը, որ շատ լավ հայտնի է մեզանում: Դա ամբողջ Ծիրակ գավառի նկարագրությունն էր, որի մեջ ամենամեծ տեղը, բնականաբար, գրավում է Անին: Ալիշանը, ինչպես հայտնի է, անձամբ շնչանապարհորդեց Հայաստանում, այնպիս որ Ծիրակի նկարագրությունը տալով, նա, ինչպես ինքն է ասում, նման է կույրի, որ նկարում է լույսը: Սակայն մեր նշանավոր հայրենագետին տված էր մի զարմանալի շնորհք: Նստած իր խուցում, նա հավաքում էր այն բոլոր տեղեկությունները, որոնք կային թե մեր և թե օտար գրականությունների մեջ այս կամ այն գավառի, քաղաքի, գյուղի մասին և, այդ բուլորը ուսումնասիրելով, տալիս էր այնպիսի նկարագրություններ, որոնք շատ քիչ սխալներ ունեին իրանց մեջ: Այդպիս գրել է նա ոչ միայն «Ծիրակը», որ համեմատարար փոքր աշխատություն է, այլև այնպիսի վիթխարի հատորներ, ինչպես հն «Սիսուան», «Ալյուրատ», «Սիւնիք»: Աշխարհագրական նկարագրությունը Ղ. Ալիշանը հասկանում էր շատ լայն մտքով: յուրաքանչյուր տեղի ներկա դրության հետ նա տալիս էր և նրա պատմությունը, հնագրությունը: Թանկագին են մանավանդ նրա բացատրությունները:

Անիի վերաբերմամբ էլ Ղ. Ալիշանը կարողացավ նոր-

խոսքեր շատ ասել Այսպես, ևա բացատրեց արձանագրությունների մեջ եղած շատ անհասկանալի բառեր, որոնց հիման վրա բաց արեց Անիի գլխավոր փողոցների անունները, փոքրիշատե լուսաբանեց, թէ ինչ տեսակ հարկերի էր ենթարկված անեցի ժողովուրդը և այլն:

Տարաբախտաբար, «Եիրակը» տպագրվում էր այնպիսի ժամանակ, երբ Քյուրքյանի լուսանկարները նոր էին լույս տեսնում, և երբ նրանք հասան վենետիկ, զրբի տպագրության բոլոր պատրաստություններն արդեն տեսնված էին: Այս պատճառով «Եիրակի» մեջ դրված են հին պատկերները, որոնք համարյա ոչինչ հասկացողություն չեն տալիս ավերակների ներկա դրության մասին: Կան, անշուշտ, և ուրիշ պակասություններ: Դ. Ալիշան կարող էր տալ, ի՞նչ այն միայն, ինչ տեսել, նկարագրել են ուրիշները: Եվ որովհետև թե նկարագրությունները և թե արձանագրությունները թերի ու անկատար էին, ուստի այդ պակասությունները կամա-ակամա պիտի մանեին և «Եիրակի» մեջ: Բայց շնայած այս բոլորին, մինչև այժմ հայոց գրականության մեջ չկա մի գործ, որ կարողանար «Եիրակի» տեղը բռնել: Եվ «Եիրակը», թեև այսքան հեռու տեղ դրված, այսօր էլ մնում է միակ գտահելի, տեղեկություններով հարուստ ուղեցուցը:

Մի կարճ միջոցում Անին որքան բարերարություններ էր ստանում իր զաժան բախտից: Ազատվել էր քրդերից, գարձել էր մի խաղաղ մեռելություն, հարստացել էր Քյուրքյանի նկարների և «Եիրակի» պես գեղեցիկ գործերով: Բայց տեսնող և կարդացող հասարակությունը ի՞նչ էր անում նրա հոշակավոր քարակույտերը պահպանելու համար: Խոսք շատ էր եղել նրա մասին, գեղեցիկ, սրտառու խոսք: Բոլոր այցելուները նկատում էին, որ ավերակները շարունակում են ավերվել ոչ միայն մարդկանց, այլև ժամանակի ձեռքով: Տարիների ընթացքում մաշվում հալվում էր և այն, ինչ աղատվել էր դարերի անողորմ ճանկերից: Զէ եղել և չէ կարող լինել այնպիսի ճանապարհորդ, որ Անիի մեջ մտածած չինի վերանորոգությունների մասին: Եվ այնուամենայնիվ, ի՞նչ ստացավ Անին:

Վերևում հիշեցինք Անիի հոգաբարձությունը: Այժմ տեսնենք նրա գործունեությունը:

Գեորգ կաթողիկոսի հրամանով ավերակների պահպանությունը էջմիածնի Սինոդը հանձնեց Կարսի առաջնորդ Աղվանյան եպիսկոպոսին: Իր հրահանգի մեջ Սինոդը կարգադրում էր. «Առաջնորդն հետամուտ լիցի կարգել ընկերութիւն միշտ ընդ Առաջնորդին Կարուց»:

Հոգաբարձությունը կազմվեց Յ անձերից, որոնցից շրսը Ալեքսանդրապոլից էին և երկուաը Անիի շրջակա գյուղերից: Հարկավոր էր փող, և եթի ի նկատի ունենանք, թէ ինչ հասարակական եռանդուն շարժում ու ոգեորություն սկսվեց մեր երկրում պատերազմից հետո անմիջապես, պիտի կարծենք. որ հոգաբարձության համար փող գտնելը ոչինչ դժվարություն չպիտի ներկայացներ: Բայց մեր ձեռքի տակ եղած տեղեկությունները ցուց են տալիս, որ Անիի ավերակների համար սկզբում գլխավորապես Ալեքսանդրապոլի մեջ հավաքվեց մոտավորապես 800 ոռորի: Հոգաբարձությունը գործի կպավ, և ժախսելով 1500—1600 ոռորի, մի քանի բաներ արավ. 1) Մայր եկեղեցու գմբեթը քանդված էր, և եկեղեցու ներսը լցվել էր նրա բնկորներով. ալդ քարակույտը մաքրվեց, եկեղեցու հատակը բացվեց. 2) Մայր եկեղեցու մոտ կառուցվեց մի շինություն, բաղկացած հինգ սենյակներից, ապագա միարանության համար. և 3) Ախուրյանի ափին գտնվող Լուսավորիչ եկեղեցին կարգի բերվեց՝ այնտեղ ժամասցություն սկսելու համար¹:

Մրանք առաջին քայլերն էին, բայց և վերջինը գարձանու Մինչև այսօր, քսանհինգ տարվա ընթացքում, Անիի հողի վրա այդ երեք թեթև բաներից ավելի ոչ մի գործ շէ կատարվել: Նույնիսկ միարանություն հաստատելու միտքն էլ շհաջողվեց. միայն մի վանահայր նշանակվեց, նա էլ փա-

¹ «Փարոս Հայաստանի», 1880, № 2.

գում էր գուազ և զնում մոտիկ գյուղերը: Եվ փառավոր կերպով ապացուցվեց այն վերին աստիճանի տխուր հանգամանքը, որ հայերի մեջ Անին միայն խոսք է, միայն դատարկ ազգասիրության առարկա: Այնքան բառեր, այնքան ողբ ու արտասունք, և ոչինչ իրական աջակցություն: Մարդ մինչև սրտի խորքը վրդովվում է, տեսնելով մի ավերակ քաղաք, որ օր-օրի վրա քանդվում է, տեսնելով հրաշալի եկեղեցիներ, որոնց օրերը համրված են և այս բոլորը մի այնպիսի ժամանակ, երբ հայր հարատություն էլ ունի, կրթություն է ստանում, զարգացնում է իր ճաշակը: Մի պարտաճանաշ, իսկապես լուսավորված ազգի մեջ Անիի Մայր եկեղեցու նման հրաշալի պատմական հիշատակարանի պահպանության համար ոչ մի ջանք, ո՛չ մի ծախս չէին խնայի: Իսկ մեզանո՞ւմ... Ահագին մի պատովածք Մայր եկեղեցու կտուրից մինչև համարյա գետինը, մի գիշեր կգա, մի ժամ կլինի, երբ նա էլ կդառնա քարեղին մի տձե, անճոռնի կույտ...

Եվ սակայն հոգաբարձությունը դեռ ի՞նչ դիտողություններ ուներ: Բերում ենք այն ծրագիրը, որ նա հրատարակեց լրագրության մեջ.

«1) Շինություն բնակարանի՝ միաբանության համար կաթողիկե և լուսավորիչ եկեղեցեաց տարածության մեջ, այժմ ունեցած շինությունն ուխտավորների և ճանապարհորդների համար թողնելով, 2) Վերանորոգություն Կաթողիկե Մայր եկեղեցվո, 3) Ընդարձակել այցելուների համար նշանակված շինությունը, որ կարելի լինի ցանկացողներին հարկավոր եղած ժամանակ ավելի երկար մնալ, 4) Ավերակների զլխավոր տեղերի մեջ կանոնավոր ճանապարհներ հարթել, 5) Դաշտից ջուրը բերելով շինությանց մոտ ծառուղիներ և պարտեզիկներ տնկել, 6) Ջորերում այգիներ տնկել, 7) Աշխատել մի կենտրոնական ուսումնարան հիմնել՝ դրացի հայաբնակ գյուղերի համար, 8) Ամեն կերպով աշխատել ավերակները պահպանել, 9) Աշխատել կարեռը գյուտերի մասին հայ ազգին և լուսավորյալ հասարակության ծանոթացնել, նպաստելով թե՛ ազգային հնագիտության և թե՛ պատմության, 10) Աշխատել հետզհետե նորոգել կարելին»:

11) Աշխատել հաստատ աղբյուրներ գտնել միաբանության և ուսումնարանի համար և այլն»¹:

Այս բոլորը մնաց միտք միայն, մնաց թղթի վրա միայն: Հոգաբարձությունը հրավեր էր կարդում, որ փող ուղարկեն իրան: Բայց ի՞նչ եղավ: Անցավ ժամանակ, ոչ միայն փող չուղարկեցին, այլև ինքը, հոգաբարձությունն էլ իր ժամանքը ու թղթերի հետ կորավ, անհայտացավ: Հայերը իրանց ձեռքին լավ ժամանակ և միջոցներ ունեին իրանց նախնիքների գեղարվեստական ճաշակը գրոշանոց աղբերից ավելի իրական ձևով պահել-պահպանելու համար, բայց շարին, անընդունակ հանդիսացան: Եվ երբ կիսին ավերակների վերջին ժամը, երբ ամենքին հիմքերը այլևս չկարողանալով կանգնել իրանց հիմքերի վրա, որոնք օրեցօր մաշվում, բարակում են, կտարածվեն գետնի վրա, այն ժամանակ պատմությունը, անաշառ դատավորը, կասի, որ այդ անհետացման պատճառը հայերն են և ուրիշ ոչ ոք...

Եվ դեռ մեծ հարց է, թե նույնիսկ խոսքով Անին մեծարնելու, բարձրացնելու մեջ հա՞յն է շատ բան արել, թե օտարը: Մեզանում, ինչպես շատ անդամ տեսանք, միամիտ կամ ավելի հաճախ՝ անմիտ բացականչություններ, ավաղներ, գոյություն չունեցող արտասունքների կաթիլներ, միաձև և միալար նախադասություններ: Օտարների մոտ այսպիսի էժանագին արտահայտություններ չկան: Օտարները ավելի լավ են կարողանում խոսել Անիի մասին:

Կովկասյան պատերազմների հայտնի պատմագիր գիներալ Պոտտոն, մանրամասն խոսելով հին Հայաստանի և հայերի մասին, կանդ է առնում Անիի վրա, որ ամենից գեղեցիկ կերպով է ներկայացնում Հայաստանը: Հիացած նկարագրելով այդ հիշատակարանի գեղեցկությունները, զինվորական գրողն այսպես է պատմում Անիի պարիսպներից դուրս գտնվող զորան-քիլիսեի լեզենդը.

«Անիի ծաղկած ժամանակները ապրում էր սարերում մի աղքատ հովիվ, որ միայն տարին մի անգամ, Քրիստոսի Հարության օրը, գալիս էր քաղաք աղոթելու և Աստծո տաճարի մեջ մոմ վառելու: Մերացավ անապատական հովիվը, և հոգ-

¹ «Փարոս Հայաստանի», 1881, № 3:

նած ոտները վատ էին ծառայում նրան։ Մի զատիկ երեկո նա սովորականի պես ճանապարհվեց դեպի փառահեղ Անին և ամբողջ գիշերը գնում էր լեռնային խուլ կածաններով։ Գարնանային գիշերը մութ էր, լեռնային կածանները շուտ շուտ իջնում էին անդունդների վրա։ Բազմաթիվ դեկոր, որոնք այս անդամ հեռացել էին Անիից, կապան ծերուկին և աշխատում էին թուլլ շտալ, որ նա հասնե առավոտյան ժամասաւցության սկզբին։ Կամ քարեր էին զցում նրա ոտների տակ, կամ դուրս էին բերում նրան ճանապարհից և հրում էին դեպի մի որենցէ անդունդ։ Իր ամեն մի քայլը զոռով խլելով։ անապատականը քաղաք եկավ ուշ, երբ եկեղեցիներում արդեն երգել էին «Քրիստոս յարեաւ»։ Բոլոր եկեղեցիները, որոնք հատակից մինչև գմբեթները ողողված էին ճարագների և կանթեղների լույսերով, արդեն լիփ-լիցուն էին մարդկանցով։ Անապատականը այս եկեղեցին ուզեց ներս խցկվել, այն եկեղեցին ուզեց մտնել, փորձեց մյուսը, երրորդը, տասներորդը—ոչ մի տեղ ճանապարհ չին տալիս նրան, ամեն տեղ սարսափելի նեղվածքութուն է, իսկ ծերունին այնքան ուժ չունի, որ ամբոխը դեսուտին հրե, զոռով անցը ճղե իր համար։ Գնաց Աստծո բոլոր տաճարները և ամեն տեղ՝ իզուրանա լուսեց զատկական արևագալի ժամերգությունը, մոմ, ինչպես ուխտել էր, շվառեց։ Իսկ Աստծուն մի բան խոստանալ ապագայում—արդեն մեղք է, զգիտես թե ինչ կբերե վաղվարը։ Սաստիկ տրտմեց ծերունին։ կանգնած է ճանապարհների մեջտեղը և լաց է լինում։ Ժողովուրդը դուրս է թափվում եկեղեցիներից։ որը կառքով է գնում, որը ծիով, մեծամասնությունը ոտով է։ Երիտասարդները ոսկեթել բանվածքով շրմեր ունեն, սիրուն աղջիկները դիպակ են հագել և զգնոցներ ունեն։ Ամենքը տեսնում են աղքատ հովվին, տեսնում են նրա քրձերը, սպիտակ մաղերը, արտասուբները—և անցնում են։ Արտասուբները, ալիքները, քրձերը ոչ մի սիրուշարժեցին։ Գալիս է, վերջապես, եպիսկոպոսը իր եկեղեցականներով և տեսնելով ողբացող ծերունուն, հարցնում է նրան քաղցրությամբ։ «Ինչո՞ւ ես լալիս, ծերուկ, այս ուրախ առավոտյան։ Պատասխանում է ծերունին։ «Դառն օրերի եմ հասել, հայր։ Ժողովուրդը շթողեց ինձ մտնել Աստծո եկեղեւ-

ցինց։ Գավազանը շարժելով, ասաց հոգևոր հայրը։ «Ծերունիներին պիտք է ծուլությամբ շվերկենալ գիշերային քնարանից և երիտասարդներից առաջ շտապել տաճարը աղոթելու։ Եվ աղաղակեց ծերունին։ «Ես բոլորովին շեմ ծուլացել, հայր, ամբողջ գիշերը շարքերի հետ էի կովում և ոտով ճանապարհ էի կտրում։ Բայց վայ ինձ, անապատական ծերունուս, նվազն վնրջացն է առյուծի մկանունքներիս պնդությունը և եղնիկի ոտների արագավազությունը։ Իսկ ժողովուրդը այժմ շատ խստասիրտ է դարձել, և նորաբողոք պատանիների մեջ այլևս խնամք չկա դեպի անկարող ծերունիները։ Թող նրանք աղոթեն իրանց եկեղեցիներում, իսկ դռ, տեր, շինիր ինձ, աղքատ ծերունուս համար առանձին եկեղեցի։ Հոգևոր տերը բարեհոգությամբ ժպտաց և մոմից կակտուղ խոսքով ասաց։ «Ո՞վ մարդ, շատ ու շատ ոսկի և արծաթ դրամներով են կառուցվում տաճարները մեծ Անի քաղաքում։ քո քրձերով և քո արտասուբներով պիտի քեզ համար առանձին եկեղեցի շինեմ։ Մինչև գետինը գլուխ տվեց ծերունին և ասաց։ «Բարի ասացիր հայր, բայց կա քուրձ ոսկու տակ և կա ոսկի քրձի տակ։ Առավոտյան, նախքան թմբուկը երեք անդամ կթնդա, մեծ արժեքավոր հարստություն կգա քեզ մոտ աղքատիկ կողովի մեջ, վայրի ցիոնի մեջքի վրա։ Վերցրու այն հարստությունը, տեր, և աղքատ ծերունուս համար եկեղեցի շինիր։

Ասաց և հեռացավ սարերը։

Որքան փայլուն աստղեր կան կապույտ երկնքում, այնքան սուր պղնձի ձայներ առավոտյան աղմկեցին լուսաբացի հանգստությունը փառավոր Անի քաղաքում։ Թմբուկի երրորդ հարվածի հետ եպիսկոպոսը հջնում է սպիտակ մարմարյա պալատի բարձր պատշգամբից և տեսնում է մի ցիոն, որ չուր էր խմում շատրվանի մոտ։ Ցիոնի մեջքի վրա մի հին կողով կա, նման այն կողովներին, որոնց մեջ մուրացկանները զնում են այն հացը, որ տալիս են նրանց Քրիստոսի սերին։ Այն կողովի մեջ ծանր հարստություն կար. երեք պատանիներ հազիկ կարողացան վերցնել նրան ցիոնի մեջքից։ Քարեպաշտ եպիսկոպոսը սուրբ ջուր սրսկեց ոսկու վրա, արտասանելով այսպիսի խոսքեր։ «Եթե գու անմաքուր ուժից

ես, հող ու մոխիր դարձիրաւ Հարստությունը ոչ հող դարձավ, ոչ մոխիր Այն ժամանակ նա ճարտարապետներ կանցնց Բյուզանդիայից և մի հոյակապ տաճար կանգնեցրեց՝ Զէ մեռնում ժողովրդի մեջ աղքատ հոլվի, այդ հարուստ տաճարը շինողի, հիշատակը, և այդ տաճարը Չորան-քիլիսէ և անվանվում մինչեւ այսօր։

Չորան-քիլիսին դիմացավ Անիի երկրաշարժին, և արդեն Մեհեմմեդ Երկրորդի մուրճը կռտրել է նրա կլոր և գեղեցիկ գմբեթը։

Կա՞ իսկապես մի այդպիսի սիրուն ավանդություն, թե ոչ շգիտենք Անկասկած է, սակայն, որ նրա մեջ նկարագրված Զատիկիր Զայի Զատիկը չէ. մեզանում գլխավորը թաթախման երեկոն է, իսկ կիրակի առավոտյան ժամերգությունը կատարվում է արևածագին, մինչդեռ այստեղ նկարագրված է հունական Զատիկը, որ կեսպիշերին է սկսվում։ Բայց հարցը այստեղ ավանդության ճշտությունը չէ, այլ այն գեղեցիկ բանաստեղծական ձևը, որի մեջ ձուլված է նաև ծփ հավատացած կարող ենք լինել, որ մեր գրականության մեջ Անիի անցյալ օրերից մեկը նույնիսկ այսպիսի երեակայական գույներով նկարագրած շենք գտնի...

Ծիրակի բազմաթիվ ավերակ եկեղեցիները բարբարսական անգթության են մատնված. Նրանք գոմեր ու ոշխարների փարախ են դարձած թուրքարքնակ և քրդաբնակ տեղերում։ Այսպիս էր Անին մինչեւ վերջին ժամանակները, մինչեւ վանահայրություն հաստատելը։ Գեներալ Պոտոտոն բերում է այսպիսի ավերակներ տեսած մի ճանապարհորդի հետևյալ խոսքերը.

«Տիսո՞ւր, հոգի վրդովեցնող տեսարան։ Ակամա հարց է ծնվում. ինչո՞ւ ընկել է այս փառահեղ շինությունը, որի մեջ դրված են այնքան աշխատանք, միտք, թափավորական հարստություններ, մարդկանց նվերներ։ Ինչո՞ւ ավերման և ոտնահարման է մատնված այն տաճարը, որի մեջ ամեն մի քար նվիրված է Աստծո անվան և օրհնված է նրա անունով։ Ինչո՞ւ ծանրոցքներ կրող էշը դիշերում է այնտեղ, ուր ծունկ է չոքել և աղոթիլ քահանայապետը։ Իհարկե մարդկային վշտերի ուղեկիցները, մարդկային մեղքերը կլանում են տա-

Հարների բարոյական նշանակությունը, նրանց նյութական հազմը քայլայում են, վերածում նախնական անտարբեր գրության։ «Հող էիր և ի հող դարձցիս», —ահա ինչ են ասում այդ պղծված ավերակները¹։

Երկար ժամանակ Անին միայն հնասեր ճանապարհորդակար այցելության առարկա էր։ Բայց XIX դարի վերջերում գիտությունը նորից սկսեց հետաքրքրվել նրանով։ Դեռ 1878-ին խոսք կար, որ Պետերբուրգի ուսուց Հնագիտական հանձնաժողովը մտադիր է պեղումներ կատարել Անիի մեջ։ Բայց այդ միտքը կարծեմ անկատար մնաց ութսունական թվականներին էլ, և միայն 1892 և 1893-ի ամառը հայտնի հայագետ պրոֆեսոր Մաոր նույն հանձնաժողովի հանձնարարությամբ և հատկացրած միջոցներով հետազոտեց ավերակները և մի երկու տեղ էլ պեղումներ կատարեց, որոնք շափականց հետաքրքրական հանգամանքներ լույս հանեցին։

Հիմնվելով իր բարեխիղճ, մանրազնին հետազոտությունների վրա, տաղանդավոր գիտնականը նոր խոսք մտցրեց ավերակների պատմության մեջ։ Մինչև այժմ նա զեռ չէ հրատարակել իր ուսումնասիրության մանրամասնությունները, բայց այն համառոտ տեսությունն էլ, որ արդեն հրատարակված է², կարդացվում է մեծ հետաքրքրությամբ և, սնկասկած, Անիի արդեն հարուստ զրականության գոհարներից մեկն է կաղմում։

Ն. Մաոր նկարագրում է կանգուն մնացած ավերակները, բացատրում է ճարտարապետական ոճերի զանազան ժամանակները, ցույց է տալիս, թե որքան վսեմություն կա նրանց մեջ։ Բայց այսպիս շատ այցելուներ են արել։ Իսկ ինչ ոք չէ արել երբեք, այն է, որ Մաոր պեղումների միջոցով լույս է հանել նոր ավերակներ, գտել է Աշոտ Ողորմածի շինած պարիսպը, որ սկսվում է «Աղկիթ» անվանված շինության մոտից և շրջան է տալիս Միջնաբերդի ուղղությամբ դեպի Շաղկոցաձորը։ Պեղումները երեան են հանել մի ամբողջ տոհմային գերեզմանատուն և նրա մի փոքրիկ մատուրք

¹ В. Потто, Кавказская война, т. III, СПб, 1898.

² Գ. Զանշյանի „Братская помошь“ ժողովածուի երկրորդ հրատարակությունը, Մոսկվա, 1898։

որոնք գտնվում են Միջնաբերդի ստորոտից քիչ հեռու Երեւանում է և մի փոքրիկ նեղ փողոց, շինությունների պատերով։ Իր այս հետազոտությամբ Մաոր այն մեծ ծառալությունն է մատուցել, որ շատ համոզիլ պարզությամբ ցույց է տվել։ Թե դեռ կա մի ամբողջ Անի հողի տակ, թե մեր իմացածները շատ քիչ են, թե մի օր, երբ կվառվի ավելի մեծ հետաքրքրություն դեպի Բագրատունյաց ավերակները, ավելի իրական, ոչ-ձրի հետաքրքրություն, Ախուրյանի այս բարձր ափի վրա երևան կդա հայկական մի ամբողջ Պոմպիա, ուր հողի շերտերի տակ թաղված կգտնեն բազմաթիվ անգին հիշատակարաններ՝ հոչակավոր մայրաքաղաքը մասնավորապես և մեր անցյալ կյանքը ընդհանրապես, հասկանալու և ճանաչելու համար։ Հարցը միայն այն է՝ ե՞րբ կդա այդ օրը...

Խսկ մինչև այդ՝ Անին օտարների համար ոչ միայն չէ կորցնում իր գրավությունը, այլ, ընդհակառակն, ավելի և ավելի հետաքրքրական է դառնում, ավելի շատ այցելուների հիացմունքն է դրգում։ Այդ հիացողներից մեկն է մի ուռան. Անդրեն, որի մասին պետք է մի քիչ մանրամասն խոսել։ Քանի որ նա մի ամբողջ մեծ, բայց տիսուր ու դառն երևութիւներկայացուցիլ է։

Ում չէ հայտնի, որ իննունական թվականների կեսից ուսաց մամուլի նացիոնալիստական մասը սաստկացրեց իր արշավանքը հայության դեմ, հայտարարեց մի կատաղի հայակերություն, որի նպատակն էր մի ընդհանուր զայրույթու զգվանք հարուցանել մի ազգի դեմ, որ հարյուր տարուք ավել թուսաստանի հավատարիմ հպատակն էր եղել։ Նացիոնալիստությունը մարդկային կյանքի դժբախտության համար զոյցած պալարներից ամենազզվելին է. ազգ ազգի դեմ, ժողովուրդ ժողովուրդի դեմ թշնամացնելու համար նա կանգ չէ առնում ոչ մի միջոցի առաջ։ Վատարանել շսիրած մի ազգությունը, ցեսիսի մեջ տրորել նրա անունը, նրա պատիվը. քաղաքական անհավատարմության սարսափելի ամբաստություն բարդել նրա վրա, շքաշվելով ոչնչից և ոչ ոքից. — սրանք են նացիոնալիստական սիրած, փայփայած զենքերը։ Հայերին հոշակեցին ամենավնասակար մի տարր, որ անցյալուն և ներկայում իդեալներ չէ ունեցել, որի համար հասկանալին

միայն ուրիշներից ծծելն է, կեղեքելն է։ Նույնիսկ հայոց պատմությունը ծաղրում էին ուսւ նացիոնալիստները, գըտնելով, որ հայերը ոչինչ աշքի ընկնող գործ չեն կատարել իրանց անցյալում և նրանց թագավորություն ասածը մի ուղորմելի, վայրենի բան է եղել...

Այդ նացիոնալիստներից մեկը, վերոհիշյալ Անդրեևը, սյունավագությունը է Անին։ Ավերակ մայրաքաղաքը խոսում է նրա կոշտ սրտի հետ, և նա իր հիացմունքը նկարագրում է «Исторический вестник» ամսագրի մեջ (1898, № 1), որի հրատարակիչն է ուսական նացիոնալիստության սյուներից մեկը, Սուվորին։ Նկարագրությունը կրում է «Հայկական Պալմիրա» ավերակներում վերնագիրը և զարդարված է գեղեցիկ պատկերներով, որոնք Անիի ավերակներն են ներկայացնում։ Անդրեևը, որը հիացմունքը շարժած շինությունները ճանաչելու համար, հարկադրված է եղել փոքր ինչ ծանոթանալ հացոց պատմության հետ, Անիի արձանագրությունների թարգմանության հետ։

Եթեղ հնությունը հարկադրել է նրան լռել, մոռանալ շառախոսելու, հեղնելու, վատարանելու սովորությունը։ Բայց որովհետև նացիոնալիստությունը մինչև ուկորների ծուծը թափանցող մի ախտ էր, ուստի Անդրեևը հայկական անցյալի հոյակապ փշրանքներին նվիրած իր հիացմունքները ժունավորել է ժամանակակից հայությունը ցեխոտող նացիոնալիստական դառնացանքներով։ Հին, քարուքանդ պատերը, կամարները կեղծել նա չէ կարողացել, բայց ներկան կեղծելու ոչ մի դժվարություն չէ ունեցել ել հենց այդտեղ, այն հողի վրա, ուր ցրված են նրան հիացնող ավերակները, առ գտնում է մի հայ լուսանկարից, որ ներկա հայության աղաքական մաքերն ու սեպարատիստական ձգտումներն է պատմում նրան։ Ինքը, Անդրեևը, չէ պատասխանում այդ հային, նա ուզում է մնալ կողմնակի դիտող։ Ել նրա փոխարեն Անիի ավերակներում գուրս է գալիս մի ուրիշ մարդ, իհարկե, ոչ-հայ և սկսում է «ներկել» հայերին այն գույնելով, որ Պետերբուրգի և Մոսկվայի նացիոնալիստները վազուց պատրաստած ունեն իրանց շսիրած ազգությունների

կրեսին քսելու համար, Հայերի այդ դատախազը մնունադիր չէ հիշված. նա ունի մի գեղեցիկ կին, որով հրապուրված է Անդրեևի ընկերը: Բայց ինչո՞ւ է այդ դույդը եկել Անի՞ Մարդ ու կնիկ, ասում է Անդրեևը, քանզում էին ավերակները՝ գանձ գտնելու համար: Ահա այս գերեզմանակապուտը, որ ավերակների վերաբերմամբ նույնն է, ինչ բորենին մեռելների վերաբերմամբ, Անդրեևի վկան ու անկասկածելի ապացույցն է դառնում, որի բերանով ամենայն հոժարությամբ ցեխ է թափում մի ամբողջ ժողովրդի վրա: Օ՛, սա բնական է: նացիոնալիստության համար չկա ոչ մի սրբություն, երբ պետք է հասնել փայփայած նպատակին...

Նեղսիրտ, մինչև պոռնգները թույնով լցված նացիոնալիստի հետ ինչպես համեմատել ելքենի Մարկովին, որ ուսաց գրականության մեջ բավական հայտնի է իր ճանապարհորդական աշխույժ ու հետաքրքրական նկարագրություններով: Մի ճանապարհորդ է դա, որ իր կյանքում շատ տեղեր է տեսել, շատ գեղեցիկությունների, շատ հոշակավոր հիշատակարանների առաջ է կանգնել: Արևմուտքն ու Արևելքը շատ լավ ճանաշող այդ ճանապարհորդը այժմ վախճանված է՝ կարծեմ նրա վերջին ուղևորություններից մեջն էր այն, որ նա կատարեց Անդրկովկասում մի քանի տարի առաջ, երբ գեռ նոր էր շինվում Կարսի երկաթուղին: Ինքը, Մարկովը, իր այդ ճանապարհորդությունը անվանել է «Թուսական Հայուտան»¹: Եվ իրավ, նրա տեսած ու նկարագրած տեղերն են Երևանը, էջմիածինը, Ապարանը, Ալեքսանդրապոլը, Անին:

Ամեն տեղ նա առհասարակ մի բարեխիղճ դիտող է, նկարագրում է հայկական կյանքի լավ և վատ կողմերը՝ նոր-թայապետի մոտ տեսած հայերի գյուղական դժբախտ կյանքը նա ներկայացնում է վառ գույներով, և ընթերցողը տեսնում է, թե որպիսի դժոխքի մեջ է ապրում նահապետական հայ ընտանիքը. որքա՞ն կեղտ, որքա՞ն խավար, հնադարյան հասկացողություններ: Բայց ահա նույն ճանապարհորդը Կարսի շրջանի գյուղերից մեկում գիշերում է մի բարեկեցիկ ընտանիքի մեջ և այդտեղ նա արդեն ընդունում է.

որ հայ գյուղացին նույնիսկ ուսւագուցուց առաջ է գնացել:

Անիի մասին ե. Մարկովը խոսում է երկար, խոսում է սիրով, անկեղծ հիացմունքով: Մի առ մի նկարագրելով գրեթե իավոր ավերակները, ծանոթացնելով նրանց անցյալի հետ, ուսւագարհորդը վիշտ է հայտնում, որ թագրատունյաց հոյակապ փշրանքները հալվում են, ոչնչանում են արագ և ոչ ոք չկա, որ միշոցներ ստեղծեա ավերմունքի առաջն առնելու համար: Անին իր ներկա դրության մեջ եկեղեցիների ժողովածու է, իսկ եկեղեցիների պահպանությունը հոգեոր իշխանության պարտականությունն է: Եվ Մարկովն իր շատ գեղեցիկ նկարագրության մեջ ամենայն իրավունքով գարձանք է հայտնում, որ էջմիածինը մինչև այժմ չէ կարողացել այդ հին, փառավոր տաճարների պահպանության համար աշքի ընկնող գործ կատարել:

Ուսւագարհորդից անցնենք անգնենք ճանապարհորդ կինջին, որ մի քանի տարի առաջ լոնդոնում հրատարակեց իր հոյակապ «Արտենիա» երկհատոր աշխատությունը, արդյունքն այն ճանապարհորդության, որ նա կատարել է Հայաստանի թուրքական և ուսւական բաժիններում, արդյունքն այն մանրակրկիտ, բազմակողմանի ուսումնասիրության, որ նա դուրս է բերել թե իր անձնական դիտողություններից և թե բազմաթիվ գրավոր աղբյուրներից: Եքեղ տպված, շքեղ պատկերներով զարդարված այդ աշխատության մեջ մի ամբողջ մեծ գլուխ նվիրված է Անիին: Ինքը, կինջը, լուսանկարչական գործիքով վերցրել է տեսարաններ Անիից, և այդ պատկերները նրա գրքի մեջ տպագրական արվեստի վերջին խոսքն են ներկայացնում:

Լուսանկարչական գործիքը այժմ համարյա յուրաքանչյուր ճանապարհորդի հետ մտնում է Անիի մեջ, վերցնում է ավերակների տեսարանները: Բայց հանգուցյալ Քյուբքյանից հետո ոչ ոք այնքան շատ բան չէ արել Անին լուսանկարներու կողմից, որքան արել է գերասան Ա. Վրույրը: Նա սիրող-լուսանկարիչ է, և առանձնապես սիրում է հնությունները, իսկ ամենից շատ, իհարկե, Անին: Մի քանի

¹ Թարգմանությունը տե՛ս «Բազմավեպ ամսագիր», 1902 թ.:

ամառ Վրույրը ապրել է Անիում, ծանոթացել է նրա յուրաքանչյուր բարի, նրա դիրքերի բոլոր մանրամասնությունների հետ և ցույց է տվել մի մեծ, տոկուն աշխատասիրություն։ Քյուրքլանը հրատարակեց հիսունից ոչ-ավել լուսանկարներ, իսկ Վրույրը մենակ, առանց օդնականների և մանագանդ առանց նյութական աջակցության, որ գործի ամենակարևոր կողմն է, հանել է երկու հարյուր տեսարան, որոնցից հարյուրը արդեն հրատարակել է։ Հայ բեմի այդ համեստ և, ինչ ասել կուզի, չքավոր գործիցը, կարելի է ասել, Անիի մեջ և Անիի շուրջը ոչինչ անժանոթ բան չէ թողել, այնպիս որ նրա ժողովածուն ավերակների մայրաքաղաքի լիակատար, ամենամանրամասն տեսարանացույցը պիտի դառնաւ։

Բայց Անին միայն լուսանկարիչներին չէ գրավել։ Նա ոգևորել է և նկարչի վրձինը։ Լուսանկարը տալիս է ճշտություն, բայց չէ արտահայտում բնության գույները, լուսերը, օդը։ Մեր տաղանդավոր նկարիչ Գ. Բաշինջաղյանը պացրել է այդ պակասովներուն իր այն պատկերների մեջ, որոնք Անիի տեսարաններն են ներկայացնում։ Շատ լավ հաջողված են մանավանդ «Անիի տեսարանը Ավագ դոնից», և Մայր եկեղեցին։

Վերջապես հիշենք և այն, որ 1903-ի ամառը Անիում մոտ նրկու ամիս մնաց Փարիզի «Բանասեր» ամսագրի խմբագիր Կ. Բասմաջյանը, որ հնագիտական հետազոտություններով էր զբաղված։ Իր հետ Բասմաջյանը բերել էր և մի հայ ճարտարապետ՝ Անիի և նրա շինությունների հատակագիծը կազմելու համար։ Բասմաջյանը դեռ չէ հրատարակել իր ուսումնասիրությունների արդյունքը, իսկ նրա բերած ճարտարապետը դեռ այսօր էլ աշխատում է Անիում¹։

Ահա թե ինչ է Անին...

Ուղիղ մի դար է, նրան պաշտում են, նրանով հափշտակվում են։ Ո՞ր հնությունը, մանավանդ հնություններով ու

¹ Մենք առիթ ունեցանք տեսնելու այս ճարտարապետի՝ Անիում կատարած մի բանի գործերը, որոնք մեզ վրա հիանալի տպավորություն թողեցին։ (Խոսքը վերաբերում է հայկական ճարտարապետության խոշոր մասնագետ Թ. Թորամանյանին — խմբ.)։


ավերակներով ծածկված մեր երկրում, կարող է հավասարվել Անիի այս բախտին։ Ո՞րն է այն պատմական հիշատակարանը, որին միակերպ հիացական զգացմունքով վերաբերված լինի ֆրանսիացին, իտալացին, անգլիացին, գերմանացին, ուսւը, հայը։ Անին նախանձելի ճակատագիր ստացավ թագրատունիների ձեռքից։ Նախանձելի էր նա, եթե շեն ու կենդանի էր։ Նախանձելի է այժմ, երբ հյուծված ուժասպառ, քայլայլող ավերակների մի կույտ է ներկայացնում։ Ինչպես շհիանալ այդ ճակատագրի վրա, մի հինգտասը դժբախտ բեկորներ են մնացել մեծ քաղաքից, և այդ բեկորները քանի-քանի անգամ են նկարագրությունների, ուսումնասիրության, պատկերի, բանաստեղծության նյութ գարձել։ Մնացել է մի այլ մարդկային գործ, որի միջոցով մեծարված վիներ Անին։

Եվ ահա ես էլ ուզում եմ նկարագրել իմ տեսածը, իմ զգացածը։ Փույթ չէ որ ինձանից առաջ կա նկարագրողների մի երկար շարք։ Ես առաջիններից չեմ, բայց վերջինն էլ չեմ լինի, քանի որ Եիրակի այն դաշտի վրա, Ալաջա սարի ստորոտների մոտ, կանգնած կմնան բոլորովին ավերված կամ կիսավեր ապրող պատերն ու գմբեթները, դեպի այդտեղ տանող գյուղական քարքարոտ, խորդուրոդ ճանապարհների վրա միշտ կերեան մարդիկ և միշտ կկրկնվի մինույն երեսվթյուններեղ, ավերակների մեջ, ուր կարիճները, խեցգետինները, ֆալանգաները դարավոր տերերն են, երբեք չէ թուլանում հոյակապ հնության դյութական ուժը։ Այդ ուժը ձգում է դեպի իրան, այդ ուժը խոսեցնել է տալիս, և հնագետն իր հըմտության պաշարով, գրողն իր գրչով, նկարիչն իր վրձինով, լուսնակարիչն իր գործիքով, վերջապես հասարակ այցելուն մի կտոր ածուխով, մատիտով կամ դանակով մեծարանքի հարկ է տալիս մարդկային տաղանդի մնացորդներին։

Ամենքն էլ իրավունք ունեն։ Ավելորդ չէ ոչ մի գործ, որ մարդու միտքն ու զգացմունքը նվեր է բերում երախտավոր մարդկանց հիշատակին...

ԿՈՒՐ-ԱՒՐԵՅԱ

(առ վեր) պատկերանի



Ա

թեև հունիսը հասել էր իր վերջին, բայց թիֆլիսում սովորական տոթերը դեռ չէին սկսվել: Անձրևոտ ամառ էր, համարյա ամեն օր, շարաթների ընթացքում, հեղեղներ էին թափվում երկնքից: Նրանց շրջանը նոր էր վերջացել և օդի մեջ դեռ չէր շքացել նրանց թողած զովությունը:

Պարզ լուսնկա գիշեր էր: Թիֆլիսի վոկալում շկար սովորական աղմուկը, իրարանցումը և գծի վրա կանգնած գնացքը, որ կես ժամից հետո պիտի մեկներ դեպի Ալեքսանդրապոլ, մի տեսակ տիսուր լուսվյան մեջ էր թաղված: Մեր խոսմբը բաղկացած էր յոթը հոգուց: Խոսում էինք վաղվագական տոնի մասին: Երկու մարդեկ մեր պատմության մեջ անմահացել են իրեն թարգմանիչներ և եկեղեցին էլ այդ անունով է նրանց տոնում: Սահակին և Մեսրոպին նվիրած օրը արժե ամեն տարի գրական ուստագնացության օր դարձնել, ասում էր մեզանից մեկը: Ամենքս համաձայն էինք, ամենքս խոստում տվինք, թեև շգիտեինք՝ հեշտ է կատարելը:

Երկրորդ զանգակը հիշեցրեց հին ասացվածքը—«Ճանապարհորդը պիտի ճանապարհի վրա լինի»: Գիտեինք որ Ալեքսանդրապոլի երկաթուղին խուլ ճանապարհներից է, ամառվա այս պահին ճանապարհորդներ քիչ կունենա և մենք հանգիստ կտեղավորվենք երկրորդ կարգի վագոնում: Բայց ներս մտնելը բավական էր, որ մենք զգայինք, թե Անդրկովկասյան երկաթուղիները առհասարկ չեն սիրում, որ ճանապարհորդները հարմար ու հանգիստ տեղեր ունենան: Վագոնը մինչև պունդները լցված էր մարդկանցով: Մի կերպ դարսեցինք մեր իրերը, մի կերպ տեղավորվեցինք նստարանների ծայրերին և... ճանապարհ ընկանք...

Անտանելի շոգ էր վագոնում, Մեզ սկսեցին նախագոռչացնել, որ, ի լրումն ամենայնի, նստարանների բարձերը լիբն են բաղինջներով: Մեր ընկերներից մի քանիսը վճռեցին շքնել: Դեռ կարելի էր արհամարհել շոգն ու բաղինջները, բայց ի՞նչ անել, եթե տեղ չկա: Երկաթուղու վարչությունը իրան պարտավոր չէ համարում քննուու տեղ տալ ամեն մեկին: Դա նշանակում է, որ նոյա համար միենույն է, եթե միատեսակ փող վճարողների մի մասը ամբողջ դիշերը աշք չփակե: Զուր չէ մարդը իր սփոփանքի համար հնարել «բախտ» ասած հասկացողությունը: Բախտի բան է...

Եվ այդ դիշեր բախտի խորթ զավակ հանդիսացածները կարծում էին, որ բոլորովին դժվար չէ անքուն մնալը: Հունիսյան դիշերը մատի երկարություն ունի: Կեսն արդեն անցել է, կեսը կարելի է դեն գցել, կուշ գալով մի անկյունում և աշքերը անդադար թարթելով: Սկզբում այդ շատ հեշտ էր երևում: Դանդաղ հեռացող գնացքի առաջ փոփած էր դիշերային թիֆլիսը, որ իսկապես գեղեցիկ տեսարան է իր անհամար ճրագներով: Բայց առա ծածկվեց տեսարանը, թիֆլիսը դեպի հակառակ կողմն էր վագոն և հանկարծ անհայտացավ, կարծես կուշ գնաց տարածության մեջ: Անհամար անիմները ավելի արագ են գլորվում և նրանց թիմթիւկոցը գառնուում է մի անընդհատ, միապաղաղ դղրդոց, միանման և հոգնեցուցիչ: Պատուհանների առջեռվ մի քանի շենություններ, մի ինչ-որ կամուրջ փախան, և այնուհետև, շրջակայքը ձգվում է՝ ոհքեռալին աղոտ ու անորոշ լույսի մեջ:

Շուտով նրանք էլ ձանձրացրին. վագոնի մեջ խոսակցության ձայները հետզհետե մարեցին: Գիշերը ծանրացնում էր աշքերը, և նրանք փակվում էին, արհամարհելով ամեն մի դիմադրություն:

Ես շդիմացա այդ ուժին: Բայց Մորփեոսի, կամ ավելի ճիշտ ասած՝ Անդրկովկասյան երկաթուղու բաղինջների զրբկում երկար շմեացի, Հաղիվհազ էր լույսը սկսել առավոտյան մութի թանձր ծալքերը նոսրացնել, եթե զարթնեցի և նայեցի պատուհանով: Մենք մոտենում էինք մի լայն ձորի: Գեռ զաշտեր էին, գեռ մեծ-մեծ բլուրներ էին երևում: Մի գետ պղտոր, վշշան գետ, գալիս էր վերեկից կամ բոլորովին մո-

տենում էր մեր վագոններին կամ հեռանում էր, անցնելով թիերի, փոքրիկ թմբերի ետևը: Մի բան զգալ էր տալիս, որ բնության փոփոխություն է տեղի ունենում: Քունը փախավ, ես ցած իշա իմ քնարանից: Ընկերու, որ հաստատ էր մնացել իր խոսքին և չէր կարողացել աշք փակել, ուրախ էր, որ լույսը բացվում է: Բոլորովին ախորժելի բան չէ անքուն նստել քնածների բազմության մեջ և շիմանալ, թե ինչ կերպով կարելի է սպանել ծանր, ձանձրալի ժամերը:

Մենք միասին գուրս եկանք վագոնի նեղ ու փոքրիկ զավիթը: Որքան առաջանում էր գնացքը և որքան առատանում էր առավոտյան լույսը, այնքան շրջապատող բնությունը գրավիչ էր դառնում: Չորր նեղանում էր հետզհետե, պըդտոր գետը վշշում էր ավելի բարձր, առավոտյան մշտշները սողում էին սարերի լանջերով դեպի վեր, բաց անելով մի վիթխարի լեռնաստանի գեղեցիկ, ահավոր, քառսական տեսարանները: Պոկ գալ մեր տեղից այլևս շկարողացանք: Մոռանալով ամեն ինչ, մենք անհագ նայում էինք, իսկ մեր առջե հետզհետե գալիս անցնում էին տեսարաններ: Եվ այսպես՝ ժամե՞ր...

Մենք գնում էինք այն հսկայական, երկար, հմայիչ կիրճով, որ կոռու լեռնաշխարհը բացել էր Դիբեղ գետի համար:

Դա մի խրոխտ, վեհ, վայրենի լեռնաստան է: Սարերի կատարները իրար ուս են բարձրանում, այս ու այն կողմ սփոելով անտառապատ ու լերկ լանջեր, ձորեր, ամպերի մեջ կորած ժայռե պարիսպներ: Երկաթուղին սեղմվել է գետին, այսպես ասած՝ նրա վեցն է բռնել՝ լեռնային սուկալի քառսի մեջ գլուխ շկորցնելու համար: Ամբողջ ժամանակ ձեր ականջների մեջ է գետի կայտառ վշշոցը. երկաթի վրա վազող բազմաթիվ անիմների դղրդյունը չէ կարողանում խլացնել այդ շրային աղմուկը: Այդ աղմուկից հեռանալու տեղ չկա: Երկու կողմից սարեր են, անընդհատ շարքերով կանգնած:

Ոլոր-մոլոր է գետի ընթացքը. այդպես է և նրա ափերը ըերող երկաթուղին: Գալիս են երկար տարածություններ, եթե դուք, նայելով վագոնի պատուհանից, կարծում եք թե ձեր գնացքը մի ինչ-որ ահավոր ուժի ձեռքով ձգված է մի

Հսկայական խորխորատի մեջ, որից նա երբեք շպիտի դուրս գա: Եարժվում է գնացքը, շոգեկառքը հսկայարար շնչում է: և ձեզ թվում է թե նա հուսակուր ջանքեր է անում, ելք է որոնում...

Հարթ ու լայն չէ այն ձորը, որ բնությունը հատկացրել է դերեղ-շային: Նրան ամեն մի քայլում նեղում են, դժվարացնում են: Կամ ժայռերն են իրանց վիթխարի ուսերը խրոամ գետի ալիքների մեջ, կամ ձորերն են կտրատում, ծոմուռն նրան, կամ վերեկց եկող լեռնալանջերն են պատերի պես սպառվում, ցցվում նրա վրա:

Այս բոլորը ոչինչ է եղել մարդու համար: Զինված պիտությամբ, նա պլուս չէ կորցրել լեռնաստանի անհեթեթությունների մեջ: Հանդարտ, շշտապելով, նա ծրագրել է մի վերին աստիճանի հանդուգն միտք՝ քայլ առ քայլ նվաճել բնությունը, իր երկաթե ճանապարհը տանել նրա անհյուրասեր, զաֆան կրծքի միջով: Որքան մարդկային եռանդ, բազուկների ի՞նչ ուժ է գործադրված... ուսկու ի՞նչ կույտեր են սպառվել հաճախ մի հարյուր կամ երկու հարյուր քայլ տարածություն նվաճելու համար...

Խիզախ, հանդուգն մարդն է երկում ձեզ ճանապարհի երկու կողմից: Նա այլևս կանգնած չէ այդտեղ, իր մուրճը ձեռքին, բայց նրա գործը ուղեկցում է ձեզ տասնյակ վերստերի տարածության վրա, ամեն անկյունից խոսում է ձեզ հետիր հսկայական եռանդի թափով:

Տեղ-տեղ ճանապարհը նման է քարե տաշտակի.— պատոված է միապաղաղ ժայռոտ զանդվածը և նրա նեղ գոգում ամրացված են զույգ երկաթե ձողերը: Քարե տաշտակներին հետեւում են քարե արկղները: Չորս կողմից քար և քար: Մակված մեծ ժայռի միջով սլանում է գնացքը, ահազին աղմուկ բարձրացնելով իր անիվներով: Ես փորձեցի համրել այդ փոքրիկ թունելները, բայց թիվը կորցրի. այնքան շատ են նրանք:

Քմահաճ է բնությունը լեռներում: Եվ այդ քմահաճությանը գեղեցիկ կերպով հարմարվել է լեռնային երկաթուղին: Մի բոպե առաջ դուք ձորի խոր հատակում էիք, սեղմված ժայռե պատերի մեջ: Մեկ էլ տեսաք, գնացքը անցավ

գետի մյուս ափը, շրջան տվեց, բաց անելով ձորի վիթխարի տեսարաններ: Դուք խորխորատների վրա եք: Կամ թե տեսնում եք, գնացքը դեպի վեր է սողում կրիայի քայլերով, և բոպե շանցած՝ դուք թոշում եք անգունդների վրայով, երկաթե կամուրջներով: Այդպիսի կամուրջներից նշանավոր էր մանավանդ Շահալիի կամուրջը: Նա բավական մեծ է, կախված է ահագին բարձրության վրա: Նայելով դեպի ցածր գողում եք այն վայրկենական մտքից՝ թե ինչ կլինի, եթե հանկարծ գնացքը դուրս գա գծից...

Մարդը, այս՝ աշխատել է և լավ է աշխատել: Լոռու ձորը գոտեվորող երկաթուղով նա միանգամից երկու մեծագործություն է կատարել. մեկ՝ որ շինարարական հանճար է ցույց տվել, երկրորդ՝ որ ճանապարհորդին սիրուն հարմարություն է տվել, որ նա մի քանի ժամվա ընթացքում պատե բնության հրաշալի ծոցում և սքանչանա շուրջը փուլած, միջյանց արագ հաջորդող սքանչելի տեսարաններով: Դերեդ գետը ժամերով մեխում է ձեզ պատուհանին և այնպես դյութել գիտե, որ դուք ոտի վրա կանգնած՝ հոգնածություն չեք գգում:

Ի՞նչը պիտի հոգնեցնե: Մեծ քաղաքի ժխորից, փոշուց, խանձված ու հոտած փողոցներից հանկարծ, գիշերային մի քանի ժամերի ընթացքում ընկնելով այս հրաշալի խով, հրաշալի վայրենի անկյունը, դուք վերածնվում եք բոպեապես, թարմանում: Ի՞նչ երկինք, բայց մանավանդ ինչ երկիր: Միանմանություն չկա առջեղ, աղքատություն, վատուժություն չէ երկում, որպեսզի կշտանաս, ձանձրանաս: Բնության վրձինը շափաղանց բեղմնավոր, համարձակ է եղել, այսուժետների մանրություն, ստեղծագործող թափի թուզություն չկա: Մի կանաչաղարդ, անտառաշատ հովիտից՝ սեպացած, լերկ ու ալեսոր ժայռերի երկար պատին անցնելը բոպեի գործ է: Այնուհետև ուրիշ պատկերներ, ուրիշ գույներ, ուրիշ որամադրություն: Այստեղ երկնքի մեջ իրված մի սրածայր գագաթ, որի շուրջը առավոտյան այս վաղ ժամին սողում է մշուշը, կամ վարագութելով նրա բարձրունքները կամ հանկարծ բաց անելով նրա տիտանական կողերը: Այնտեղ զարմանալի կանաչ լանջերը կանաչ գույն են տալիս վագոնի մեջ

եղած օրվա լույսին և ձեզ վրա հիացմունքի ժպիտներ են բերում կանաչների ու թփերի միջից թափվող փոքրիկ շրվեժները: Մոտիկ են նրանք, բոլորովին մոտիկ ճանապարհին, գուրք հազիվ մի վայրկյան տեսաք քարից-քար ընկնող շինչ, բյուրեղյա ջրերը, բայց այլևս մոռանալ նրանց չեք կարող: Եվ ձեր հիշողության մեջ կայտառ ալիքների հետ տպավորված կմնան և արեի առաջին մեղմ ճառագայթները, որոնք ամառնային վաղ առավոտին այնքան հմայք են հաղորդում ոչ միայն ջրին ու խոտին, այլև լեռնային հոկա տեսարանների ամեն մի խորշին, ամեն մի կտորին:

Պակասում է միայն մի բան: Լեռնային աշխարհը իրեւ մի վեհ ամբողջություն ընդգրկելու համար պետք է լինել բարձրերում: Այդ խրոխտ գագաթները պիտի լինեն դիտանոց և նայողը պիտի իրան զգա տիրող ահազին տարածությունների վրա, հոկայական տեսարաններով շրջապատված, երկնքի ու երկրի մեջտեղ, անծայր հորիզոնների առաջին: Երկաթուղվար գնացողը զուրկ է այդ դիրքից: Նա ձորի հատակից է նայում, ցածրից դեպի վեր, տեսնում է կտորներ, սեղմված է անձուկ տարածությունների մեջ: Բայց մեր երկրի լեռնային գագաթները դեռ անմատչելի են երկաթուղագծերին: Եատ է հեռու այդ ժամանակը: Գոհ լինենք և նրանով, որ գոնե լեռնային կիրճերն են հետզհետ նվաճվում: Սանահին կայարանի մոտերքում, գետի ձորից ուղիղ դեպի վեր, դեպի լեռն է ձգվում մի փոքրիկ կածան, դա է այն ճանապարհը, որ տանում է դեպի Սանահին հոշակավոր վանքը: Մեր լեռնաստանների ճակատին, դարերի սկզբից հաղորդակցության այդ տեսակ տանջանքների ժապավեններ են եղել գրված: Եվ Սանահին զլխապատառ վերև վազող կածանի կողքով անցնող երկաթուղին արգեն մի հրաշք է ինքնըստինքյան...

Չորից ձոր, ժայռից ժայռ, անտառներից անտառներ — ամեն տեղ կուսական բնությունն է: Ամայություն է տիրում. մարդ քիչ կա այդ գեղանկար վայրերում: Երբեմն միայն կտեսնեք գյուղական մի քանի ողորմելի տներ, բայց նրանք շեն կարողանում փոխել ընդհանուր տպավորությունը, շեն կարողանում լցնել բնության մեջ զգացվող դատարկությունը, անբնակ տեղերի գատարկությունը: Հոռու ամբողջ ձորի մեջ

յիալն. մի տեղ երևում է նոր ժամանակների տեսարանը, կապիտալի վլվուկը: Դա Ալավերդիի հանքագործարանն է, ունեղված երկաթուղուց շատ մոտ, լեռան լանջերի վրա:

Այդտեղ աշխատում են մարդիկ, աշխատում է շոգին: Բայց կուսական բնության ծոցը խրված այս գործարանական երևույթը երկաթուղու ստեղծածը չէ: Նա գոյություն ուներ երկաթուղուց առաջ էլ: Ինքը, երկաթուղին դեռ չէ կառողացել նկատելի կերպով տակնուրա անել այս հիացնող ձորի դարավոր անշարժությունը: Առայժմ նա միայն փոքրիկ, լուր ու խեղճ կայարաններ է շարել ձորի երկարությամբ: Խիզախ ու հանդուգն է նա իրեւ լեռնային երկաթուղի, բայց աղքատ է, շատ աղքատ իրեւ առևտրական-արդյունաբերական երակ: Ապրանքատար գնացքներ շեն երևում, գիծը առայժմ ճանապարհորդներին է ծառայում գլխավորապես:

Բայց մի՞թե մշտական կլինի այդ անփոփոխությունը: Ո՞վ գիտե, գուցե շատ հեռու չէ այն ժամանակը, երբ այս հարուստ ու շքեղ լանջերը, դալար հովիտները կդառնան թիֆլիսի արվարձանի պես մի բան, և ամառնային կյանքը կմիացնե այս տեղերը, օդի, զովության կարոտ մեծ քաղաքի հետ: Գլխավորն այն է, որ այստեղ նոր կյանք հաստատվի: Այնուհետև, երեխ, կզա և բնության հարստությունները շաշագործող ձեռներեցությունը...

Բ

Ամեն ինչ վերջ ունի, և Դեբեդ-չայի ձորն էլ վերջ է դնում իր գարդերին Մեծ Ղարաբիլիսա հայարնակ գյուղի յուտ:

Դա մի մեծ գյուղ է և լեռնային գավառի կենտրոն: Երկաթուղին էլ ընդգծել է գյուղի նշանակությունը, կառուցանելով այդտեղ մեծ ու գեղեցիկ վոկզալ: Ամառնային սիրուն առավոտ էր, երբ մտանք բուժետը մի փոքրիկ նախաճաշ

անելու Որքա՞ն գեղեցիկ շրջապատ է տվել բնությունը Մեծ Ղարաբիլիսային: Գյուղը հովիտի մեջ է, շրջապատված լեռնային բարձրություններով, որոնք վերին աստիճանի գեղանկար տեսարաններ են բաց անում ամեն կողմից: Երեսում են գեղեցիկ տներ, որոնք վկայում են թե զյուղը մի քանի քայլ առաջ է գնացել պատեհական ավանդապահությունից: Ղարաբիլիսան վաղուց հայտնի է իրեն կրթասեր մի գյուղ: Այդ կողմից նա կարող է ամաշեցնել մեր գավառական շատ քաղաքները: Այդուղի ստացվող հայերեն լրադիրների թիվը այնքան աշքի ընկնող է մի գյուղի համար, որ Կարսի, Ախալցխայի, Հին Նախիչևանի պես քաղաքներն անգամ պիտի կարմրեն, համեմատելով իրանց պահանջը այս գյուղի պահանջների հետ:

Մեծ Ղարաբիլիսան արդեն ամառանոցի համբավ է ստացել: Եվ նա միանգամայն արժանի է այդ համբավին: Կա ամառանոցավորների մի թիվ, բայց նա ավելի կստվարանա, երբ երկաթուղին ավելի ուշադրություն կդարձնե նրա վրա: Առաջմ նրա արածը միայն այն է, որ Ղարաբիլիսան մտցված է ամառանոցների ցուցակի մեջ և վայելում է ամառանոցային էժան սակագնի առավելությունը. մինչև Ղարաբիլիսա երկաթուղու տոմսակը սովորական տարիքից պակաս արժե: Բայց այդ քիչ է: Ժամանակակից կյանքը միայն էժանություն չէ պահանջում. նրան հարկավոր է, որ հաղորդակությունը օրվա մեջ շատ կարճ ընդհատումներ ունենա:

Ղարաբիլիսայից երկաթուղին գնում է դեպի արևմուտք, և տեսարանը միանգամից փոխվում է: Բնությունը դարձյալ մեծագործ է, դարձյալ լեռներ է փռում աշ ու ձախ, բայց այլևս հրաշակերտող ուժ շունի, քմահաճություններից զըրկված է: Անտառները լքացած, փայտի կտոր չկա. ամեն ինչ ծածկված է կանաչով: Միանմանություն է տիրում, վագոնի պատուհանը այս չէ ձգում, չէ կաշկանդում: Ուղևորը շուտ ձանձրանում է, հոգնում:

Անցյուրասեր բարձրություններ են, ցուրտ, աղքատ: Անժամանակ ցրտերը հաճախ փշացնում են ցանքերը, իսկ այս կողմերի ժողովուրդը համարյա միայն երկրագործությամբ է ապրում: Հողի պակասությունը շատ մեծ է և խեղ-

գում է հողի մարդկանց: Մի քանի հայ գյուղեր երկաթուգու գծի վրա են, մի քանիսները կայարաններ են: Կանաչ դաշտերի մեջ նստած կոպիտ, նահապետական քարակույտեր են. աշք շոյող ոչ մի տեսարան մարդկային այդ բնակությունների մեջ: Աղքատությունը աշք է ծակում ամեն մի քայլում:

Գնացքը այդ պատառություն խեղճությունների մոտով անցնում է դանդաղ, «տոտիկ-տոտիկ», ինչպես կամեր Ալիշանը եթե մեզ հետ լիներ: Ալեքսանդրապոլի երկաթուղին շատ ծանրագնաց է: Միջին թվով մարդատար գնացքը մի ժամում 20 վերստից ավել չէ անցնում, այսինքն փոստային սայլակից երկու անգամ արագ: Պատճառներից առաջինը, իհարկե, լեռնային դիրքն է: Ճանապարհը կամ դեպի բարձր է գնում, կամ դեպի ցած. հարթ ու հավասար տեղերը շատ չեն: Տեղեր կան, ուր գնացքը այնքան դանդաղաշարժ է, որ թվում է թե ոտով կարելի է գնալ նրա հետ...

Բայց և այնպես երկաթուղի է դա և կատարում է փոխադրությունը այնպիսի արագությամբ, որի մասին հազարավոր տարիների ընթացքում հասկացողություն շունեին այս սարու երկիրները: Համեմատորեն դատելով, կարելի է ասել, որ ուղերդը թոշում է շոգիի թևերի վրա: Թոշելով, դուք խորին անձկությամբ եք դիտում այն հետամնացությունը, այն անշարժ, մերկ ու քաղցած նահապետականությունը, որ ցուց են տալիս ձեզ գյուղերը ճանապարհի երկու կողմից: Ե՞րբ պիտի նրանք էլ թոշեն դեպի առաջ, ե՞րբ պիտի տարածություններ թողնեն այս իրականության և մի լավ ապագայի մեջ...

Դեռ մինչև կեսօր ժամանակ շատ կա: Վագոններում վառում են ճրագները և բոպե շանցած՝ գնացքը, սաստկացնելով իր դրդոցը, խրվում է կատարյալ մթության մեջ: Զաջուռի մեծ թունելն է, 5—6 բոպեի ճանապարհ, որ փորլած է լեռնային շղթայի մեջ: Մինչև այստեղ գնացքը դեպի սարն էր գնում: Դուրս գալով թունելից, նա սկսում է իջնել բարձրությունից, ահագին պտույտ տալով: Իջնում ենք Ալեքսանդրապոլի վրա: Ուղևորը մի նոր աշխարհի մեջ է:

Մի կողմից, այն է՝ հյուսիսային կողմից, Զաջուռի այս լեռնաշղթան է, որ գնում է դեպի արևելք: Նրա դիմաց, հյու-

սիս-արևելքից դեպի հարավ-արևմուտք, ընկած է մի այլ լեռնաշղթա, որի վրա, երկնքի տակ, իր ձյունապատ գագաթներով ալմաստի պես պսպղում է վեհ և նազելի Արագածը: Հեռու դեպի հարավ Հորիզոնի վրա, կապույտին է տալիս Ալաջայի շղթան: Այս երեք շղթաների մեջտեղը ընկած մեծ լեռնադաշտը մեր պատմական Շիրակն է...

Դաշտ ասելով շպետք է հասկանալ բոլորովին հարթ ու հավասար մի տարածություն, ինչպես են կուր գետի այն տափարակները, որոնք ձգվում են դեպի Կասպից ծովը: Շիրակը մեծ մասամբ դաշտ է, բայց նրան կտրում են երկար ու խոր ձորեր, որոնք հսկայական լանջեր ունեն, և առանձնակի բարձրություններ, որոնք սարեր չեն, բայց վիթխարի բլուրներ են: Այս տարբերությունը խնամքով ընդգծում է ժողովրդի բարբառը. այդ դաշտային բարձրությունները թուրք լեզվով «գաղզ» (սար) չեն կոչվում, այլ միայն «թափա» (գագաթ): Առհասարակ իր տեղագրական հանգամանքներով Շիրակը սաստիկ հիշեցնում է Սյունյաց աշխարհի Զանգեզուր և Սիսիան գավառները: Այստեղ էլ, ինչպես և այնտեղ, դուք գնում եք հարթ ու հավասար դաշտով և հաճախ տեսնում եք, որ ձեր առջև բացվեց մի ահազին ձոր, որ իր մեջ ունի լեռնային մի երկրի մինիատյուր հանգամանքները:

Ծնդհանրապես ցուրտ ու ժլատ դաշտավայր է Շիրակը: Չմեռը դաժան, բուքերով ու ձյուներով հարուստ, ամառը կարճատե, զով: Դեռ դեղնած արտ շէր երևում շորս կողմում. գարու հունձը սկսվում է հուլիսի կեսերից: Ամբողջ տարածության վրա մի հատ ինքնաբույս ծառ, մի թուփ շկա: Տկլոր են, այսինքն միայն խոտով են ծածկված թե՛ անծայր դաշտերը, թե՛ լեռնաշղթաների շարքերը: Մառապտուղ, միրդ շունի առասպելական շատակեր Շարայի երկիրը, որ իր ամբարները միայն հացով է լցնում:

Մեզ հետ հանապարհորդակից էին մի քանի ալեքսանդրապոլիսներ: Եվ մինչդեռ մեր գնացքը իր մեծ պտույտն էր կատարում՝ Ալեքսանդրապոլիս հասնելու համար, նրանք պատմում էին Շիրակի կյանքի տնտեսական հանգամանքները, խոսում էին իրանց դաշտերից ու ձորերից, իրանց քաղաքի մտավոր դրությունն էին լուսարանում: Այդ խոսակցությունը,

սակայն, աշխույժ ու տաք շէր և մենք լսում էինք, հարցեր էինք տալիս ակամա: Երկաթուղին, ինչպես գիտեք, շատ է հոգնեցնում: Այդ նկատելի է մանավանդ այն տեղերում, ուր բնությունը ձանձրացնում է իր միանման տեսարաններով: Բայց Շիրակը, մանավանդ Ալեքսանդրապոլի շրջականերում, ունի մի գեղեցիկ տեսարան, որ և սթափեցրեց մեղ ամենքիս թմրությունից:

Զեր առջև, բարձր լեռնաշղթայի վրա, խրոխտաբար բազմել է ու իր հպարտ գլուխը մինչև երկինք է տարել Արագածը: Նա իր ձյուներով պսպղում է ամսլերի միջից և տիրում է ամբողջ դաշտի վրա: Առաջին անգամ տեսնողներս հիացած էինք նրա տեսքի վրա: Կանաչ, մինչև երկնքի մեջ ցցված գագաթները, տիրաբար հսկա: Ամեն օր շիրակեցին տեսնում է իր Արագածը, բայց և միշտ, նայելով գեղեցիկ հսկային, շէ կարող զսպել իր հիացական բացականշությունները, մանավանդ երբ օտարերկրացի կա նրա հետ: Դա մի ամբողջ պաշտամունք է, որի հուղիլ արտահայտությունները խոսում են ժողովրդական երգերի մեջ: Շիրակեցու բանաստեղծությունն է Արագածը, շիրակեցին իր սիրուն սարով է պարծենում: Իր երկիրը եկած անծանոթ ուղևորին նա ամենից առաջ իր պարծանքն է ցույց տալիս և վախենալով թե օտարականը կարող է այն զգալ, ինչ ինքը զգում է մանկությունից, գովում է Արագածի գեղեցկությունը և ասում է թե գեղեցիկ է Արագածը հատկապես Շիրակի դաշտից: Դա ճիշտ է: Արարատյան դաշտից էլ երևում է Արագածը, բայց այդտեղ Շիրակի սիրելին գեղեցիկ շէ, նույնիսկ տգեղ է, ինչպես հագատացնում է շիրակեցին:

Ականջ դրեք այն խոսակցություններին, որ Արագածի տեսքն է հարուցանում մարդկանց մեջ—և դուք կմանաշեք ժողովրդական հոգու ամենաբնորոշ մի գիծը: Ժողովուրդը բանաստեղծ է, պաշտամ է բնությունը, բայց շէ սիրում ամայությունը, վատությունը: Նա երկրագում է ստեղծագործող, կենդանարար սկզբունքին: Սիրելի է Արագածը ոչ միայն այն պատճառով, որ բարձր սար է, գեղեցիկ է, այլև այն պատճառով, որ այդ բարձրությունն ու գեղեցկությունը գիտեք բա-

բերարություն անել մարդկանց։ Նա շատ ջրեր է տալիս, իսկ շրջակայքը այնքան կարուտ է ջրի...»

Այսպես չէ Արագածի ավագ եղբայր Մասիսը— մի անսպուտ հակա, որ իր գլխի վրա ձյունային ահեղ զանգվածներ է պահում, բայց իր շուրջը ապրող մարդկության մի հատ առու էլ չէ տալիս։ Մասիսը ճնշում է իր ահավոր վսեմությամբ։ Նա անհեթեթ ու անպետք հսկայությունն է։ Արագածը ժպիտ է պատճառում— նա բարերար ուժն է։

Այդ ժպիտով համակված էինք ամենքս, երբ մեր գնացքը հանգարտ մոտեցավ սպիտակ և գեղեցիկ վոկալին։ Ալեքսանդրապոլն է։ Մեզ դիմավորելու էր եկել հայտնի հայագետ և Լազարյան ճեմարանի պրոֆեսոր պ. Գրիգոր Խալաթյանը, Այստեղ պետք է ասեմ, որ Խալաթյանը մոտ երկու շաբաթ առաջ Թիֆլիսի վրայով գնում էր իր հայրենի Ալեքսանդրապոլը։ Երբ նա այցելության եկավ «Մշակի» խմբագրատունը, ես հայտնեցի, թե որքան մեծ ցանկություն ունենք Շիրակը և Անին տեսնելու նա ավելի ևս ոգնորեց մեզ, հորդորեց անպատճառ գնալ-տեսնել և խոստացավ մեզ համար մի շատ հաճելի պտույտ պատրաստել՝ Շիրակի նշանավոր տեղերը այցելելու համար։

Եվ, Խալաթյանը ճշտությամբ կատարել էր իր խոսռումը։ Նա հայտնեց, որ ամեն ինչ պատրաստ է, և մենք ճաշից հետո իսկույն կճանապարհվենք Անի։ Մենք մտանք Ալեքսանդրապոլ, գավառական մի հանգարտիկ ու բավական քարենարգ քաղաք, որ ունի բավական հարթ ու լայն փողոցներ, փոքրիկ ու ցած տներով։ Երևում է, որ գավառական քաղաքը, որքան ներում են իր համեստ միջոցները, ամեն շանք փոքր է գնում, որ առաջ գնա բարօրության ճանապարհով։ Փողոցներում կան արդին կերոսինային կատարելագործված լապտերներ բարձր սյուների վրա։ Թիֆլիսը ավելի շատ շուներ այդ լապտերներից։ Մի բան միայն վատ է Ալեքսանդրապոլի փողոցներում— փոշին։ Բայց ես շգիտեմ՝ իրավունք ունի՝ Թիֆլիսում ապրող մարդը գանդատվել, ուր էլ վնի, փողոցային փոշու վրա...»

Մեր խումբը Ալեքսանդրապոլ մտավ ավելի ստվարացած, ճանապարհին, Ղարաքիլիսայում, նոր ուղեկիցներ էին

Հիացել մեր խմբին։ Բայց և այնպես Խալաթյանի ընտանիքը ընդունեց մեզ գրկարաց և ամբողջ ժամանակը, մինչև Ալեքսանդրապոլից հեռանալը, այնպիսի սրտարաց, բուհայիկական սիրալիր հյուրասիրություն ցույց տվեց մեզ, որ հիացմունք պատճառեց ամենքիս։

Գ

Ասացի, որ Շիրակեցին պաշտում է իր Արագածը։ Բայց նրա համար, և հատկապես ալեքսանդրապոլցու համար, կայի ուրիշ, գուցե ավելի մեծ, սրբազն պաշտամունք՝ Անին։ Ալեքսանդրապոլցին Անիի շերմնուանդ ուստավորն է։ Եվ ես գծվարանում եմ հավատալ, թե ամբողջ քաղաքում կարող է գտնվել մեկը, որ իր կյանքում գոնե մի անգամ տեսած վինի ավերակների քաղաքը։ Ցուրաքանչյուր անգամ, երբ առիթ է ներկայանում, ալեքսանդրապոլցին մեծ հաճությամբ օգտվում է նրանից։ Անին մի ավելորդ անգամ էլ տեսնելու համար։

Այդ պատվարեր փաստը մեր աշքի առջև էլ կրկնվեց։ Ճաշից հետո կառքերի մի երկար շարք էր սպասում մեզ։ Բանից դուրս եկավ, որ մեր խմբին ավելացել է մի ավելի սովոր խումբ։ Մեզ հետ Անի էին գնում Խալաթյանների համարյա ամբողջ ընտանիքը և նրա մի քանի բարեկամները։ Մի ամբողջ կարավան էինք կազմում։ բացի տղամարդկանցից, այգտեղ կային տիկիններ, օրիորդներ, երիտասարդներ, նույնիսկ երեխաններ։ Մեզ հետ էր և Ալեքսանդրապոլի քաղաքագլուխ Գեղամ Տեր-Պետրոսյանը, մի եռանդուտ, անխոնչ ու լուսավոր մարդ, որի գործունեությունը երախտագիտությամբ պիտի հիշե Ալեքսանդրապոլը։ Մեր կարավանի գլխավորը նա էր։ Թե որպիսի սիրալիր ուշադրությամբ էին վերաբերվում դեպի մեզ, հյուրերս, Տեր-Պետրոսյանը, նրա հետ մի կառքում նստած Գրիգոր Խալաթյանը և վերցինիս եղբայր Կարապետը, — ես պատմել շեմ կարող

Մեր ճանապարհը սկսվեց Ալեքսանդրապոլի արևմտյան ծայրից: Առաջ մենք գնում էինք խճուղով, անցանք Արփալշայ գետը, որ մի ժամանակ ոռու-թուրքական սահմանագիծն էր կազմում: Ապա դուրս եկանք խճուղուց և մտանք գյուղական նեղ, անմշակ արածետները: Ալեքսանդրապոլից Անի կարելի է զնալ երեք-չորս ուղղությամբ. Ալեքսանդրապոլից յուրաքանչյուր կառապան այնպես լավ է ճանաշում այդ ճանապարհները, որ կարող է աշքերը փակած տանել ուղերին և շխալվել: Նույնպես լավ գիտե նա և ուղեցույցի դեր կատարելը: Երբ նա լուր ու մունջ նստած է իր տեղը, ամբողջապես գրաղված իր ձիաներով, դուք հասկանում եք, որ շրջակայքում ուշադրության արժանի, որևէ բանով հայտնի տեղ չկա: Բայց հանկարծ տեսնում եք, որ նա ետ նայեց դեպի ձեզ, մտրակով ցույց տվեց մի ուղղություն և արտասանեց այս կամ այն գյուղի, այս կամ այն բլրի անունը: Նա բացատրություններ էլ կտա, թե ինչ կա այդ գյուղում, ինչ է այդ բլուրը:

Օրը զով է, ինչպես վայել է Շիրակի լեռնադաշտին. արեգակը տաքացնում է, բայց չէ այրում: Շուրջդ կանաչ տարածություններ են. գալիս են բլուրներ, նրանց մեջ ձևանում են ձորակներ, բայց դաշտավայրի ընդհանուր բնավորությունը մնում է անփոփոխ: Կանաչ արտերի մեջ պտույտներ է գործում գյուղական ճանապարհը. նա ունի հարյուրավոր և էլ ավելի խոշոնդուներ, ծածկված է քարերով, կոշկոռներով, խորդուրդերով. և կառքը անդադար երերվում է, անողորմ կերպով օրորում, մի կողմից մյուս կողմն է գցում իր մեջ նստածներին, կամ բարձրանում է, կամ ցած գլորվում, կամ կողքի վրա է գնում նեղ կածանով և դուք ամեն բոպե սպասում եք, թե ո՞ւ ա նա շուր կգա, կամ թե խրվում է կես-շորացած ցեխների մեջ:

Կանաչ դաշտերում հանդիպում են գեղեցիկ, սովորաբար փոքրիկ, մոխրագույն, խեղճ գյուղեր: Առաջին գյուղը, որի միջով անցանք մենք, թուրքաբնակ էր: Որքա՞ն տնանկություն, որքա՞ն աղը ու անմաքրություն է ցուցահանված նեղ, հոտած փողոցներում: Բայց այսպես է դրությունը ամեն տեղ, այսպիսի տեսք ունեն և հայարնակ գյուղերը: Եվ նկատեցեք, դարերով տիրողները թուրքեր էին, ընդհանը 25 տարի

է, ինչ վերջ է տրվել նրանց տիրապետության: Շիրակի հին, գեղեցիկ կուտուրան նրանք ջնջեցին: Անընդունակ լինելով սովորել բնիկ հայերից, նրանք խեղեցին այդ բնիկներին և թույլ շտվեցին, որ իրանցից մի քայլ առաջ գնացող լինի: Այդպես էլ հաստատվեց հավասարությունը, և այժմ մի են նախկին անընդունակ տիրողները ու նրանց տանշված հպատակները: Զանապանել արտաքուստ շատ դժվար է: Միջավայրին հարմարվելու օրենքը այդպես էր պահանջում: Կեղեքով տերն ու կեղեքվող հպատակը իրար շատ մոտ էին ապրում, կողք-կողքի տված: Նրանք կամ գրկիցներ էին մի գյուղում, կամ շատ մոտիկ հարևաններ էին մի գաշտի վրա:

Թուրք գյուղի մոտիկ հարևանը շուտով երևաց: Դա Բաշ-Շորագյալն է. առաջին մեծ հայ գյուղը Ալեքսանդրապոլից մոտ 15 վերստ հեռավորության վրա: Նրա միջով հոսող գետակը, որ կոչվում է Կարախանի ջուր, մեր խմբից շատերին հիշեցրեց ծարավը: Շիրակի դաշտերում աղբյուրներ շատ քիչ կան և ծարավից տանշվելը այդ հովասուն, կանաչ տարածությունների վրա նույնքան սովորական է, ինչպես, օրինակ, Սարգարաբաղի այրված, անջրդի անապատում, որ գտնվում է այստեղից դեպի արևելք, Երևանի երկաթուղու վրա: Մեր կառքերը կանգ առան, այս ու այն կողմից երևացող գյուղացիներից և գեղջկուհիներից չուր էին խնդրում:

Մերկ, սև, քարի գյուղ է դա: Ամեն տեղ շոր քարե պատեր միայն, ցածրիկ տները կույր են, առանց պատուհանների, դեպի փողոցի կողմը գարձրած ունեն հաստ, բութ պատեր, որոնք կիկլոպյան անարվեստ շինարարություններն են հիշեցնում: Ու մի կանաչ ճյուղ, ոչ մի փունջ կանաչ խոտ ամբողջ գյուղի մեջ: Դրա փոխարեն աղբ, — որքան կարելի է երևակայել: Շիրակի և Արարատյան անփայտ դաշտերի աղբարնակությունը բնությունից և կարիքից ստիպված աղբերի մեջ է ծնվում, աղբով է գրաղվում իր ամբողջ կյանքի ընթացքում և վաղուց է կորցրել մարդուն հատուկ զգվանքը դեպի անմաքրությունները: Անասունների աղբը նրա համար միակ երկնային բարիքն է. գաժան ձմեռվա ընթացքում նա առանց այդ աղբի գյություն չէ կարող պահպանել: Ուստի ամբողջ ամառը նա գրաղված է վառելիք պատրաստելով. հավաքում է անասուն-

ների աղբը, մերկ ոտներով կոխ է տալիս, արորում է նրան, ձեռքերով փոքրիկ աղյուսներ է շինում այդ զանգվածից, փոռում է աղյուսները, չորացնում է արեգակի տակ և ապա նրանցից բարձր բուրգեր է կազմում: Աթարը պատրաստ է նա հանգիստ սրառվ կարող է սպասել ձմեռվա գալուստին, երկար ամիսներ նա կարող է իր քարե տների մեջ կուշ գալ, իր պատրաստած վառելիքի կծու ծովին ու վլուխ պտտեցնող հոռք վայելել: Չարքա՛շ ժողովուրդ...

Բաշ-Շորագյալի այս մոխրագույն իրականությունը խլել էր իմ ամբողջ ուշադրությունը: Մենք, քաղաքացիներս, սիրում ենք այսպիսի տեսարանների առաջ փիլիսոփայական խոհերի մեջ ընկնել, մտածել մարդկային կյանքի հոգեբանության վրա: Ե՞րբ պիտի լինի, որ այս խորին, անմիտիար նահապետականությունը ազատե ժողովուրդը իր հայրական պինդ գրկից, Ե՞րբ այս ժողովուրդը կստանա իր թոքերի համար այնքան հարկավոր օդ և լուս: Մտածում ես, իսկ շիշերոնե կառապանդ, այդ ժանր խոհերիդ անդիտակ, ուշադրությունդ դարձում է գյուղից դեպի վեր, բարձր թուարի գլուխը պսակող հին շինության վրա:

Նոր միայն հիշում ես, որ Բաշ-Շորագյալը այն կետն է, որտեղից ճանապարհորդին սկսում է ուղեկցել թագրատունի թագավորների մեծագործ ոգին:— Այդ անակնկալ հիշողությունը ցնցում է մարդուն: Համեմատելու, տարրերակություններ գտնելու կարողությունը մարդկային ամենաթանկագին սեփականություններից մեկն է: Բայց երբեմն ինչպե՞ս է նա տանջում...

Այժմյան սկսուկ, աղբաթաթախ Բաշ-Շորագյալի մեջ ինչպե՞ս կարող են ենթադրել անգամ թե դա հին Շիրակավանն է, որ ավելի հին ժամանակներում ծրագավորս էր կոշվում: Միայն կառապանիդ ցույց տված հին ավերակն է, որ պահպանել է այս պատմական իրողությունը: Ավերակը, որ բարձրից, երկնքից կապուտակության միջից, իր հնամաշ կողերն է ցույց տալիս, Սմբատ Առաջինի շինել տված եկեղեցին է:

Շիրակավանը մայրաքաղաք էր այն ժամանակ, երբ Անին դեռ մի անհայտ բերդ էր: Այստեղ էր ապրում Սմբատը,

բանի թագաժառանգ էր: Այստեղ էին վճռվում Աշոտ Առաջինի հիմնած բավական լայնածավալ պետության գործերը: Սյատեղ էին զորաժողովներ լինում, այստեղ էին արշավանքերի ծրագիրներ կազմվում: Իսկ արշավանքները անթիվ էին: Սմբատը իր ամբողջ կյանքը պատերազմների մեջ անցկացրեց:

Բացի մի հատ կիսակործան եկեղեցուց ուրիշ մի հիշատակ չէ մնացել այս հզոր, բայց և դժբախտ թագավորից, մինչդեռ նրա տխուր կյանքը և մանավանդ սարսափելի վախճանը պատմական ամենամուայլ դրամաներից մեկն է կազմում և անօրինակ, զարհուրելի է մանավանդ իրու մի թագակիր գլխի ճակատագիր:

Հիշո՞ւմ եք: Իր հայր Աշոտից ստացած լինելով մի նորակազմ, խելքով և ուժով նվաճած պետություն, նա հանդիսացավ պարտաճանաշ ժառանգ: Ոչ միայն շվատնեց հայրենի ժառանգությունը, այլ ընդարձակեց, ամրացրեց նրան: Թագավորեց 24 տարի: Շարունակ կովեց, շարունակ հաղթեց, բարձրացրեց մանուկ պետության պատիվն ու վարկը, նույնիսկ թագ տվեց վրաց Ատրներսեհին: Նրա հայր Աշոտը արաբներից թագ ստացավ այն պայմանով, որ հարկ տա թաղդատի խալիֆին և ճանաչե Ատրպատականի նրա փոխանորդի գերիշխանությունը: Սմբատը մեջտեղից հեռացրեց այդ փոխանորդին և անմիջապես արաբական արքունիքի հետ գործ ուներ: Բաղրատունի գահը մասնավոր, տեղական նշանակություն ուներ. Սմբատը սկսեց ընդարձակել նրա իրավասությունը, ձգուում էր համազգային զահ դարձնել նրան:

Հիշո՞ւմ եք և այն, ինչ դարձավ այդ մեծ ջանքերի, այդ քաջության և իմաստության հետևանքը: Քանի կողմերից թշնամություն բարձրացավ անվեհեր, հաղթող թագավորի գեմ: Սմբատը երկաթի կամք ուներ, շրնկճվեց, կովում էր, միշտ կովում: Եվ Ատրպատականի արար կուսակալները ձեռնունայն ետ էին տանում իրանց զորքերը, երբ ընտանի դավաճանությունը սև օծի պես մտավ հաջողակ թագավորի ծոցը: Հարազատ քրոջ որդին միացավ թշնամու հետ, թագուրական թագ ստանալու փառամոլ տենչանքով կուրացած

գնաց Սմբատի դեմ¹, Վասպուրականի հայ զորքերը արարական դրոշակների տակ կռվում էին շիրակեցիների դեմ։ Մանո՞թ տեսարան, Հայրենի արատների և կեղտերի այդ հաղթանակը այս քանի երորդ անգամ՝ էր գալիս սեփական ծեռքով սեփական դժբախտություն դարբնելու։ Արյուն շատ ու շատ թափվեց, երկիրը քանի քանի անգամ կործանվեց։ Մենակ մնացած Սմբատը շատ դեմ ու դեն ընկավ, հերոսական շատ ջանքեր գործադրեց, բայց վերջը հարկադրված եղավ իր սուրբ հանձնել Յուսուֆ ոստիկանին։

Այնուհետև ի՞նչ դրություն մի գերի թագավորի համար։ Քաջ հակառակորդին հարգելը ասպետական մի զգացմունք է զորքերի և զորավարների մեջ։ Բայց ծուսութը մի արնախում բարբարոսից ոչ ավել էր, ոչ պակաս և բավական ժամանակ զվարճանում էր իր անգեն զո՞րի տանջանքներով։ Դժբախտ թագավորին տկլորացնում էին, ծաղրում հրապարակի մեջ, նրա կոկորդի մեջ թաշկինակ էին կոխում, նրա միսը պատառ-պատառ էին անում։ Բարբարոսությունը ոչինչ սրբություն, ոչինչ շնորհք ու տաղանդ շխնայեց այդ անպաշտպան մարմինը դանդաղ կերպով ծվատելու համար։ Ինչպես ոյտերազմի մեջ անվեհեր էր Սմբատը, այնպես էլ այդ զարհուրելի տանջանքների մեջ ցույց տվեց նահատակվող քրիստոնյայի անվախությունը։ Վերջը սուրն էր։ Նա իշավ դժբախտի վզին, բայց բարբարոսությունը դրանից հետո էլ շկշտացավ։ Դիակը կախ տվին Դվինի հրապարակում, ամեն կերպ անպատվեցին, Հայոյեցին պատառութած մսերի զանգվածը։

Եվ այսպես մեռնողը մի թագավոր էր...

Բաշ-Շորագյալի աղքոտ փողոցներով անցնողը տեսնում է հին, ավերակ եկեղեցին, այստեղ նահատակ թագավորի անունը հիշատակող գիր էլ չկա։ Այսպես է եղել յուրաքանչյուր լավ հայի ճակատագիրը։ Ո՞չ գերեզման, ո՞չ անուն։ Միայն պատմությունն է իր փողոտած, մոռացության մատնըված էջերի միջից մրմնչում այդ եկեղեցին տեսնողին, թե

ինչպես մի ժամանակ մարդիկ գիտեին մեռնել իրանց հայրենի հողի համար...

Տիսուր է Բաշ-Շորագյալի քարե տեսքը, ինչպես տիսուր է առհասարակ մարդկացին բնակությունների ընդհանուր տեսարանը Շիրակում։ Ուր տուն եք տեսնում, կարծում եք, թե նա լաց է լինում կանաչ բնության ծոցում, կարծեք ճնշված է մի ինչ-որ ճակատագրական ծանրության տակ։ Եթե առաջին Սմբատով վերջացած լիներ Բագրատունիների գահը, եթե արյունի և կրակի գարեր անցած Ախնեին այս երկրի գրայով, մարդ կխորհեր թե դժբախտ թագավորի արյունու ուրվականն է անհեծքի տակ պահում այս մերկությունը, աթարի, ցնցոտիների, անճար նահատակության այս աշխարհը...

Կառքերը նորից շարան ընկան, փոշի են բարձրացնում։ Մարդու գործերն ու հիշատակները կծկվեցին, անհայտացան կանաչ տարածությունների մի անկյունում։ Սմբատի եկեղեցին էլ չէ երևում։ Նորից ամենահաղթ բնությունը, հավիտյան լուռ ու անտարբեր, հավիտյան տիրող, անփոփոխ միակ իրականություն։ Դարձյալ դաշտեր ու բլուրներ, դարձյալ ոլորուն, տանջալից ճանապարհ, որ անցնում է լանջերով ու փոքրիկ հովիտներով։ Միանմանությամբ ձանձրացնող տեսարաններ, թեև զարմանալի կանաչ տիրում ամեն կողմ, թեև դեղին ու կապույտ ծաղիկները արեգակի տակ այնքան սիրուն գորգեր են փոռում ճանապարհի երկու կողմերին։

Կառապանը միշտ առաջ է նայում, մոռացել է իր ճանապարհորդներին։ Իսկ ճանապարհորդը զիտե, որ չորս կողմում նշանավոր, ուշադրության արժանի բան շկա։ Վերջապես ահա նա բարձրացրեց մտրակը և գեպի հետ նայեց։ Ծոտապում ես իմանալ, թե ինչ կա։ Եվ իմանում ես, որ շուտով կհասնենք գետին։ Դեռ հեռու ենք, բայց նրա դեմքի վրա նկատվում է հոգնածություն։ Եվ ես հիշում եմ, որ կառապանները գեռ Ալեքսանդրապոլում վիճում էին, որ գետը անցնել չէ կարելի։ Հատ անձրևներ են եկել և այս կողմերում։ Թեև հողը միանգամայն շորացել է, բայց լեռնային գետերը անձրևներից հետո երկար ժամանակ շարունակում են գիծ ու ըմբոստ մնալ։

1 Հեղինակը ակնարկում է Վասպուրականի իշխան, իսկ ապա թագավոր Գագիկ Արծրաւանը։ Մանոք, խմբագրի։


Երևացին բարձր ափերը, բայց դետը դեռ չէր երևում: Աղյուղում հայարնակ գյուղի մոտն ենք. հանդիպում են գյուղացիներ, կառապանը հարցնում է՝ շա՞տ է ջուրը և ստանում է գլխի շարժումներով դրական պատասխան:

Կարս-շայ գետն է: Փոված է նա մեր առջև քարքարոտ, և այն հունի մեջ: Հորդ ու մեծ ջուր է, բայց շնայած որ անձրևներ շատ են եղել, պահպանում է լեռնային գետի բնորոշ տեսքը. պղտոր չէ, և նրա մեջ ցոլանում է կապուտակ երկինքը:

Կարս-շայը այստեղից ցած գնալով գետի հարավ-արև-յուտք, խառնվում է Ալեքսանդրապոլի գետի, Արփաշայի հետ և կորցնում է իր սեփական անունը: Դ. Ալիշանն ասում է, որ հին Ախուրյան անունը Կարս-շային էր պատկանում: Միանգամայն ճիշտ է: Մեր պատմագրությունների մեջ Ախուրյանն է նույն այս գետը: Բայց այս անունը մեր պատմությունից էլ հին է: Դա զուտ հայկական անուն չէ, և մենք նրան ստացել ենք ուրարտացիներից կամ նախահայերից: Սարիղամիշի մոտ դտնված սեպածն արձանագրության մեջ հիշված է Ախուրյանի քաղաքը:

Գրավելով ուրարտացիների երկիրը, ձուկելով այդ խոր-հրդագոր, բայց մեծագործ ազգի մնացորդները մեր մեջ, մենք ազգայնացրինք նրանց պատմական ավանդություններից շատերը, բայց մանավանդ աշխարհագրական անունները: Վերջիններից մեկն է հայի համար այնքան սիրելի այս Ախուրյանը: Նրան սիրելի է դարձրել մանավանդ Անին: Հազարավոր տարիներ այս գետն էր, որ իր անունը պահում էր և Ալեքսանդրոպոլի գետի հետ խառնվելուց հետո, մինչև վերջը, մինչև Արաքսի մեջ թափվելը: Եկան թուրք ցեղերը, Կարս-շայ անվանեցին Ախուրյանը, իսկ Ալեքսանդրապոլի գետը, ստանալով Արփաշայ անունը, ոչնչացրեց, գոնե բռոր օտարների համար, Ախուրյանի անունը:

Մինչդեռ մեր կառապանները, գետի ափին կանգնած էին մնացել և չէին կարողանում վճռել, թե որ կողմից և ինչ ուղղությամբ կարելի է անվնաս անցնել մյուս ափը, մեր ժիր քաղաքագլուխը, որ ճանապարհորդում էր իր սեփական կառքի մեջ, առաջ անցավ, պատվիրելով մյուսներին հետևել:



Հոռոմոսի (Պոշավան) նադրական կամարը Անիի մոտ (XIII դ.)

իրան: Նրա կառքը համարձակ ինքնավստահությամբ վազեց հորդ ջրերի մեջ և սկսեց դանդաղ կերպով կտրել նրանց, նվաճել ալիքները, սաստիկ երերալով քարքարոտ հունի մեջ: Մյուս կառքերն էլ հետեւցին նրա օրինակին: Աղյուզումցի հայերը, մինչև գոտիները ջրի մեջ, առաջնորդում էին մեր կառքերը, հարմար ուղղություն էին ցույց տալիս ձիաներին: Եվ ձիաները զգուշություն ու եռանդ շմսնայեցին, գլուխ բերեցին իրանց գործը հաջողությամբ: Մեր ամբողջ խումբը մյուս ափին ուրախ ու դո՞ւ էր: Ոչինչ վնաս չէր պատահել. միայն շատերի ոտներն էին թրջվել, ջուրը բարակ շերտով անցել էր կառքերի միջով:

Ախուրյանի աջ ափից Շիրակի դաշտը գնալով նկատելի կերպով բարձրանում է: Մենք գնում ենք դեպի մի շարք թումբեր, և հետզհետե մեր առջև բացվում է Ալաջայի երկար ու բարձր շղթան, որ դաշտի հարավային սահմանն է կազմում և ձգվում է Ախուրյանի ափերից մինչև Կարսի շրջակաները: Նրա առջև, դաշտի վրա, զանազան տեղերում և զանազան ուղղություններով բարձրանում են առանձին առանձին լեռնային խմբեր, որոնք ժողովրդական լեզվի մեջ «գագաթներ» են կոչվում:

Եվ իրավ, դրանք գագաթներ են՝ դաշտի հարթության վրա ցրված: Մենք դիմում ենք դեպի երեք, միմյանց կողքի կանգնած գագաթներ: Նրանց անունն է Ուշ-թափա: Բայց նախքան նրանց հասնելը մեր կառքերը կանգ են առնում Մավրակ գյուղի մոտ, ձիաներին հանգստություն տալու համար:

Բնությունից—իհարկե, Շիրակի բնությունից— այս փոքրիկ գյուղը (30 տնից ոչ ավել) ստացել է մի շատ սիրուն անկյուն: Նա տարածված է մի ժայռոտ թումբի լանջերի վրա և նրա առջև, դեպի արևելք, բացված է ահազին հորիզոն: Արագածի գագաթները ուղղակի գյուղին են նայում: Դեպի արևմուտք, հեռու-հեռու, Կարսի շրջակա սարերի կանաչ լանջերն են ողողված արեգակի լույսերով: Այդ ուղղությամբ էլ երևում է Կըզըլ-թափան, դաշտի մեջ կանգնած բարձրությունը, որ ահավոր անուն է ստացել վերջին ոռու-թուրքական պատերազմի ժամանակից: Մավրակի աջ կողքով,

շարմանալի կանաչ ափերի մեջ, հեղիկ անցնում է Մավրակ-լայ գետակը, Ալաջայի դալար շղթայի ջինջ տուրքը:

Պատմությունից էլ Մավրակը ստացել է մի սիրուն դիրք: Մեր հնությունները այնքան լավ ճանաչող Ն. Ալիշանն ասում է, որ այստեղ է եղել հին Մավրիկապոլիս քաղաքը, որ VI դարում շինվել է ի պատիվ բյուզանդական Մորիկ հայազգի կայսրի: Մինչև Շիրակավանի բարձրանալը և արքունիք դառնալը, սա էր Շիրակի գլխավոր քաղաքը, կենտրոնը: Սա, այս խեղճ ու կրակ գյուղի կտորը...

Ե՞րբ է հոշակավոր քաղաքը այս դրության վերածվել: Ի՞նչ իմանաս: Մի հատ փոքրիկ եկեղեցի է միայն մնացել, որ ոչինչ չէ ասում: Անխոս են շրջականները: Քարե ցածրիկ արկղներում ապրող գյուղացիներն էլ ոչինչ չեն ասում: Ամենամեծ պատմական հիշողությունը, որ մնացել է ներկա սերունդի մեջ, 1877-ի պատերազմն է: Մի գյուղացի ցույց էր տալիս ինձ, թե իրանց որ հանդերում են տեղի ունեցել կոփներ և պատմում էր, թե Մավրակը քանի անգամ ավարառության ենթարկվեց:

Այժմ չկան այն սարսափները: Այժմ ամեն օր միանման խաղաղության և լուսնի մեջ են այս դաշտերն ու գագաթները դուրս գալիս ցերեկվա լույսի մեջ: Ամայություն, գերեզմանական լուսնի: Լուս ու անշարժ նայում են Ուշ-թափա-լի գագաթները իրանց առջև ցցված բարձր ու խրոխտ Ալաջային: Այն տարին, որ այնպես լավ ու պարզ հիշվում է զեռ այս խաղաղ գյուղացիների շրջանում, Ալաջայի բարձրությունները ծածկված էին Մուխթար-փաշայի ահազին բանակի վրաններով: Ամիսներով նստեցին թուրքերը այնտեղ. ի՞նչ էին անում,— ալլահը գիտե: Խսկ այս կողմին, Մավրակից գեպի հյուսիս-արևմուտք, կանգնած էր ոռուսաց փոքրաթիվ զորքը, որ սպասում էր օգնական զորքերին: Ուշ-թափան ոռու բանակի ձախ թևի հենարանն էր: Այսօր էլ, ասում են, այդ գագաթների վրա գեռ մնում են թնդանոթների տեղերը, հողեամբությունների, փոսերի հետքերը:


Հասարակ մարդն էլ, որ չէ եղել պատերազմի մեջ, ծանոթ չէ ուղղական գիտության, մնում է զարմացած թուրքերի անընդունակության վրա: Ամիսներով թառ լինել բարձ-

բությունների գլխին, ոչինչ շանել, մինչդեռ դաշտի մի փոքրիկ շերտ էր բաժանում Ալաջան այն ժամանակվա ոռուսաց սահմանից... Պետք էր ծովության, դանդաղաշարժության հերոս լինել մի այդպիսի «քաջալթյուն» ցույց տալու համար: Եվ Մուսթարը ցույց տվեց մինչև վերջը: Նա սպասեց, մինչեւ որ ոռուսները ուժեղացան, թվով գերակշռեցին թուրքերին ու մի քանի ուժեղ հարվածով ոչնչացրին նրա բանակը:

Այս դաշտերում կատարվեցին շատ արյունահեղություններ: Մավրակից դեպի արևմուտք Բայրախտար գյուղն է, իսկ նրանից դենք Կըզըլ-թափան է: Այս խրոխտ բարձրության տիրանալու համար օրերով որոտում էին թնդանոթները, երկու հակառակ բանակների մեջ հնձում էին մարդկային շարքեր: Ռուսների ամենամեծ անաջողությունները Կըզըլ-թափայի առջև տեղի ունեցան: Բայց Լորիս-Մելիքովը, որ գիտեր անվորով մնալ ճգնաժամի օրերում, շաբաթներում, անհողող զորավարի տաղանդով ծրագրեց օրհասական հարվածը և այդ ծրագիրը հանձնեց կատարելու երկու հայ գեներալների՝ Լազարեին և նրա օգնականին, որ դեռ երիտասարդ, բայց փայլուն ընդունակություններով օժտված, տաղանդավոր, մեծ զովասանքների արժանացած Շեկովնիկովն էր:

Ահեղ հարվածը այս կողմից ուղղվեց: Սեպտեմբերի վերջին օրերում այստեղ մեծ շարժում կար: Լազարեը Բայրախտարի բանակի հրամանատարն էր: Այդ բանակի գլուխն անցած՝ նա մի մեծ շրջանագիծ տվեց, անցավ ոռուսաց սահմանը, Ախուրյանի ափով գնաց դեպի հարավ, նորից անցավ թուրքաց հողը և առաջ շարժվելով, անցավ Ալաջայի ետևը, կանգնեց այն ճանապարհների վրա, որոնցով կարող էր թուրք զորքը նահանջել դեպի Կարս և էրզրում: Մուսթարի բանակի բախտը վճռված էր: Նա ինքը հազիվ կարողացավ փախչել, իսկ նրա զորքի մեծ մասը գերի ընկավ:

Այժմ, ամառնային իրիկնապահի մեզմ, ախորժելի լուսաերի տակ, լուս ու խաղաղ է այս կանաչ աշխարհը. կարծես երբեք ոչինչ չէ պատահել, կարծես միշտ այսպես անվորով է եղել աշխարհը, և սարերը միշտ այսպես լուս, քարացած իրար են նայում: Միայն գյուղացու կցկտուր պատմություն-



(XIII դ.) Ա. Գևորգ և ս. Մինսոն եկեղեցիկ գրքի պատճենը

ներն են հիշեցնում 25—26 տարի առաջ տեղի ունեցած ահա-
վոր դեպքերը, արյունահեղությունները: Քանի-քանի անգամ
այս հին, հայաշատ, հոշակված գաշտային աշխարհում կը ը-
կընվել է այս երևույթը: Ո՞վ կարող է հաշվել: Ոչ ոք, ոչ նույ-
նիսկ պատմությունը: Նա նույնիսկ չի ասի ձեզ, թե ի՞նչ ազ-
գեր են այստեղ իրար հանդիպել զինված, իրար կոտորելու
անհագ տենչով վառված: Քանիսները կանչել են «վայ»
հաղթվածինք և քանի անգամ: Թիվ ու համար շեն պահում
այս արյունոտ բարձրությունները, իսկ սերունդները, ինչպես
այժմյանը, միայն իրանց տեսածը, իրանց ժամանակ եղածն
են հիշողության մեջ պահել ու հետները գերեզման տարել:

Երեխ այդ տեսակ մի անհիշատակ աղետի միջոցին էլ հողի
երեսից ջնջվել է մեր այս Մավրիկապոլիսը: Նրան շեն հիշում
մեր պատմագիրները Բագրատունյաց թագավորության ծաղ-
կած ժամանակ: Բայց մենք պետք է հիշենք, որ սա առաջին
իշխանն էր ճոխ ու փարթամ Անիից. և այսպիսի մի գեղեցիկ
տեղը շեր կարող անշուր ու ավերակ մնալ հարուստ մայրա-
քաղաքի մոտ: Ո՞վ զիտե ի՞նչ կյանք էր տիրում այն ժամա-
նակ այս սիրուն գետակի ափերում, ուր այնքան սքանչելի
թարմ են կանաչները, և ծաղիկները շատ:

Անին, անկասկած, երջանկացնում էր իր շրջականները:
իսկ այժմ: Այժմ նա ինքը կարոտ է ու գժբախտ, բայց և այդ-
պես, էլի լավություն է անում շրջակայքի ժողովրդին: Ոչ
միայն Մավրակը, այլև Շիրակի շատ զյուղեր պիտի շնորհա-
կալ լինեն Անիից: Եթե գոյություն շունենար ավերակների
քաղաքը, կորած ու անծանոթ խորշեր կմնային այդ զյուղե-
րը: Բայց այժմ նրանց այցելում են Անիի այցելուները:

Շիրակը պիտի աշքի բիբի պես պահե իր Անին: Գեղեցիկ
է նրա Արագածը, բայց նրան տեսնելու համար շէ մեր մեծ
խումբ ճանապարհորդում: Մեզ և մեզ պես հազարներին
քաշող-տանողը Անին է: Հինը, մեռածը հովանավորում է
այժմյաններին, կենդանիներին: Պետք է հակառակը լիներ,
պետք է որ ժամանակակիցը քաշեր, գրավեր և, ի միջի այլոց,
իրու իր զարդերից մեկը, ցույց տար և հինը, քանդվածը:
Բայց ո՞ւր, ի՞նչ տեսակ տեղերում կարող է լինել մի այսպի-
սի արդար իրողություն:

Ո՞չ մեր երկրում: Ի՞նչը պիտի գրավեր մեզ պես պարզ
ուղևորներին: Արդյոք քաղաքակրթական առաջադիմությու-
նը, արդյունաբերական մեծագործությունները, թե խնամքով
մշակված, աշխատավոր կյանքի վեհ հաղթանակներով զար-
դարված հողը: Այդպիսի բաներ չկան մեզանում: Տխուր, տգետ,
մուրացկան է մեր իրականությունը, ցավագար, հեծեծող:
Մնում է որ հոչակված ավերակները գրավեն, անցյալի մա-
սին խոսեն: Եվ կգրավեն նրանք, մինչև որ չի փոխվի մեր
կյանքի այն հոգերանությունը, որ այնքան գեղեցիկ կերպով
պատկերել է ոռու բանաստեղծի այս երկուողը.

Нужны нам великие могилы,
Если нет величия в живых¹.

Ճիշտ ու ճիշտ այսպես: Ուրիշ ի՞նչ միտք ունեն այս մի
շարք կառքերը, որոնք անցան Մավրակ գետակի հեղիկ ջրե-
րով և այսպես արագ դիմում են դեպի Ուշ-թափա...

Սառուտի մոտից այս երեք գագաթները վիթխարի բլուր-
ների տեսք ունեն: Նրանք շարքով նստած են հարթ դաշտի
վրա և այնքան անսովոր են իբրև բարձրություն, որ կարծում
եք թե արհեստական են, թե մեծ ու համարձակ խաղեր սի-
րող բնությունը չէ ստեղծել նրանց: Կարծում եք թե ինչ-որ
տիտաններ են թիերով կուտել այդ բարձր հողակույտերը:

Բնության ուժին արժանի կերտված—այ այն մեկը, որ
շարունակ նայում է արևելքից—Արագածը: Բայց նրան
շատ ու շատ տեսանք այս ամբողջ օրը: Բավական է, կարծես
այսպես է ասում Ուշ-թափայի բարձրավանդակը: Անցանք
նրանց միջով, Արագածը ծածկվեց, այժմ ցած ենք զնում:

Սակայն Արագածի փոխարեն՝ հեռու հարավ-արևելքում
մի այլ պատկեր: Երկնքի ծայրում, հորիզոնի վրա, հավաք-
վել են մութ-մոխրագույն ամպեր և նրանց մեջ երևում է մի
սպիտակ գագաթ:— Ո՞ւր, ո՞րտեղին է հասել նա— բացական-
շում ես զարմանքով և ահով լցված: Ապշած ու հացած էի
մանավանդ ես: Առաջին անգամն էի տեսնում ամպերի մեջ
տնկված այդ գագաթը: Ի՞նչ է նույնիսկ Արագածը նրա մոտ:

1 Հարկավոր են մեզ մեծ գերեզմաններ, եթե չկա մեծություն
ապրողների մեջ:

Բոլոր լեռները, բոլոր դաշտերը, երկրի ամբողջ երեսը խո-
նարհ, հլու, տափակ էր նրա առաջ:
Մասիսն էր...

Դ

Ուշ-թափան հարավային կողմից երկար, զառիվայր
լանջերով իջնում է Ալաջայի ստորոտներում տարածված
դաշտի վրա: Շատ թեք շեն այդ զառիվայրերը, կառքերը ա-
րագությամբ են սլանում դեպի ցած, ձիաները վազում են մեծ
թեթևությամբ: Բայց ուղևորը ուրախ չէ այդ արագության
վրա: Ճանապարհը ավելի տանջալից է, ավելի քարքարոտ է
դառնում: Ի՞նչ ճանապարհ: Դա ավելի նման է մի լեռնային
նեղ, փորփորած հեղեղատի, որի մեջ ընկած կառքը տան-
ցանքներ է պատճառում իր մեջ նստածներին, անդադար
զարնվելով անթիվ մեծ ու փոքր քարերին, հեղեղատճանա-
պարհի կողքերին:

Դեռ Ուշ-թափայի բարձրությունը չէր վերջացել, երբ մեր
կառապանը բարձրացրեց մտրակը և ետ դառնալով դեպի
մեղ, մի սրբազն ոգևորությամբ արտասանեց.

— Անին...

— Ո՞րն է, ո՞րն է,— բացականշեցինք մենք, կանգնելով
անողորմ կերպով օրորվող կառքի մեջ:

Ուլարված ուշադրությամբ նայում ենք:

Արևը արդեն մայր էր մտնում, իսկ այնտեղ, հեռու-հե-
ռու հարավում, ալիքավոր դաշտավայրի վրա, արդեն երե-
կոյան ստվերներն են խտանում: Պարզ չէ այդ լայնարձակ
տարածությունը, լավ լուսավորված չէ: Ինչ-որ երկար սկ
զծով եղերված մի թումբ է երկում, ինչ-որ մի տարածություն,
որ իր տեսքով նման չէ շրջապատող դաշտային բնության:
Դա՝ է արդյոք...

Իջանք Ուշ-թափայի լանջերից, ճանապարհը գնալով ան-
տառնելի է դառնում, սկ շրջագիծը մերթ երևում է երեկոյան
աղոտ լուսավորության մեջ, մերթ ծածկվում: Իսկ մենք շա-
100

րունակ նայում ենք նրան, այս լայն ու մեծ աշխարհի մեջ
չկա ուրիշ մի բան, որ նրա պես գրգռե մեր հետաքրքրու-
թյունը, հափշտակե մեր ուշքն ու միտքը: Զգացմունքը, ան-
հանդիստ, բարախուն զգացմունքը համակում է մարդուն ամ-
բողջապես, միտքը գործում է տենդային արագությամբ:
Ետապում ես մի բացե առաջ իմանալ ամեն ինչ, մտքիդ
առաջ ես քաշում կարդացած նկարագրություններդ, տեսած
պատկերներդ, ուզում ես ամփոփել իրականության մեջ այն,
ինչ երևակայություն է եղել մինչև այդ բացեն, ուզում ես մի
ժամ առաջ ամբողջացնել երեկոյան մոայի մեջ կցկտուր, ցի-
րուցան, անլույս ու անորոշ երևացող կտորները և իմանալ,
թե ինչ է նշանակում Անին: Ի՞նչ է տարիներով երևակայածդ,
տարիներով մտապատկերի որոշ ծե ստացածը այս իրակա-
նության մեջ, այս շոշափելի հողի վրա, այս զով, մրսեցնե-
լու շափ զով օդի մեջ:

Տարածությունը, որ բաժանում է մեզ սկ ուրվականնե-
րից, գնալով կարճանում է: Եռառվ ահա... Բայց մեր կառ-
քերը շուտ են գալիս դեպի հարավ-արևելք: Ճանապարհը ան-
փոփոխ-վատ է, Շիրակի դաշտավայրը արագ պաղանում է,
ցերեկվա լույսը գնալով ավելի ու ավելի տկարանում է:

Անիի ուրվագծերը կորան, անհայտացան: Շուրջը ամա-
յի տարածություն է, ոչ ձայն, ոչ մարդ, ոչ ընակության
որևէ նշուլը: Շունը ծանրանում է: Կորել են նույնիսկ Շիրակի
կանաչները: Ինչ-որ դեղնավուն լերկ տարածություններ են,
համարյա աղանց բուսականության: Եվ ճանապարհը եր-
կա՞ր, անողորմ, հուսահատեցնող: Համբերություն ավելա-
շկա: Ես միայն իմ մասին շեմ խոսում, իմ ընկերներն եւ
միևնույն ճնշված դրության մեջ են:

Կարող եք երևակայել թե մանավանդ այս անդամ, այս
գրության մեջ, ինչ պիտի լիներ մեղ համար մեր կառապանի
հետ նայելը և մտրակը դեպի առաջ մենկելը: Վերջապե՞ս...

— Հոշավանք,— արտասանեց նա:

Մենք շուտով հասանք: Ամայի դաշտի մեջ կանգնած էին
քարե կարմրագույն երկու աշտարակներ: Նրանք միմյանց
կողքի են և կիսով շափ ավերված: Մեկի վրա երևում է փոք-
րիկ գմբեթ: Կամարը, որ միացնում էր այդ երկու աշտա-

թակները, գոյացնելով գոների նման մի բան, այժմ փլված է, Արձանագրություն շէ մնացել կարմիր քարերի վրա, և ջուխտ աշտարակները կանգնած են այդտեղ իրեւ պատմական հանելուկ, որի բանալին, ինչպես երեսում է, կորած պետք է համարել ընդմիշտ:

Ժողովուրդն ասում է, որ այս է Ղոշավանքը: «Ղոշա» նշանակում է ջուխտ, միմյանց կպած: Բայց սա վանք չէ, այլ միայն գմբեթավոր աշտարակներ: Խսկական Ղոշավանքը տեսնելու համար պետք է այս աշտարակների մոտից մի քանի քայլ առաջ գնալ:

Մեր առջև բացվեց մի հսկայական ձոր: Շիրակի դաշտին հատուկ են այսպիսի անակնկալներ: Միանման հարթավայր— և հանկարծ ոտներիդ տակ փոված ձոր: Ախուրյանի ձորն էր այս մեկը, բայց ինքը Ախուրյանը չէր երեսում մեր կանգնած տեղից: Այս կողմից, մեր ջուխտ աշտարակների մոտից, ձորի արևելյան եղրը մի ահապին կիսաշրջան է տալիս զեպի հարավ: Այստեղ, ուր այդ կիսաշրջանի վերջին ծայրը գնում մոտենում է գետի արևմտյան բարձր ափին, երեսում են լանջի վրա փոված գյուղական տներ, որոնց միջից բարձրանում է մի հսկա գմբեթ: Ահա այն է Ղոշավանքը, կամ, ավելի ճիշտ ասած, Հոռոմոսի վանքը:

Կարելի է այստեղ, այս աշտարակների մոտ, ժամերով կանգնել, անհագ նայել ոտներիդ տակ փոված գեղեցիկ տեսարանին և շկշտանալ: Կիսաբոլոր ձորը իր լայն ու արձակ հատակով, իր գիք լանջերով բնության ճարտարապետի մի հանդուզն, լայն թռիչքն է ներկայացնում: Գեղեցիկ էր նա ժանավանդ օրվա այս ժամին, երբ ստվերները գնալով խոտանում, թանձրանում են, բայց դեռ այնքան հզոր չեն, որ ժածկեն այսպիսի հրաշալի տեսարանները թուխ վարագույրի տակ: Արեգակ շկա, բայց ամառնային օրը իր վերջին բոպեները գեղեցկացնելու համար դեռ շատ լույսեր ու զարդեր է ստանում իր պարզ կապուտակ երկնքից: Այդ աղոտ, քնքույշ լույսերը ի՞նչ սքանչելի խաղեր էին սկսել այս մեծ ձորում, մրցելով ամեն կողմից արշավող գիշերային մթության հետ...

Կառքերը մեզ տանում են ձորի կիսաբոլոր ափով և

կանգ են առնում խղճուկ, փոքրիկ գյուղի ծայրում: Հոռոմոսի խոշոր գմբեթը նայում է մեզ երկար պարսպի գլխից: Հաստ, թանձր ու բարձր պարփակ է և հին: Սա մի ամբողջ բերդ է: Եվ ուրիշ կերպ չէր կարող լինել մի շատ հարուստ, շատ հոշակված վանք այն հին ժամանակներում, երբ այս կողմերում մարդկային ամեն մի ձեռակերտ պետք էր պաշտպանել զենքով ու զինվորական պատրաստություններով:

Զենքից ու զինվորներից ավելի ապահով պաշտպանը բնությունն է. և մեր նախնիքները, ինչպես հայտնի է, հիանալի կերպով կարողանում էին օգտվել իրանց երկրի բնական ամրություններից: Հոռոմոսը Շիրակի սովորական բերդերից մեկն է: Այդ ընդարձակ դաշտավայրը, լեռնային բարձրը ու բարդ շղթաների բացակայության պատճառով, միանգամայն զրկված կլիներ ինքնապաշտպանության միջոցներից, եթե Ախուրյանը և նրա բազմաթիվ վտակները իրանց համար չփորեին խոր ձորեր, որոնք բնական պատնեշների գեր էին կատարում: Լեռնային այսպիսի բերդեր, որոնք սովորական են Ղարաբաղում, դուք չեք տեսնի Շիրակի դաշտի վրա: Այստեղ ձորի բերդ միայն կարող է լինել, ինչպես Զանգեզուրի սարահարթերում: Եվ ձորի բերդը ունի մի ընդհանուր, բոլոր տեղերի համար միահնման տեսք: Դա սովորաբար թերակղզու նմանությունն ունեցող մի շերտ է գետի մի որևէ պտույտի վրա: Երեք կողմից նա պաշտպանված է ձորով և միջին դարերի համար կարող էր բոլորովին անառիկ համարվել: Մնում էր այն պարանոցը, որով թերակղզին միանում է դաշտավայրի հետ: Այստեղ ահա իր խոսքը պիտի ասեր զինվորական ճարտարապետությունը, կառուցանելով բարձր ու պինդ պարփակներ: Բայց պարփակները, որքան ուժեղ ու ահարկու լինեին, անմատչելի չէին հարձակվողների համար: Եվ նրանք միշտ Շիրակի բերդերի թույլ կողմն էին երկար ու համար պաշտպանվել չէին կարող:

Մեր վանքն էլ այդպիսի մի թերակղզի է գրավում: Նա նստած է Ախուրյանի հսկայական պտույտներից մեկի վրա: Գետը գալիս է հյուսիսից, խիստ ծովում է դեպի հարավարևելք, նորից ծովում է գեպի հակառակ կողմը, գեպի հարավ-արևմուտք, բայց մեկ էլ մի մեծ շրջան է տալիս և իր

չբերը քշում է նորից դեպի հետ, դեպի հյուսիս: Ահա այդտեղ է Հոռոմոսի թերակղզին: Հարավից և արևմուտքից նրան ծեծում են անդունդի մեջ եռացող արագալվազ, հորդ ալիքները, և այդ կողմից նա միանգամայն ապահով է, մարդ ասված ավերիչը խոր, ժայռոտ անդունդների մեջ ոչինչ չեր կարող անել: Վանքը ձորի շրթներին չէ հասցնում իր շինությունները, այդ պատճառով էլ բարձր պատեր ունի բոլոր կողմերից, որոնցից մանավանդ հյուսիսայինը պաշտպանողական կարևոր նշանակություն ուներ:

Հյուսիսային պարսպի մեջ էլ բացված է Հոռոմոսի դրխավոր մուտքը: Ահագին դոների մոտ հավաքված էին մի քանի դյուղացիներ, սովորականի պես գզզված ու խեղճ մարդիկ: Նրանցից համարյա ոչնչով չեր զանազանվում վանահայր վարդապետը, որ առաջ եկավ, ողջունեց մեղ և տարավ դեպի ներս:

Հոռոմոսի պարիսպների մեջ ամփոփված է ճարտարապետական սքանչելիքների մի մեծ թանգարան: Այդտեղ միայն մի վանք չէ, այլ մի ամբողջ վանական աշխարհ, զանազան շինություններով, մատուռներով: Գեղեցկությունահա այդ աշխարհի անունը մի բառով: Բայց գեղեցկություն, որ հասկացվում ու հարգվում էր այն հին ժամանակներում: Գեղեցկություն, որ մեր օրերում ոչ միայն մատուրված է ծայրահեղ անուշադրության, այլև ամեն օր հայհովվում է, անվանաբարկում: Այս խեղճ ու գոեհիկ դյուղացիները իրանց գոեհիկ վանահոր հետ հայհոյում են իրանց բաժին ընկած կլասիկական գեղեցկությունը այն կեղտերով ու ապականություններով, որոնք աշքի են ընկնում ամեն մի անկյունում:

Հոգատարության, խնամքի ո՛չ մի հետք: Մի ձեռք չկա, որ վերցնե թափված քարերը, դարս մի կողմում. մի հատցախավել չկա, որ սրբե աղըն ու ցեխերը: Եվ նկատեցեք, Հոռոմոսը ավերակ չէ: Գիտե՞ք ինչ է նշանակում ավերակը Շիրակում: Դա նշանակում է ամենաանգութ կերպով կրծոտված պատերի բեկորներ, ջարդված կամարների, սյուների անհեթեթ կույտեր. ամեն ինչ այնքան հրեշավոր այլանդակման է ենթարկված, որ շատ շինություններ հագիւ են կարո-

զանում մի երկու բան ասել նայողին: Հոռոմոսը այսպիս չէ: Նրան խնայել է սարսափելի ժամանակը: Նա կանգուն է գեռ, նրա ծածկերի մեծ մասը դեռ չէ փլվել: Ամբողջ մնացած շինություններ են, մասնավոր ավերմունքների ենթարկված: Բայց տգիտությունն ու ծովությունը ժամանակի ժամանքներից ազատված այդ փառավոր շինությունների մեջ հաստատ են պահում անմարդաբնակ, սև ավերակի ամբողջ ամայությունը, ապականությունը:

Ո՞ւմ մեղադրել: Մի՞թե միայն այստեղ ապրող մի բուռք աղքատ գյուղացիներին, որոնք գեղեցկություն չեն որոնում, այլ մի կտոր հաց՝ գոյության կովի մեջ շշարդվելու համար Սրա՞նց, այս խեղճերին մեղադրել: Իսկ այն հազարավոր ճանապարհորդները, որոնք եկել, տեսել են, հիացել ու հեռացել: Իսկ այն հոգևոր իշխանությունը, որի սեփականությունն է կազմում այս աննման հնությունը: Վերջին ուստիրական պատերազմից հետո այստեղ էին ուզում հաստատել Կարսի հոգևոր կառավարությունը, մտածում են վերաշինության, դպրոց բաց անելու մասին: Բայց մեր մտածմունքները, մեր դիտավորությունները...

Անի գնացողներին ես խորհուրդ կտամ նախ այցելել Հոռոմոսը: Սա նախադուռն է: Անին այստեղից է սկսվում: Այստեղից եք դուք մտնում այն մեծագործ սերունդների աշխարհը, որ իր կարող մտքով և հաղթ բազուկներով այնքան հմայիչ է դարձրել Շիրակի այս փոքրիկ անկյունը: Միանման կանաչ, հավիտյան լուս, հավիտյան անհետարքրական ու ամայի դաշտերից ծանծրացած՝ դուք անակընկալ կերպով կանգ եք առնում մի զարմանալի մեծագործ ուժի առջև: Դա մարդկային հանճարի ուժն է, ոչ այն դժոխային հանճարի, որ դժբախտություն ու տանջանք է նյութում աշխարհին, այլ լուսատու, հրաշակերտող հանճարի, որով ապրել է աշխարհը և առանց որի կյանքը անեծք կլիներ:

Ի՞նչ թափ, ինչքա՞ն վեհություն այդ ուժի մեջ: Նա ամբողջապիս համակված է եղել գեղեցկության սուրբ իղեալով, նրան ոգեսրել է գեղարվեստի երկնային խորհուրդը: Քարեր են այդ ոգեսրության վկաները, միայն քարեր: Նրանք

կուտված են այստեղից, մինչև Ալաջայի ստորոտները, մի ամբողջ ծով են ներկայացնում: Հանճարը պոկել է այդ բուլոր կտորները ժայռերի կրծքից, հզկել է, զարդարել և իր մուգճով ու երկաթե գրչով հանդես է բերել իր հսկայական թոփները, իր հսկայական սրահ ու զգացմունքների խորհուրդները:

Եվ այդ շինարար, գեղեցկացնող ուժը ավելի սիրելի ու պաշտելի է գառնում ձեզ համար այն պատճառով, որ դուք տեսնում եք նրան հաղթահարված, տապալված դժոխային հանճարի ուժից: Ամեն քայլում էք տեսնում, ամեն մի քարի կտորի վրա եք կարդում թշվառացնող, ավերող, վայրենի ուժը: Երկու մեծ սկզբունքներ. մեկը մարդկային երջանկության, մյուսը մարդկային անբախտության, մեկը երկնային ժպիտ, մյուսը սատանայական քրքիչ: Նրանք այստեղ են, ձեր աշքերի առջև, ձեր ոտների տակ: Նրանք գրքված են իրար հետ այն սոսկալի մարտի մեջ, որի վրայով հարյուրավոր տարիներ են անցել, բայց որ այժմ էլ կա, անշարժացած է և ներկայացնում է լուսի և խավարի, երկնային ժպիտների և սատանայական քրքիչների մրցությունը, մեկի և մյուսի հաղթանակը, մեկի և մյուսի անկումը...

Սոռումուր Անիի արվարձանն էր, նրա սիրած, փայփայած դաստակերտը: Այստեղ էր գալիս անեցին՝ իր սրտին ու զգացմունքին գոհացում տալու համար: Անեցի—դա ընդհանուր անուն է: Այստեղ եկող անեցին թագավոր էր, իշխան, վաճառական, կալվածատեր: Գալիս էին սրանք իրանց փարթամ գրպանով և մանավանդ փարթամ շնորհքով, որոնցից առատ բաժին էին հանում Ախուրյանի բարձր ափին ցցված այս վանքին: Պատմական անհայտ ու անանուն փոթորիկը սրբել տարել է այդ զարմանալի ժողովուրդը, որ այնքան սիրահար էր գեղեցկության, այնպես նվաճել էր գեղեցկությունը: Այժմ նրա տեղը նստած է մի բուռը պատառուուն ու անճար ամրոխ: Անեցու սերունդը չէ նա, այլ դժբախտ դարերից մնացած մի տգիտություն, որ անեցու հանճարի պարծանքը դարձրել է զոմ ու ախոռ:

Բայց դուք մոռացե՛ք այդ: Հողին մի՛ նայեք, բարձրին նայեցեք, օդի մեջ մնացածներին. անեցին դեռ երևում է այնտեղ:


Ե

Մենք ուղղակի վանքը շենք դիմում: Անցնում ենք փոքրիկ բակերով, մեծ-մեծ պատերի միջով, մտնում ենք առաջ Հոռոմոսի հոչակավոր դահլիճները:

Երեք հատ սենյակներ են, զանազան մեծությունների, ամբողջովին սրբատաշ քարերից: Առաջին իսկ քայլից կանգ նս առնում: Բարձր, տկլոր պատեր. ի՞նչ ճաշակ, ի՞նչ վաեմություն նրանց կերտվածքի մեջ: Առաջին անգամ նայողին պինդ գրկում է Երբակի այս անկյունում դարերով կուտված, թանձրացած զգացմունքը—զարմանքը:

Առաստաղները կամարների վրա են, զարդարված են հարուստ, ճոխ քանդակներով: Պակասում է միայն լուսը: Մեր նախնիքները չգիտեին տիրել այդ մեծ բարիքին, որ ձրի ու առատ թափված էր նրանց շինությունների զուրսը: Նրանց հիանալի կերպով աջողվում էր փառահեղությունը, բայց մի տեսակ ստվերոտ, մթագնած փառահեղությունը: Նվազ լուս էին նրանք մտցնում իրանց գեղարվեստական սփանչելիքների ներսը, բայց որպիսի՝ ուշադրությամբ, որքան մանր ու նուրբ մտածողությամբ զարդարում էին այդ խավար ներսերը: Ստվերոտ անկյուններից, բարձր ու համարձակ առաստաղի խորությունից ձեզ նայում է վարպետի վրձինը: Այո՛, վրձին—այս անունն ես ուզում տալ այն քարե գրչին, որ քարերի վրա շարել է այն զարմանալի հյուսվածքները, բարդ ու վայելու, ճաշակավոր զարդանկարներով:

Առաջին սենյակի առաստաղը կիսով շափ փլված է, և այդ անճոռնի, վրդովեցուցիչ ճեղքով ներս թափվող առատ լուսը ավելի պարզ է ցուց տալիս ծայրերում, անկյուններով:



Քաղաքացիության պատճեն (Հռոմեական ժամանակաշրջան)

բում փոված քանդակագործական ճոխությունները։ Մյուս
երկու սենյակները ամբողջ են մնացել։ Հոյակապ է մանա-
վանդ մեկը՝ մի սյունազարդ դահլիճ, որի գեղեցիկ կամար-
ների տակ ծանրացած խորին, անվրդով լուսությունը կարծել է
տալիս, թե նոր միայն հեռացան այս փառավոր օթևանի
քնակիչները։ Այսքան սիրուն բարեհաճություն ճակատագիրը
չէ ցույց տալիս ոչ մի տեղ Անիի մեջ և նրա շրջականներում։

Ժողովուրդը ղրուցներ գիտե այս դահլիճների մասին։
Նա ասում է թե այստեղ էր Անիի հայ թագավորների խոր-
հրդարանը։ Մի ավանդություն, որ գեղեցիկ կերպով հար-
մարվում է այսպիսի թագավորավայել շինության։ Սենյակ-
ներից մեկում կարելի է նկատել տասներկու խորշանման
բաժանմունքներ. այդտեղ, ասում են, նստում էին թագավո-
րի տասներկու խորհրդականները։ Այստեղ էին քննվում
գատատանական գործերը, այստեղ էլ վճռվում էին պետա-
կան կարենոր հարցերը։ Առհասարակ, ժողովրդի երևակա-
յության մեջ Անիի թագավորները անընդհատ, մշտական հա-
րաբերություններ, զնալ-զալ ունեն Հոռոմոսի հետ։

Բայց զիրը սաստիկ հակառակվում է բերանացի ղրուց-
ին։ Այս սենյակներից մեկի դռան ճակատին կա մի արձա-
նագրություն, որ պատմում է, թե Սարգսի որդի Վաշն և
նրա ամուսին Մամա-խաթունը շինել են այս նշխարատունը
Հոռոմոսի համար։ Կարծում են, թե այս արձանագրությունը
միանգամից ընդմիշտ որոշում է թե ինչի են ծառայել երեք
հոյակապ դահլիճները։ Նշխարատուն—դա այն տեղն է, ուր
պահվում են եկեղեցական նպասները, զգեստները, սուրբերի
մասունքները, մի խոսքով այն ամենը, ինչ եկեղեցու պա-
հանուն է կազմում։

Ճիշտ է, այդ բառը քանդակված է քարի վրա, կրում է
չին թվական, բայց նա, կամ ավելի ուղիղ ասած, նրա բա-
ցատրությունը բոլորովին չէ գոհացնում տեսնողին։ Պա-
հանուն համար այսպիսի ընդարձակ շքեղություն բարձրաց-
նել, այս շոալլությունը անհասկանալի է նույնիսկ Անիի փար-
թամությունների մեջ։ Բայց ներսես Սարգսիանն ու
նրան հետևելով, դ. Ալիշանը ասում են մեզ, որ դրա մեջ
զարմանալու շատ բան չկա։ Հարուստ ու հոշակված էր Հո-

ոռմուը, թագավորների հովանավորության տակ էր գտնվում և թագավորական քաղաքի մոտ. նրա հարստությունների պահպանության համար վայել էր ունենալ այսպիսի հոյակապ շինություն:

Սակայն այսպես պնդելով, Միհիթարյան հայրերը մոռացել են արձանագրության թվականը, վաշեն և Մամախաթունը ասում են, թե իրանք շինել են այդ սենյակը 1229-ին, իսկ այս ժամանակ Անիի թագավորությունը մոտ երկու դար էր, ինչ զարձել էր պատմական ավանդություն և հայ թագավորների գերեզմանները մամուռով էին պատված: Այդ ժամանակամիջոցում Անին մի քանի անգամ ավերվել էր, ձեռքից ձեռք էր անցել: Զէ կարելի ասել, թե Հոռոմուը մայրաքաղաքի բախտակիցը չէր: Ալփի-Ասլանի արշավանքի ժամանակ, 1064-ին, Անիի շրջականներում այնպիսի արյունահեղություն եղավ, որ, ինչպես ասված է մի պատմական հիշատակարանի մեջ, «արիւն զերեք տարեկան տղայն տարաւ ի Հոռոմոսի գետն ձգեց»: Թագավորական ճոխություններից զրկված էր ոչ միայն Հոռոմոս, այլև Անին: Բազրատունիներից հետո Անին, ընկնելով զանազան իշխողների ձեռքը, կարող էր միայն հարստության ու եկամուտի աղբյուր լինել իր տերերի համար. ժողովուրդը աղքատացավ ծանր հարկերի տակ: Այլևս մեծագործությունների ուժ չուներ նա և Սամվել Անեցին դառն զանգատներ է անում այդ դրության վրա: Անիի քահանաները, ասում են, պատարագում էին միայն փիլոնով, այնքան աղքատացել էին եկեղեցիները:

Ուրեմն, ժամանակն այնպես չէր, որ նշխարատան համար այնքան հոյակապ շինություն կառուցանեին: Բացի դրանից, եթե հավատանք արձանագրություններին, երեք դահլիճները միաժամանակ մի մարդու ձեռքով շեն շինված: Այսպես, երկրորդ սենյակը շինված էր արդեն 1277-ին, մինչդեռ Անիի մեջ անգամ այդ ժամանակների կառուցած գեղեցիկ շինություն շենք գտնում: Իսկ երրորդ փառահեղ սյունապարդ դահլիճի արձանագրությունը ավելի անհեթեթ է: Մի ինչ որ Վարդան ավել է վանքին երկու կող և երկու եղու փոխարենը ստացել է գերեզմանի տեղ: Երևակայո՞ւմ եք

ինչ աղքատություն էր տիրում վանքի մեջ, երբ այդ գնով կարելի էր առնել գերեզմանի տեղ երկու մարդու համար և, բացի դրանից՝ տարին շորս պատարագ ստանալ հոգու փրկության համար: Եվ այս խղճուկ պայմանագիրը դրոշմված է այն դահլիճում, որի մեջ չէր քաշվի ապրել ոչ մի միշնագարյան թագավոր:

Ոչ, արձանագրությունները, իմ խորին համոզմունքով, շեն լուծում հանելուկը: Այս դահլիճները, այսպես է վկացում ամեն մի քար, ավելի հին, ավելի փառավոր ժամանակների գործ են, Անիի հայ թագավորների ժամանակ միայն հնարավոր էր այսպիսի գեղեցիկ մեծագործություն: Գուցե նրանք ավերվել են, XIII դարում նորից վերանորոգվել և ստացել նշխարատուն անունը: Այդ ժամանակներում, ճիշտ որ, նրանք վանքի պետքերին ծառայելուց ավել մի ուրիշ դեր չեին էլ կարող կատարել:

Ուրեմն, ի՞նչ.— զրո՞ւցը, թե զիրը: Այցելուն դուքս է գալիս այդ հոյակապ հարկերի տակից ամբողջովին համակված այն տպավորությամբ, որ զրուցն է հարմարվում: Ճիշտը, իհարկե, միայն այդ քարե կամարներն են իմանում:

Հոռոմոսը աշխարհից բոլորովին կտրված վանք չէ եղել: Նա հիմնվել է տասներորդ դարի կեսում և հիմնադիրը, Հովհաննես վարդապետը, ինչպես վկայում է Ասողիկը, լինելով մի շատ բարեսեր և աղքատասեր մարդ, առանձին հոգացողություն է ունեցել ճանապարհորդների մասին: Վանքում նա առանձին ընդարձակ շինություն է կառուցել, ուր իշեանում էին ճանապարհորդները և առևտրական կարավանները: Արևելքում այս տեսակ շինությունները միայն շահագիտական նշանակություն չունեն: Շատ անգամ նրանք կառուցվում են իրեն բարեգործություն: Բայց ինչ էլ լինի նպատակը, անկասկած է, որ այդ օթևանները հեշտացնում են հաղորդակցությունը, զարգացնում են առևտրական հարաբերությունը: Հոռոմոսը այդպիսի կուլտուրական դեր է կատարել Շիրակի համար: Նա գտնվում էր Պարսկաստանի մեծ ճանապարհի վրա, իսկ Ախուրյանը արգելք չէր հանգիսանում այդ հաղորդակցության, քանի որ նրա վրա կամուրջ էր շինված:

Այդ հին իշխանը, որ երկար դարեր գրավում էր ճառապարհորդներին և առևտրականներին, այժմ էլ մնում է բայց խարխուկ գրության մեջ: Եվ որովհետև Հոռոմոսի մեջ ամեն ինչ գեղեցիկ ու շնորհքով պիտի լիներ, ուստի այս իշխանն էլ, որ իր հնությամբ անմենահետաքրքրական շինություններից մեկն է, շինված էր խնամքով, նույնիսկ ընտիր ճաշակով: Հին ժամանակներից համարյա միայն եկեղեցիներ ու վանքեր են մնացել, աշխարհիկ շինություններ գրեթե չկան: Պարզ է, թե այս պատճառով որքան կարենք նշանակություն պիտի ունենա այս իշխանատունը:

Վանքի կողքին մի բակ կա, որ տանում է դեպի տապանատունը: Այդ բակում գյուղացիները քար են դարսում, նրա արևելյան ծայրում, մուտքի մոտ կա ահագին միապաղաղ քարից շինած մի ավաղան աղբյուրի համար: Վանքի բաղմաթիվ արձանագրություններից մեկը պատմում է, որ զրի հարցը Հոռոմոսի համար երկար ժամանակ անլուծելի էր. նույնիսկ Անիի թագավորները շատ էին մտածել այդ մասին, շատ էին աշխատել, բայց ոչինչ չէին կարողացել անել: 1198 թվին Հոռոմոսի առաջնորդ Մխիթարյանց անունով ջուրը մեծ ծախսերով և գժվարություններով բերում է վանքը: Այժմ, իհարկե շորացած է այդ ջուրը, և շոր, պապակիլած քարը միայն գրգռում է իր տեսքով ժարավից տանջվող այցելուին...

Տապանատուն ասվածը վանքի հարավային կողմից կապած մի ընդարձակ շինություն է, դարձյալ գեղեցիկ, դարձյալ զարդարուն: Կամարակապ առաստաղը, քանդակներով և խաչքարերով զարդարված պատերը խոսում են շինողի շքեղ ճաշակի մասին: Հոյակապ շինության վրա երեք փոքրիկ մատուներ կան, որոնցից մեկն ունի գմբեթ: Մի ուրիշ մատուն էլ այս շինության մյուս կողմում կա: Եղել են, բացի դրանից, երեք հատ փոքրիկ մատուններ տապանատան նման մի ուրիշ շինության վրա, բայց նրանք փլվել են և իրանց վաղեմի գոյությունը հիշեցնում են մի քանի թափթփած բեկորներով:

Այս մանրիկ մատունները, այս «տապանատուն» անունը պարզապես ցույց են տալիս, որ Հոռոմոսի բակը տոհ-

մային գերեզմանատուն էր հարուստ, իշխանավոր ընտանիքների համար: Անշուշտ, դրանք անեցիներ էին: Եվ զարմանալի չէ այս հանգամանքը, քանի որ թագրատունի թագավորներն անդամ, թողած իրանց շքեղ մայրաքաղաքը, իրանց հոյակապ պալատները, այստեղ, Սխուրյանի այս նվիրական ափում էին իրանց հավաքանական հանգստյան օթևան գտնում: Երբ երկիրը աղքատացավ բարբարոսների ավերմունքից, երբ իշխանական փառքից մերկացավ Շիրակը, Հոռոմոսի հողում թաղվելու բախտը մատշելի դարձավ և հասարակ մահկանացուներին: Ինչպես տեսանք, երկու կով նվիրելով կարելի էր գերեզմանի տեղ գնել:

Բայց ահա, վերջապես, և ինքը, վանքը: Արդեն մթնելու վրա էր, երբ մենք մտանք այնքան հոչակավոր անուն կրող կամարների տակ:

Իր հոչակին արժանի՝ շինություն: Գավիթը հիանալի է իր բոլոր սյուներով: Պատերի առջև տասներկու սյուներն, մեջտեղ՝ չորս. սրանք միանում են իրար հետ գեղեցիկ ու բարձր կամարներով և պահում են իրանց վրա խոշոր գըմբեթը, որ զանգակատունն է: Գավիթից դուռը տանում է բուն տաճարի մեջ, որ համարյա գավիթի մեծությունն ունի: Ընդհանրապես Հոռոմոսը չէ զարմացնում իր մեծությամբ և ընդարձակությամբ: Բուն տաճարը անսյուն է. նրա իրանի մեջտեղը լայն կողոր գոտի է, որի վրա բարձրացած է բուն մեծ գմբեթը:

Ճարտարապետական գեղեցկություններ շատ ունի վահութը. բայց այդ հարստությունները նա թարցրել է անլուստարածության մեջ: Նեղլիկ սպատուհները նույնիսկ ցերեկով էլ վերին աստիճանի ժլատությամբ են լույս ներս թողնում և եկեղեցու ներքին կողմը միշտ ընկղմված է կիսամթության մեջ: Արևելցին սիրում է խորհրդավորությունը, մանավանդ կրոնական հասկացողությունների մեջ: Այս խավարը անհրաժեշտ էր նրա մտքի ու սրտի վրա պատշաճավոր պղպու տպավորություն թողնելու համար:

Հոռոմոսի վանքը դրսից ծածկված է արձանագրություններով: Չորս պատերի վրա փորած երկար ու կարճ տողերը լուս պատմում են, թե դարերի ընթացքում ինչեր է արել

ժողովրդի բարեպաշտությունը հոչակավոր վանքի համար։ Դիւնք մի տեսակ կալվածագրեր են, պայմանաթղթեր նվիրատունների և վանքի միաբանության մեջ։

Միջնադարյան վանքը, մասնավանդ այստեղ, Շիրակում, առևտրական սկզբունքներով էր բարեպաշտություն դարգացնում հավատացյալների մեջ։ Ստանալով նվերներ, նապարտավորվում էր աշխատել նվիրողների հոգու փրկության համար, հատկացնելով նրանց որոշ քանակությամբ պատարագներ տարվա որոշ տոններին։ Շատ անգամ այդ պատարագների թիվը, տոնները, երբ պետք է մատուցվեին պատարագները, մի լավ արժեցուց են և, նրանց նայելով կարելի է ենթադրել, թե ինչ գին և նշանակություն ուներ վանքին ընծայաբերված այս կամ այն կալվածը, իրը։ Պայմանագիրը որոշ ժամանակի համար շեր կնքվում։ Նրա ժամանակը հավիտենականությունն էր։ Մեկը, մի ջրաղաց կամ մի զույգ եղն նվիրելով վանքին, կարող էր հավատացած լինել, որ իր մեռնելուց հետո տարվա այսինչ օրերին վանքը պատարագ պիտի մատուցան իր հոգու համար, մինչև աշխարհի վերջը, մինչև Քրիստոսի երկրորդ գալուստը, Պայմանը ամբապնդվում էր անեծքներով։ Ով խափանեալ պայմանը, նա Հուդայի ընկերը պիտի դառնա, նա նզովված պիտի լինի 318 հայրապետներից և այլն։

Դարի միամիտ հասկացողություններն են ծլում այդ արձանագրություններից։ Իսկ այժմ, ամայի ու անբնակ վանքերի, ջարդված ու փլված պատերի կտորների վրա որդա՞ն դառն հեղնություն են բովանդակում «մինչև Քրիստոսի գալուստը», «մինչև աշխարհի վերջը» խոսքերը։ Ըստ երեսութին, երկաթի ու արյան այն դարերում մարդիկ շատ լավ պիտի ըմբռնեին, որ երկնքի տակ ապրողների համար շկա տևողականություն, շկա կարգերի և հասկացողությունների կայունություն։ Բայց մարդիկ հավատով էին ապրում և այդ հավատն էր, որ ոչ միայն ապրեցնում էր նրանց զժոխային պայմանների մեջ, այլև հավիտենական դաշնագիրներ էր կնքել տալիս։

Նույն այդ անմեռ հավատը ծեփել է Հոռոմոսի պատերը բարեպաշտության, հույսերի և ակնկալությունների արձա-

նագրություններով։ Բայց այցելուն ամենից առաջ վանքը շինողի արձանագրությունն է որոնում։

Հոռոմոսի հիմնադիրը, ինչպես ասացինք, Հովհաննես վարդապետն է եղել Հ դարի կեսում։ Այսպես է ավանդում պատմությունը։ Բայց վանքը մտնողի առաջ, արևմտյան դոների ճակատին, բացվում է մի արձանագրություն, որ ասում է, թե Հովհաննես վարդապետից համարյա հարյուր տարի հետո վանքը քանդվել է և նորից շինվել։ Եվ շինողը եղել է Անիի Հովհաննես-Մբատ թագավորը, որ և տվել է վանքին Կողբում գտնվող իր մի այգին և տարին հարյուր թիո աղ։ Այս բոլորը տեղի է ունեցել 1038 թվականին։

Տիսո՞ւր, շատ տիսուր հիշատակներ են այդ թագավորն ու այդ թվականը այս գեղեցիկ, մեծահոշակ սրբավայրի ճակատին։ Աստծուն հաճոյանալու, մեղքերի թողություն գտնելու համար են այս միապաղապ գեղեցիկ սյուները կանգնել, այս կամարները օդի մեջ տարածվել։ Բայց նույնիսկ Հոռոմոսը կարո՞ղ էր ջնջել Հովհաննես թագավորի մեղքերը։ Մեղքեր կան, որոնց ահավոր ծանրությունը շենքարող տանել մինչև անգամ տասը այսպիսի հոյակապ ու ամուր կամարակապ հարկեր։ Դրանք այն մեղքերն են, որոնք կատարվում են ոչ թե անհատների, ոչ թե այս կամ այն դասակարգի դեմ, այլ մի ամբողջ ժողովրդի, մի ամբողջ քաղաքական մեծ կազմակերպության դեմ…

1038 թվականը, երբ Հոռոմոսի ճակատին փորվում էին այդ տողերը, նախավերջինն էր Հովհաննես-Մբատի կյանքի մեջ։ Մարմնով սաստիկ շաղ ու դժվարաշարժ թագավորը շատ գրասեր էր և գուցե շատ հարմար լիներ այսպիսի մի վանքի վանահոր պաշտոնում։ Բայց նա սկզբից ևեթ վանք շուկեց, այլ տոհմային թագն ու գայիսոնը, իրեր, որոնք փոխանակ դարդարելու նրան, ճնշում ու տանջում էին, որովհետև նա շափաղանց անուժ ու վախկոտ էր։ Բագրատունյաց գահի վրա հաջորդաբար առյուծներ էին նստում։ Խեղճ ու անճար էր այս մեկը, նախավերջինը։ Եվ Շիրակի փառավոր թագավորության հոգեհան հանդիսացողը այս անճարությունը եղավ, ինչպես բնական էր այն

ժամանակներում, երբ գրքից ու վանքից շատ սուրն էր զորավոր իրեւ պաշտպանություն:

Հոռոմոսի այս բարձունքի վրա իր բարեպաշտական նվերը երկնքից մատուցանող թագավորը մոռացել էր արդյոք, որ 16 տարի առաջ նա մի թուղթ էր ուղարկել հունաց վասիլ կայսրին: Մի վատ, մի անպատիվ թուղթ, որի մեջ մի շատ ստոր առևտուր էր պայմանավորված: Վասիլ կայսրը իր զորքերով շարժվում էր Անիի թագավորության սահմաններից հեռու: Վախկոտ Հովհաննես-Սմբատը մտածեց մի սարսափելի ծանր գնով հանգստություն գնել իր շաղ մարմնի համար մինչև այն ժամանակ, երբ այդ մարմինը հող կիշներ:

Հայոց կաթողիկոսը տարավ նրա թուղթը վասիլին: Շիրակի թագավորը պայման էր գնում, որ քանի ինքը կենդանի է, թագավոր մնա Անիում, իսկ իր մահից հետո Անին դառնա հունաց սեփականություն: Բյուզանդական կառավարությունը, ի՞նարկե, հիացմունքով ընդունեց այդ ինքնասպանության գործողությունը: Իսկ Հովհաննես-Սմբատը ինքն իր աշքում արդարանում էր նրանով, որ անզավակ է և ժառանգ չպիտի թողնե թագը կրելու համար:

Բայց այս մտածությունը ավելի ևս անհրապույր, մոռայլ կերպարանք է հաղորդում շաղ թագակրին: Ճիշտ է, նրա միակ որդին մեռել էր, բայց եթե անժառանգ էր Հովհաննես-Սմբատը, այդպես չէր թագրատունիների տոհմը: Նա անժառանգ չէր: Թագավորը այդ ժամանակ ուներ մի հարազատ եղբայր, քաջ Աշոտը, որ, սակայն, հեռացված էր Անիի սահմաններից, որովհետև անդրանկության իրավունքը ավելի զորեղ էր, քան պետության գոյությունը և թագավոր կարող էր լինել ավագ եղբայրը, չնայած իր վտակության ու անկարողության:

Եվ այդ վախկոտը չկարողացավ հասկանալ, որ գահը թագրատունիներին է պատկանում: Իր համար մի 16—17 տարվա անփառունակ, ողորմելի թագավորություն ապահովելու միտքը նրան տարավ հասցրեց տոհմային իրավունքները, մայրաքաղաքը վաճառելու մեծ ու զգելի հանցանքին: Հոռոմոսի օծման տոնախմբությունը կատարող ժողովրդի

առաջ դեռ ծածուկ էր հանցանքը: Բայց արձանագրությունից մի երկու տարի հետո մեռավ թագավորը, և այնուհետև որքան լաց եղավ Շիրակը¹: Տարիներ անցան, շաղ թագավորը հող դարձավ, իսկ նրա տիսուր գործը շարունակում էր այրել որբացած ժողովուրդը: Մի ամբողջ երկիր արտասվում էր իր բոլոր աշխերով: Արտասվում էր ոչ թե այն պատճառով, որ մահը անջատել էր մի թագավորին իր ժողովրդից, այլ այն պատճառով, որ այդ թագավորը դեռ ապրում էր հողի վրա, ապրում էր այն զգվելի վաճառքի, այն թղթի կտորի մեջ, որ եկավ գահ ու անկախություն չարդելու, ստրկության շղթաները փաթաթելու այդ սիրուն, ինքն իրենով երջանիկ աշխարհի վկին:

Արտասունքների հեղեղը հասավ արդյոք այդ թագավորի ոսկորներին, ողողեց նրանց: Տիսուր, տիսուր է Հոռոմոսի ճակատին կնքված թագավորական արձանագրությունը: Դուք ակամա հեռանում եք նրանից, գուք հանգստություն գտնում եք երկու եղ նվիրողների արձանագրությունների մեջ: Նրանք ավելի անմեղ են երմում, քան այս տողերը, որոնք վկայում են դարերի և սերունդների առաջ, որ իր գեղեցկությամբ այնքան զարմանալի այս շինության միտքը ծագել է այդ իսկ զլիս մեջ, ուր տեղավորված էր Անին հույներին տալու սկ ոճիրը...

Հոռոմոսը երկար ապրեց, բայց աշքով տեսավ իր հիմնադրի վատության հետևանքները: Արյունոտ ժամանակը մոռացավ ամեն ինչ, մինչև իսկ թագավորների հանցանքները: Հոշակավոր սրբավայրը մնաց միակ մխիթարություն որբ ու անտեր ժողովրդի համար և բարեպաշտական տուրքերը եկան արձանագրությունների մի ամբողջ գրականություն որոշմելու հաստ, աշտարակավոր շրջապարիսափի ետեղում ապաստանված գեղեցիկ պատերի վրա:

Ոչ մի հնարավորություն չկա այդ արձանագրություններից յուրաքանչյուրի մասին խոսելու, նրանցով մանրամասն զրադշելու համար: Ես միայն մի ընդհանուր դիտողություն կանեմ այստեղ:

¹ Հովհաննես-Սմբատը մահացել է 1041 թվականին Սանոր. Խըմբագրի:

Դարերի խորքից փշրանքներ են մնացել մեզ իբրև ժառանգություն։ Այդ փշրանքների մեջ կարևոր տեղ են գրավում արձանագրությունները, Բայց ինչպէս ենք մենք վերաբերվում դրանց։ Կարդում ենք, անցնում, Անցնում ենք, իմանալով, որ այսինչ ժամանակ, այսինչ անունն ունեցող մի բարեպաշտ տղամարդ կամ կին այս կալվածն է նվիրել վանքին։ Եվ որովհետև այժմ ոչ նվիրված կալվածի տեղը կարելի է որոշել, ոչ նվիրողների մասին մի հաստատ տեղեկություն տալ, ուստի բավականանում ենք մեր ստացած քննչանուր տպավորությամբ, թե այսինչ վանքը, ուրեմն շատ հարուստ է եղել։

Սակայն փոքր ինչ խոր մտածողը շատ հեշտ հասկանում է, որ արձանագրությունները ավելի մեծ հետաքրքրություն են ներկայացնում, ավելի շատ բան ունեն ասելու ոչ թե նվիրների ու նվիրողների մասին, այլ այն իրավական կարգերի, կալվածատիրական օրենքների մասին, որոնցով կառավարվում էին մեր նախնիքները։ Շիրակը այս հարցերը մշակելու համար անսպառ նյութեր ունի իր հնությունների վրա։ Ոչ միայն Հոռոմոսը, այլև Անին, Բագնայրը, Տիկորը, Խծկոնքը իրանց արձանագրությունների մեջ մեր հին կյանքի մանրանկար պատկերն են պահում։ Եվ եթե մինչև այժմ նրանք համարյա ոչինչ չեն ավելացրել մեր պատմության վրա, պատճառն այն է, որ մեր որոնածը հին կյանքի առօրյա պատկերը չէ եղել, այլ քաղաքական խոշոր փաստեր, անակնկալ հայտնություններ։ Չենք գտել այդպիսի բաներ արձանագրությունների մեջ, ուստի և բավականացել ենք նրանց ընթերցանությամբ։ բավական ենք համարել իմանալ անցողակի, թե ով է շինել այս կամ այն եկեղեցին։

Ավելորդ է ասել, որ այցելուն դրանից ավելի կարևոր հարցերի լուծում է սպասում հին ավերակներից։ Մենք, օրինակ, դիտենք մեր պատմագիրներից, որ հայ ժողովրդի վրա ընկած էր հարկերի և տուրքերի մի սարսափելի ծանրություն։ Բայց ի՞նչ հարկեր էին դրանք։ Պատասխանել կարող են միայն արձանագրությունները։ Իսկ այդ պատասխանի մեջ մենք կգտնենք և մեր հին կյանքի տնտեսական պայմանները, կիմանանք, թե ինչ էր արտադրում ժողո-

վուրդը և ինչ էր տալիս իր տերերին։ Մենք չգիտենք, թե ինչ հողային հարաբերություններ գոյություն ունեին հին ժամանակներում։ Արձանագրությունները այստեղ էլ մեջ շատ կօգնեն։ Մենք սովոր ենք ասելու, որ Հայաստանի մեջ գոյություն չուներ ճորտություն։ Բայց ահա Շիրակի արձանագրությունների մեջ կարդում ենք «Ճորտ», «պարոն» բառերը։ Իսկ երբ կան բառերը, պետք է ենթադրել, որ գոյություն ուներ և սիստեմը։

Արձանագրությունների գիտական մշակում, ուսումնասիրությունը չէ եղել և չկա մեզանում։ Ամեն մի հայի հետաքրքրել է և հետաքրքրում է միայն հնագիտական կողմրանց ընդարձակելու այդ կողմը, առանց քաղաքացիական կուտուրական հարցեր ու շահեր մտցնելու նրա մեջ։ Իհարկե, հեշտ բան չէ արձանագրությունները հասկանալը։ և բացատրելը։ Մի այդպիսի գործ կատարելու համար հարկավոր է երկար ու դաժան աշխատանքը։ Բայց չէ կարելի ասել, թե այդպիսի աշխատանքը կլինի ապարդյուն։ Շիրակի արձանագրությունների ահազին մեծամասնությունը պատկանում է այն ժամանակներին, երբ այստեղ տիրում էին արաբական, բայց մանավանդ բյուզանդական ազգեցությունները։ Ահա այդ ազգերին պետք է դիմել՝ մեր մեջ գոյություն ունեցած կարգերը հասկանալու համար։

Ես ենթադրում եմ, որ Բյուզանդիայում գոյություն ունեցած մի սիստեմ ինձ օգնեց հասկանալու Հոռոմոսի վանքի մի քանի արձանագրությունները։ Ահա ինչպես։

Շիրակի արձանագրությունները կասկած չեն թողնում ընդունելու, որ միջին դարերում մեր մեջ էլ վանքերը, եկեղեցիները կարող էին մասնավոր մարդկանց սեփականություն դառնալ։ Եկեղեցի, վանք գնելը («գանձագին անելը») սովորական իրավունք էր։ Սեփականատիրոջ համար վանքը կամ եկեղեցին «հայրենիք» է և սովորաբար կոչվում է «մերուխտը»։ Եվ այդ տերերը միայն հողի և շինության իշխանությունը չունեին։ Նրանք ազգում էին և վանքի կառավարության վրա։

Հոռոմոսի վանքը մի ժամանակ պատկանել է Խաչենի իշխանների տոհմին (XII դարի վերջում և XIII-ի սկզբում)։

Այդ ժամանակվա արձանագրությունները միշտ հիշում են այդ տերերին (Հեճուալ Գրիգոր, Սմբատ, Իշխան): Իրանք, այդ իշխաններն էլ, կարգադրություններ էին անում և գրում պատերի վրա: Այսպես, Հեճուալ Գրիգորը, Սմբատը, Իշխանը կարգադրում են. «Մեր սեփական ուստի մեջ ոչ պատրոն և ոչ ճորտ իրավունք չունենան աղուն աղալ»:

Բայց Խաչենի իշխանական տոհմը դեռ կարող էր Հռոմուս սեփականություն ստացած լինել այս կողմերի մեծ հողային կալվածների հետ: Նրա արած կարգադրությունները դեռ կարելի է համարել կալվածատիրոջ, տեղային իշխանի կարգադրություն: Հետաքրքրականն այն է, որ վանքը, բացի այդ տերերից, ուներ ուրիշ, ավելի մասնավոր տերեր էլ, որոնք անվանվում են պատրոններ: Սրանք էլ խառնվում էին վանքի կառավարության մեջ: Պատրոն կարող էին լինել ոչ միայն տղամարդիկ, այլև կանայք: 1228-ին նույն Հեճուալ Գրիգորը և նրա մյուս ազգականները խիստ արգելում են, որ պատրոնները, ով լինեն նրանք—կին թե տղամարդ, կաշառքով վանահայր շղնեն: Ահա այդ հետաքրքրական տողերը.

«Կամաւ Ամենակալին Աստուծոյ այս մեր գիր յիշատակի է Հեճուալ Գրիգորոյ որդոյ Հասանայ և եղբաւորդեաց իմոց և իշխանիս որդոյ Քրդին և եղբաւորդեաց իմոց տէրանց սուրբ ուստի Վանաց Հռոմուսի, որ հաստատեցաք արձանագրով. պատրոն ով լինի այս տեղոյս ի յարանց կամ ի կանանց ով կաշառք հայր դնէ, այնպիսին նզովս առց, զՅուղային զԱստուածավաճառին և զԿայէնին զեղբայրասպանին. և հայր և այլ գործաւորք որ կաշառք տան յայտնի կամ ի ծածուկ, յերկնաւոր հօրէն և ՅԺԸ. Հայրապետացն և յամենայն սրբոց անիծեալ եղիցի յոդի և ի մարմին... Ով հակառակ կայ այս բանիս ի պատրոնաց կամ ի միաբանիցս կամ ջնջել ջանայ զայս գիրս, և ինքն ջնջեսցի ի դպրութենէ կենացն... Արդ եթէ մեծ և եթէ փոքր կարծիս առնու թէ հայր կամ այլ գործաւոր կաշառք է տվել և վրէժխնդիր շինի վերագրելոցս, նզովիցս տէր է. ամէն»:

Այստեղից շատ պարզ է, որ վանքի անմիջական կառավարությունը պատկանում էր պատրոններին: Իշխանները

միայն բարձր իրավատերեր էին, որոնք կարող էին պատրոնների գեմ գնալ: Ի՞նչ են այս պատրոն ասվածները:

Բյուզանդական պետության մեջ զոյսություն ուներ վանքերը այս կամ այն անձին (հոգևոր թե աշխարհական) տալու սիստեմը, որ կոչվում էր քարիստիկարիոս: Դա մի տեսակ պարգև էր, որ, սակայն, սեփականության իրավունք չուներ իր մեջ: Քարիստիկարիոսը, այսինքն վանքը պարզ ստացողը, օգտվում էր նրա եկամուտներից, բայց պարտավոր էր հոգալ միաբանության կարիքները և առհասարակ ամեն ջանք գործ դնել, որ վանքի մեջ ապրողները խաղաղ ու անվրդով մնան, նվիրված իրանց աղոթքներին: Սովորաբար վանքերը կայսերական հրամանով ընծայվում էին պետության պաշտոնյաններին, որոնք և հարստանում էին այդ միջոցով: Բայց միշտ կայսերական հրաման չէր գործադրվում: Վանք կարող էին տալ և նրա աշխարհական տերերը, այնպես որ կարելի է ննիքը ել, որ Հռոմուսի պատրոնները հենց այդ Հեճուալ Գրիգորի և մյուսների ձեռքից էին ստանում իրանց կոչումը: Բայց նույնիսկ տերերի համաձայնությունն էլ չէր հարկավոր: Վանքի միաբանությունը ինքը կարող էր իր համար պատրոն հովանավոր ընտրել: Այս հանգամանքն էլ մենք գտնում ենք Հռոմուսի արձանագրությունների մեջ: 1246 թվականին, գուցե հենց նույն Հեճուալ Գրիգորի կամ նրա ժառանգների ժամանակ, մի ոմն զսեղեցի Աշոտ նվիրում է Հռոմուսին մի ավետարան, շորս եղ, երեք կով, շորս էշ, երկու ծի: Իսկ վանքի միաբանությունը այս է գրում. «Ես Տէր Բարսեղ և Սարգիս վարդապետս և այլ եղբարքս ընկալաք զնա իրեն զմի ի պատրոնաց մերոց»: Զարմացնել կարող է այն, թե ինչպես էր, որ այդպիսի համեմատարար թեթև նվերը այսպիսի փոխարինություն էր ստանում: Բայց արձանագրությունը այս էլ հասկանալի է դարձնում, վկայելով, որ Աշոտի նվերը տեղի ունեցավ «ի նեղ և շար ժամանակի, յետ կործանման տաթարին (թաթարին), մինչև էր վանքս ի նեղութեան»:

Եվ այսպես, եթե համոզիչ են մեր բացատրությունները, պետք է ընդունել, որ բյուզանդական սովորությունը հաստատված էր և մեղանում: Եթե արևելյան կայսրների պե-

տության մեջ վանքերը կարիք էին զգում հովանավորողների, պատրիարքությունը պաշտպանել իրանց, որքան մեծ պետք է լիներ այդ կարիքը մեր երկրում, ուր հարստացարողներն ու թալանողները այնքան շատ էին:

Քարիստիկարիոսի սիստեմը մեծ շարիքների դուռ էր բաց անում. վանքը հարստանալու միջոց էր, և նրան շահագործում էին նրա ժամանակավոր տերերը: Մեզանում էլ, ինչպես տեսանք, պակաս չէր կարիքը: Գրիգոր Հեծուափի արձանագրության մեջ շարված անեծքները մոտավոր հասկացողություն են տալիս, թե ինչ շափերի էր հասել կաշառակերությունը և որքան վնասներ էր նա պատճառում...

Հոռոմոսի կյանքը ներկայացնող արձանագրությունները ընդհատվում են 1336 թվականին, երբ Զաքարի սպասալարի թոռան որդի Աթարեկ Վահրամը նորից պայծառացնում է վանքը, վերադարձնելով նրա կալվածները և ավելացնելով իր կողմից նորերն էլ: Այսուհետեւ սկ անհայտություն է գալիս հոչակավոր վանքի վրա, որ շատ հասկանալի կլինի, եթե շմոռանանք, որ շրջականերն էլ քարուքանդ, ավերակ երկիր էին զարձել: Երեքհարյուր հիսուն տարուց հետո մի արձանագրություն է երևում, որ կարող է այդ երկար ժամանակամիջոցի պատմությունը համարվել:

Դա վերանորոգության արձանագրություն է: XVII դարի վերջին քառորդում տիգրանակերտցի Դանիել վարդապետը, տեսնելով Հոռոմոսը աղբով, հողով և ամեն տեսակ աղտեղություններով լցված, վառվում է մի աղնիվ զգացմունքով և մաքրել է տալիս դժբախտության դարերի այդ կույտերը, գործադրելով մեծ ջանքեր: Այդ էլ վերանորոգություն ու բարերարություն էր: Հոռոմոսը, իհարկե, այլևս շստացավ իր նախկին հարստությունները: «Դառն ժամանակ էր,— ասում է Դանիել վարդապետը իր օրերի մասին,— ազգս հայոց, յոյժ էին շքաւորեալք և իշխանութիւն տաճկաց զօրացեալք»: Եվ Դանիելը իսկ որ իրավունք ուներ իր քաջագործությունը արձանագրելու համար տեղ ստանալ վանքի պատերի վրա: Այժմ էլ յուրաքանչյուր այցելու հաճությամբ այդպիսի իրավունք կտար ամեն մի Դանիել վարդապետի, եթե գտնվեր այդպիսին և ազատեր Հոռոմոսը կեղտերից ու աղբից:

Միշտ նույն իրականությունն է կախված մեր օդի մեջ: Փանիել վարդապետները ամբողջ երեսությ են կազմում այսօր էլ...

9

Վերջին լուսեղը խուրձ-խուրձ մարում էին արևմուտքի խոր ծոցում, երբ մենք դուրս եկանք Հոռոմոսի դռներից և սկսեցինք իշնել ուղիղ մեր առջև փոված կիսակոլոր ձորք: Մեր եկած ուղիղ ճանապարհով շէինք հետ դառնում:

Շրջակաները արդեն գիշերային անորոշության քողի մեջ էին: Չորալանջների վերին մասերն էին դեռ փոքր-ինչ լուսավորված. ստորոտները արդեն կուլ էին գնում անհայտության մեջ: Նույնիսկ մեր ոտների տակ ոլորվող ճանապարհի վրա ամեն ինչ պարզ ու որոշ չէր:

Իսկ այդ ճանապարհը, սաստիկ նեղ ու քարքարոտ, Հոռոմոսի առջեցից, գյուղի միջով, գահավիժմում էր դեպի Ախուրյանը: Հավասարակշռություն պահպանելու համար պետք է վաղեվազ իշնել: Բայց մեր առջև բացվեց մի այնպիսի տեսարան, որի համար կարելի չէր շարհամարհել պատանման զառիվայրը, շպահել, շղանդաղեցնել քայլերը: Ես կանգ առա, որ գոնե մի բոպե նայեմ և զմայլեմ:

Զմայլեցնողը, կանգնեցնողը Ախուրյանն էր: Չորի թանձրացող մթության մեջ նա փայլում էր իրու հալած արծաթե մի հսկայական շերտ: Այստեղ, իմ աշքի առաջ այդ շերտը մի հորդ գետի անթիվ պտույտներից մեկն էր գործում: Քշելով իր շրերը դեպի հյուսիս, նա հանկարծ մի կիսաշրջան է տալիս, թերգում դեպի արևմուտք:

Ահա ամբողջ տեսարանը: Բայց նրա շքեղությունը այդ պտույտը չէ, այլ այն փայլը, որ օրվա այս ժամին ստացել է նա: Ջրերի մոտ ապրողներին հայտնի է, թե որքան լավ կարողանում են նրանք հավաքել երկնքի լուսերը, ամփոփել իրանց մեջ: Ախուրյանի այդ կարողությունը հիացուցիչ է:

Այս խոր ձորի հատակից նա խլել է արևմուտքի մարող բուլոր լույսերը, ոչինչ չէ տվել իր ափերին և արծաթելով իր ոլորուն մեջքը, ինչպես է փայլում իր սկ կիրճի մեջ: Մի աներևակայիլի քնքուշ, շոյող փայլ է դա, որի մեջ դուք նկատում եք անհանգիստ ալիքների դողդողոցը: Լուս ու անշարժ բնությունը, կարծես, ամբողջովին ուշադրություն է դարձել և շնչասպառ նայում է ձորի հատակին:

Խոշոր, ահավոր զծեր շկան այդ տեսարանի մեջ: Հռոռմում ձորը այս կողմում ոչ անշափի վայրենի է, որ ճնշե, վախեցնե երևակայությունը, ոչ էլ շատ փոքր է, որ ոչինչ տպավորություն չթողնե: Չափավոր է բնության թափը: Եվ այստեղ նա իր այս ջրային տեսարանով մի խաղաղ, երազուն տրամադրություն է հաղորդում մարդու մտքին: Այս թանձր ստվերների, այս շողացող ալիքների աշխարհում որքան սիրուն հանդարտությամբ է գործում երևակայությունը, որքան մեզմ քաղցրություն և լիառատ վայելլություն է ստանում զգացմունքը:

Մեր նախնիքները սրբություններ ստեղծում էին խորհրդակցելով բնության հետ: Կրոն, սրբություն չէր միայն պաշտվում նրանց շինած վանքերի մեջ, այլև հայրենի բնությունը: Միտքն ու սիրոց դեպի երկինք տանում են ոչ միայն սաղմուները, խունկը, պատարագը, այլև այն տեսարանները, որոնց ընտրելու և իրանց վանքերին կպցնելու մեջ մեր նախնիքները կատարյալ վարպետներ էին: Հռոռմուսը իբրև հոշակած սրբավայր ընտրել տվողը երկնքի ձայնը չէ եղել, այլ Ախուրյանը: Նույն բնությունն է այս ձորը բերել ահա և այն երկու մատունները, որոնք լուս մեզ են նայում կիսամթության միջից:

Նրանք գտնվում են մի փոքրիկ թումբի վրա, այնտեղ, ուր Ախուրյանը թեքվում է դեպի արևմուտք: Մեր փոքրիկ ճանապարհը, ցածրանալով որքան կարող էր, տանում է դեպի այդ թումբը բոլորովին փետի ափով: Ահա նա անցավ մի ինչոր կամրջանման քարքարուտի վրայով. ներքեսում վշշալով Ախուրյանի մեջ է թափվում մի գետակ: Քարից քար պետք է ցատկել զգուշությամբ, թե չէ կարող եք ընկնել դեպի ջած, ուր Ախուրյանի ջրերն են վազում: Իսկ այդ դրե-

րի մեջ ընկնելը, որքան էլ գեղեցիկ լինեն նրանք այս ժամին, բոլորովին հրապուրիչ միտք չէ: Ախուրյանը խեղող է, իսկ նրա մեջ ապրող մեծ ձկները կերակուրի են սպասում:

Գետի վտանգավոր ափից պլրծաք, այժմ փոքրիկ ճանապարհը տարավ ձեզ գցեց ահագին քարակուլտերի մեջ ու ինքը, շարաձնին, կորավ: Այդ քարակուլտերի մեջ շարժվելուց դժվար բան չկարծենք թե շատ կա Հոռոմոսի ձորում: Ուս դնելու տեղ չեղ գտնում, մի քայլից ով գիտե քանի քար բեր են շարժվում, դղրդում:

Մատունները մեր առջևում են. այդ քարակուլտերն էլ նրանց մանրած, քայլայված մարմնից են գոյացել: Բայց որքան շքնաղ են այդ մարմինները: Կարծես ճարտարապետը իր ափի մեջ է կոկել, զարդարել նրանց և ապա դրել այս հողի վրա: Եվ այսպիսի ավերում: Սկզ, զզվելի, անհեթեթ քարակուլտեր. նրանք, կարծես, դուրս տված փորոտիքներ են, որոնք փոտում, նեխվում են իրանց գեղեցիկ գիտեկների կողքին:

Միմյանց մոտ են կանգնած երկու մատունները: Եվ մեկը մյուսին այնքան նման տիսուր ճակատագրի կողմից: Ավերված են ամենաանգութ կերպով: Ավերմունքի պատճառը միայն այն չէ եղել, որ սրանք քրիստոնեական սիրուն եկեղեցիներ են: Կա այս բարձրավանդակ հրապարակի վրա և մի այլ մեծ հանգամանք, որ վառել է քանդողներին հարստանալու տենչով: Մենք կանգնած ենք Բագրատունի թագավորների հանգստարանում...

Ախուրյանը, ամբողջովին հալած արծաթ, նայում է թագավորական հանգստարանին մի մեզմ գեղեցկությամբ, որ, իհարկե անփոփոխ է պահում դարերի սկզբից: Նայում է գնալով, շարունակ դողացնելով իր փայլուն մեջքը, մինչև որ հանկարծ իր բոլոր լույսերով անհետանում է ձորի մի պտուլտի մեջ: Միայն նա է գեղեցիկ ու նազելի երկնքի այս կտորի տակ, միայն նա է համբակում տանում ուշացած այցելուի միտքը: Ամեն ինչ, բացի միայն նրանից, մեռելու-

1 Ալեքսանդրապոլցիները մեղ ասացին, որ Ախուրյանի մեջ մեծ շաղ լոյն ձկներ շատ են լինում: Անանիա Շիրակացին իր թվաքական խնդիրներից մեկի մեջ հիշում է լոգ ձուկը:

թյուն, վհատություն է քարոզում նույնիսկ այս գիշերային մթության միջից: Չորի լեռկ, ժայռոտ լանջեր են նայում ձեզ ամեն կողմից. նրանց դեղնած ճակատների վրա խիտու հարուստ բուսականություն չէ երևում: Իսկ այստեղ, այս բարձրավանդակ հրապարակում, թագավորների գերեզմանատունը ամբողջովին ծածկված է ավերակների քարակույտերով և շկա, կարծում ես, մի ափ հող, որ ճնշված ու խեղդված լինի նրանց սարսափելի ծանրության տակ...

Մենք խմբվել ենք երկրորդ մատուի առաջ. լուսություն է տիրում, միայն ամեն մեկը շշնչում է. «Աշոտ Ողորմած...» Աշոտ Ողորմած...»:

Այդ շշունքները հանել է տալիս այս խոշոր, համարյամարդահասակ գերեզմանը, որի առջև կանգնած ենք ամենքս: Ողորմած թագավորի աճյունն է հանգչում այդ քարերի տակ: Եվ Ողորմած թագավորի մոտ որքան ողորմած է գեղի մեջ Շիրակի երկինքը: Երեկոյի մթությունը գնալով շխատացավ, շթանձրացավ: Նա, ընդհակառակն, շուտ սկսեց հալածական դառնալ: Այս լայն ձորամեջից մենք տեսանք, թե ինչպես օդի վերին շերտերը առատ լուսեր ստացան: Լուսինն էր: Նա չեր երևում մեղ, իր պաղ շողերով դեռ չեր շոշափում այս ավերակները, բայց մաքրեց ձորամեջը, ամեն առարկա դուրս եկավ խավարի միջից և ցույց տվեց մեղ իր կերպարանքը. բարակ ու նոսր ստվերներ էին ծածկում նրանց: Լուսնի հետ վեր կացավ մի զով ու թեթև քամի, որ գնաց շոյելու Ախուրյանի այժմ ավելի գեղեցիկ արծաթյա մեջքը...

Ես տեսել եմ Աշոտի գերեզմանի պատկերները և պետք է վկայեմ, որ պատկերը չէ տալիս իսկականի տպավորությունը: Պատկերի մեջ այդ գերեզմանը չափազանց խեղճ ու փոքրիկ մի բան է երևում, մինչդեռ նա իսկապես բավական խոշոր ու ազգու մի մահարձան է, արժանի աղքատասեր, զարմանալի համեստ, բայց քաջ Աշոտի անվան ու հիշատակին: Նա պարզ է, անպաճույն, քանդակներ ու զարդեր չեն երևում քարի այն խոշոր կտորների վրա, որոնցից կազմված է այդ հուշարձանը: Չորս աստիճան ունեցող պատվանդանի վրա դրոնցից մի միապաղաղ, մեծ պրիզմա:

ամբողջ գերեզմանը: Բայց տպավորությունը, կրկնում եմ, ազգու է և այդ համեստ պարզությունից...

Պարզությունը առիթ է տվել շատերին կարծելու, թե դա չէ կարող լինել թագավորի գերեզման: Բայց այսպես դատելու համար պետք էր ունենալ համեմատելու կարողություն: Թագավորների շատ գերեզմաններ չեն մնացել մեր երկրում, որպեսզի կարողանանք համեմատելով դատել: Իմ կարծիքով, ոչինչ հիմք շկա երևակայելու, թե մեր թագավորների գերեզմանների վրա ավելի մեծ ու փառավոր արձաններ էին դրվում: Ղարաբաղի Ջրաբերդ գավառում, Եղիշե առաքյալի վանքի կողքին կոպիտ, հազիվ տաշած քարերից շինած մի մատուռ կա, որի դռան ճակատին գրված է. «Այս է տապան Վաշագան թագաւորին»: Եվ իրավ, մատուռի մեջ միայն մի գերեզման կա, ճիշտ նման այս գերեզմանին— աստիճանավոր պատվանդանի վրա դրած մի պրիզմա, զարմանալի նրբությամբ հղկած, առանց որևէ զարդի, առանց որևէ արձանագրության:

Աշոտի պրիզման, ինչպես երևում է, շատ լավ հղկված է եղել. բայց նա կանգնած է բաց երկնքի տակ, քամիների, արևի, անձրեների, ձյուների ազդեցության ենթարկված, ուստի և շատ բան է կորցրել իր նախնական վայելլությունից: Մեր նախնիքները չին սիրում բարձր ու մեծ տապանաքարեր: Նշանավոր մարդկանց հավիտենական հանգստի տեղ ընտրվում էին ոչ թե բազմամարդ վայրերը, բաց հրապարակները, այլ եկեղեցիների հովանին: Իսկ եկեղեցու մեջ և եկեղեցու մոտ արդեն մեծ ու բարձր արձաններ շինել չեր կարելի: Աշոտի գերեզմանի կողքին երևում է պատի մի փոքրիկ բեկոր, որ վկայում է, թե միաժամանակ այստեղ բարձրացած է եղել, այս թագավորական շիրիմը ծածկելիս է եղել մի շինություն, երեկի մի փոքրիկ մատուռ:

Տապանաքարի հրապարային կողի վրա կարդացվում է՝ «Աշոտ թագաւոր»¹: Առհասարակ այս տիսուր ավերակների

1 Պրոֆեսոր Մաոք կարծում է, որ այս արձանագրությունը հնության դրոշմ չունի և, երեսի, ճանկուուել է այս կողմերը այցելողներից մեկը: Բայց այս կարծիքի հետ հազիվ թե կարելի լինի համաձաւնվել:

վրա շատ է կրկնված այդ «թագաւոր» բառը, իսկ դա դժբախ-
տության վրա դժբախտություն ավելացնել էր նշանակում:

Ղարաբաղի կուտական անտառներում կորած մի զին,
անբնակ վանքի մեջ ես մի անձրևոտ ամառնային օր փոր-
ձով տեսա, թե ինչ նշանակություն ունի արձանագրությունը
մի տեսակ գերեզմանների համար: Վանքի շեմքի մոտ, ներ-
սից, հողի երեսին մի մեծ տապանաքար կար, որի վրա
խոշոր տառերով փորագրված էր. «Ելյս է տապան Խերխան
իշխաննին», որ էր թոռն Բաղաց թագաւորին»: Տապանաքա-
րը, որ միապաղաղ քարե կտոր է եղել, ճարճարված էր մի
քանի տեղից և ամրացրած շեր հողի մեջ: Նրա տակ երեսում
էին խորշեր: Ամեն ինչ ցույց էր տալիս, որ այս գերեզմանը
բացված է և ո՞վ զիտե քանի՞ անգամ: Իմ ընկերներից մեկը
ձեռքը մտցրեց քարի տակ, մի խորշի մեջ հողը ոչ միայն
պինդ շեր, այլև նստած էլ շեր. և նա ամենայն հեշտությամբ
սկսեց ձեռքով դուրս հանել հողի բավական մեծ քանակու-
թյուն: Այդ հողի մեջ երեսց մի մարդկային ատամ: Կաս-
կած շմնաց, որ գերեզմանը այնքան հիմնավոր կերպով
տակն ու վրա է եղել արված, որ խեղճ Խերխանի ատամը
ընկել է գերեզմանի վերևը. դրանից կարելի էր եղրակացնել,
թե ինչ դրության մեջ պիտի լինեին խեղճի ոսկորները:

Ի՞նչ էր գրավել գերեզման քանդողներին: Ես համոզ-
ված եմ, որ շահի ակնկալությունը: Նույն վանքի կողքին,
այս գերեզմանից մի քանի քայլ հեռու, կա մի ամբողջ գե-
րեզմանատուն, որի պատերը, քարերը ցույց են տալիս, որ
դա որևէ իշխանական տոհմի հանգստարանն է եղել: Բայց
այդտեղ չկա մի հատ տառ անգամ, և մամուռով ծածկված
քարերը շեն ցույց տալիս, որ այստեղ հասած լինեն քան-
դողները: Խերխանը ուրիշ էր: Պարզ հայտնի էր, որ նա իշ-
խան է և թագավորի թոռ: Եվ ահա գանձ գտնելու տեսն-
շանքը քարուքանդ է արել նրա գերեզմանը: Եթե լիներ այդ
արձանագրությունը, ոչ ոք շեր զանազանի իշխանական գե-
րեզմանը հասարակ գերեզմաններից և խեղճ իշխանը գոնե
մոռացության փոսում անվրդով կպահեր իր ոսկորները:

Մինույն իրողությունը պարզ էր ինձ համար և Բագրա-
տունի թագավորների գերեզմանոցում: Աշոտի տիտոր քա-

բերի կողքին շարված են փոքրիկ փոսեր, կարծիս մկներն
և ծակեր բացել: Բայց մկները շեն այդպես արել, այլ մար-
դը, հավիտյան շահի ծարավ, ոսկու համար ամեն տեսակ
ոճիրի ընդունակ մարդը: «Թագավոր» անունը այս զարհու-
թելի տվերակների պատճառ է դարձել, նա է եղել, որ, երևի,
շնչել անհետացրել է Աշոտի վրա կառուցած շինությունը,
թողնելով նրանից մի կտոր պատ միայն:

Եթե մի ժամանակ այս երկնքի տակ ամեն նպատակով
կատարվող ավերանքները օրենք ու իրականություն էին,
ի՞նչ ասենք մեր այժմյան ժամանակի մասին, երբ նույն
բորինիական զաղանությունը դեռ ապրում է այստեղ: Այսօր
Հոռոմոսի ձորի ավերակները պետք է որ ամեն մի մարդու
մեջ խղճահարություն զարթեցնեն: Այսօր վերաշինության
դար է, այսօր ամեն մի ավերակ զգացում է հա-
րուցանում զեպի ավերդները: Բայց այսօր էլ պակաս շեն
ձեռքեր, որոնք միավում են ավերակների կրծքի մեջ, պրա-
տում են այդ ցավագար մնացորդները՝ կողոպտելու նպա-
տակով: Գաղանը երբեք չի մեռնում մարդու մեջ:

Տեսեք, թե ինչ ոգով ու շնչտով են գրված այն արձա-
նագրությունները, որոնք այնպես գրավում են մեր ժամա-
նակակից բորինիներին...

Աշոտի գերեզմանը, ինչպես ասացի, գտնվում է փոքրիկ
եկեղեցու առաջ, մի քանի քայլ հեռու նրա հարավ-արևելյան
անկյունից: Այդ եկեղեցու անունը հայտնի է՝ ո. Գևորգ:
Հայտնի է նույնպես, թե ով է այն շինել: Աշոտի գերեզ-
մանին, եկեղեցու արևելյան ճակատից, նայում է Դադիկ
Առաջին թագավորի արձանագրությունը, որի գեղեցիկ ոճը
հարկադրում է ինձ ամբողջովին արտագրել նրան այստեղ.

«Ո՞վ հոշակաւոր դու և մեծանունդ ի վկայս, սուրբ
Գևորգիոս, օգնեա քարեխօսութեամբ Գագկայ Շահանշահի.
Հինողի զվարացանս զայս քոյով անուանակոչութեամբ ի
քոյդ յուակնեալ քարեխօսութիւն, զի ընկալցի զողորմու-

— 1 Անիից վերադառնալոց հետո ես կարդացի «Մշակի» մեջ մի
այցելու գանձ զանգատը, որ հատկապես վերաբերվում էր այս գերեզ-
մանատան: Թղթակիցը գրում էր, որ թագավորների գերեզմանները
պրատողների մեջ կա նույնիսկ մի քահանա...

թին ի Քրիստոսէ Աստուծոյ յանվախճան արքայութեանն ընդ ամենայն արդարացեալսն, ապաշաւանօք հասանել լուսոյ փառաց արդույն Աստուծոյ ի վերջնում գիշերին, ի ծագել մեծի և աներեկ առաւտին այցելութիւն գտանել առաջի ահաւոր բեմին և անշառ դատաւորին, աղաշեմք»:

Պատմությունն ավանդում է, որ Գագիկ Շահանշահը շատ եկեղեցասեր էր և հաճախ ինքն էլ մասնակցում էր ժամերգության: Այսպիսի մի մարդուն վայել է այդ արձանագրությունը, որի մեջ այնքան ազդու շեշտերով խոսում է շերմեռանդ քրիստոնյայի զգացմունքը, որ հոգևոր բանատեղծության էլ է հասնում: Բայց պերճ խոսքերից անհամեմատ պերճախոս է, իրեւ նույն քրիստոնյայի սրտի նվեր, այդ սիրուն եկեղեցին: Գագիկի անվան և ժամանակին արժանի մի գեղեցկություն: Դա այն ժամանակն էր, երբ ավարտվեց Անիի Մայր եկեղեցու շինությունը, երբ Անիում գտնվում էր ճարտարապետական մի այնպիսի հանճար, ինչպիսին էր Տրդատը:

Բայց բարեկաշտական առատ ու շքնաղ զեղումները բավական չեն լինի Գագիկ Սուազինին մեծացնելու: Նա թագավոր էր, իսկ թագավորի մասին առաջին մտածմունքը այն կարող է լինել, թե ինչպես էր ժողովուրդը նրա ժամանակ: Այս կողմից էլ Գագիկը փառավոր անուն ունի: Նա վերջինն էր Բագրատունի մեծագործ թագավորների շարքում: Երեսուն տարի կառավարեց իր երկիրը, և նրա մեջ միանում էին մի ժողովրդի համար բարերար երկու սկզբունքները՝ քաջություն և աշխարհաշինություն: Այդ երեսնամյակի պես խաղաղ ու երջանիկ ժամանակ շատ շեր տեսել հայոց աշխարհը: Քաջությունը պաշտպանում էր թշնամիներից, իսկ լայն սիրտը, կառավարչական տաղանդը այդ խաղաղ ժամանակամիջոցում բարեգործական և կրթական հիմնարկություններ էր ստեղծում. գթություն և արդարություն էին հաստատում ամեն տեղ:

Մի այսպիսի թագավոր, այո՛, իրավունք ուներ կատարյալ հույսով դիմելու երկնային զորություններին և իր համար երանություն աղերսելու: Բայց մարդկայի՞ն գործեր... ինչպէս նրանք սարսափելի անգիտյամբ ծաղրում են

նվիրական զգացմունքները: Այդ թագավորի շինած եկեղեցին այսպես ավերված ու պղծված, իսկ նրա սրտառուշ արձանագրությունը այսօր էլ չէ կարողանում կանգնեցնել ավերակներ կողոպտղներին...

Աշուալ Գագիկի հայրն էր: Հայրը իր քանդած գերեզմանից, որդին ավերակ պատի վրա դրոշմած տողերից իրար են նայում և կարծես այժմ էլ զարմանում են աշխարհի գործերի վրա...

Միայն Աշուալի գերեզմանն է երևում Ախուրյանի այս ավերակ ափի ամբողջ տարածության վրա: Բայց ս. Գևորգի մի ուրիշ արձանագրություն պարզ ասում է, որ նա թագավորների հանգստարան է: Այդ արձանագրությունը գտնվում է եկեղեցու արևմտյան ճակատի վրա: Արձանագրուղը Հովհաննես-Սմբատ թագավորն է, Գագիկի անարժան որդին, որ հորից ժառանգել էր զրասիրություն և եկեղեցասիրություն, մոլության հասցնելով վախկոտությունը, և որի հատակներուն կառուցվել է Հովհաննես-Սմբատը՝ «Եսու զիմ գեղս զՍահառունիս ի մեր հանգստարանս թագաւորաց»¹:

1 Ով զործ է ունեցել մեր հին արձանագրությունների հետ, նրան շատ լավ հայտնի է, թե որքան խեղճ զրության մեջ է գտնվում այդ զործը մինչև այսօր: Ամեն մի արտադրող իր իմացածն է զրել, և այդ պատճառով շեք գտնի մի արձանագրություն, որ միանման լինի երկու արտագրողների մոտ: Սմբատ թագավորի այս արձանագրության առաջին տողերը այսպես է արտագրել ն. Սարգիսյանը. «Ի ՌՈԶԺ զըմպիադի լինելութեան արարածոց ՈՄԿ զըմպիադի Աստուծոյ մարմնանույ և ՃՇՑ ԹԱՀ ևս Սմբատ...»: Մինչեւ Գեորգ վարդապետը, որի մասին խոսել ենք այս աշխատության առաջին մասում Անին ալցելողների թվի մեջ, գտել է, որ այդ տողերը լոկ անկապ տառերից են կազմված, որոնք գասավորված են այսպիս. «ՃՇՇ ԶԺԾԴՂԾՄ, ՄԿՂՅ, և ԽՆԶԱՅ, ԹԱՀ, ՀՕՅ: Ընդունելով այս տառերի խմբերը իրեւ փակագրություն, պոլսեցի մի հայ, Նիկոլոս Հովհյանը, սրամիտ թվական զանազան ձևերով մի երկար բացատրություն է հանել նրանցից («Հայաստան» լրագիր, 1851, № 50): Նա կարդում է այսպիս. «Անդ արձակած Սմբատայ թագաւորի յամի երեթատաներորդի թագավորութիւնն հայց» և ապա գտնում է մի շարք թվականներ (Հրեական, արաբական, փրկչական, հայոց), որոնք միևնույն ժամանակն են ցույց տալիս:

Հովհյանի այս բացատրությունը եթե ճիշտ էլ Ահներ, ցույց է

Այդ իսոսքերի ապացույց է և ավերակների բազմությունը այս փոքրիկ հրապարակի երեսին։ Մատուռների մի ամբողջ խումբ է եղել այստեղ։ Մի քանիսների հիմքերն են միայն երեսում։ Մեկը Աշոտի գերեզմանի ետևում է գտնվում բոլորովին բանդված, նրա կողքին, ո. Գեորգի Հյուսիսային կողմում, մի փոքրիկ մատուռի հետքեր, այդպիսի հետքեր կան և հարավային կողմում, 1841 թվականին Գեորգ վարդապետը այստեղ ընդամենը հինգ փոքրիկ եկեղեցի և մատուռ է տեսել։ Անշուշտ, քարակույտերը, հողը իրանց տակ ուրիշ թագավորական գերեզմաններ էլ են ծածկում։ Նրանց կարող են լույս աշխարհ հանել բան ու բրիչը, եթե երրեցե նրանք գան այստեղ գործելու ոչ թե ավերման համար, այժմ ավերանքները պարզելու ու լուսարաններու գիտական նպատակով։

Հողի երեսին մնացածը այն էր, ինչ մենք տեսանք՝ և ավերակների անձոռնի կույտեր։ Նրանք լուս ու մունց են գժբախտ ու գզզված, բայց մի ամբողջ գիշեր կարող են խոսել սրտիդ ու զգացմունքիդ հետ։ Եվ նրանց անրարառ մրմունջը ավելի դյութիչ կդարձնե արծաթափայլ Ախուրյանը, որ իր ջըերի մեղմ աղմուկով պատում է թագավորական հանգստարանը, մոռացած որ մի ժամանակ հոյակասէին այդ գերեզմանների հովանավոր մատուռները, իսկ այժմ նրանք անողորմ կերպով ջարդուփշուր են դարձել և սև բացվածքներով են նայում նրա արագավազ ալիքներին։ Բնությունը սիրել գիտե կյանքն էլ, ման էլ։ Մարզն է, որ իր հանցանքները կուտակում է բնության գրկի մեջ և հուսահատության փոս է դարձնում այսպիսի գեղեցիկ անկյունները...

Խմբովին, դանդաղ քայլերով մենք գուրս էինք գալիք այդ փոսից, բարձրանալով Ախուրյանի ձորի այն կողմով, որի վրա գտնվում են երկու աշտարակները։ Ճանապարհը

տալիս, որ նա գոնե սուր միտք և երևակայություն ուներ ծրկու ըեմերցվածների այս ահազին տարրերությունը մի ապացույց է, որ ժամանակն է հին արձանագրությունների միշտ ընդօրինակման դործ սկսել գիտական հիմքերի վրա։ Այժմ պետք է ընդորինակությունը ամբողջովին հանձնել լուսանկարչական գործիքին։

Քերում է ժայռերի կուրծքը, կարծես նա գիտմամբ է գժկարացնում մեր քայլերը, կարծես այնտեղ, ստվերների մեջ թաղված ձորում, ավերակ գերեզմանատան ոգին շէ ուզում բաժանվել մեզանից, բռնում է մեր փեշերից, որ կանգնենք. լսենք նրա պատմությունները։ Իսկ մենք բայլ առ քայլ նվաճում ենք ժայռի փորվածքները, դուրս ցցված ուսերը, քրտնած, հեալով հասնում ենք վերեին։ Այստեղ այլևս ատվեր ու մթություն չկա։ Շիրակի դաշտերն ու բլուրները ողողված են կաթնային լուսավորությամբ։ Կուտինը բավական բարձրացել է հորիզոնից, և աղոտ ու խորհրդավոր հետակնարներ են նայում մեղ նրա թագավորության բոլոր կողմերից...

Կառքերը սպասում էին մեզ զույգ աշտարակների մոտ փարձյալ սրանք, այս կարմիր աշտարակները։ Կանգնած են դաշտի վրա, լուս ու կիսակործան, իբրև մի հանելուկ, որ տանջում է այցելուին իբրև մութ անցյալից մնացած մի վիթիարի հարցական՝ ի՞նչ եմ ես։

Շատերն են պատասխան որոնել և գտել... իրանց հայրը։ Մեկն ասում է, թե դա հաղթական կամար էր, մյուսը՝ դինվորական դիտանոց կարծում, մի դիտանոց, որ պիտի օր ու գիշեր հսկեր այս կողմերից դեպի Շիրակ տանող միակ մեծ ճանապարհի վրա։ Իսկ ժողովուրդը ուրիշ բան է պատմում։ Երբ թագավորը Անիից զնում էր Հոռոմոս, — ասում են, — այստեղ գտնվող պահապանները բարձրանում էին աշտարակների գլուխը, հնշեցնում էին զանգակները, որպեսզի վանքում իմանան և պատրաստվեն։

Այսքան և էլ ավելի բացարություններ գտել են, բայց զույգ աշտարակները չեն դադարում իրանց պատառությամբ մեծ հարցական լինելուց։ Նրանք ծաղրում են այդ բոլոր պատասխանները։ Նրանք լեզուն շունեն, զիր ու արձանագրություն շունեն, բայց զիտեն մի առանձին տպավորություն գործել, որ համարյա հավատացնում է ձեզ, որ բացարություններից ոչ մեկն էլ ճիշտ չէ։

Ո՛չ մեկը։ Բայց ի՞նչ են դրանք։

Ծուս ճանապարհորդ Մուրավյովը, մի մութ երեկո կանգ առնելով երկու աշտարակների մոտ, այս հարցն է ազել իրան

և գտել է, որ այս կամարների վրա կարելի է զրել Դանթեի
«Աստվածային կատակերգության» հետևյալ շորս տողերը.

ինձանով է անցնում ճանապարհը դեպի ցավալից
քաղաքը,
ինձանով է անցնում ճանապարհը դեպի Հավիտե-
նական վշտերը,
ինձանով է անցնում ճանապարհը դեպի անհետա-
ցած մարդկանց ազգը.
Յուր հույսերդ կտրի՛ր դռւ, որ անցնում են
ինձանով...


Այս՝ Հազար անդամ իրավունք ունի Մուրավյովը,
Դանթեի Հանձարը հրաշալի կերպով բացատրել է այսպիսի
մի անգիր ու անհիշատակ շինության էությունը:

Ի՞նչ են եղել այս զույգ աշտարակները, Դա Հանելուկ է:
Իսկ ի՞նչ են նրանք այժմ: Մի անգամ էլ կարդացեք
Դանթեի խոսքերը...



ԱՐԵՎԱՏՅԱՆ ՔԱՐԱՔ

Եղիսաբետի վարչութեան պահապահ մշտական աւագանութեան վայրեաց վեց



Ա.

Դարձյալ դաշտ, դարձյալ միանման ճանապարհ...

Մի ժամի չափ վազում են մեր ծիաները, և մենք դեռ չենք տեսնում մեր ճանապարհորդության վերջին կետը: Խորին լուսություն է տիրում: Այս կողմից Շիրակի գիշերը ոչնչով չէ զանազանվում ցերեկից: Միշտ միանման մեղմ աղմուկ են հանում բռնուները, կառապանը այլևս երբեք հետ չէ նայում, նա ինքն էլ մի տեսակ քնարեր տրամադրության մեջ է: Արդեն շատ զով է լեռնադաշտի օդը: Նա առանձնապես հաճելի է դարձնում հանգստությունը օրվա երերումներից, չափշփոցներից հետո...

Ճանապարհն էլ քնացնող է: Համեմատաբար հարթ է նա, կառքը անդադար քարերին զարնվող նավակի նման չէ: Բայց և այդպես՝ ի՞նչ համեմատություն ցերեկվա հետ: Այժմ երկինքը կաթնեղեն լույսերի համատարած տարափի հետ ընթափյուն, խորհրդավորություն շատ է թափում երկրի վրա: Կարելի է կծկվել կառքի մի անկյունում, լուս անձնատուր լինել խոհերիդ, երեակացությանդ, և այդ տրամադրությանը իր ամբողջ կարողությամբ ուժ կտա զիշերային համեստ լուսատոն: Բայց և այնպես, լուսնկա գիշերը շուտ է սկսում ճնշել: Գույներ չկան, հեռավորություններ չկան, դաշտը մի բուռի չափ տարածության մեջ է ամփոփված: Ամեն ինչ ցած ու փոքր է այս հարթավայր շրջակայքում. ոչինչ խոշոր, ոչինչ խիստ կերպով աշքի ընկնող բան, որ կարողանար հաղթել գիշերային ազոտ լուսավորությունը և փոքր ինչ հեռվից գրավել ուշադրությունդ: Այդպես կարող էր անել մի որևէ լեռնային խրոխտ բարձրություն, մի մեծ անտառ, բայց Շիրակը չունի այդպիսի բաներ...

Շուրջդ, հոգի վրա, լգտնելով ուշադրություն գերող առարկա, երկար ճանապարհի ձանձրույթը աշխատում են փարատել երկինքը դիտելով։ Իսկ այնուղղ ի՞նչ կա, բացի բոլորակ լուսնից, որ այնպես զեղեցիկ կերպով շոյում է աշրդ ու զդացմունքը իր նաղելի դեմքով, իր պաղ շողերով։

Ես շարունակ նրան էի նայում, բանաստեղծների և ոչ-բանաստեղծների սիրած գիշերային թագուհուն։ Մենք կարծես իրար ճանդիպելու էինք գնում, նա դեպի մեզ, մենք դեպի նրան, եվ ճանկարծ... Նրա առատ լույսերի մեջ, երկար ու երկար, ձգվեց մի բարձր բան, որ մեզ նայում էր իր սե, չուսավորված կողմով։ Կարծես գետնից բռնած կլոր աշտարակների դժագրությունները։ Լուսնի լույսով նրանք պարզ նկարված էին բարձրում, երկնքի բաց-կապույտ գույների մեջ։

Առաջին վայրկյանում տպավորությունն այնպես էր, որ այդ հզոր պարիսպները ոչինչ վնաս չեն կրել, որ նրանք այժմ էլ ամուր ու ուժեղ պաշտպանում են մի բան։ Մի՛թե Անին այս աստիճան լավ է դիմացել ճակատագրի հարվածներին։

Չես հավատում։ Գիտես, որ ոչ ոք և ոչինչ չէ խնայել այս քաղաքը։ Բայց պատրանքը, կրկնում էմ, կա, և նա մի բռպի այնքան ուժեղ է այն աղոտ լույսերի և թանձր ստվերների մեջ, որ հազթում է թեղ, խարում է։ Մոռանում ես, որ առջեղ միայն ավերակի սանձարձակ շափականցություններ ու հրեշավոր բավիրդներ սկիտի տեսնեմ։ մոռանում են կարդացածդ, մոռանում են ողբերը, լուսանկար պատկերները։ Եվ թվում է, թե այդ պարիսպների տակ, այդ պարիսպների ետևում դեռ կյանք է պլազում, դեռ շարժվում են պահապանները, և ահա այն մեծ դոնից, դեպի ուր դիմում ենք, դուրս կդան մարդիկ, որոնց հանձնված է քաղաքի ապահովությունը և կսկսեն հարցուփորձ։ ո՞վ ենք, ի՞նչ ենք...»

Ահա հասանք, ահա մեր կառքը առաջին անգամ ցավոտ ցնցումով ընդհարվեց դրսի դռան թափանց քարերին։ Բայց պատրանքը դեռ կա, չետացել, դեռ կպած է սրտին մի քանի թելերով։ Այդ թելերից մեկն է այն փոքրիկ, շատ

փոքրիկ առում, որ մեզ նեա մանում է զննով։ Ո՞ւ և զնում նա, ո՞ւ մ համար...»

Երկու պատերի մեջ ենք Անիի արտաքին և ներքին պարիսպները։ Այդտեղ ահա ցնդում է ինձ հափշտակած պատրանքը։ Այդտեղ դիպված է այն սարսափը, որ այնքան գար այս տեղերի միակ պահապանն է եղել։ Այդտեղ զգում ես, որ մտել ես գերեզմանի մեջ և համբանականությունը իր ահավոր լուսությամբ գրկել է քեզ։

Գժվածի պես ցատկուում է մեր կառքը, պարում է քարից քար զարնվելով։ Նա խոլ ազմուկ է բարձրացնում երկու պատերի նեղ արանքում։ Բայց և այս ազմուկը ոչինչ է։ Նրան կլանում, ոչնչացնում է հսկայական գերեզմանի լուսությունը։ Զկա մի վայրկյան, որ մոռացնել տա նրան, չկա մի վայրկյան, երբ նրանով խիտ առ խիտ լցված չէ այս սե, քարքարոտ մուտքը։

Լուսինը պատերի ետևումն է։ Հսկաները թանձր ստվեր են արձակում և զրանով են ուզում ծածկել իրանց մարմնի վերքերը, զրանով են ուզում ծածկել իրականությունը և երեալ աշքիդ հզոր ու հպարտ։ Բայց իզո՞ւր։ Լուսնի լույսը մատնում է նրանց։ Սպիտակ, փայլուն շերտեր են երեսում նրանց թանձր ու սկ մարմինների վրա։ Եվ տեսե՞ք, թե ի՞նչ անճուռի ծակեր են, որոնց միջով լույսը ցույց է տալիս իրան։ Տեսե՞ք, ինչ պատռվածքներ են կերել, կրծոտել այդ պատերն ու աշտարակները։

Ո՞ւ Խավարն էլ անզոր է ծածկելու հին, ալեոր ավերձունքը։ Անողորմ կերպով կրծոտված են այդ ամրությունները։ Թեև այդքան զգգված, ծեր, ուժապառ, բայց նրանք գեռ պազո՞ւ են։ Մի զառամյալ, փոշիացած հասակ, որ տարածված է գերեզմանի ափին, բայց, — զարմանա՞լի բան, — շարունակ խոսում է իր երիտասարդության մասին։

Այստեղ մահն է տիրում։ Այստեղ ոչ ոք և ոչինչ չէ կառող զիմանալ և զիմադրել մահի իշխանության։ Բայց այստեղ ամեն ինչ մահի գրկում, գերեզմանի անդունդից, խոսում է կյանքի մասին։

Մի կյանք, որ վաղուց, շատ վաղուց ջնջված, սրբված է այս տեղերից։

Բ

Վերջապես մենք քաղաք մտանք:

Ավագ դուռը երկու հսկա աշտարակների մեջ սեղմված մի ցածրիկ կամար է, անձոռնի կերպով կրծոտված: Բայց նա առաջին գեղեցկությունն է, որ ավերակների կույտերի միջից զալիս է ուղևորին շենքով-շնորհքով: Անի մտցնելու Գեղեցիկ է նա ոչ այնքան իր շինությամբ: Նրա գեղեցկությունը ավելի այն տեսարանն է, որ նա ցուց է տալիս ուղևորին: Ամբողջ Անին միանգամից առջև է:

Խավարից դեպի լույս էինք գնում: Չգիտեմ ինչու, երկու պատերի միջով անցած մեր կարճ, բայց լուս, գերեզմանական ճանապարհից հետո, լուսինը ինձ թվաց կորցրած քախտ, որ գտնվում է հանկարծ: Եվ երբ Ավագ դռան կամարի տակ նրա պաղ, արծաթե շողերը ընկան ինձ վրա, ևս առաջին վայրկյանում մոռացա ամեն ինչ և գիշերային լուսատուն ողջունեցի, արտասանելով Ալիշանի տողերը.

Ո՞ւր զա իմ լուսնակ հեղիկ ու հանգարտ
Համասիւռ լուսովդ ի եռ, ձոր և արտ...

Արդյոք գերեզմանային խավարն էր այդպես սիրելի դարձնում լուսինը, թե այն տեսարանը, որը մեր աշքերի առջև պարզելու համար նա թափում էր իր անամպ ճակատի բոլոր լուսերը... Չգիտեմ, երկի մեկն էլ, մյուսն էլ...

Ավագ դուռը հյուսիսային կողմից է մտցնում քաղաքը: Դեպի հարավ մեր առաջ տարածված էր մի երկար տափառակ, որ վերջանում էր մի բարձր ու մեծ բլուրով: Տափառակը Անին է, բարձր բլուրը՝ նրա Միջնաբերդը: «Անին շեն, աշխարհն ավեր, աշխարհը շեն, Անին ավեր», — հիշում եմ ես հին ժողովրդական ասացվածքը: «Անին շեն, աշխարհն ավեր» ասացվածքի հին մասն է, հեռու-հեռու դարերի ետևում թաքնված: Իսկ երկրորդ մասը այսօրվա իրականությունն է, որին մենք ականատես ենք:


Շեն աշխարհի մեջ ավեր Անին լուսով մի լուս հարթ դաշտ էր: Զանազան կողմերում այդ դաշտի վրա, գի-

շերային արծաթազօծ խորհրդավորության մեջ, բարձրացած են պատեր, աշտարակներ: Նրանք հանկարծ են խոսում, ամենքը միասին, վտիտ, ծոմոված, մաշված ուրվականների պես: Ուստի առաջին բոպեներում համարյա ոչինչ չես հաւականում: Ավերակների ժիոր է, զփիտես ո՛ւր նայես, ո՛ւմ նվիրես ուշագրությունդ: Տե՛ս, մինչև անգամ Միջնաբերդի հեռավոր բարձունքներից ինչ-որ կույտեր են նայում: Եվ անհնարին էլ է նայել ամեն մեկին, ճանաշել ամեն մեկը առանձին-առանձին: Զգայուն բանաստեղծները ավերակներ երգում են լուսնի լուսով, ես հասկանում եմ, թե ինչու Ցերեկվա լուսավորությունը չափազանց պայծառ ու ուժեղ է, չափազանց պարզ իրականություն է հաղորդում ավերակներին, աշք է խորում ապականությունը, քանդվածի զզվանը ազգող անհեթեթությունները:

Այդպես չէ գիշերային լուսավորությունը: Մեղմ, աղոտ, երազուն, նա շակում է աշք ծակող անկարգությունները, անորոշության քող է զցում տարածության վրա, արծաթազօծում է սկսե պատռվածքներն անգամ: Վշտոտ, խորհուն կերպարանք է տալիս ամեն ինչին. և թվում է թե ավերակները գիշեր ժամանակ սկսում են ապրել մի ինչ-որ ստվերային, պաղ, խորհրդավոր կյանքով: Այդ ժամանակ լավ է, հափշտակող է ընդհանուր տեսարանը, որ, սակայն, չէ կարող երկար ժամանակ բավարարություն տալ նայողին: Զգում ես մանրամասնություններ իմանալու, իսկականն ըմբռնելու կարիքը, զցում ես ցերեկվա լուսի առավելությունը:


Եվ մենք բավականանում ենք այդ ընդհանուր տպավորությամբ: Մեր կառքերը դանդաղ շարժվում են քարքարուսների միջով, և հետզհետե մեր մոտով անցնում են ավերակները: Ահա փլված Աշտարակը: Ահա երեաց և Անիի թագն ու պարձանքը՝ Մայր եկեղեցին, որ նայում է մեզ իր վուսավորված կողմով: Ի՞նչ սիրուն հասակ, բայց ինչպես ցավեցնող է նրա կտուրին երևացող կլոր քանդվածը, որ գմբեթի տեղն է ցուց տալիս:

Մայր եկեղեցու մոտ մի պարսպապատ սպիտակ շինություն է երևում: Միակ շինությունը անհայտացածների այս քաղաքում, ուր մարդկային բնակություն կա: Դա հյուրա-



Առք → 10

(Արևոտքական աշխարհական կուսակցություն, ազգական կուսակցություն, ազգական կուսակցություն)



տունն է, որ, ինչպես իր տեղում ասացի, շինել է Ալեքսանդրապոլի Հոգաբարձությունը 60-ական թվականների սկզբում:

Շատ էլ ընդարձակ չէ այդ շինությունը: Գոնե մեր մեծ խումբը ծայրեծայր լցրեց մեծ սենյակը և նրա կողքին գտնվազ երկու փոքրիկ սենյակները: Բայց այդ բանի համար էլ շնորհակալություն: Մի փոքրիկ, հասարակ գործով գոնե մենք կարողացել ենք ցույց տալ, որ միանգամայն անզգա ու անպարտաճանաշ շենք Երկար ճանապարհից հոգնած ուղևորը որպիսի՝ հաճությամբ մտնում է այդ օթևանը, ուր կարող է հանգստանալ, կազդուրվել Եվ այս ո՞րտեղ: Այստեղ, ուր ճարտարապետի ռազմագետի հանճարը վազուց է բնության և մարդու ծաղր ու խաղալիք դարձել, ուր հզոր կամարներն ու թանձր պարխապները պարտված տրորված են և քար քարի վրա չի ուզում մնալ, ուր օձերը, մողեսները, կարիճներն ու այլ թունավոր միջատներն են բնակչություն կազմում:

Եվ Հյուրատունը բավական շեն ու բարեկարգ է այս մեռնության աշխարհում: Մեզ ընդունում է Անիի վանահայր Միքայիլ վարդապետ Տեր-Մինասյանը, որ միանգամից մեր ամենքիս համակրանքն է գրավում: Աղքատ, միջոցներից զուրկ է այդ վանահայրությունը: Բայց վարդապետը մտածում է ավերակների մասին, մտածում է և այցելուների մասին: Ինչ կարողացել է հավաքել իբրև նվեր, գործ է զրել հարմարություններ ստեղծելու համար: Եվ այցելուն գտնում է այդտեղ այն ամենը, ինչ իրան հարկավոր է, բացի, իհարկե, ուտեղիքից. սամովար, սփոռց, ամաններ, յամպաներ: Իր փոքրիկ տնտեսությունից վարդապետը հաճությամբ տալիս է կաթ, մածուն: Մի շատ սիրալիր, շատ ուշադիր մարդ է: Անին իսկ որ այդպիսի մի հոգաբարձուի է կարոտ:

Մնացածը լրացրին Խալաթյան երկու տիկինների կանխատես պատրաստությունները, որ բերել էին իրանց հետ Ալեքսանդրապոլից: Նրանք մեզ ընթրիք տվին, որ կատարյալ շքեղություն կարելի էր համարել այստեղ, այս ավեր ու հիմնահատակ քաղաքում:

Ավելի դժվար էր գիշերելու հարցը: Ցերեկով Անի մեջ

արեք խաղում է, բայց գիշերները լեռնադաշտի օդը մրսեցնելու շափ զով է: Ամենքս շունեինք տաք վերմակներ: Պետք էր «յոլա գնալ»: Եվ մենք, տղամարդիկս, քաշվեցինք երկու փոքրիկ սենյակները, տեղավորվեցինք ինչպես հնարավոր էր:

Պառկեցինք: Խոսում էին, որ ֆալանգաները այսպիսի ժամանակ են գուրս գալիս որսի: Ահ զգում էինք, բայց շուտ մոռացանք: Կոտրած պատուհանից ներս էր փշում Աննի զով քամին: Պետք է շուտ քնել՝ առավոտը շատ շուտ վեր կենալու համար: Վճռել էինք ժամի հինգին պատրաստ լինել և հենց այդ ժամից էլ սկսել մեր պտույտը, տեսնել ամեն ինչ:

Քունը վաստակած ուղևորի ամենալավ բարեկամն է: Եվ մեր այդ բարեկամը չուշացավ. նա մոռացնել էր տալիս ֆալանգաներն ու կարիճները, մոռացնել տվից և պատուհանի քամին: Միայն մի բան համառությամբ նստած էր մտքիս մեջ՝ այս այցելությունը: Եվ քնի զրկում հանդարտ, մի ինչ-որ խորությունից, գլուխ է բարձրացնում պատանեկությանս հիշատակը, բերելով իր հետ այժմ մոռացված, բայց մի ժամանակ ամեն մի բերանից հնչող երգը: Հիշո՞ւմ եք.

Այ հայտղա, խղճա՛ ինձի,
Տե՛ս թե քո Անին ինչպիս է...



Եվ մենք տեսանք, թե ինչպիս է նա...

Սուավոտ էր: Արեք դեռ նոր էր նոսր ու թույլ լույսեր թափում Ալաջայի բարձր լանջերի վրա: Ամեն ինչ խոստանում էր մի պարզ, անամպ օր:


Հյուրատան բակում, Երկար սեղանի վրա, մեզ սպասում էին թեյի լիքը բաժակները: Նրանք հավաքում են մեր ամբողջ խումբը սեղանի շուրջը, և ավերակների մշտալու

առավոտը աղմկվում է կենդանի, աշխույժ խոսք ու զրույց-ներից: Ամեն մեկս շտապում էինք նախ և առաջ մեր անձին, մեր հսկն խնկարկել:

Ամենքս քաղաքացիներ էինք, հայտնի հարմարություն անբի սովորած, հայտնի պայմաններով մեր կյանքը շափած ու ձևած: Շարլոնի մեղկ ստրուկներս Անիի այս տանը մի գիշեր, միայն մի հատ զիշեր տարիների, ո՞վ զիտե, ի՞ն, երկար շարքի մեջ խանդարել էր մեր սովորությունները, մեր շափն ու ձեր: Եվ այդ զիշերը ամեն մեկիս թվում էր մի ահազին զեպք, այնքան տակնուվրա էր արել մեր հասկացողություններն ու զգացմունքները, որ մեղանից ամեն մեկը պարուն էր համարում բավական մանրամասն զեկուցում տալ ընկերներին իր կրածների և զգացմների մասին: Այդ բոլոր խոսք ու զրույցները միայն այն էին վկայում, որ քաղաքը բնության աղմատումն է, ուրիշ կերպ, կարծես, չէ կարող քաղաքակրթություն լինել:

Մեզ կրթողը բնությունը չէ, այս պատճառով ենք այս քան մեղկ ու փմրուն, իսկ բնությունը — ահա նա այստեղ է իր կուսական, միշտ թարմ ու հաղթ ուժի մեջ: Որքա՞ն ժպտուն է Շիրակի երկնքի կապուտակությունը: Նրա տակ, ժայր հողի գրկում և երեսին, բոլոր ուժերը լարած՝ կյանքն է գործում հեալով: Միայն այստեղ, մեր շուրջը, մի փոքրիկ տարածության վրա, ամեն ինչ դադրած է, մեռնող է, անպտուղ ուժասպառություն է քարողում: Այս պատճառով էլ բնությունը սիրում է կոմարաստներ, հակադրություններ փոել այսպիսի տեղերում: Նա՝ ժպիտ, ավերակը՝ սկ հուսահատություն: Նա՝ կենդանություն, սա՝ մեռելություն: Նա ամեն կողմից կանչում է՝ «վայ» կորածին», սա ողբում է իրքն անհույս, հավիտենական կորածություն...

Ահա մեր առջե, առավոտյան բնքույշ լույսերի, անմահական ժպիտների, թարմության մեջ բարձրացրել է իր սգավոր, կրծոտված մարմինը մի մեծ, մի շքնաղ ավերակ երկնքի ու երկրի տոներին հակադրելով մի սոսկալի անհույս մեռելություն: Մայր եկեղեցին է: Նա մեր առջե է, բաժանված մեղանից բարե ցածրիկ պատով: Ամբողջ մնացած մի



շինություն, ամբողջ, իհարկե, համեմատական հասկացողությամբ, ավերակային լիզվով: Ծվ դա բախտ է, բայց որքա՞ն թշվառ բախտ: Այստեղից երեսմ են նրա երկու անկյունները: Դրանցից մեկը, որ նայում է արևմուտքին, ճեղքած է վերկից, կտորից, մինչև համարյա կեսը: Մի զարժուքելի վերք այդ հին, կիսամաշ մարմնի վրա: Կարծես մի ժամանակ մի ինչ-որ աշունի սուր զննք բարձրացել է այդ կողմի վրա և մի հարվածով պատռել է գեղեցիկ հյուսվածքներով զարդարված պատը: Շատ ժամանակ է, ինչ Մայր եկեղեցին կրում է իր վրա այդ վերքը: Երեխ: Ճեղքը վերեւում լայն է, այնտեղից քարեր շատ են թափվել: Թվում է, թե այդ վիրավոր անկյունը այլևս չէ կարողանում կապ պահպանել երկու պատերի մեջ և նրանցից մեկը կարծես թիշ առաջ թերքած լինի:

Նայողը տիրությամբ համոզվում է, որ Մայր եկեղեցու վկումը այստեղից պիտի սկսվի, Ահագին ճեղքը հավիտյան այդպես անպատճ շպիտի թողնե շինությունը: Մի թեթև պատահականություն կարող է մի ժամում աղիտ բերել աղենների քաղաքի այս հրաշագեղ թագուհու զլխին: Բավական է, որ պատի այդ մասը փլվի, եկեղեցին դրանից հնատ կուսի մաս-մաս թափվել: Եվ այնուհետեւ ի՞նչ կմնա Անիում...

Երբ 977 թվականին Բագրատունիների գահը բարձրացավ Սմբատ Երկրորդը, Անին դեռ փոքրիկ էր և բոլորովին պատանի մայրաքաղաք, Նրա հայր Աշոտ Ողորմածն էր առաջին թագավորը, որ օծվեց Անիում: Նույն Աշոտը պարհապ քաշեց Միջնարերդի Հյուսիսային ստորոտի մուտքը: Այդ պարհապն այժմ է հայտնվել՝ պրոֆեսոր Մասի պեղումների շնորհիվ: Նա ցույց է տալիս, թե որքան փոքր էր Անին իր առաջին թագավորի ժամանակ:

Սմբատ Երկրորդը ամենախրոխտ թագրատունիներից մեկն էր և մեր պատմության մեջ ստացել է «Տիեզերակալ» պատվանունը, որ եթե ճիշտ չէ բառացի մտքով, գոնե ցույց է տալիս, որ քաջ ու անվեհեր մի թագավոր էր դա: Մեռավ մեր Տիեզերակալը 13 տարի թագավորելուց հետո: Եվ այդ ժամանակը նա այնքան պատերազմների մեջ շանցկացրեց,

որքան շինությունների մեջ: Անին զարդարելու հիմքը Սըմբատը որեց: Եվ իր հաջորդին թողեց մի ամրացրած, մեծացրած քաղաք, որ այնուհետեւ սկսեց հիացնել ամենքին:

Իր հոր պարիսպը բավարար չհամարելով, Սմբատը նրանից «մի նետընկեց հեռու», ինչպես ասում է Մատթեոս Ուռայիցին, կառուցեց նոր բարձր ու պինդ պարիսպ, որ սկսվելով Ախուրյանի ափից, մի լայն շրջան էր տալիս դեպի հյուսիս, արևմուտք և համարյա երեք կողմից պատռմ էր քաղաքը: Այդ պարիսպն է, որ դեռ այսօր էլ պահում է իր հզոր մնացորդները և որ երեկ այնպիս աշխատում էր մթության քողով վարագուրել իր ավերանքները:

Ութ տարի տեսեց պարիսպի շինությունը: Այնուհետև Սմբատը իր նոր բացած քաղաքամասում գոեց Մայր եկեղեցու հիմքը: Թագավորական ճոխությունը բավական չէր լինի մեծ և երշանիկ քաղաքին վայելու մի զարդ կառուցանելու համար, եթե երկրում պատրաստ չլիներ և մեծ տաղանդը: Պատմությունը, բարեբախտաբար, պահել է այդ տաղանդի անունը՝ քաջագործ Տրդատ, որի մտքի և ստեղծագործական շքեղ ընդունակության արդյունքն է Մայր եկեղեցին: Տրդատը իրան ցույց էր տվել, Խաչիկ կաթողիկոսի ծախսով մի հոյակապ եկեղեցի կառուցանելով Արգինայում: Սմբատը նրան հաձնեց իր եկեղեցու շինությունը, բայց հենց շինության սկզբում էլ մեռավ: Թե ինչ եղավ թագավորի մահից հետո, պատմում է եկեղեցու հարավային պատի վրա փորագրված արձանագրությունը. նա ասում է, որ Սմբատի հիմնադրած եկեղեցին շինել վերջացրել է նրա եղբայր և հաջորդ Գագիկ Շահանշահի ամուսինը, Կատրանիտե թագուհին, որ Մյունյաց թագավոր Վասակի աղջիկն էր: Շինությունը վերջացրել է 1001 թվականին և, այնուհետև, հայոց թագուհին սկսել է զարդարել իր եկեղեցին:

Նայելով այդ թվերին, Մայր եկեղեցին շինվել է քսան տարվա ընթացքում: Քսան տարի Տրդատ ճարտարապետի տաղանդը գործել է այդ քարերի վրա, հղկել է, զարդարել, շարել է, բարձրացրել՝ դարեր հիացնելու համար: Բայց քսան տարում միայն պատերն են վերջացել: Կատրանիտե թագուհին Տրդատի ձեռակերտով շէ բավականացել, և Ասողիկը

գոտմում է, թե ինչպես գեղեցիկ կերպով զարդարված էր եկեղեցին ներսից,

Թագրատունի թագուհիները շինարարական մեծագործությունների մեջ էին ցուց տալիս իրանց սրտի և քսակի ճոխությունը: Կատրանիտեի սկիսուր Խոսրովանուշ թագուհին, Աշոտ Ողորմածի ամուսինը, շինեց Հաղբատի և Սանանի հոչակավոր վանքերը, որոնք կան մինչև այժմ: Եվ սկիսուրը ավելի բախտավոր էր իր հարսից: Նրա եկեղեցիների մեջ այժմ էլ աղոթում է հայր, մինչդեռ հարսի շքնար կերտվածքը ամայի է, կիսաքանդ, և զողալով սպասում է վերջնական կործանման, որ կարող է գալ ամեն օր:

Արևմտյան մուտքի մեջ, Տրդատի հրաշակերտած կամարի տակ, կախված է մի փայտն դուռ, խեղճ ու հասարակ մի բան, նոր դուրս եկած այս կողմերի վարպետի ուրագտակից: Միակ բանը, որ արված է այդ փառահեղ ավերակ ները պահպանելու համար: Դա մի անճաշակ կարկատան է, որ ավելի ևս ողբալի է դարձնում հին, սիրուն մուտքի տեսքը: Կարծեմ մեր դերասաններն են շինել տվել այդ տախտակի դուռը: Նրանք կամեցել են փակված եկեղեցի դարձնելնի այս մեծ սրբավայրը: Եվ չէ կարելի շրովել այդ ժիւքը: Անդուռ, անկողղեք եկեղեցին բաց է ամեն բանի և ամեն ինչի առաջ: Իսկ այսպիս նա ողաշտպանվող, տերունեցող ավերակի է նման, որ էլի մի բան է:

Այդ դոնով էլ մեզ ներս է ընդունում Կատրանիտեի շինությունը: Տպավորությունը միևնույն է մեր ամբողջ խմբի համար: ոչինչ ձայն, ոչ իսկ շշուկ չէ լսվում: Ամեն մեկս խորին երկյուղածությամբ, շունչը պահելով, համբ, անձայն քայլերով ենք առաջանում կամարների տակ: Դեռ աշքն է պահանջատեր: Դեռ պետք է տեսնել, նայել այս ու այն կողմին, մի հասկացողություն, մի ամբողջացրած միտք կազմելու համար: Եվ լուռ ենք, շարժվում ենք կամացուկ:

Մենք այսպիս ենք, իսկ այստեղ, օրվա այս կանուխ ժամին, մի ամբողջ ժամերգություն կա: Բայց ժամերգությունը Մայր եկեղեցու միարանությունը չէ կատարում, այլ ժտերի բազմությունը, որ շար է ընկել փլված գմբեթի լայն շրջանակի վրա: Այդտեղից էլ, այդ մեծ, կլոր բացվածքից:

առաջ ներս է թափվում երկնքի լույսը: Երջանի՝ կ փոքրիկ-ներ նրանց պետք է կատարել իրանց առավատյան օրհներգը, ձոնված արթնացող բնության: և շա՞տ են մտածում, թէ իրանց ուրախ, անընդհատ ծվծվոցների տեղը թանձր սուզի մի շրեան է....

Ես ասացի, որ միայն փայտե դուռն է դարավոր ավեռակի վրա երեցող հոգածության առարկան: Բայց պետք է ավելացնեմ և այն, որ երբ Անին անցավ ուրսաց ձեռքը, Մայր եկեղեցու ներսը լիբն էր քարերով: Մեծ գմբեթը, ինչպես կարծում են, փլվել է 1830-ական թվականներին և փլվելով, նա ամբողջովին ներս է թափվել, ծածկելով եկեղեցու հատակը քարակույտերով: Ալեքսանդրապոլի հոգաբարձության առաջին գործերից մեկն եղավ մաքրել հատակը: Եթե եվ այն ժամանակից Մայր եկեղեցու ներսում չեն երեցում բարեկը:

Կա և մի այլ գործ, որ կատարվել է ներկա վանահոր տրով: Սեղանի վրա դրված են Աստվածածնի պատկերը, մի ծածկոց, մի մեծ ժամագիրք: Տիսուր ու վշտահար է Տիրամայրը: Այսպիս է նրան ներկայացնում եկեղեցին ամեն տեղ: Բայց այստեղ, այս փառահեղ ավերակների մեջ, ո՞ր քան խտացած, ո՞րքան աղքու, մորմոքով է երևում այդ անարվեստ պատկերից թափվող վիշտը: Շուրջը տկլորություն, ճաքճաքած քարեր, փշրած սյուներ, կործանմաւ տաղնապը տողորել է ամբողջ մթնոլորտը: Հույսի և ո՛չ մի շող: Ի՞նչ ահավոր մոռացվածություն... Եվ այդտեղ այդ վշտոտ կինը: Նա ոչ ոքին չէ նայում: Բայց նրան պաշտում է վշտոտ աշխարհը: Նրան է նվիրել Կատրանիտեն իր եկեղեցին, երբ սա Անիի ամենաբախտավոր օրերի վկա բարձրացավ իր վեհափառ սյուների վրա: Նրան է նվիրված սրբավայրը և այժմ, երբ ամայություն է շորս կողմը, և այս մեծ քաղաքի մեջ մի հատ կենդանի մարդ կա, մի վարդապետ...

Նստած Աստվածամոր պատկերի առաջ, դասերի աստիճանի վրա, մենք նայում էինք բարձր, մեզ իր լայն ու գեղեցիկ գրկի մեջ առած շինության: Ես չեմ նկարագրի նրա ժանրամասնությունները, դա ավելորդ էլ կլինի: Գիտեմ իմ սեփական փորձով: Անիի ավերակների այս թագուհին միշտ


անփոփոխ հիացմունք, սքանչացում է պատճառել բոլոր այցելուներին. նկարագրել են շատերը, օտար թե հայ, կարդացել եմ շատ ու շատ բան: Բայց իսկական հասկացողություն կազմեցի միայն այն ժամանակ, երբ ներս մտա հոչակավոր եկեղեցու չարդված դռներով: Այդտեղ, առաջին վայրկյաններից հետո, երբ միտքը, զգացմունքը սկսեցին իրար հաշիվ տալ, առաջին ճշմարտությունն այն էր ինձ համար, որ մարդկային խոսքը, որքան էլ պերճ ու զարդարուն լինի նա, շատ տկար է այն ահապին հարցի դիմաց, որ այստեղ դրվում է նրա առաջ:

Եվ ի՞նչ անե խոսքը, երբ այնպիսի հավատարիմ և ճիշտ բնորինակող, ինչպիսին է լուսանկարը, չէ կարողանում հաղթել այս կամարների անման թոիչքները, նրանց տակ գոյացած լույսերն ու ստվերները, չէ կարողանում բռնել այդ բոլորը միանգամից, ամփոփել մի ընդհանուր պատկերի մեջ: Հանգուցյալ Քյուրքյանն անգամ, չնայած որ իր գործի կատարյալ վարպետն էր, չէ կարողացել այնպիս լուսանկարել Մայր եկեղեցու ներսը, որ իրականին փոքրիշատե նմանվող տպավորություն տար:

Ես այստեղ միայն իմացա, որ խոսքը, պատկերը ունին են:

Ամեն կողմից, յուրաքանչյուր խոռոշից, յուրաքանչյուր գծից, ավելի ճիշտ՝ յուրաքանչյուր կտոր քարից նայում է այս զարմանալի տաճարի շինողը: Տրդատը անմահ է, քանի որ այստեղ քար քարի վրա կմնա: Նա արտահայտել է իր գաղափարը մի հիացնող համաշափությամբ: Զկա մի բան, որ խանգարե այդ տպավորությունը, չկա մի տեղ, ուր սիսակ և անփույթ եղած լինի ճարտարապետը: Հիմքից մինչև վերև—միմնույնը, ստեղծագործության միանման հոսանքը, միալար թափը, առանց թուլանալու, առանց պառավելու: Քսան տարվա աշխատանք միանման աշխույժով, ոգևորությամբ:

Ստեղծագործողը շացուցիչ զարդերի մեջ չէ ուղեցել արտահայտել իր գաղափարը,— վսեմության, վեհության գաղափարը: Զարմանալի պարզություն է տիրում այս շորս պատերի, այս բազմաթիվ կամարների վրա: Վեհությունը հենց այդ պարզության մեջ է: Ճարտարապետը հրաշալի



Կարողիկե եկեղեցու ալագ խորանը

կերպով կարողացել է նվաճել գեղեցկության երկու սկզբ առևնք. բարձրություն և նրբություն: Այդ նվաճումը այսօր էլ. ինն հարցուր տարուց հետո, մնում է անխախտ, թեև խախտ. ված ու մաշված է շինությունը: Հասկանում ես, թե ի՞նչն է այդ հրաշքի պատճառը: Օդ կա այս շինության մեջ, և նվաճ վածը այդ իսկ օդն է: Համարձակ բարձրանում են պատերը, որպեսզի համարձակություն տան հրաշալի նուրբ, քնքույշ սյուներին, Վերևում նրանք միանում են նույն նրբությունը. նույն քնքությունը մարմնացնող կամարներով:

Քնքությունը, սովորաբար, ուժի պակասություն է են թաղիել տալիս, «Քնքույշ» բառը, կարծես, ինքնըստինքյան լրացվում է «փխրուն», «զյուրաբեկ» բառերով: Բայց այս քնքության մեջ մի ամենի ուժ կա: Ինչպես են այդ բարակ կամարները այնպես համարձակ կտրատում օդը իրանց գեղարվեստական թոփշքներով: Ինչպես են դիմացել ինն հար զուր տարի առանց վերանորոգությունների, առանց կարկատանների, մոռացված ամենից, ամայի ու անքնակ, քանզոդ բնության և ժամանակի կամքին թողված:

Շիրակը, առահասարակ, գեղարվեստը շինության մեջ արտահայտելու կողմից շատ առաջադեմ երկիր էր մի ժամանակ: Այդ զարմանալի լնդունակության զաղունիքը մեկ մասմբ բացատրում է շինության նյութը՝ բարը: Դա դեղին և կարմիր գույներ ունեցող տուփն է, համեմատաբար կակուղ նյութ, որ պնդանում է օդի ազդեցությունից: Այդ նյութը մշտիկու գործում հինավորց շիրակեցին կատարյատ արախստության էր հասել: Քարը նրա ձեռքին խաղալիք էր Ահագին բեկորներից միապաղադ սյուներ կոլորացնելն ու հզկելը սովորական բան էր նրա համար: Մեծ-մեծ սալերի երեսները բարակ, զարմանալի բազմատեսակ, ֆանտաստիկական մանվածքներով, նուրբ քանդակներով ծածկելը ոչ մի գժվարություն չէր ներկայացնում: Երկարեւ գրիշը հնագամնդվում էր նրան ինչպես վրձինը նկարչին: Բայց այդ բոլորը բավական չէ. շինությունը միայն գեղեցիկ շպիտի լիներ, այլև տոկուն, երկարակյաց: Պետք էր, որ շիրակեցին իմանար և գեղեցիկ քարերը իրար կացնելու մի բոլորովին ուրիշ

գաղանիք: Եվ երեսում է, որ նա ունեցել է այդպիսի գաղանիք:

Տրդատը ճարտար ձեռքով կարողացել է երկրի այդ շինարարական բոլոր ընդունակությունները միացնել իր գաղափարը ամբողջապես մարմնացնելու համար: Վեհ պարզություն, որ մի քնքույշ, խոտակ կանացի նրբությամբ հափշշուակեր հավատացյալին դեպի բարձր, դեպի երկինք՝ ահանրա գաղափարը: Չորս սյուները, որոնք կանգնած են եկեղեցու մեջտեղում, պատերին կպած կիսասյուները, դրանց միացնող կամարները իրանց գծերով օդային կերտվածքի տպավորությամբ են համակում այցելուին: Աշքը գերողը քմահան զարդարանները լին, որոնք շկան, այլ այդ գծերը, այդ պատերի ու կամարների ներդաշնակ համաշափությամբ կաղմված օդայինի, քնքույշի տպավորությունը:

Այս տպավորությունը դեռ ամբողջ չէ: Անկասկած, նու ավելի ազգու, ավելի հափշտակիշ էր այն ժամանակ, երբ այդ սյուների վրա բարձրանում էր եկեղեցու գմբեթը: Այժմ նրանից հետք չէ մնացել, և կտուրի մեջտեղը բացված կոլոր ու մեծ ծակը միայն այն է հասկացնում, որ խոշոր ու մեծ պիտի եղած լինի գմբեթը: Ասողիկը ասում է, թե այդ գմբեթը երկնային կամարի նմանությունն ուներ: Ուրեմն, հագիտյան կորեւ, ոչնչացել է Տրդատի այս սքանչելի ստեղծագործության թագն ու պսակը, եվ այդ կորուստը սուր ցագ է պատճառում այցելուի հիացմունքով լցված սրտին:

Բայց նրա հետ զեռ կարելի է հաշտվել: Կան ուրիշ ցաւեր այս հնացած մարմնի մեջ, որոնք տանջում են տեսնողին: Գրանցից մեկի մասին ես արդեն խոսել եմ: Հյուսիսարևմտյան ճեղքված անկյունը, որ վախեցնում է մանականդ այստեղից, ներսից: Երկնքի կապուտակության մեջ երեսում է այլանդակ, զզվելի ավերանքը, որ մի ինչ-որ հրեշի նման խրվել է այս նուրբ, կանացի քնքությամբ սիրտ փայփայող մարմնի մեջ: Հյուսիսային պատի ծայրը կարծես մի աշուելի բերան է դարձել այդ բացվածքը և սրանով կանչում է, որ ինքը փլվելու վրա է, որ երկար չէ կարող այդպես մնալ: Այժմ նայեցեք մյուս ցավին: Մեծ ու գեղեցիկ սեղանի կիսարոլորակ խորությունն է, ներքենում

նրան զարդարում են պատի մեջ շինած կամարավոր խորշերը: Իսկ վերսից, կտուրի տակից, ու օձի նման զալարվելով գալիս է, փոքրիկ պատուհանին հասնում դեռ շբացված, բայց նույնպես սպառնալից ճեղքվածի գիծը:

Տե՛ր աստված, որքա՞ն անտարբեր, անկարող ենք մենք: Անիի Մայր եկեղեցուն սպառնացող այս ավերանքները կարելի եք անվնաս զարձնել մի համեստ գումարով: Բայց ո՞ւր է գումարը, ո՞ւր է գիտակցությունը: Եվրոպայում հնությունները պահպանելու համար հատուկ մարմիններ են կազմվում, առանձին ինժեներներ են պահպում, և օտարերկրացի ճանապարհորդը գնում է նրանց տեսնելու, լուսն է, թե ինչ պատմական հիշատակություններ են կապված այս կամ այն հնության հետ: Իսկ մեզանո՞ւմ: Ահա տարիների ընթացքում կզարդանա հաղորդակցության հարմարությունը, և մեր երկիրը անհամեմատ մեծ բազմությամբ ճանապարհորդներ կդրավի: Բայց ոչինչ ապահովություն չկա, որ այն ժամանակ Շիրակի ամենաճշշակավոր հնությունը քարերի մի գարշելի կույտ չի ներկայացնի:

Եվ սակայն, այս տեղերի ուղեցուցն էլ շատ բան կարող էր պատմել օտարական այցելուին, Կանգնեցնելով նրան Մայր եկեղեցու մեջանդում, նա ցուց կտար զմբեթի տեղը, այն կոլոր մեծ ծակը, որի միջով այժմ անձրի և ձյուն է թափվում այս օգային համարների տակ, և կատեր, որ մի ժամանակ այստեղ, զմբեթի միջից կախված էր Հնդկաստանից բերել տված բյուրեղյա շահը, որ այժմ ան փողով միլիոններ ֆրանկ արժեքու Կասեր, որ շահը բերել տվողը Սմբատ Տիեզերական է եղել և կավելացներ, որ այդ թագավորը Անին զարդարողը, մեծացնողը, առաջնակարգ բերդ դարձնողն է, Կասեր, որ նույն այս զմբեթի ծայրին, դրսից, դրված էր մարդու հասակի բարձրություն ունեցող արծաթյա խաչ: 1064 թվականին Անին պաշարեց Ալփ-Ասլանը: Բագրատունի թագավոր շկար, որ պաշտպաներ Անին. քաջ Գագիկը, վերցին թագակիր Բագրատունին, այդ ժամանակ դավով ու խարեւթյամբ արգելված էր Բյուզանդիայում և ողբում էր իր ձեռքից զոռով խլված հայրենի ժառանդությունը: Մելջուկ բռնավորը վերցրեց Անին, նրա վայրենի գին-

վորները թափվեցին Մայր եկեղեցու վրա, իշեցրին արծաթե խաչը և նրա փոխարեն մահմեղականի կիսալուսինը բարձրացրին, վայր զցեցին և զարդեցին բյուրեղյա շահը: Բայց եկեղեցին երկար ժամանակ մղկիթ շմնաց, և խաչը, թեև ոչ նախկինը, նորից բարձրացավ նրա վրա...

Ահա ինչեր է ազգում, ինչեր է ասում թագավորի սկսած և թագունու վերջացրած եկեղեցին իր մեջ մտնողին: Եվ նա ազգել է միշտ, ազգել է սրտի ու երևակայության վրա, ազգել է իր շինող տիկնանց տիկնոց անոնմով: Մի շքնաղ ավանդություն է պատմում Վարդան Բարձրերդցին: Եկեղեցու միտքը Կատրանիտեին տվել է երազում հրեշտակը, խոստանալով, թե ինքը կօգնի շինության և շինողներին, խոստանալով մնալ տաճարի մեջ մինչև այն ժամանակ, եթե արաբները կտեսնեն Քրիստոսի գալուստը:

Երա՞զ... բայց ո՞վ դիտե, գուցե հավատավոր մարդք չկասկածէ, որ այսօր հրեշտակը դեռ մնում է Կատրանիտեի եկեղեցում...

Դրսից էլ նա պահում է իր ընդհանուր տպավորությունը՝ մեղմ, քնքույշ գեղեցկություն: Բայց այստեղ այլևս անպաճույժ պարզությունը չէ տիրապեսում: Այստեղ բարակ ու գեղեցիկ քանդակագործությունն էլ եկել է միացել պատերի վսիմ պարզության հետ: Պատեր... ավելի լավ է ասել հզկած քարե տախտակներ, որոնց միապաղաղ երեսը սքանչելի համաշափությամբ զարգարում են փոքրիկ, կարծես մերենայով և ոչ թե ձեռքով կոկած բարակ սյուներ՝ իրանց նազելի կամարներով: Գեղեցիկ են մանավանդ եռանկյունաձև խոր խորշերը, որոնք մի քանի տեղ կտրատում են պատերի դրսի մակերեսությը, գեղեցիկ են միայն իրանց ճաշակավոր գոգիրով, այլևս սիրուն, ոլորուն զարդանկարներով: Այդ խորշերը Անիի ճարտարապետության շատ բնորոշ մի հատկությունն են կազմում և ուր որ տեսնեք նրանց, կարող եք հավատացած լինել, որ կամ անեցու շինություն է, կամ Անիից վերցրած ընդօրինակություն:

Երեք դուռ ունի Մայր եկեղեցին: Գլխավորը կամ ավագը արևմտյանն է, որով մենք ներս մտանք: Բայց ավելի գեղեցիկ են հյուսիսային և հարավային դռները, որոնց վրա

գտնվող ավերված կամարները ցույց են տալիս, որ մի ժամանակ ծածկեր են ունեցել նրանք: Պատուհանները, ինչպես ամեն աեղ, երկարածեն են, փոքր ու նեղ, համեմատած շինության հետ, նրանց շրջանակները զարդարված են քանդակներով: Բայց դրանցից անհամեմատ գեղեցիկ են կոլոր պատուհանները, որոնք բացված են շինության ճակատների վրա:

Արձանագրությունները քանդակված են հարավային, արևմտյան և հյուսիսային պատերի վրա: Նրանք բավական լավ են պահպէլ, կան մի քանիսները, որոնք խոսում են Անիի ներքին կյանքի մասին, պարունակելով զանազան տուրքերի և հարկերի վերաբերյալ կարգադրություններ: Բայց այս տեսակ արձանագրությունների մասին՝ հետո:

Առաջմ հեռանանք Տրդատի փառավոր ստեղծագործությունից: Եկեղեցու շորս կողմը լիբն են ավերակներով: Պեղումները այստեղ շատ բան կպարզեին: Չէ՞ որ Մայր եկեղեցին հարուստ քաղաքի կենարոնն է եղել: Առաջներում այստեղ նկատել են մատունների հետքեր, բայց զուցելի են և ուրիշ նշանավոր շինություններ, օրինակ՝ կաթողիկոսի կամ եպիսկոպոսի ապարանք և այլն:

Դ

Քարակույտերի վրայով Մայր եկեղեցուց գեպի արևելք սնք գնում և, մի կարճ տեղ անցնելով, հասնում ենք ս. Փրկի: Եկեղեցուն:

Այժմից իսկ ասեմ, որ Մայր եկեղեցուց հիոացող այցելուն պիտի իմանա, որ այդպիսի մեծ ու բարձր շինություն այլևս շպիտի տեսնե ամբողջ Անիում: Հայտնի է այն հին առասպեկտ, որ ասում է, թե Անիում հազար ու մի եկեղեցիներ կային: Շատերը մեզանում, մանավանդ բարեպաշտ ազգասերներից, աշխատել են ապացուցանել, թե այդ թիվը կարող է և չափազանցություն ըիներ, Բայց Անին և շրջա-


կաները տեսնողի համար շեն կարող ծիծաղելի շթվալ այդ ազգասիրական ապացույցները: Առասպեկտը առասպեկտ է, դրա մասին կասկած շպիտի էլ լինի: Եվ փոխանակ առասպեկտի թիվը ճշտություն համարել տալու, ավելի լավ կլիներ, եթե մենք մտածեինք առասպեկտ ծագման մասին:

Անին շատ եկեղեցիներ է ունեցել, — այս էլ անկասկածելի փաստ է: Այն համեմատաբար փոքրիկ տարածության վրա, որ գրավում է Անին, այնքան շատ են եկեղեցիները, որ նրանք, անկասկած, ավելի մեծ տպավորություն թողած պիտի լինեն նախ և առաջ իրոն բազմություն: Առասպեկտ հեշտ կարող էր կազմվել: Ուշադրություն դարձեք թվի վրա՝ 1001: Դա մի թիվ է, որ Արևելքում գործ է ածվում առհասարակ մեծ բազմություն ցույց տալու համար: Արևելցին չէ կարող չափազանցությունների շղիմել, երբ հարցը քանակության է վերաբերվում: Բազմությունը նրա վրա առհասարակ շատ մեծ տպավորություն է թողնում մանավանդ այն դեպքերում, երբ հիացմունք կամ երկյուղ է ազդում: Եվ նա պատրաստ է 10-ը՝ 100, 100-ը՝ 1000 դարձնել:

Անիի մեջ 1001 եկեղեցի ասովը, անշուշտ, շէր ասում, թե ինքը մեկ մեկ համարել է ու այդ թիվը ստացել, այլ այն, որ եկեղեցիներ շատ կան: Եվ գա ճիշտ էր: Շատ պիտի լինեին նրանք մանավանդ այն պատճառով, որ շատ փոքրիկ բաներ էին, ոչ թե եկեղեցիներ, այլ եկեղեցիկներ: Գոնք այս են ցույց տալիս Անիի ավերակները: Երակեցին սիրում էր փոքրիկ, համարյա մինիատյուր աղոթատեղիներ: Գրանց թիվը շատ պիտի լիներ, որպեսզի ժողովուրդը առանց եկեղեցու լմնար:

Բայց փոքր շափերը գեղեցկությանը շեն խանգարում է նիստարական տաղանդը փայլեցնում էր և փոքրիկ եկեղեցիները: Ապացույց՝ ս. Փրկիլը:

Ճարտարապետական ոճի կողմից սա արդեն այն ինքնուրույնությունն ունի, որ կոլոր է: Այս ձնը գոյություն ուներ Հայաստանում, և նրա ամենագեղեցիկ, հրաշալի օրինակն էր Վաղարշապատի այն եկեղեցին, որ շինել էր տվել ներ-



Ս. Փրկիչ եկեղեցին (արևմտաթից)

առև Շինող կաթողիկոսը VII դարում¹, Ասողիկի պատմությանը նայելով, Գագիկ Առաջին թագավորը, հիացած Վաղարշապատի եկեղեցու վրա, որ նրա ժամանակ արդեն ավերակ էր դարձած, սկսեց նույն ձևով և ճարտարապետությամբ մի եկեղեցի շինել Անիում, Մաղկոցածորի մոտ (1000 թվականի վերջից): Ներսես Շինողի եկեղեցին նվիրված է Գրիգոր Լուսավորչին. Գագիկն էլ, վերջացնելով իր եկեղեցին, նույն անունը տվեց նրան: Ասողիկը մեծ ոգևորությամբ է խոսում Գագիկի այդ եկեղեցու գեղեցկության մասին: Դժբախտաբար, այսօր այդ շինության տեղն անգամ հայտնի չէ²: Բայց աշքի առաջ ունենալով նրա Վաղարշապատի նախատիպը, պետք է կարծել, որ նա օրինակ է եղել ս. Փրկիչ համար, որ կառուցված է 1035 թվին: Այնպես որ կարելի է ասել, թե ս. Փրկիչը, իբրև ամբողջ մուացած եկեղեցի, շատ պիտի օգնել Ներսես Կոթողիկոսի և Գագիկ թագավորի շինել տված եկեղեցիների տիպը պարզելու գործին:

Ս. Փրկիչը ծածկված եկեղեցի է: Ուզում եմ ասել, որ նրա գմբեթը գեռ կանգուն է և չէ էլ ծակված, թեև դրսի կողմից գմբեթի գագաթը մաշկված է: Առկված են քարե սալերը, որոնք ծածկում էին նրա երեսը, և բացված է մանր կրախառն քարներից շինած որմնամեջը: Եկեղեցուն վերևից վտանգ չէ սպառնում: Բայց դրա փոխարեն հիմքերն են մաշկած, քերված: Արևմտյան կողմից դուռը քանդված է և մի մեծ բացվածք է դարձել: Հարավային կողմից նկեղեցու ամբողջ ծանրությունը հենված է մի կտոր քարակ, մաշված հիմքի վրա: Տպավորությունը այնպես է, որ ս. Փրկիչը իր այդ վիրավոր կողից պիտի ընդունե կորսոյան հարվածը: Եվ մինչդեռ մենք նայում էինք այդ կոլոր եկեղեցու ընդհանրապես լավ պահված, սիրունատես մարմինը և միմյանց հաղորդում էինք այն տպավորությունը, որ կործանում պիտի գա և

¹ Ներկայումս Զվարթնոց անունը կրող ավերակ եկեղեցին, եղածնի մոտ:

² Գագիկ I-ի կառուցած բոլորակ այս եկեղեցին հայտնաբերվեց ս. Մատի կողմից կատարվող պեղումների միջոցով 1905—1906 թթ. Մանոք. Խմբագրի:

նրա համար, վանահայր վարդապետը, որ շրջում էր մեզ հետ, հայտնեց, թե ինքը հաշվել է, որ ընդամենը մի երկու հարյուր ռուբլի բավական կլինի և Փրկիչը ազատելու համար:

Երկու հարյուր... Մեր ժամանակներում դա էլ փող է հարյուրավոր մարդկանց համար...

Ս. Փրկիչը Անիի ամենագեղեցիկ օրերում մեծ հոշակ ստացած մի իշխանական տոհմի հուշարձանն է: Նրան կառուցել է Ապլղարիպ մարզպանը, որ մեկն էր Պահավունի նղեայրներից: Արձանագրությունները վկայում են, որ Ապլղարիպ իշխանը այստեղ, եկեղեցու մոտ, ուներ մի ապարանք, որ նվիրեց իր եկեղեցուն: Մի ուրիշ բարերար զանգակատուն է շինել, եկեղեցին ունեցել է նաև ամառնային և ձմեռնային գավիթներ: Բայց այդ բոլոր շինություններից ոչինչ չէ մնացել: Քարակույտեր են թափված ամեն տեղ, նրանց մեջ երեսում են սյուների և կարնիզների կտորներ: Ավերումը տրոքել, տակն ու վրա է արել ամեն ինչ, անհեթեթ կույտեր կազմելով այստեղ: Մի ինչ-որ հրաշքով ողջ են մնացել Ապլղարիպի դրած պատերը, որոնք, ինչպես երեսում է արձանագրություններից, Անիի շեն ժամանակներն էլ ավերվել են, բայց դարձյալ էլի վերանորոգվել են:

Պահավունի իշխանների իսկական հայրենիքը այստեղից բավական հեռու էր՝ նիդ գավառը, էջմիածնից դեպի Հյուսիս, ուր այժմ էլ մնում է Պահավունիների տոհմային ամրոցը, Բջնին: Բաղրատունի թագավորների ժամանակ Պահավունիները կարևոր դիրք բռնեցին Շիրակում: Հ և ՏԻ գարերում անուն են Հանում Ապուղամը իշխանի որդիները: Դրանցից երկուսը, Վասակ և Վահրամ իշխանները, մեր պատմության մեջ փառավոր անուն են ստացել իրեն քաջ զորավարներ, որոնք հերոսական մահ գտան պատերազմի դաշտում, հայրենիքի թշնամիների դեմ կովելիս: Վահրամ իշխանի հոյակապ դեմքը մենք դեռ առիթ կունենաբ տեսնելու: Երրորդ եղբայրն էր Ապլղարիպը, որ միայն Անիի արձանագրություններից է հայտնի: Նա կոչվում էր մարզպան հայոց և իր իշխանական փարթամությունը ցուց է

տվել եկեղեցիների շինության մեջ: Եվ ս. Փրկիչը իր արտաքին ու ներքին տեսքով միանգամայն արժանի է Պահավունիների հոչակավոր տոհմին, որ այնքան նշանավոր մարդիկ տվեց հայոց պետության և եկեղեցուն¹:

Եկեղեցու ներսը այնքան էլ հեշտ չէ մտնել. կանգնելու տեղ չկա: Լիքն է քարերով: Պատերը ներսից անկյունավոր են. ծեփի վրա նկատվում են նկարների հետքեր, որոնք կրոնական բովանդակություն ունեն: Նկարչությունն էլ միացած էր ճարտարապետության հետ՝ Ապլղարիպ իշխանի դաստակերտը գեղեցկացնելու համար: Բայց դա Մայր եկեղեցու գեղեցկությունը չէ:

Ս. Փրկիչը մենք թերվում ենք դեպի հարավ: Բացվում են Անին այս կողմից շրջապատող ձորերի տեսարանները: Քաղաքի ծայրն է, երեսում են պարիսպները: Մենք կանգ ենք առնում մի կույտ ավերակների մոտ, որոնք կոշվում են «թագավորական բաղնիս»: Բաղնիս լինելը ճիշտ պետք է համարել: Հողից ցած սենյակների հետքեր են երեսում: Հեշտ կարելի է նկատել ջրի ավաղանը, որի մեջ լողանում էին պատերի մեջ մնացել են ջրի կավե խողովակները: Շինությունը ճաշակով է շինված, սրբատաշ քարերից: Գուցե և սովորական բաղնիս չէ, բայց ո՞վ կարող է ասել, թե թագավորների բաղնիսն էր դա: Ոչինչ հիշատակություն չկա: Իսկ այս կողմերում յուրաքանչյուր բան, որ որոշ անուն ու հիշատակարան չունի, այցելուների երեակայության առարկա է դառնում: Եվ ստեղծվում են անուններ ու ավանդություններ, որոնք հենց այն պատճառով, որ հավանականությունից հեռու չեն, դառնում են մի տեսակ ավերակային ճշմարտություններ:

Բաղնիսից իջնում ենք մի փոքրիկ զարիվայրով դեպի մի փոքրիկ հրապարակ, որ ձգված է, մեծ ձորի պոռնգի վրա:


1 Վասակ իշխանի որդին էր հայտնի Գրիգոր Մագիստրոսը, ժամանակի հովանական կրթության և հունամոլ պանվականության ընորոշներկայացուցիչը. երա սերունդից կաթողիկոսներ եղան Գրիգոր Վահրամը, ներսես Ծնորհալի:

Այստեղ, այդ հրապարակում, ձորի պոռնգին կամ մի փոքրիկ, բայց զարմանալի գեղեցիկ եկեղեցի:

Դա ս. Լուսավորիչն է, դրսից էլ, ներսից էլ այնքան զարգարված, որ թուրքերը անվանում են «Անազըշլը քիլիսե», զարդարուն եկեղեցի: Մայր եկեղեցու փոքրիկ պատճենը՝ Դեռ շմուեցած, ձեզ գրավում են ծանոթ մեղմ, քնքույշ գծագրությունները. նույն եռանկյունաձև խորշերը, նույն բարակ սյունակներն ու նազելի կամարները պատերի երեսին: Ավելացրած է միայն փարթամ քանդակագործություն: Կամարների վրա ոլորվում են հյուսված զարդեր, իսկ նրանց կազմած անկյուններում քանդակված են չորքոտանի կինդանիներ և զույգ-զույգ կամ մենավոր թոշուներ:

Եկեղեցին շրջապատված է, համարյա երեք կողմից, ֆլատակներով: Փլված է զավիթը կամ ժամատունը արևմբայան մուտքի մոտ, որ միակն է եկեղեցին մտնելու համար: Այստեղ մնացել են կիսով շափ խորտակված կամարներ միայն Եկեղեցին այդ ավերակների մեջ շատ լավ է պահպիլ: բոլոր պատերը ամբողջ են: ամբողջ է և բարձր գմբեթը, որի ծայրը միայն քանդված է, կարծես հողմանարված է հարավային կողմից: Զարդվել են երեսի սրբատաշ քարերը, երեսով է պատի միջուկը, որ տգեղ է, գետի մանր սև քարերից է շինված: Այդպիս մաշկված են և եկեղեցու ուսերը: Բայց և այդպես, ս. Լուսավորիչը Անիում աշքի ընկնող բախտ ունի: Նրա պես թիշ վնասված շինություն շկա այստեղ: Եվ այդ է պատճառը, որ երբ ոռու-թուրքական պատերազմից հետո հայոց հոգևոր իշխանությունը վանահայրություն հաստատեց Անիում, այստեղ սկսեցին ժամասացություն կատարել և մինչև այսօր էլ Լուսավորիչն է Անիի անծուխ եկեղեցին:

Հյուսիսային պատի տակով գնացինք, արևմտյան դռնով ներս մտանք: Ներսից էլ եկեղեցին լավ է պահպիլ: Մնացել է նույնիսկ սվաղը, որի վրա գեռ կան գունավոր նկարները:



Ս. Գրիգոր Լուսավորիչ եկեղեցին (կառուցված 1215 թ.)

Նկարագարդ են ոչ միայն պատերը, այլև առաստաղը, զմբեթի մեջը։ Ավետարանի տեսարաններն են ներկայացնում այդ նկարները։ Մեր ընկերներից մեկը ուշադրություն դարձրեց, որ պատկերների դեմքերը քերգած են, մի տեղ քրիստոսի աշքերը փորգած են, Քրիստոնեության թշնամիների, մահմեդական ամրուսի շահատակության նշաններ են։ Մցխեթի վրաց հուշակավոր տաճարի մեջ էլ ես տեսել էի այդ բարբարոսական գործերը…

Նկարները հույն վարպետների գործեր են, այդ ցույց է տալիս մանավանդ այն հանգամանքը, որ պատկերների բռվանդակությունը հունարեն լեզվով է գրված։ Պատահում են և վրացերն արձանագրություններ։ Հունական և վրացական գրերը առիթ են տվել օտար այցելուներին կարծելու, թե ս. Հուսավորիչը հունական եկեղեցի է եղել։ Բայց անգիտությունից առաջացած այդ կարծիքը ջրում է եկեղեցու պատի վրա փորագրած երկար ու ընդարձակ հայերեն արձանագրությունը, որի մեջ պատմված է եկեղեցու հիմնադրությունը այնպիսի մանրամասնություններով, որոնք շեն հանդիպում ոչ մի տեղ Շիրակի զավառում։ Արձանագրությունն ասում է, որ ս. Հուսավորիչը կառուցել է այս կողմերի եկեղեցիների առատաձեռն բարերար Հոնենց Տիգրանը¹։ Այս մարդու արձանագրությունները քանդակված են համարյա բոլոր նշանավոր եկեղեցիների վրա։ Նրան տեսնում ենք Հռոմուսի վանքում, Անիի Մայր եկեղեցու վրա, Խճկոնքի վանքում։ Եվ ամեն տեղ նա վերանորոգող է, մեծ նվերներ է տալիս։ Բայց այն, ինչ նա տվել է այս ս. Հուսավորիչն, բավական է հասկացնելու համար, թե ի՞նչ ահազին հարստությունների տեր էր նա։

Հոնենց Տիգրանը պատկանում է Անիի ուրիշ շրջանին և նրա եկեղեցին, որքան մինչև այժմ հայտնի է, ամենից կրտսերն է Անիում։

Աշքի ընկնող հանգամանք է, որ Անիի այն եկեղեցիները, որոնք մնացել են մինչև մեր օրերը և ունեն արձանագրություններ, շինված են Բագրատունի թագավորների

¹ Տիգրան Հոնենցը Անիի XIII դարի սկզբի ամենահարուստ և մեծատուններից, առետրական վաշխառուներից մեկն էր։ Սահորություն խմբագրի։

ժամանակ։ Բացատրությունը միայն ս. Լուսավորիչն է։ Բայց հազիվ թե տարօրինակ թվա այդ հանգամանքը, եթե մենք աշքի առաջ ունենանք մեր մայրաքաղաքի ճակատագիրը։ Անշուշտ նրա փարթամության ամենալավ օրերը Բագրատունիների ժամանակներն էին։ Ընկան Բագրատունիները, պիտի ընկներ և նրանց մայրաքաղաքը։ Մեծ ու գեղեցիկ գործեր կատարելու ի՞նչ հարմարություն կարող էր լինել, եթե հարուստ բաղաքը կեղեքելու, կողոպտելու տեսն էր վառում իր տերերի մեջ։

Հույնները, խլելով Անին, շկարողացան վայելել նրան երկար ժամանակ։ Շիրակի մայրաքաղաքը կովածաղիկ դարձավ տիրողների մեջ, ամեն մեկն ուզում էր իր ձեռքը ցեղել նրան։ Ավերումների մի շարք եկավ անցավ, խեղճ քաղաքի վրայով, բայց Շեղգատյան քուրդ ցեղը կարողացավ մոտ 120 տարի պահել նրան իր ձեռքում։ Այդ ամբողջ ժամանակը Անին կամ ժամանակում էր, վայելելով խաղաղություն, կամ սուզերի մեջ էր թողնվում կոտորողների, քանդողների ձեռքից։ Հայ ազնվականությունը քաշվել, հեռացել էր այս կողմերից։ Ինչպես պիտի այդ տիսուր ժամանակներում քաղաքը զարդարվեր նոր, գեղեցիկ շինություններով։ Եվ եթե Հոնենց Տիգրանը մի զարմանալի բացառություն է կազմում, այդ էլ շատ հասկանալի է։

Իր բոլոր արձանագրությունների մեջ Տիգրանը անվանում է իրեն ծառա և սպասավոր Զաքարի Ամիր Սպասալարի և Շահնշահի, որ Զաքարիի որդին էր։ Ամեն տեղ նա ասում է, որ նվերներ է տալիս եկեղեցիներին նախ և առաջ իր այդ տերերի հոգու փրկության և արևշատության համար։ Ինչո՞ւ էր Տիգրանը այդքան սիրում իր տերերին, — մենք հաստատ շգիտենք։ Բայց որ այդ տիրասիրությունը միայն նրա անձնական զգացմոնքը չէր և կարող է նաև ժամանակի երախտագիտության արտահայտություն համարվել, — այդ էլ պարզ է, եթե ի նկատի ունենանք, թե ո՞վ էր և ի՞նչ էր Զաքարի Ամիր Սպասալարը։

XII զարի երկրորդ կեսում, երբ ամբողջ Հայաստանը գտնվում էր զանազան մահմեդական իշխողների ձեռքում,

երբ ըստ երեւլթին հայերը ստրկացած էին, և կարծեք թէ
պիտի հաշտվեին իրավաղուրկ դրության հետ, հանկարծ,
անսպասելի կերպով, զլուխ է բարձրացնում Վրաստանը և
մի կարճ ժիջոցում հազբող զենքի ուժով հանդիսանում է
տանչվող հայության փրկիլ Դա թամար թագուհու փայլուն
ժամանակն էր:

Վրաց հաղթական բանակի հրամանատարներն էին եր-
կու հայ իշխաններ, Զաքարի և Եվանե եղբայրները: Դրանք
լուս աերերն էին, բայց իրանց քաջություններով մի մեծ
աշխարհի իրական կառավարիչներ և իշխաններ դարձան:
Գլխավորը Զաքարին էր, բայց այդ փայլուն զորավարը
ուներ մի զարմանալի եղբայրասիրություն, ուստի և երկուսի
անունները միշտ միասին ենք հանդիպում:

Զաքարին իր սեփական հայ բանակն էլ ուներ, որ միա-
ցած էր վրացիների հետ: Նրա արշավանքները, արագ նվա-
ճումները հայոց և վրաց տարեգրությունների մեջ հիացմուն-
քով են պատմվում: Տարիների ընթացքում Վրաստանի սահ-
մանակից երկրները խլվեցին մահմեդական իշխողների
ձեռքից. Արարատյան երկիրը, Շիրակը վրաց պետության
մասեր դարձան, Զաքարի արշավանքը հասավ նույնիսկ
Խլաթ քաղաքին:

Զաքարին և Եվանեն չեն բավականանում միայն նվա-
ճումներով: Նրանք խաղաղեցնում էին իրանց գրաված երկը-
ները, բարեկարգություն էին հաստատում: Նրանց առջե
փոված էին քարուքանդ դարձած գավառներ, ուր եկեղեցի-
ները ավերված էին, վանքերը խավարած, հասարակաշահ
շինությունները ոչնչացված: Եվ երկու եղբայրները ցուց են
տալիս մի զարմանալի աշխարհաշինություն: Շիրակում և
ուրիշ տեղերում այդ երկու իշխանների անունները երևում
են անթիվ արձանագրությունների մեջ: Նրանք վերանորո-
գում են քանդված եկեղեցիները, շինում են նորերը, կար-
վածներ են հատկացնում այդ համատառություններին¹:

Անիի համար մանավանդ վերաշխնության, վերածնու-

¹ Խծկոնքի ու Սարգիս եկեղեցու արձանագրությունն ասում է.
«Ես Զաքարի Ամիր Սպասալար Հայոց և Վրաց, որդի Սարգսի, աղատե-
ցի զսուրբ ուխտա զայս իմով արեամբս ի լալազգեացու Խակ Հառիճայք

թյան ժամանակ էր Զաքարիի տիրապետությունը: Մեծ Սպա-
սալարը ամենից շատ սիրեց Բագրատունյաց գեղեցիկ մայ-
քաբաղաքը: Թեև Անին վրաց թագավորության մի մասն էր
կազմում, բայց այնտեղ իրական տերն ու իշխանը Զաքարին
էր. ամբողջ քաղաքը նրա ժառանգական սեփականությունը
դարձավ. և նա, իհարկե, իր առատությունից մեծ բաժին էր
հանում՝ մայրաքաղաքի բարեզարդության համար: Զաքա-
րիից հետո Անին մնաց նրա ժառանգներին, որոնք հարյուր
տարուց ավել տիրեցին այդ քաղաքին և նրա պատմության
մեջ երկրորդ հայկական իշխանության շրջանը կազմեցին,
որ թեև նման չէր Բագրատունյաց շրջանին, բայց դարձյալ
նախանձելի մի ժամանակ էր: Եվ ո՞վ գիտե, գուցե կոռու
իշխանները կարողանային վերականգնել հայոց թագավո-
րությունը այս կողմերում, եթե թաթարական արշավանքը
արյունի հեղեղներ շրերեր դժբախտ երկրի և, մանավանդ,
Անիի գլխին (1239)¹: Այդ հեղեղները, սակայն, շրնդատե-
ցին Զաքարյան տոհմի իշխանությունը Անիում: Թաթար-
ները ճանաչեցին նրա ժառանգական իրավունքները: Բայց
մի կողմից Զաքարիի սերունդները գնալով մանրացան,
մյուս կողմից երկիրը սաստիկ աղքատացավ. այսպիս որ
մեծ Սպասալարի ժամանակվա աշխարհաշինությունը չէ
երեսում այլևս, և արձանագրությունները մանր-մունք կար-
գադրություններ և նվերներ են հիշատակում...

Ահա Զաքարի Սպասալարի ժամանակների գործ է զար-
գարուն գեղեցիկ ս. կուսավորիչը, Այն ժամանակ, երբ Հո-
նենց Տիգրանը վերջացնում էր շինությունը, մեծ Սպասա-
լարը արդեն մեռած էր, թողնելով իր իշխանությունը իր
Շահնշահ որդուն, որ այդ ժամանակ գեռ պատանի էր:
Հոր և որդու անուններն էլ Տիգրանը մտցրեց արձանագրու-

վանի արձանագրության մեջ Զաքարին գրում է. «Դանձադին արարի
գնչակաւոր սուրբ ուխտա Հասիճայի յիւր բնական հայրենատէրանցն
լաղազս կենդանութեան տեսոն իմոյ բարեպաշտ թամար թագուհույ...
Ենիցիցի ի սմա ամրոց և զկաթողիկէս բազում ծախիւր և զարդարեցի
ամենայն սպասուիք և սրբութեամբ»:

¹ Հետագայում հայոնարերված փաստերը հաստատում են, որ
ժոնդոլ-թաթարները Անին գրակել են 1236 թվականին: Սանոր. խմբ.:

թյան մեջ, ինչպես երեսում է, նա շատ բարերարված էր Սպասալարից, գուցե և նրա կողմից պաշտոնյա էր նշանակված Անիում։ Փամանակի ամենահարուստ անեցիներից մեկն էր Հոնենցը, նա ոչինչ լինայեց իր շինած վանքը բարեզարդելու համար. մինչև իսկ ջուր բերեց այս քարափի գլուխը, որ ինչպես վկայում է արձանագրությունը, մացառներով պատաժ մի տեղ էր, ուր Հին ժամանակներում մի փոքրիկ մատուռ էր շինված, նա շրջապատեց եկեղեցին՝ պատերով, զարդարեց նրան սպասներով և զգեստներով, նվիրեց բազմաթիվ անշարժ կալվածներ՝ դյուղեր, Հողեր, այգիներ, որոնցից մեկը գտնվում էր Երևանում, շրադացներ, խանութներ, տներ, կարավանսարաններ։ Մրանք գեռ անվիճելի սեփականություններ էին։ Բայց Տիգրանի մոտ գրավ դրված էին և ուրիշ շատ կալվածներ, այդ գրավականների իրավունքն էլ նա տվեց իր եկեղեցուն։ Տիգրանի փարթամության նշաններից մեկն էլ այն է, որ նրա անունն էր Կրում Անիի փողոցներից մեկը։

Բայց ս. Լուսավորչի եկեղեցին միայն մարդը չէ զարդարել ու գեղեցկացրել։ Դուրս գալով նրա փոքրիկ հարկի տակից, մենք ամենք մոտեցանք քանդված պարսպին, ձորի ծայրին, նվ հիացած կանգնեցինք։ Ի՞նչ տեսարան։ Ի՞նչ հրաշալի ճաշակ է ունեցել Հոնենցը։

Տեսել էինք Անին գիշերով. առավոտյան լույսը բացել էր մեր առջեւ նրա կենտրոնում փուլած ավերակների մոռայլ կույտերը։ Բայց Անին շրջականներ ունի, Անին հափշտակող տեսարաններ ունի։ Թրանցից մեկը, մի վեհ, լայն տեսարան, այժմ տարածված էր մեր ոտների տակ։ Ախուրյանը մենք երեկ Հոռոմոսի մոտ թողեցինք. Ահա նա էլի երեսում է մեզ։ Այս լայն ու խոր, ժայռոտ ձորը նրանն է։ Մեծ-մեծ թումբեր են բարձրացել նրա երկու կողմին, բայց նրանք շեն ծածկում ջրերի օճապտույտ ճանապարհ։ Հրեն, հեռու արևելքում նա գուրս է գալիս այստեղից նայողի առաջը։ Նա դալիս է արևելքից համարյա ուղիղ, գալիս է գեպի մեզ։ Դարձյալ նրա կախարդիշ ընդունակությունը երկնքի լույսերը իր մեջքի վրա հավաքելու. դարձյալ նրա արագ րնթացքը լուս ու անկինդան ափերի մեջ։ Հոռոմոսից նա էլի մի քանի

գիծ պտույտներ է անում, մերթ գեպի հյուսիս թեքվելով, մերթ հարավ ուղղությունը բռնելով, բայց Անիի դիմաց նա արևելքից գեպի արևմուտք հոսող մի գետ է։

Հեռվում է նա, կարծես, երկնքի երեսից կտրած մի կապույտ ժապավեն է և անշարժ սավան։ Բայց որքան մոտենում է ավերակ քաղաքին, այնքան փոխում է իր գույնը։ Ընդունում է ափերի դեղին-հողի գույնը։ Մեր ժամանակ Ախուրյանը պղտոր գետ էր։ Արեգակը դեռ շատ չէր բարձրացել հորիզոնից. դեռ առավոտյան մեղմ լույսերն էին թափված այս ձորային ամբողջ տեսարանի վրա։ Եվ որքան հրաշալի էին նրանց հաղորդած գույները։ Մենք շատ ենք բարձր, ջրերի գույնը չէ համառ մեղ. բայց պարզ լուսավորված այն խոր հատակում տեսնում ենք, թե որպիսի ուժգնությամբ ջրերը վագում են առաջ. տեսնում ենք ալիքները, տեսնում ենք, թե ինչպես նրանք տեղ-տեղ սպիտակ փրփուր են կտրում և այդպես քիշ առաջ գալով, անհայտանում են, նորից դեղնավում ջրեր գառնալով։ Ախուրյանի հատակը համեմատաբար հարթ է. միայն տեղ-տեղ քարերը կանգնում են նրա ճանապարհին, և այդ տեղերում գետի մեջքը ծածկվում է սպիտակ, եռացող փրփուրով։ Այդպիսի սպիտակ մանյակներ մի քանին են երևում Անիի այս կողմում։

Մեր կանգնած տեղը մի անկյուն է։ Հյուսիսային կողմից ուղիղ գեպի Ախուրյանն է գալիս մի ձոր, որ որքան առաջանում է, այնքան էլ լայնանում է։ Այստեղ, մեր ուների տակ, այդ լայն, լուռ, հսկայական լանջեր ունեցող ձորը խառնվում է Ախուրյանի ձորի հետ, խառնում է նրա հետ և իր տեսքը և, այդպիսով, բաղաքի այս անկյունը մի ամուր, զգոր բերդի կերպարանք ունի, բերդի, որի պաշտպաններն են բնության փորած խորխորատները։ Այդ ձորը Անիի և շրջականների արձանագրությունների մեջ այնքան հաճախ հիշատակվող Գլիձորն է կամ Գլիձորը։ Գայլերի այդ ձորում հիշատակվում են ջրաղացներ. բայց այստեղի ջուրը միայն ջրաղացներ չէ պտտեցրել, այլ ոռոգել է և անեցիների բանջարանոցները։

Գլիձորի խառնուրդից հետո Ախուրյանը նկատելի կեր-

պով իր ընթացքը շեղում է դեպի հարավ-արևմուտք: Բավական տեղ գնալով Անիի այս կողմի հարավային դիրքով, նա Միջնաբերդի մոտ թեքում է դեպի հարավ և անհայտանում է ժայռե բարձր պատերի արանքում:

Երկար մենք զմայլվում էինք Անին հարավից փայփառդ այս մեծ և վեց տեսարանով: Հոնենց Տիգրանը, այուհմացել է գանձեր թափել այնպիսի մի տեղ, ուր բնությունը անհամեմատ ավելի հափշտակիչ է, քան տաղանդավոր ճարտարապետի, հմուտ քանդակագործի շնորհքը: Գեղեցիկ են այդ քարերը, այդ քանդակները: Բայց չէ կարելի կասկածել անդամ, որ այդ գեղեցկությունը ավելի շեշտում, ավելի բարձրացնում է այս զարմանալի բնությունը: Ս. Լուսավորիչը իր արևելյան և հարավային զարդարուն կողերով անշարժ, ապշար նայում է այն ահավոր ապառաժներին, որոնք Ախուրյանի և Գլիծորի բարձր, սեպացած կողերն են կազմում: Հարավային կողից Ախուրյանին նայում է և Հոնենցի երկար արձանագրությունը, որ օր ու գիշեր, լուս ու մունչ անդադար պատմում է, թե մարդը ինչե՞ր է արել, ինչե՞ր է տվել: Բայց ո՞ւմ է պատմում: Չորերին, գորշ ժայռերին միայն, այս ամբողջ գեղանկար ամայության: Նա տսում է, թե ամբողջ այս ձորը, այստեղից սկսած մինչև գետի կեսը, գնված և նվիրված է Ս. Լուսավորչին: Կարծիմ փարթամ եկեղեցու անթիվ կալվածներից միայն այս մեկն է մնացել նրա անկողոպտելի սեփականություն: Մնացել է, որովհետեւ նրան կողոպտել չէր կարելի: Ամայի, քարքարոտ մի տեղ է, ոչ ոքին այսօր չէ կարող պետք գալ: Ամայությունը ավերակի սեփականություն... Սա արդար է, բնական է:

Բայց այսպես անպետք, այսպես ամայի ու անմարդ չեր այս զարիվայր գետեղը այն ժամանակներում, երբ Անին կենդանի, ապրող քաղաք էր: Նա շատ կարենոր նշանակություն է ունեցել մեծ քաղաքի համար. և այս կարեռությունը այժմ էլ ապացուցանում են այստեղ փուլած ավերակները:

Ս. Լուսավորչից զարիվայրով դեպի գետը իջնելով, դուք

կանգ եք առնում մի փոսի առաջ, որ, չնայած իր քայլայքած դրության, ունի իր սեփական անունը, արժանանում է լուրաքանչյուր այցելուի ուշադրության, նույնիսկ մի տեսակ արկածախնդրական հետաքրքրություն է վառում: Փոսը արհեստական է և նրա մեջ նայողը տեսնում է մարդու աշխատանքի հետքերը: Դա էլ մի մուտք է, մի մուտք, շինված գարձյալ քաղաքացիների համար, սակայն մութ ու ստորերկրյա, անհայտ մի ճանապարհի վրա: Իր պաշտպանության ժաման մտածող մարդը խրվել է հողի մեջ, փորել է, անդույ անդադար աստիճաններ է շինել այդ խավարի մեջ, կամարներ է կապել, վերեկի ծածկոցը պահպանելու համար: Աշխատանք, հմտություն, անվախություն շատ ու շատ է ժայցված այս մասը, եգիպտական գործի մեջ: Մի ճանապարհ, բայց ո՞ւր էր նա գնում, ո՞րտեղ էր կանգ առնում:

Եղել են շատ ճանապարհորդներ, որոնք ուզեցել են անպատճառ լուծել այդ հարցերը: Եկ մտել են այս անցքը, ոկսել են առաջ գնալ: Բոլոր փորձ անողները միևնույն բախտը շեն ունեցել, ո՞րը կարողացել է շատ առաջ գնալ, ո՞րը վերադարձել է՝ մի քիչ տեղ ստորերկրյա ճանապարհի գժվարությունները ճաշակելուց հետո: Եթե այստեղ հողի վրա ավերանք է ախրում, միայն ավերմունքն է հասկանալի, այդ շէ նշանակում է, թե հողի մեջ, մարդկանցից ծածկված խորության ծոցում, ուրիշ տեսակ է իրականությունը: Այնտեղ էլ բնության օրենքն է տիրում, այստեղ էլ բանդվում են մարդու ձեռքի գործերը. և ուղեռը, որ ձեռքին թիվի կծիկ պիտի ունենա և ճրագ, մրցելով ավերանքների հետ, ահագին աստիճանների գժվարությունները հաղթելով, շէ կարողանում վերեկի հողի փլվածքների դեմ մի բան անել և վերադառնում է: Մանավանդ ճրագը գժվար է երկար տեղ տանել, նա հանգում է, իսկ առանց լույսի, իհարկե, շէ կարելի քայլեր փոխել: Ոչ ոք չէ կարողացել անցնել ստորերկրյա ամբողջ ճանապարհը, ոչ ոք չէ իմացել թե ո՞ւր է նա վերջանում: Հենց այս պատճառով էլ նա ստացել է մի սարափելի անուն թուրքերին լեզվով՝ «գեղան-զալմազ» (գնացողը չի գա):

Բնական է, որ այս խորհրդավոր անցքի հետ էլ կապվելին զրուցներ, առասպելներ: Ասում են, թե այս ճանապարհը գնում է, անցնում Սխուրյանի տակով, ապա բարձրանում է գետի մյուս ափով և գուրս է գալիս մի մեծ ուրարձր բլուրի զլուխ, ուր ցուց են տալիս մի հին աշտարակի ավերակները: Դ. Ալիշանը, բերելով այս ավանդությունը՝ հիշեցնում է Լոնդոնի ստորերկրա թունելը թեմզա գնտի տակով և ասում է, որ, ուրեմն, հայերը անգլիացիներից առաջ են այդպիսի մի մեծագործություն կատարել: Պատվավո՞ր հանգամանք և համեմատություն, ի՞նչ խոսք: Բայց ամբողջ հարցը այն է, թե որքան իրական է Սխուրյանի տակով անցնող թունելը: Ոչ ոք չէ կարող ասել:

Անին այցելողների տպավորությունները արձանագրելու համար վանահայր վարդապետը պահում է մի հատուկ մատյան: Թերթելով այդ գիրքը, ես գտա մի ոռւս այցելուի գրածը: Կարծեմ օրեւանի երկաթուղու շինության վրա աշխատող տեխնիկներից մեկն է եղել այդ գրվածքի հեղինակը: Նա պատմում է, թե ինչպես մտավ այս ստորերկրյա ճանապարհը, հաստատ վճռած լինելով իմանալ, թե ի՞նչ է դա: Այդտեղից ես իմացա, որ ժողովրդի մեջ մի ուրիշ ավանդություն էլ կա: Ասում են, թե այդ ճանապարհը տանում է դեպի մի տեղ, ուր թագավորները թաքցնում էին իրանց գանձերը: Ահա այդ գանձերն էլ վճռականություն են տալիս ոռւս այցելուին, և նա, լավ պատրաստություններ տեսնելով, մտնում է ստորերկրյա ճանապարհը: Նա ուներ իր հետ ացեալիկնի լապտեր, գործիքներ՝ ճանապարհի դժվարությունների դեմ մրցելու համար: Նեղություններ, շարշարանքներ շատ է կրում հետաքրքրությունից բռնված ուղևորք բայց մոռանում և արհամարհում է ամեն ինչ, սողում է կարիմների, ֆալանգաների վրայով, գլուխ չէ կորցնում այն տեղերում, ուր ստորերկրյա անցքը այս կամ այն կողմ է թեքվում: Դնում է, հասնում վերջին և վերադառնազով, ասում է, թե առասպել է թագավորական գանձերի ավանդությու-

նը: Մի հասարակ ստորերկրյա ճանապարհ է դա և ուրիշ ոչինչ:

Մոտավորապես այս է պատմում ոռւս այցելուն: Նա ասում է, թե հասել է ճանապարհի վերջին, և ո՞վ գիտե, թե որքան ճիշտ է նրա այդ խոսքը: Բայց որ խորհրդավոր անցքի հետ կապված են այդպիսի ֆանտաստիկ առասպելներ, գրա պատճառն այն է, որ Անին մայրաքաղաքը է եղել, փարթամ թագավորներ է ունեցել: Զկա մի հին բերդ, որ այդպիսի գաղտնի ճանապարհ ունեցած վինի դեպի ջրի ձորը, Պաշարման ժամանակի համար էր շինվում ջրի ճանապարհը: Եվ պետք է ասել, որ Անիի այդ ստորերկրյա անցքը այնքան էլ նշանավոր մի շինություն չէ: Գոնե ներսես Սարգիսյանը, որ տեսել էր Թուսաթի, Ամասիայի և Բարերդի գետնափոր ուղիները, ասում է, որ Անիի այս անցքը նրանց մոտ աննշան մի բան է...

Ավելի հետաքրքրական է այն, որ ճանապարհը այստեղից միայն դեպի գետը չէ զնում, այլ ճյուղավորվելով, բարձրանում է դեպի վեր, մտնում է քաղաքի տակը: Բայց այս մասին ես հետո կիսում: Առայժմ շինողները Սխուրյանի այս հետաքրքրական լանջի նշանավոր տեղերը:

Քիչ էլ ցած զնալով, ձորի հատակին մոտ, գետի վրա, ցցվում է մի ժայռ, որի վրա ավերակների մի մեծ կույտ է ցրված: Ժայռը շրջապատված է պարիսպներով, որոնց թրցված հետքերն են միայն մնացել, իսկ պարիսպների մեջ երևում են երկու կես-քանդված, կես-կանգուն մատուններ: Մեկը պարզ շինություն է, քառանկյունի, կանգնած է ժայռի պոռնգին և ուղղակի Սխուրյանի մեջ է նայում: Մյուսը՝ գեղեղեցիկ, զարդարուն, աշտարակածէ, և Փրկչի նման բայց այն տարբերությամբ, որ դրսից նրա շրջագիծը միալար կոլորակ չէ, այլ կազմված է կիսարոլոր անկյուններից: Որոնք գեղեցիկ խորշեր են գոյացնում:

Որքան սոսկալի է եղել ավերմունքը այս ամայի ձորի այս փոքրիկ անկյունում: 1845 թվականին ներսես Սարգիսյանը գտել է այդ երկու մատունները բոլորովին անազարտ, բոլորովին անվնաս: Իսկ այսօր նրանք արևմտյան

կողմից արդեն պատեր շունեն և նայում են սև, այլանդակ բացվածքների նման։ Միայն արևելյան կողմից կուրոր մատուռը դեռ պահում է իր կրծուած, ծամժմած կողերը։ Սա ապացուց է, որ Անին հավիտենական չէ, որ նրան մի կարճ կյանք է մնում։ Ամեն տեղ, յուրաքանչյուր քայլում ձեր աշթին է խփում անխնամ ավերակի օրենքը՝ այսօրը երեկովանից վատ, Քանդողը մի րոպե անգամ չէ հեռանում ժերության փշրանքներից։ Քանդում է բնությունը, քանդում է մարդը։ Եվ պետք է ասել, որ մարդը ավելի վատ, ուղղակի զգվելի քանդող է։ Բնությունը գոնե միանգամից վերցնում, տրորում է շինությունը և մեծ-մեծ բեկորների մի կույտ է դնում նրա տեղ։ Բնությունը ոշինչ չէ գողանում, ոշինչ չէ տանում։ Իսկ մարդը մոտենում է բորենու նման։ Նրան գրավում են հղկած, զարդարուն սալ քարերը, որոնք շինության երեսն են կազմում։ Եվ նա դանդաղ պոկում է այդ քարերը, մաշկում է գեղեցիկ շինությունը, բաց անելով նրա փորոտիքը ու այդպես ձգում, գոնում է, տանելով իր հետ գողացածը։ Կարմիր քարերից շինված կոլորակ մատուռը հրեշավոր կերպով մաշկված է շատ տեղերից։ Կարմրությունը երեսի քարերն են տալիս, նրանք պոկված են և գեղեցիկ մարմինը բաց է արել իր կաշվի տակ թաքնված սպիտակ զանգվածք…


Երկու մատուռների մասին ոշինչ հիշատակություն չկանուի ժողովրդական երեակայությունը եկել, բազմել է պատմական հավաստիության տեղ։ Ասում են, որ այստեղ թագավորի առջիկը թե քույրն էր ապրում։ Ասում են, ցույց տալով մի շինության հետքեր։ Ո՞վ էր այդ թագավորը, ո՞վ էր նրա դուստրը կամ քույրը, — ոչ ոք չէ ասում։ Լսելով ավանդություններ մի տեղի մի շինության մասին, հսկամենից առաջ այն հարցն եմ տալիս ինձ, թե ի՞նչ հանգամանքներ կարող էին նպաստել այս կամ այն ձեռվ ավանդություն կազմվելուն։ Այս մատուռների շուրջը շափաղանց շատ են այնպիսի հանգամանքներ, որոնք միայն թագավորական մի շինության ավանդությունը կարող էին ստեղծել։ Դուք է-

ակամա հավատում եք, որ թագավորի արժանի մի տեղ է աս։


Ամենից առաջ դիրքը, երեք կողմից գետն է պտտեցնում իր պղտոր ալիքները։ Նեղ է այստեղ նրա կիրճը։ Այս փոքրիկ մատուռների առաջ, հարավային կողմից, Ախուրյանը լիզում է իր ձախ թակի ժայռերը, որոնք միապաղաղ պատի պես ձգվում են զեպի վեր, ձգվում անվերջ։ Այստեղից այդ տիտանական պատը երկնքի մեջ ցցված է երևում։ Դեպի արևմուտք մատուռները նայում են Անիի Միջնաբերդին, որի զիմից այս կողմն են նայում արքայական պալատների և եկեղեցիների ավերակները, ավերակներ այժմ, իհարկե, իսկ այն ժամանակները, երբ շունչ կար այս կողմերում, զարդարուն, զեղեցիկ շինություններ։ Հյուսիսից ձգված է մեր զառիվայրը, որով իջել ենք մինչև զետի վրա ցցված այս ժայռը։

Այստեղ, այդ զառիվայրի վրա, երևում են հետքեր, որոնք ցուց են տալիս, թե որքան մեծ խնամքի առարկա են եղել մատուռները։ Քաղաքից այստեղ էր բերում մի հոյակապ, արհեստական ճանապարհ։ Նա քարե, սրբատաշ սանդուղք էր, որ ուղղակի վերևից ցած չէր գահավիժում, այլ զառիվայրի թեքությունը նվաճելու համար աջ ու ձախ էր ծովում և այդպիսով հարմարություն էր տալիս այդտեղով իշնողին և բարձրացողին։ Եվ այդ սանդուղքը բաց չէր։ Նրա երկու կողմով պատեր էին գնում, որոնք միանում էին կամարներով։ Պատերի մեջ թողնված չեն պատուհաններ՝ այդ ծածկված ճանապարհը լուսավորելու համար։ Նա գնում, վերցանում էր երկու մատուռների մոտ։

Որքան ծախս ու աշխատանք է լլանել այս քարե ճանապարհը։ Այժմ նրանից խզնուկ կտորներ են միայն մնացել, բայց դրանք էլ բավական են ցուց տալու համար, որ այդ շինությունը Անիի զարդերից մեկն էր կազմում։ Ահա և մի ուրիշ պատճառ, որ ժողովրդական երեակայությունը թագավորի աղջիկ կամ քույր զներ երկու մատուռների ժայռի վրա, շրջապատված պարփակներով, Ախուրյանի հանգարտ ալիքների վրայից, կիրճի խորքից զեպի բարձր, գեպի



Կամուրջի մեջության վկանը վրա (Զբիլս գյուղի մոտ), X-XI դդ.



Վանասպատի մեջության վկանը վրա (XII դ.)

Եիրակի երկինքը աղոթքներ ուղարկող, Երևի այդ ժածկված ճանապարհով էր թագավորացն կույսը զնում քաղաք և վերադասնում այնտեղից: Նրա ապահովության, նրա հարմարության համար էր այսքան ուսկի թափվել այս չոր ու քարքարոտ ձորալանջի վրա...

Երևակայել կարելի է դեռ ուրիշ շատ բան, շատ տեսարաններ ու խորհրդավոր վիպական հանգամանքներ: Բայց Երևակայությունը դեռ ճշմարտություն չէ: Հոնենց Տիգրանը իր արձանագրության մեջ ասում է, թե ինքը վերանորոգեց և ս. Լուսավորչին տվեց նաև Բեխենց վանքը: Արդյոք այս մատուները շեն Բեխենց վանքը: Շատ կարելի է: Շատ կարելի է նույնպես, որ ժածկված ճանապարհը հատկապես այդտեղի համար չէր շինված: Մատուներից մի ճանապարհ զնում է դեպի արևմուտք, գետի ափով և հասնում է մեծ կամուրջին, որից այժմ մի-մի ավերված պատ են մնացել Ախուրյանի երկու ափերին:

Կանգնած են այդ բարձր բեկորները իրար հանդեպ, և նրանց միջով գետը տանում է իր ջրերը: Որոշ, ամբողջացրած հասկացողություն այդ պատերը շեն տալիս կամուրջի շինության մասին: Միայն աջ ափի պատը, մյուսի համեմատությամբ, մի քիչ ավելի բան ունի իր վրա, և նայելով նրան, կարելի է մի քանի մանրամասնություններ ենթադրել: Կամուրջը լայն ու հաստատուն էր, արժանի մի մեծագործ ժողովրդի անվան ու համբավին: Կարծում են, որ նա երկու հարկ է ունեցել, մեկը ոտով գնացողների, մյուսը, անասունների համար: Այդ կարծիքը շատ հավանականություն ունի¹, երթևեկությունը այս կողմից շատ մեծ պիտի լիներ, որովհետև շկա մի ուրիշ տեղ, որով Անիից դեպի հարավ ընկած

1 Ախուրյանի վրա, Անիի սահմաններից հեռու, դեպի հյուսիս, բայց Անիի ճանապարհներից մեկի վրա, Զըրփըլու գյուղի մոտ, մնացել է մի զարմանալի հին կամուրջ, որի կամարը այժմ փլված է: Զարմանալի է նա իր տեսքով, որ ցույց է տալիս թե շինարարական տաղանդով օժտված մարդը ինչ հանգույն մտքեր կարող է իրագործել Ախուրյանը այստեղ շափականց խոր ու նեղ կիրճով է՝ անցնում, և այդ խոր անդունդի վրա, ուղիղ նրա միջից տիրաբար բարձրանում է հսկա կամուրջը, որ անսնողին հիացմունք և ան է ազդում:

Երկիրը հաղորդակցություն ունենա մայրաքաղաքի հետ: Անցնելով գետի մյուս ափը, որ այստեղ համեմատաբար ցած է և դյուրամատչելի, ճանապարհը ծովովելով բարձրանում էր վերև, գուրս գալիս այն լիոնաղաշտը, որ փոված է Անիի առաջ հարավից, բաժանված քաղաքից Ախուրյանի մեծ ձորով: Չմոռանանք հիշել, որ այդ գաշտում, Անիի դիմաց, գտնվում էր մեծ քաղաքի գերեզմանատունը, որ այժմ ներկայացնում է քարերով ժածկված մի մեծ տարածություն:

Ահա այս ճանապարհի մի մասն է կազմում այն քարաշեն, ժածկված սանդուղքը, որ իջնում է քաղաքից մինչև մատուները կամ, եթե ուզում եք, Բեխենց վանքը: Սակայն ես շեմ ուզում ասեմ, թե այդ սանդուղքներով էին բարձրանում գետի մյուս ափից եկող մարդիկ և կարավանները: Յաքուցրիվ ընկած, սարսափելի կերպով աղճատված ավերակները այնպես գաղտնապահ են, որ շատ անգամ ավելորդ էլ է նրանց դիմել մի բան հասկանալու համար: Ես միայն այն գիտեմ, որ կամուրջից ուղղակի դեպի վեր, դեպի քաղաքը դիմելու ոչ մի հնարավորություն չկա: Ճորը այդ կողմից ուղղաձիգ, անմատչելի լանջեր ունի, որոնց մի կողմի վրա թառ է եղել «մզկիթ» անվանվող շինությունը, իսկ մյուս կողմում Միջնաբերդի բլուրն է ցցվում: Միակ հարմար ուղղությունը, որ կամուրջով անցնողների համար կարող էր լինել, այն է, որ զնում է նախ դեպի մատուների կողմուն, և ապա պտույտներով բարձրանում է դեպի քաղաքի հարավարեւելյան անկյունը, դեպի Տիգրանի դուռը:

Այս բոլոր տեղերը, մինչև կամուրջը, XIII դարում նվիրված էին ս. Լուսավորչին: Այս բոլոր տեղերը այժմ են լուր ու ամայի ավերանքներ: Բայց Անիի շեն ժամանակները նրա աշքն էին իրեւ ելք դեպի Ախուրյանի ձորը: Մեծ կենդանության, անդադար շարժման տեղեր պետք է եղած լինեն: Երևակայեցեք մի մեծ քաղաք և այդ քաղաքի կողքով հոսող մի գետ, որ խորխորատներ է սիրում, նրանց հատակն է քերում: Միայն այս կողմով աղգաբնակությունը կարող էր մոտենալ նրա առատ ջրերին...

Ա. Հուսավորչի մոտից մենք վերադառնում ենք մեր ռակած ճանապարհով, այս անգամ սկսում ենք պտտել քաղաքի շուրջը, նրա պարիսպները տեսնելու համար:

Նրանք, այդ պարիսպները սկսվում են հենց այստեղից, քաղաքի հարավ-արևելյան անկյունից և գնում են նախ հարավից դեպի հյուսիս, Գլիծորի երկարությամբ, ապա թերվում են արևելյան հյուսիսից դեպի արևմուտք և կտրում են քաղաքի ամենալավագույթը տեղը, այն հարթությունը, որով Անին միանում է Եփրակի դաշտի հետ:

Մեր երկրում հնություններ որոնողը ամեն տեղ տեսնում է եկեղեցիներ, վանքեր, մատուռներ, խաչքարեր, ուստատեղիներ: Այդ մնացորդները մեծ առատություն են ներկայացնում: Օրերով ճանապարհորդող այցելուն շլանում է այդ առատությունից. նա տեսնում է արվեստի հարուստ քազմականություն, աշխարհագրական դիրքերի, բնության տեսարանների վրա է հիանում, բայց և այնպես, մի տեսակ ձանձրույթ է զգում, միակողմանիության զգացմունքի տակ է ճնշվում: Ամեն քայլում աղոթքի տեղեր, ամեն տեղ հոգեպաշտության հուշարձաններ, խունկ ու մոմ, երկնքի իրերը պատմող գործեր: Նրանք շատ լավ են երր, ուզում ենք իմանալ, թե մեր նախնիքները որքա՞ն բարեպաշտ էին, ինչպես էին վերաբերվում իրանց կրոնին, որի համար այնքան տառապանքներ էին կրում, այնքան արյուն էին թափում: Ստանալով մեկը մյուսից պերճախոս ապացուցների անթիվ փաստեր, դուք վերջիվերջո անտարբերության պես մի բան եք զգում: Կշտացածի նման եք և ձեր ուշադրությունը արդեն առանձնապես նշանավոր կրոնական շինությունները կարող են գրավել:

Այո՛, մենք չերմեռանդ աղոթողներ էինք, մենք մեր խրսքը շէինք խնայում մեր բարեպաշտությունը ամենափայլուն կերպով ցուցաբերելու համար: Բայց մի՛թե մենք միայն աղոթել գիտեինք: Մի՛թե մենք շունեինք երկիր, սեփակա-

նություն: Մի՛թե մեզ համար երբեք գոյություն չէ ունեցել ինքնապաշտպանության անհրաժեշտությունը: Պատերազմը միշտ կախված էր մեր երկրի վրա. նա տրորեց, տակնուվրա արագ ամեն ինչ: Եվ մի՛թե այդ գարավոր իրականության մեջ չենք երբեք շսովորեցինք պատերազմի արվեստը: Աղօթում էինք, ճիշտ է, շատ էինք աղոթում, շափազանց էինք աղոթում, լաց լինում, երկինքը կանչում նույնիսկ այն ժամանակ, երբ Երկինքը չէր լսում: Բայց հո եկեղեցում, վանքում շէինք ասպրում. հո մեզանում էլ գիտեին երկաթը սուր դարձնելու մեզանում էլ մարդիկ կային, որոնք կովում էին, հարձակվում էին, պաշտպանվում:

Ո՞ւր են նրանք: Նրանց հիշատակները:

Մեր լեռնաստաններում, օրինակ՝ Ղարաբաղում, մասն եկողը փաքրիշատե կարողություն ունի այդ հարցը բավարար կերպով լուծելու: Մնացել են բերդեր, ամրություններ: Բայց առ նրանցից երբեք այն տպավորությունը չեմ ստացել, թե աշքիս առջև ունեմ մեր նախնիքների ուազմական ընդունակության կատարյալ արտահայտությունը: Այդ լեռնային ամրությունները, ճիշտ է, շատ են ազդու, շատ են ճնշող իրանց տեսքով: Բայց մարդը այդ հանգամանքի մեջ շատ քիչ գործունի: Նա միայն ընտրել է, նա միայն օգտվել է իմացել: Ամպերի մեջ կորած մի լեռնազագաթ, խորխորատների վրա ցցված մի ահազին ժայռ, որ միայն մի կողմից ունի փոքրիշատե մատշելի կողեր, մի խոսքով՝ այն, ինչ լեռնային լեզվով կոչվում է «արծվի բույն»— ահա ինչեր է տվել բնությունը լեռնցուն: Դրանք շատ փոքրիկ բաներ են, և դրանց միանգամայն անմատչելի գարձնելու համար հարկավոր չէ եղել արվեստ, ուազմազիտական նրբություն: Բնությունը ամենից շատ բանն է արել, մարդը լրացրել է պակասը մի հատ պատ քաշելով, որի վրա աշխատանք, իհարկե, շատ է թափել, բայց որ դլուխ է բերվել մի հասարակ արհեստավորի ձեռքով: Այդ պատերը հաճախ հանդգնություն են ցուց տալիս, ուլորվելով այնպիսի տեղերում, ուր մարդու ոտ, իսկապես, շպիտի կարողանար կոխել: Բայց խնդիրը ոչ հանդգնությունն է, ոչ պատը:

Ինքնապաշտպանության գործը սաստիկ գժվարանում է դաշտային տեղերում, ուր բնությունը արդեն պաշտպանվողի կողմբ չէ, այլ նրա թշնամու, հարձակվողի կողմը։ Այստեղ արդեն մարդկային հնարագիտությունն է դուրս գալիս մատնող բնության դեմ, իր խելքով, իր ձեռքերով է իր համար պահապան ամրություններ կանգնեցնում, որոնք և ցույց են տալիս, թե շինողը որքան մտածել է իմացել, որքան բաներ է նախատեսել և որ աստիճան հանճարեղ է եղել տեղի դիրքերը հասկանալու, բոլոր պատահականությունները նախատեսելու մեջ։ Այսպիսի տեղերում է կատարյալ թափով արտահայտվում ուսկմական արվեստը, երկրի գլխավորի տաղանդը։

Եթե Ախուրյանը կամեցած լիներ իր խորխորատները փորել Անիի շուրջը մի մեծ կիսարոլորակի ձևով, կամ թե Գլիձորը փոխանակ կարճ և ուղղաձիգ լինելու՝ մի խոր ուժայուտ անդունդ տարած լիներ Անիի հյուսիս-արևելյան կողմով էլ, այն ժամանակ անեցին ցուցե բավականանար փոքրիկ պաշտպանողական միջոցներով։ Նա կրավականանար իրան շրջապատող ձորերի թույլ տեղերը ամրացնելով և ապահով կնստեր իր տանը։ Բայց Անին կիսով շափ դաշտային բերդ է։ Եվ դաշտի կողմից էլ նա ընդունել է այդպիսի բերդի կերպարանը։

Միայն Անին է այն բերդը, որ այսօր կարող է լիուլի հասկացողություն տալ, թե միջնադարյան հայր ինչպես էր կարողանում իր ստացվածքը պաշտպանել դաշտի վրա։ Ես չգիտեմ մի ուրիշ տեղ, ուր եկեղեցիների շափ գեղեցիկ և նրանցից էլ ավելի վեհ լինի ժողովրդական կյանքի քաղաքական կողմի արտահայտությունը։ Աղոթողների կողքին բարձրանում էին զինվորության հուշարձանները։ Զքնաղ եկեղեցուց մինչև ահեղ պարիսպները մի քանի քայլ տարածություն է։ Տեսնում եք, որ այստեղ արտահայտված են մարդկային կյանքի հակադրությունները մի զարմանալի պարզությամբ։ Մայր եկեղեցու, ս. Փրկչի քնքույշ կամարների տակ սիրտը պիտի փափկանար, վերանար աշխարհց։—այսպիս են կամեցել ճարտարապետները։ Բայց նույն

ճարտարապետները կանգնեցրել են և ահարկու աշտարակներ, բարձր ու հաստ պատեր, որոնց վրա նույն մարզը, թե ուղում էր ապրել ու երջանիկ լինել, պիտի գազան դառնար, արյուն թափեր, միս հոշոտեր։

Անին միայն իր սիրուն եկեղեցիներով չէ հոշակավոր։ Բալորովին ո՛չ եկեղեցիներ շատ կան, Տրդատը Արդինայում էլ ցույց է տվել իր հանճարը։ Ինչ որ շկա մի ուրիշ տեղ, այդ Անիի պարիսպներն են։ Եվ շատ հասկանալի է, թե ինչու բոլոր այցելուների վրա ավելի մեծ տպավորություն թողնողը պարիսպներն են։ Արիմը համեմատում է Անիի պարիսպները տիեզերակալ Հռոմի պարիսպների հետ։ Երևակայում եք ավելի մեծ պատիվ մի հին բերդի համար։ Եվ նշանավոր գիտնականը գտնում է, որ մեր պարիսպները Հռոմի պարիսպներից ո՛չ պակաս վեհատեսիլ են, ո՛չ պակաս ամուր։

Այսպիսի համեմատությունները միայն կարող են լրացնել այն պակասությունները, որոնք այնքան ցավալի են մեր պատմագրությունների մեջ։ Եվ երբ նրանք մեզ առում են, թե Սմբատ Երկրորդը կոչվում էր Տիեզերակալ, առանց, սակայն, բացատրելու թե ինչո՞ւ համար էր նա այդպիս կոչվում, մենք պիտի մեր ուշադրությունը կանգնեցնենք այն հանգամանքի վրա, որ նույն Սմբատն է շինել այս պարիսպները, շինել է ութ տարի։ Այդ ժամանակ միայն մենք կարող ենք բավականաշափ հասկանալի գարձնել մեղ համար նրա այդ տիտղոսը։ Այսպիսի ամրություններ ծրագրող, զլուխ բերող թագավորը չէր կարող վատասիրտ ու հաղթվող լինել։

Բագրատունիների մեջ ամենախրոխտն է Սմբատ Շահանշահը։ Կատրանիտե թագուհին Մայր եկեղեցու արձանագրության մեջ անվանում է նրան մեծ։ Եվ խրոխտ է նրա շինությունն էլ։ Խրոխտ է նույնիսկ այժմ, երբ ավերված, կրծոտած կողերով է պաշտպանում իրանից ավելի դժբախտ ավերակների քաղաքը, բայց պաշտպանում է, ինչպես մի ժամանակ ամուր ու անվնաս կողերով էլ, կրծքով էլ պաշտպանում էր շեն ու եռուն քաղաքը։

Գլիձորի արևմտյան կողը եղերելով, պարիսպը գնում է

նախ գեղի հյուսիս: Այդտեղ է Գլիճոր տանող գուրը: Իսկ երբ պարիսպը սկսում է փոքր առ փոքր թեքվել գեղի հյաւսիս, այնտեղ մեծ աշտարակի կողքին բացվում է Դվնա պուրը: Դա գեղի Դվին տանող ճանապարհի դուռն է: Իսկ Դվինը քանդվելուց, անհայտանոլուց հետո դուռը ստացել է Երևանի դուռ անունը:

Սոսկալի քարակույտեր են թափված այդ դոնների մեջ, դուրսն ու ներսը, Մենք այդ քարակույտերի վրայով էլ դուրս ենք գալիս Անիից: Բայց բոլորովին դրսում չենք, մեր առջե դարձյալ մի պատ կա: Դա արտաքին պարիսպն է, որ սկսվում է այստեղից քիչ դեպի աջ, Գլիճորի վրայից: Քաղաքը հյուսիս-արևելյան կողմից, այսինքն Շիրակի դաշտի կողմից պաշտպանելու համար երկու զուգընթաց պատեր են եղել շինված: Այդ պատերի միջով էլ մենք ժանր առաջ ենք գնում, մանրամասն դիտելով Ամրատի ամրությունները: Կանգնելով յուրաքանչյուր մի տեսարանի, յուրաքանչյուր մի ուշագրավ մանրամասնության առաջ:

Դրսի պարիսպը սաստիկ վնասված է: Տեղ-տեղ հավասարված է հողին, տեղ-տեղ փոքրիկ մնացորդներ է պահել: և համարյա ոչ մի տեղ չէ մնացել իր բնական բարձրության մեջ: Սա բնական է, այդ առաջազոր ամրությունները ամենից շատ էին ենթարկված թշնամիների հարվածներին: Նրանք պաշտպանում էին ներքին պարիսպը, որ համեմատաբար լավ է պահվել: Համեմատաբար եմ ասում և ընդհանուր առմամբ: Թե չէ ներքին պարիսպն էլ շատ տեղ այնպիսի ավերմունքներ է ներկայացնում, որ երևակայի անգամ դժվար է:

Երկու պարիսպների մեջտեղը լցված է քարակույտերով: Տեղ-տեղ դրանք կատարելապես անանցնելի են: Թափված են ոչ միայն առանձնացած քարեր, հատ-հատ, այլև պատերի և աշտարակների ամբողջ բեկորներ: Բայց կան մի քանի կտորներ ներքին պարիսպի վրա, որոնց առաջ դուր կանգ եք առնում հաճությամբ: Նրանք բոլորովին անաղարտ են մասցել: կարծում եք, թե նրանց շինող վարպետները նոր, գեղեցիկ, անցյալ օրը, վերջացրել են իրանց գործը, իցել այդ

բարձր կատարներից: Այդ կտորներն էլ ձեզ հասկացություն են տալիս, թե ինչ տպավորություն էր թողնում Անին իբրև քերդ այս կողմերից մոտեցող բարեկամի և թշնամու վրա: Դեղեցկությունը միացած ամրության հետ: Քաղաքի համար այդ պարիսպը միայն պաշտպանություն չէր, այլև զարգարանք: Նայեցե՞ք այդ սրբատաշ սալ քարերին, որոնք հագցված են պատի մեջ: Նայեցեք այդ կողոր լայնանիստ աշտարակներին: Խնչպե՞ս են նրանք համաշափ ու գեղեցիկ քարձանում, ներկայացնելով միևնույն ժամանակ՝ ուժ, դժվարամատչելի ամրություն: Դեղին, կարմիր, սպիտակ քարերից է շինված հսկա պարիսպը: Բայց վարպետները շատ տեղ ամրող զարդեր են դրել սև քարերից: Նրանք կամ այնպես են դասավորված, որ շահմաթի տախտակի նմանությունն ան տալիս, կամ կազմում են մեծ, ահապին խաչեր: Դվնա գոների մոտ մի աշտարակի կարնիզի վրա երևում է մի գեղեցիկ քարձրաքանդակ, որ ներկայացնում է վիշապ և եղի գլուխ: Բայց ավելի շատ են քրիստոնեության նշանները: Այս բարձր աշտարակներից մի քանիսի մեջ մատուններ էլ կան շինված:

Անիի պարիսպները շատ անգամ են վերանորոգվել: գարկատվել: Սմբատ Տիեզերակալին հաջորդած Բագրատունի թագավորները կարիք չունեին վերանորոգելու պարիսպները. նրանք այնքան երկար շինվագրեցին, որ ժամանակը կարողանար ավերիչ ավելցություն ունենալ այս ամրությունների վրա: Երբ հունաց դավագրությունը, միացած մի քանի հայերի ստոր դավաճանության հետ, դուրս էր հանում Անիից վերջին Բագրատունի թաղակրին, Սմբատ Տիեզերակալի մահից ընդամենը մի հիսուն տարի էր անցել: Բագրատունիներին կարճ միջոցով հաջորդեցին հույները, ապա Ծեդատյան մահմեդական տերերը, որոնք 120 տարի իշխեցին այստեղ: Այս ժամանակներում էլ Անին ամենագառն հարգածներ կրեց թշնամիներից, մեծ-մեծ պաշտպանմերի հնթարկվեց: Պարիսպների վերանորոգությունը անհրաժեշտ էր, բայց մահմեդական տերերը շատ շնչին բան արին այդ կողմից: և Անին մնաց զուտ քրիստոնեական բնրդի: Այդ

են վկայում նրա պարիսպների վրա մնացած խաչերն ու հա-
յերեն արձանագրությունները:

Խոկ արձանագրություններ քավականշափ կան և մեծ
մասամբ վերաբերվում են այն ժամանակներին, երբ Անին
պատկանում էր Զաքարե Սպասարքի ժառանգներին:


Ես վերևում մի քանի խոսք ասացի վերակենդանության
այն ժամանակամիջոցի մասին, որի սկիզբ դնողը այդ հայ
իշխանն էր: Վերանորոգվեցին քարուքանդ եկեղեցիներն ու
վանքերը, հասարակական շինությունները: Առանց վերանո-
րոգության շէին կարող մնալ Անիի պարիսպները: Բայց Զաք
քարյանները իրանց անձնական միջոցներով միայն մասնա-
վոր վերանորոգություններ կարող էին անել: անդառնալի
կերպով անցել էին Սմբատ Տիեզերակալի ժամանակները,
երբ այնպիսի մի հսկայական ձեռնարկություն, ինչպիսին էր
այս մեծ ու հպարտ շրջապարիսպը, կարող էր գլուխ բերվել
առանց մասնավոր մարդկանց օգնության: Զաքարյանները
այդպես շէին կարող անել: Եվ մենք տեսնում ենք մի սրտա-
ռուշ հանգամանք: բերդաշինությունը բարեպաշտության,
բարեգործության առարկա:

Մասնավոր մարդիկ իրանց հոգու փրկության համար շի-
նում էին աշտարակներ, պարիսպների ավերված տեղերն էին.
վերանորոգում և գրում էին արձանագրություններ: Ճիշտ
այնպիսի նվիրաբերություններ, ինչպես ստանում էր եկեղե-
ցին, զանազանությունը այն էր, որ այս խրոխտ ամրություն-
ները շէին կարող, իհարկե, նվերների փոխարեն պատարագ-
ներ խոստանալ: Հայր մեռնելիս կտակ էր անում իր հոգու
փրկության համար. և այդ կտակի մեջ միայն այս կամ այն
սուրբը, այս կամ այն ուխտատեղին շէր հիշվում, այլև մայ-
րաքաղաքի շրջապարիսպը, որ հարկավոր էր մարդկանց
պաշտպանության համար:

Տեսեք ինչեր են գրված Անիի պարիսպների վրա.

«Կամօքն Աստուծոյ ես Շանուշ, կենակից Խաչերեսին,
անդարձով Խաչերեսին շինեցի զԲուրջս յիշատակ մեզ
(1218թ.)»:

«Շնորհին Քրիստոսի ես Մամիսաթունս, դուստր Խա-



շերեսին կունեցոյ անժամ ի Քրիստոս գնացի յիմ հօրն ի հուն
ամին որ ինչ տուեալ էք... անյիշատակ էի շինեցի զբուրջնա
յիշատակ ինձ... աղաշեմ որ կարդայք մեզ թող... (1219 թ.)»:
«Կամաւ Աստուծոյ ես կուսոտս որդի Քրիստոս շինեցի
զարձանս յիշատակ ինձ և ծնողաց իմոց և յարկշատութիւն
Շահնշահի սպարապետին, ի յամիրայութեան Վահրամաց
կատարեցաւ բուրջս, Տէր Աստուծ, ողորմեա կուսոտին»
ամէնք:

«Ծնորհին Քրիստոսի ի տէրութեանս Մանդատորթա-
խուցէս Ամիր սպասալար Շահնշահ Սարգսին ես Միիթարիչը
Գանձակեցի ծառայ Քրիստոսի ի յարդար վաստակոց Աբրա-
համու եղբօր իմոյ շինեցի զարձանս վասն փրկութեան հոգ-
առյ նորա և յիշատակի մեզ և ծնողաց մերոց, որք կարդայք
յիշեցէք զԱբրահամ ի Քրիստոս Յիսուս (1215):»:

Ահա և Զաքարյան իշխաններից մեկի գիրը.

«Ծնորհին Քրիստոսի ես Մանդատորթա-խուցէս Ամիր
Սպասալար Շահնշահ Զաքարիա շինեցի զարձանս և զպա-
րիսպս վասն յիշատակի մեզ և ծնողաց մերոց»:

Թայց այս բոլոր վերանորոգություններն ու կարկատան-
ները Անիի պարիսպների ընդհանուր տեսքի վերաբերմամբ
ունեն երկրորդական, անկարենոր նշանակություն: Հիմքը
զլիսավոր մարմինը անփոփոխ է մնացել Տիեզերակալի օրե-
րից, այսինքն ինն հարյուր տարի: Մարդ զարմանում է թէ
այս քայլքայլած ամրությունները ինչպես են իրանց զառա-
մած ուսերի վրա տանում այսքան երկար ժամանակամիջոցի
ժանրությունը: Ահա շինարարական հանճարի մի նոր, ավելի
մեծ հաղթանակ...

Անկասկած է, որ Անիի պարիսպները անհամեմատ լավ
պահպանված կլինեին, եթե միայն ընությունը եղած լիներ
նրա ճակատագրի տերն ու տնօրենը: Թայց Անիի պարիսպ-
ները, ինչպես առհասարակ ամեն մի շինություն այստեղ,


¹ Զաքարի Սպասալարի թոռնորդին: Զաքարին իր որդուն տվել
էր Շահնշահ անունը, որ հետո իրը պատվանուն գործ էին ածում
մյուս Զաքարյանները: Մանդատորթա-խուցին վրացերեն լեզվով զլիսա-
վոր հրամանատարի պաշտոնն է նշանակում, որ ինչպես երեսում է,
ժառանգական մի ախտղոս էր Զաքարյանների մեջ:

ահապին, անսպառ քարահանքեր են եղել շրջակա երկրի
համար դարերի ընթացքում: Եվ քարահանքը գրավիշ է եղել
մանավանդ նրանով, որ միանգամայն պատրաստ, տաշած ու
հղկած քարեր է տվել: Այդ քարերով ամրող ամրություն-
ներ, ամրող ապարանքներ են կառուցվել շրջակա զյուղե-
րում: Նույնիսկ Կարսը, շայած որ այստեղից բավական հե-
ռու է, Անիի քարերով է ամրացրել իր պարիսպները: Ինչո՞ւ
զարմանալ, երբ այսօր իսկ շարունակվում է նույն թալանը,
նույն հափշտակությունը: Մուս այցելուներից մեկը, Ե. Մար-
կով, ասում է, որ Երևանի երկաթուղու կապալառուները
Անիի քարերն էին գործ ածում կայարանների շինության և
այլ պետքերի համար:


Տարել են, տարիթերով, դարերով տարել են, բայց ա-
հապին քարահանքը դեռ բոլորովին չէ դատարկվել: Դեռ
պարիսպների տակ քարակույտեր են թափված, դեռ կիրն ու
ավազը պահում-պահպանում են բարձր կանգնած, հպար-
տությամբ երկար ձգվող պարիսպների մի երկար տարածու-
թյուն: Մմբատի ձեռակերտը, այո՛, դեռ ճակատը պնդացրած
գիմադրում է մարդկանց և բնության արհավիրքներին: Եվ
նա դեռ երկար կղիմադրե, գոնե ավելի երկար, քան ներսում
գտնվող շինությունները:

Ճակատի պնդության ամենամեծ ապացույցը տալիս է
Ավագ Դուռը, Անիի գլխավոր մուտքը Հյուսիս-արևելյան կող-
մից, այսինքն զաշտավայրի ամենաճարմար և դյուրամատ-
չելի տեղից: Որքա՞ն հարվածներ պիտի թափված լինեն նրա
վրա, ո՞վ կարող է իմանալ: Մի փոքր հասկացողություն
տալիս են շրջակա պատերի և աշտարակների ծակծակած
երեսները, որոնք այսօր էլ պահպանում են իրանց ստացած
հարվածների հետքերը: Մանր հարվածներ են դրանք, երկի
նետերի հարվածներ: Հին պատերազմական արվեստը գի-
տեր բերդեր հարվածելու մեծ գործիքներ, բարաններ, որոնք
քանդում էին պատերը: Այստեղ քանդվածք չկա: Այստեղ
հղկած քարերի երեսները ծակծակած են. ծակող գործիքը
խոր տանել իր հարվածը շէր կարողանում: Խփվելով պա-
տին, նա թողնում էր նրա վրա իր սուր ծայրի հետքը և հետ-

մաս, ուղիղ և բրդական պլատֆորմ գեղ



Ազր բվագրաս վուկասոյ և ճշուաց մտած ճոխ վիշ



թոշում: Նետերի թանձր տարափներ ես ներկայացնում քեզ, նայելով այդ շեշտ պատերին՝ վերևից մինչև ցած: Փոքրիկ, առողջացած սպիների ցանցի նման ծածկում են այդ ծառկուիները ամրությունների վիթխարի մարմինները: Դրանք հին օրերի վկաներ են միայն, ցավ չեն պատճառում: Ի՞նչ համեմատություն կարող է լինել այդ անմենզ ճեղքվածքների և այն խոր, մահացու վերքերի մեջ, որոնք իրենց անուելի բերանները բացած են ամեն տեղ և նայում են ամեն մի կողմից:

Այդպիսի վերքեր շատ ունի Ավագ Դուռը: Նայում եք նրան, և մի կրծուած կմախքի տպավորություն եք ստանում, բայց մի կմախքի, որ իր ծվենները պահպանելու կարողությունից դեռ միանգամայն չէ զրկվել: Այսօր էլ նա դեռ մի ամրության դուռ է: Երա պաշտպանության համար երկու աշտարակներ են բարձրանում աջ ու ձախ կողմերին, երկու վիթխարի, երեք հարկանի աշտարակներ, որոնցից մեկը դեռ ամրող է, բայց պատոված գլխով, իսկ մյուսը կերպած է կիսով շափ: Դրան ճակատի վրա մի ինչ-որ պատուհան է եղել, որ քանդվել է, դարձել մի անձև ու անձունի ծակ: Հայերեն մի արձանագրություն այդտեղից վկայում է, որ Անին վերաշինվել և բարեկարգվել է Գրիգոր և Հովհաննես աղաների պարունության ժամանակ: Այդ պարոններն էլ, որոնք, երկի, քաղաքի կառավարիչներն էին, ազատել են ազգաբնակությունը շատ հարկերից:

Բացի մի քանի հատ գեղեցիկ խաշքարերից, որոնք հագցրած են աշտարակներին, Անիի Ավագ Դուռը չունի ուրիշ զարդեր: Բայց նրա ամենասիրում զարդը, անշուշտ, եղել է այն տեսարանը, որ բացվում է այստեղից դեպի ներս: Քաղաքի մեծ մասը աշքիդ առջև է: Այժմ նա քարակուլերով ծածկված մի տարածություն է, որ գնում վերջանում է Միջնաբերդի բարձր բլուրի վրա: Սև քարակուլերի մեջ բարձրանում են քարուքանդ պատեր, շինություններ: Ահա Մայր եկեղեցին, ահա նրանից դեպի արևմուտք ինչ-որ անգլուին, քանդված շինություն. Միջնաբերդի բարձրությունից էլ նայում են պատերի կտորներ:

Գեղեցիկ է տեսարանը այժմ էլ, թեև միայն ավերակ ու մահ է ցույց տալիս: Իսկ ի՞նչ պիտի եղած լինի նա այն ժամանակ, երբ այս ամայի տարածությունը ծածկված էր տներով, ապարանքներով, եկեղեցիներով:

Մի փոքրիկ առու պարիսպների միջով գալիս է և Ավագ Դուռով ներս մտնում: Ասում են, թե դա զյուղացիների բերած ջուրն է, որ կանաչները ջրելուց հետո ինքն իր համար ճանապարհ է բացել դեպի մեռած քաղաքը: Չնայած որ փոքր է ու ողորմելի այդ ջուրը, բայց մի տարօրինակ տալավորություն է գործում. կարծես նա գնում է ներսում մարդկանց պիտքերը հոգալու: Բայց այնտեղ ոչինչ մարդկային պիտքեր չկան: Զուրը ավելորդ է: Վանահոր խուցերում այս ջրից շնուրում. խմելու ջուր բերում են բեռներով, արևմտյան ձորի աղբյուրներից: Բայց այս առվակը ցույց է տալիս, թե որքան հեշտ է եղել դրսից ջուր բերելը Անիի մեջ:

Ավագ Դուռից ուղղակի դաշտը դուրս գալ շէ կարելի. նրա առջնով ընկած է դրսի պարիսպը, որ այնտեղ դուռ չունի: Այսպես արված է, իհարկե, այն պատճառով, որ քաղաքի ամենագլխավոր դուռը ավելի լավ պաշտպանված լինի: Ավագ Դուռից քիչ դեպի արևմուտք գնալով, տեսնում եք դրսի պարսպի դուռը. դա է դաշտից բերող մուտքը: Հարձակվող թշնամին, ներս խուժելով այդ դռնից, պիտի ընկներ երկու պատերի մեջ ու պիտի գնար դեպի Ավագ Դուռը աշտարակներից և պարիսպների գլխից տեղացող նետերի տարափի տակ: Պաշտպանող զորքը, եթե ունենար քաջություն, կարող էր այդտեղ, այդ նեղ տարածության մեջ, մեծ կոտորած անել: Հին ժամանակների պատերազմը բերդերի պաշտպանության համար միայն սրեր ու նետեր չէր հանում, այլև քարեր, եռացրած ջուր, յուղ, որոնք պարիսպների գլխից թափվում էին հարձակվողների վրա:

Դրսի դռնից ներս մտնողը, դեռ երկու քայլ շարած, տեսնում է ներսի պարսպի վրա մի բարձրաքանդակ առյուծ, որ կանգնած դրության մեջ չէ, այլ վաղողի դրության մեջ: Անիի մեջ դրա պես մեծ քանդակ չկա: Նա քավական լավ է պահպել պատի ճակատին, շրջանակի մեջ: Ի՞նչ է ներկայացնում

կենդանիների թագավորը այստեղ։ Ասում են, թե թագրատու-
նիների զինանշանն էր առյուծը, ուրեմն և այստեղ, այս
զինավոր մուտքի մոտ, նրա խկական տեղը պիտի լիներ,
որպեսզի մանողը տեսներ և իմանար։ Բայց ո՞վ կարող է
հաստատապես ասել, թև ճիշտ որ առյուծն էր թագրատուն-
յան գրոշմբ։ Աչ ոք չէ հաղորդել մեղ այդպիսի տեղեկու-
թյուններ. մեր պատմագիրները երբեք ուշադրություն չեն
դարձրել պետական կարգերի, ներքին կյանքի, սովորու-
թյունների, օրենքների վրա…

Առյուծի քանդակից Անիի զույգ պատերը շարունակվում
են գեղի արեմուտք, ավելի ևս մոտենալով իրար։ Մենք անց-
նում ենք մի նեղ պարսպամեջով, որ լցված էր քարերի
կույտերով. մեր նեղ ճանապարհը նկատելի կերպով գեղի
ցած էր թեքվում. դա նշան էր, որ պարիսպները դեպի ձորն
են ծովում։

Եվ իրավ, երբ մենք նորից դուրս եկանք Անիից, մեր
առջև բացված էր մի փոքրիկ ձոր, որ քաղաքի հյուսիսային
կողմից սկսվելով, անցնում էր, հետզհետե լայնանալով և
մեծանալով, դեպի արևմուտք։

Մենք մտանք մի նոր, հետաքրքրական աշխարհ։

Ե

Անիին վերաբերվող արձանագրությունների մեջ, շատ
տեղերի հետ, երբեմն հիշվում է և հզաձոր անունով մի տեղ։
Կարծում են, թե այս հյուսիսային ձորն էր կրում այդ ա-
նունը։

Բայց ինչ անուն էլ ունեցած լինի այս կողմը, անկաս-
կած է, որ մեծ մայրաբաղաքի ամենաբանուկ. կենդանու-
թյամբ ու շարժողությամբ լի մի անկյունումն ենք գտնը-
վում։ Բուն քաղաքը, այն, որ ամփոփված է շրջապարհսպ-
ների և բնական ամրությունների մեջ, փոքր-ինչ հեռու է
այժմ մեղանից։ Ետ նաև եցե՛ք։ Որքա՛ն գեղեցիկ են այն

պատերը, որոնց միջով մենք անցնում էինք մի րոպե առաջ։
Նրանք այժմ բարձր են մեղանից. նրանք մի հուժկու շրջան
են տալիս ձորափի եզրով, թեև ավերված ու կիսակործան
են, բայց տիրում են իրանց ոտների տակ փոված քարքարու-
թյունների վրա, խրոխտաբար նայում են ձորին, հանդիպա-
կաց լանջերին, որոնք ցածր ու խեղճ են, կարծես պատկա-
ռանքով ու զարմանքով են նայում նրանց։

Մեր ձախ կողքին ձորագլուխն է, այն հարթավայրը, որ
տարածված է Անիի զինավոր մուտքի առաջ. այստեղ այս
ձորը հաղորդակցություն էր պահպանում այն բարձր ու գե-
ղեցիկ պատերի ետևում թաքնված քաղաքի հետ։ Անին փոքր
է իր այդ պարիսպների մեջ։ Բայց ի՞նչպես էր, որ վայելում
էր մեծ, բազմամարդ քաղաքի հողակի 1001 եկեղեցի ուներ
նա, ասում են. և յուրաքանչյուր եկեղեցուն հարյուր տուն
գցելով, ավելացնում են այդ առասպելի վրա երկրորդ առ-
ասապելը, թե Անին ուներ հարյուր հազար տուն։ Բայց զուր
շէ ասված, որ թե մի տեղ կրակ չինի, այնտեղից ծովի չի
բարձրանա։ Եթե Անին շունենար մի ապշեցնող բազմամար-
դություն, այդպիսի առասպել չէր էլ ստեղծվի։ Բայց ո՞ւր էր
տեղավորվում այդ ահագին բազմությունը։ Անին իր շրջա-
կաներով էր մեծ։ Միջուկը բերդն էր, բայց քաղաքի այդ
սիրտը մեծ ելքեր ուներ դեպի զանազան կողմեր։ Մեկը
մենք արդեն տեսանք,—ս. Լուավորչի մոտ։ Բայց նա լոկ
հաղորդակցության միջոց էր, երեխ։ Մինչդեռ այս կողմը,
հյուսիսային այս մեծ ելքը արդեն խառնում էր դուրսը ներ-
սի հետ, հեռավոր մասերը՝ կենտրոնի, սրտի հետ։

Թագավորական շքեղ քաղաքի այս դրսի հրապարակը,
որի վրա բացվում էին զինավոր դռները, հարյուրավոր տե-
սարաններ է տեսել, բախտի հարյուր ու մի տեսակ խա-
ղերի վկա է եղել։ Ինձ թվում էր, որ անպատճառ այստեղ,
այս դաշտի մի որեէ անկյունից է Արիստակես կաստիվերա-
ցին տեսել թագավորական գնացքը, որ հետո ողբի նութե-
ղարձրեց նա, երբ թագավորությունը ավերակների մի կույտ
էր եղել։ Լալկան բանաստեղծ էր Լատիվերտցին և բնական
է, որ իր տեսած հանդեսի հիշողությունը խոր ազդած լիներ

նրա վրա, մանավանդ այն օրերում, երբ Շիրակը ողբում էր Գաղիկ վերջինին:

«Իսկ թագավորը,— ասում է նա,— առավոտները երբ դուրս էր գալիս քաղաքից, իր առագաստից դուրս եկող փեսայի էր նման կամ ինչպես ցերեկվա արուայակը, որ արարածների զլխավերեր բարձրանալով, ամեն աշը դեպի իրան է քաշում։ Այսպես էլ նա փայլում էր իր պսպղուն շորերով և մարգարիտներով ժամկված թագով, և ամեն մարդ զարմանքով նրան էր նայում։ Սպիտակամազ նժույգը, ոսկեզօծ զարդերով զարդարված, գնում էր նրա առջևից, արեգակի ճառագայթներից փայլվում էր նա և տեսնողների աշխն էր շլացնում։ Իսկ առջևից գնացող զորքերի բազմությունը միմյանց վրա կուտակվող ծովային ալիքների նմանությունն էր տալիս»։

Մարդկային վիճակի մի կողմն է սա, գեղեցիկը, ժամունը, նախանձելին։ Անիի դռների առջև փուլած հրապարակը երկար չէ տեսել այսպիսի ճաճանշավոր տեսարաններ, խաղաղության, բախտի օրեր։ Ավելի շատ են եղել նրա տեսած սարսափները։ Քանի՝ արյունածարավ, վայրենի բանակներ են կոխելու նրան։ քանի-քանի անգամ նա եղել է դեպի երկինք դարձրած, երկինքը զարհուրեցնող գաղանությունների հրապարակ։ Անշուշտ այս կողմերում էր և ոչ թե մի ուրիշ տեղ այն փոսր, որ, ինչպես պատմում է Վարդանը, փորել տվեց Ալի-Ասլանը Անին առնելուց հետո։ Մի փոս, որ բավական ընդարձակ պիտի լիներ, քանի որ նրա վրա մորթվեցին հազար մարդիկ և երբ սրանց արյունով լցվեց փոսր, արյան ծարավ վայրենի սիլջուկը հանեց շորերը, մտավ նրա մեջ և լողացավ այդ կարմիր բաղնիսում…»

Տոներ, սուգեր, խաղ ու աղետ, ծիծաղ ու լաց, այս՝, շատ է տեսել թագավորական քաղաքի այս լայն հրապարակը։

Բայց թող անցյալը փոքր-ինչ մի կողմ քաշվի և մենք նայենք մեր ձորին։

Իգածորը, ասում են, պիտի Այգեծոր նշանակած լինի, Բայց այգիներ կարո՞ղ էին լինել այստեղ։ Շիրակի դաշտը

ծառ առհասարակ չէ ընդունում։ Իսկ իգածորը, բացի Շիրակի մի կտորը լինելուց, այնպիսի չոր ու այրված մի տեղ է, ուր ոչ մի ծառ չէր էլ կարող արմատ բռնել։ Լերկ հող է երեսում ամեն տեղ, կարծես թե մանրած կավիճ է ցանված։ Իսկ ձորի կողերը մոխրագույն ապառաժներ են; որոնք պանրի պես կակուղ են եղել մի ժամանակ այստեղ եռանդով գործած կացնի, մուրճի, ուրագի, մի խոսքով ամեն կտրող և կոտրող գործիքի տակ, որ մարդու ձեռքում տուն շինելու և տուն ավերելու զենք է։ Եվ այդ կակուղ, հեշտ նվաճվող սպիտակ ժայռերը գեղեցիկ նյութ են եղել բնակարաններ շինելու համար։ Հենց ձորի սկզբից ձեր առսաջն են գալիս այդպիսի բնակարաններ, բնական և արհեստական այրերի շարքեր։

Ցնությունը տվել է, մարդը հարմարեցրել է իր բազմաթիվ պետքերի համար։ Կա գեղարվեստի Անի, ապարանքների, սիրուն տաճարների Անի, կա և քարայրերի Անի։ Եվ այս վերջինը առաջինից ավելի մեծ ու ընդարձակ է։ Նա թաքնված է ձորերի հատակում, սողում է թեք լանջերով, մտնում է հողի տակ, կախվում է ձորերի վրա։ Նա միայն այստեղ չէ, այս հյուսիսային և արևմտյան ձորերում։ Նա շատ է ընկել և Գլիծորի երկարությամբ, նա գնում է Ախուրյանի ձորով դեպի արևելք, դեպի Հոռոմոսի կողմերը։

Տրոգլոտինների մի ամբողջ աշխարհ։ Եվ մինչդեռ գեղարվեստի Անին միանգամայն անապատ ու մեռած է, այս մեկը, չե՞ք զարմանում, անմարդաբնակ չէր։ Գյուղական կանայք, երեխաններ խմբված էին իգածորի լանջերին։ Նրանք զարմանքով էին նայում մեզ, բայց չգիտեին, թե որքան մեծ էր մեր զարմանքը։ Անի և բնակություն... Այս անկարելի հանելուկը պարզեց վանահայր վարդապետը։ Մոտակա հայ գյուղերից մի քանի տներ ամառը կարճ ժամանակով բնակություն են հաստատում այստեղ՝ կաթնապտնեսությամբ պարապելու համար։ Հարմարությունը, որ գրավում է նրանց, միայն Ալաջայի ստորոտների կանաչները չեն, այլև այն, որ կան պատրաստ ու ապահով բնակարաններ՝ այդ այրերը։ Բավական է, որ գյուղացիները իրանց հետ

շոր ու անկողին վերցնեն, և մի կարծ միջոցով, մի քանի շաբաթների ընթացքում, կենդանանում է հզաձորը, որ մի ժամանակ եռուն ու աղմկալից է եղել իրեւ առևտրական շուկա:

Իսկ թե այստեղ շուկա է եղել, ցուց են տալիս այլրերը, որոնցից շատերը խանութներ էին: Այժմ էլ մի հայացքով կարելի է ճանաշել այդ խանութները, նրանք փորձած են մոխրագույն կակուղ ժայռերի մեջ, ունեն դարակներ ապրանքների համար:

Մարդ մտքով մի րոպե տեղափոխվում է այն հին ժամանակները, երևակայում է հենց այսպիսի մի պայծառ ու գեղեցիկ առավոտ՝ մեծ քաղաքի պատերի տակ ընկած այս ձորում: Գյուղացի կանանց և երեխաների խմբերը կատարյալ են դարձնում իլլուզիան, և դու մի րոպե զգում ես քեզ առևտրական շուկայի մեծ ժխորի մեջ, տեսնում ես այտ ձորը լցված ամեն զիրքի և կարողության մարդկանցով՝ որոնք առնում են, տալիս են կամ պարզապես նայում են: Որքան խոսք ու զրույց, ի՞նչ շարժում ու իրարանցում...

Արևելքի քաղաքների կյանքը ամբողջապես շուկաների մեջ է: Իսկ Անիի պես մի խոշոր ու փարթամ քաղաքի շուկան չէր կարող վիճել մեծ ու բանուկ: Այս ձորը, իհարկեր միակ շուկան չէր: Այստեղ, քաղաքի մեջ էլ կա շուկա: Բայց այստեղ չկար, չէր կարող լինել այսպիսի լայնարձակ ազատություն: Գուցե ավելի գյուղական էր հզաձորի շուկան: Բայց այստեղ էլ, անշուշտ, խոնվում էին ամեն կողմից եկած վաճառողներ ու գնողներ: Այստեղ միայն շրջակա գյուղացիները չէին պարպում իրանց սալլերը, կանգնեցնում իրանց հոտերը: Այստեղ էին գալիս և հեռավոր կարավաններ, և արևելյան քանի լեզուներ խառնվում էին այս ձորում վաճառքի գործերի մեջ: Անցին, շմոռաներ, հարաբերություններ ուներ նույնիսկ կախարդիշ Հնդկաստանի հետ...

Մարդկային բնակության հատկացրած քարայրերը այնքան շատ են, որ ամեն մեկը առանձին-առանձին տեսնելու ու մի հնարավորություն չկա: Մենք բավականում ենք մի քանիսները տեսնելով:

Մեր երկրում քարերի մեջ փորված բնակարանները շատ էլ հազվագյուտ երկույթ չեն: Իզաձորի այրերի մոտ ես հիշեցի այն գարնանային թաց ու մառախլապատ օրը, 10—12 տարի առաջ, երբ ես իշխում էի սարսափելի քարքարուտ ու զիսիվայր վազող ճանապարհով դեպի Զանգեզուր գավառի Գորիս ավանը: Մեծ ձոր էր, և նրա հսկայական լանջի վրա կանգնած էր շաքարի գլուխների ձև ունեցող մեծամեծ ժայռերի մի ամբողջ անտառ: Իմ ձին պտույտ էր գալիս այդ վիթխարի կոնուսներից մեկի շուրջը: Ես զարմացած նայում էի նրա միապաղաղ քարե զանգվածը, որ հղկել էր բնությունը գարերի ընթացքում: Իսկ երբ անցա դեպի ձորամեջ նայող կողմը, զարմանքս կրկնապատկվեց, տեսնելով ժայռի մեջ փարած կանոնավոր քառանկյունի խորշը, որի մեջ նստած էր մի հայ գեղջկուհի և ճախարակ էր մանում: Գյուղական մի ամբողջ հարկ էր պահվում այդ ժայռի գոգում: Ծվ այսպիսի տներ քիչ չեն այժմ էլ այդ ձորում, մանավանդ Գորիսից քիչ հեռու գտնվող Խնձորեսկ մեծ գյուղի ձորում, ուր մեզանից մի դար առաջ ամբողջ ազգաբնակությունը ապրում էր քարայրերի մեջ: Քարայրերի բազմություն կա և Գառնի գյուղի մոտ, Արարատյան նահանգում, ուր քարայրացին շինության ամենաբարձր և սրամիտ արտահայտությունը Գեղարդի վանքն է:

Անիի քարայրերից շատերի վրա էլ երկում է գեղեցկացնող արվեստը: Բայց այն այրը, ուր մտանք մենք, մեծ մասմբ բնական մի կերտվածք էր, և մարդու ձեռքը շատ հետքեր չէ թողել նրա վրա:

Նա հողի երեսին էր գտնվում, ձորի սկզբում, համարյահարթ տեղի վրա: Փոքր-ինչ մեցքներիցս կոացած ներս ենք իշխում և տեսնում ենք մեզ բավական ընդարձակ, մեծ սենյակի տարածություն ունեցող մի քարե խոռոշի մեջ: Պատերն ու առաստաղը, գուցե և հատակը, իհարկե, միապաղաղ քար են, առանց մեծ խորդ ու փոսերի: Երկինք չէր երեսն, բայց լուսը թափանցում էր պատերից մեկի ետեղից, երկի մի ինչ-որ խոռոշով: Աղոտ լույս, որ, սակայն,

բավական շատ էր այսպիսի մի սենյակի համար և որ պարզ ցույց էր տալիս մեզ նրա մեջ եղած դրությունը:

Գյուղական մի ամբողջ տուն: Պատերի տակ, մերկ հատակի վրա, երկում էին ամաններ, իրեղեններ, պղնձե կուժ, շորեր: Մուտքի մոտ, անկյունում, դեռ փոված էր մի անկողին: Հանկարծ, անսպասելի կերպով, այդ անկողնի միջից մի երեխա բարձրացավ նստեց և իսկույն սաստիկ լաց սկսեց: Անծանօթ մարդկանց մեծ խոմքը, որ այդպիս անքաղաքավարի, անկոչ խուժել էր այդ, համենայն դեպս մեկի սեփականություն կազմող տունը, վախեցրել էր խեղճ երեխային, և նա հուսահատ ճղավում էր, շտեսնելով մոտը իր ծնողներից և մերձավորներից ոչ մեկին: Մենք սկսեցինք հանգստացնել նրան, համոզել որ շվախենա, որովհետև մենք վատ մարդիկ չենք: Փաղաքշական խոսքերը ոչինչ ազդեցություն չարին, ընդհակառակն, կարծես ավելի բորբոքեցին երեխայի հուսահատությունը: Ոչինչ շկարսղացան անել և մեզ հետ եղած տիկինները: Անախորժ դրությունից մեզ դուրս բերեց Ալեքսանդր Քալանթարը, տալով երեխային մի հատ կոնֆետ: Դա ուղղակի հրաշագործ միջոց է: Շաքարը հաղթեց իր քաղցրությամբ, և լացը իսկույն կտրվեց...

Բայց այդ լացը, գոնե ինձ համար, բոլորովին ավելորդ չեր Թվում էր, թե նա լրացնում է բնակության տեսարանի կենդանությունը, քանի որ, բացի երեխայից, ոչ ոք շկար տան մեջ: Այս կամ սրա պես՝ մի բան էր հաստատված այստեղ այն ժամանակ, երբ այս այրերը ժամանակավոր օթեվանի պաշտոն չէին կատարում նկվոր գյուղացիների համար, այլ իրանց մշտական տերերն ունեին: Դարերի ամայությունը սրբել տարել է այդ տերերի կյանքի բոլոր հետքերը, թողնելով միայն այդ քարե սենյակները, որոնց մեջ հեռավոր, գուցե բոլորովին խորթ սերունդները, անգիտակ իրանց նախնիքների գյությանն անգամ, բնակվում են մի քանի շարաթներով, կարծես այն մտքով, որ ավերակների այցելուներին ցույց տան, թե ինչպես էին ապրում այն հեռավոր ժամանակի մարդիկ:

Բայց ինձ թվում է, թե այսօրվա դյուղացիները բոլո-




բովին հարազատ կերպով շեն պատկերացնում հին կյանքը։
Ապացույցը այն է, որ այսօրվա բնակիչները շեն կարող այն
անել, ինչ անում էին հին մարդիկ այս ձորերում՝ իրանց
ապրուստը կարգադրելու համար։

Քարայրերի Անին, ասում են, աղքատ ազգաբնակության
էր պատկանում։ Հայտնի շափով ճշմարտություն, ի՞նարկե,
կա այս ենթադրության մեջ։ Բայց բացարձակապես ասել,
թե միայն անճար մերկությունն էր այստեղ ապաստան
գտնում՝ անկարելի է։ Մեր տեսած սենյակը այնքան լավ է
պահվել, որ կարելի է անսխալ ասել, թե այժմյան մեր ունե-
վոր գյուղացին անգամ գրանից լավ բնակարան չունի իք
ապրուստի համար։ Բացի դրանից, պատահում են այնպիսի
այրեր, որոնց առջև դուք ակամա կանգ եք առնում։ Առանց
մեծ ծախսերի չէր կարելի փորել այդպիսի գեղեցիկ, նույ-
նիսկ զարդարուն սենյակներ։ Եվ կարելի՝ է ասել, թե այդ-
տեղ վայել չէր համարի բնակվելու ունեցին, ոչ միայն
արհեստավորը, այլև վաճառականը։ — Ա՛լ, չէ կարելի։

Կան և այնպիսի այրեր, որոնք, ճիշտ որ՝ աղքատության
որչեր կարող էին լինել։ Մեր տեսած սենյակից մի քանի քայլ
հեռու, պարիսպների լանջի ստորոտում, մենք մտանք մի
ուրիշ այր։ Այստեղ արդեն ոչ օդ կա, ոչ լուս։ Ցածրիկ, նեղ
մի խոռոշ, որ զնում է խոր, ունի մութ անցքեր, բազկացած
է երկու թե երեք սարսափելի փոքրիկ սենյակներից, որոն-
ցից մեկում մնացել են ձիթահանքի հետքեր։ Այստեղու-
ուրիշն, տնտեսական հիմնարկությունը խառնված էր մարդ-
կանց բնակարանի հետ։ Այս այրում էլ մենք տեսանք գյու-
ղացիների իրերն ու շորերը։ Հին ձիթահանքը այժմ պանրա-
գործարան էր դառել։

Չորր հետզհետե մեզ դեպի ցած է տանում, նրա ձախ
լանջերը ավելի և ավելի բարձր, քարքարոտ են դառնում։
Անիի պարիսպները արդեն երկնքումն են և նրանց զարհուրե-
լի պատովածքների, մեծ ու փոքր ճեղքերի միջով անամա-
կապուտակությունն է մեզ նայում։ Չորր ավելի մեծացավ,
խորացավ ու լայնացավ։ Այստեղից նա արդեն փոխում է իր



անունը: Այստեղից նա Մաղկոցաձոր է կամ, ավելի կարճ ու պարզ, Մաղկաձոր:

Անունն արդեն ենթադրել է տալիս բանաստեղծական մի գեղեցիկ անկյուն՝ մեծ մայրաքաղաքի աշքի առաջ. նա ասում է, որ Անիի ծաղկանոցն էր այս ձորը: Բայց ի՞նչ է պատասխանում բնությունը այդ գեղեցիկ անվան: Նա մեծագործ է այս ձորի մեջ, նա տեսարաններ տալիս է, բայց բուսական ու միայն փարթամություն, այլև փոքրիշատե վայելուշ հարստություն շունի: Էնդակառակն, աղքատ ու ակլոր է նա, լերկ ժայռերով, և նրա հսկայական լանջերը, խոր ու լայն հատակը նույնիսկ կանաչ գույն էլ շունեն, խոտերով շեն ծածկված, այլ անփոփոխ շարունակում են պահպանել նույն սպիտակ-կավճային գույնը, նույն լվացված, լերկ-աղքատիկ տեսքը:

Այստեղ, ձորի հատակում, ձեր աշքին ներկայանում է այսպիսի տեսարան: Չորի ձախ, արևելյան կողը Անիի արևմտյան պարիսպների շարունակությունն է: Նա ձգվում է բարձր ու բարձր, պատի պես կտրված, միապաղադ: Այդ բնական վիթխարի պատը, կաղմված մոխրագույն տուֆի ժայռերից, ավելորդ է դարձրել մայրաքաղաքի արվեստական պաշտպանությունը այս կողմից. և նրա վրա այլևս պարիսպ շեն շինել: Ի՞նչ հարկավոր էր նա. բնության դրած պատը ոչ միայն անհասանելի բարձր ու անառիկ է, այլև շատ քիչ խոռոչներ ունի իր վերեկի մասերում և կարծես թե սվաղով ծածկված է: Բայց բարը փիրուն ու կակուղ տեսք ունի: Թվում է, թե այս ժայռերը կարելի է փորփորել նույնպիսի հեշտությամբ, ինչպես հոգե մի պատ: Այդ միտքն են տալիս ժայռերի ստորոտից քիչ բարձրում գտնվող այրերը:

Նույնպես սպիտակ, նույնպես լերկ է և ձորի հատակը: Այստեղ բնության միակ զարդը փոքրիկ վտակն է, որ իր պարզ ու մաքուր ջրերը տանում է նեղ, բարքարոտ հունով, բայց առանց աղմուկի, առանց նույնիսկ ձայնի: Դա Ալաշայի չուրն է:

Ի՞նչ ժլատն է Ալաշայի մեծ շղթան: Մի բուռը չուր է նա ուղարկում դեպի այս կողմերը: Բայց և որքա՞ն ուշադիր

է բնությունը Անիի մոտ դեպի սարերի այդ համեստ ուժաւու տուրքը: Մի ահագին, անդնդախոր ձոր է նա հատկացրել այս ջրին, մի ձոր, որից Սխուրյանն էլ չէր քաշվի, իբրև իր մեծության ու հպարտության անարժան մի ծոցից:

Մաղկոցը հենց այդ ջուրն է: Իր ճանապարհի վրա նա ինքը կանաչներ ու ծաղիկներ չեն փոռում, բայց ահա գյուղացիները նրա ափերին բանջարանոցներ են տնկել, մշակել են կաղամբ, վարունգ և այլ կանաչեղենն: Առաջ էլ այսպես էր. ծաղկոցները հենց այդ բանջարանոցներն էին, այդ պարտեզները: Առաջ էլ այսպես էր, բայց, իհարկե, ոչ այս շափերով: Հողի և ջրի այդ արգասավորությունն ավելի լայն ու մեծ շափերով շահագործել են անեցիները: Նրանք այժմյան գյուղացիների պես չեն. նրանք խիզախ, հանդուզն ձեռնարկություններ սիրում էին և իրագործում: Եվ նրանց ձեռքի տակ իսկական, գեղեցիկ ծաղկոց-պարտեզ պիտի դարձած լինի այս ձորը:

Սարսափելի ավերումները, որոնք այնքան հուսահատական են այս կողմերում, այնքան բարձրագործ դեպի երկինք են աղաղակում բառի բուն մտքով յուրաքանչյուր բայցի վրա, այն աստիճան սաստիկ են ճնշում երևակայությունն, որ այցելուին թվում է թե բնությունն էլ ավերված է մարդու ձեռքով: Բագրատունյաց մայրաքաղաքի մեջ գեղարվեստական ճոխություններով շրջապատված մարդը ենթարկվում է այն ուժեղ լոգիկայի աղղեցության, թե ճաշակի, կուտուրական զարդացման այս աստիճանին տիրացած մի ժողովուրդ չէր կարող ընտրել իր համար մի մեռած կամ աղքատ բնություն, իսկ թե ընտրել էլ, անպատճառ կհարստացներ, կկենդանացներ այդ բնությունը իր հանճարի ուժով: Եվ ակամա ասում եք ձեզ, որ բնությունը միայն մսի և արյան կյանքն ու նրա գործերը չեն հավիտենական ոչնչացման և ապականության մատնել, այլև քերել է հողի երեսը, սպանել է երկրի ստեղծագործական ուժերն էլ:

Իհարկե, կա ճշմարտության մի խոշոր բաժին այս ենթադրության մեջ: Իհարկե, սպանել ժիր ու ընդունակ մարդուն և նրա տեղը թողնել դատարկություն միայն՝ նշանակում

է սպանել նրա ձեռքի տակ եղած հողը, Բայց և այնպես, հազիվ կարելի լինի պնդել, թե Անիի շրջակաները պատմական աղետներից առաջ առանձին ճոխ ու փարթամ արդասավորությամբ հոչակված էին, երկնքից ընտրված մի անկյուն էին: Ո՞ւ Երկրի բնությունը այսօր էլ ձեզ ասում է, որ ինքը միանման է ամեն տեղ և Ծիրակը եթե ստացել է երկնքից հարստություն, դա միանման է ամեն տեղ, և նա չէ ունեցել, ինչպես շունի այժմ էլ, այն տեսակ անկյուններ, որոնք հրաշալի լինեին մշտական տեղի հետ համեմատելով:

Ուշագրություն դարձրեք այն ընծայաբերությունների վրա, որոնք հիշատակված են Անիի և ուրիշ տեղերի բազմաթիվ արձանագրությունների մեջ: Դրանց մեջ խոսում է ինքը բնությունը: Մարդը կարող է նվիրել եկեղեցիներին և վանքերին այն, ինչ տալիս էր հայտնի տեղի բնությունը: Եվ առա մենք տեսնում ենք, որ Անիի և նրա մոտիկ շրջակաների սահմանում եղած նվերները բաղկացած են տներից՝ կրպակներից, ձիթահանքերից, ջրաղացներից, մարգերից: Այդինք չեն հիշվում այդ տեղերում: Նվիրվում էին, իհարկե, և այդինք, բայց նրանք գտնվում էին հեռու այս տեղերից — Օշական, Փարպի, Աշտարակ, Մրեն, Քագավան և այլ տեղերում: Ուրեմն մայրաքաղաքի կենդանության և փարթամության ժամանակ էլ Ծիրակի այս կտորը Ծիրակ էր, անփայտ, ծառազուրկ: Այնպես որ Անիի շրջակաների միակ բուսական զարդը, բացի, իհարկե, կանաչ լեռնադաշտի տեսարաններից, Մաղկոցաձորն էր իր բուրաստաններով: Հասկանալի է, թե որքան սիրված պիտի լիներ այս ձորամեջը: Եթե մեզ պատմում են փարթամ, հարուստ, շուազ մի կյանքի մասին, որ երկար ժամանակ եռում էր այս քաղաքի պարիսպների ներսում, մենք չենք կարող երևակայել մի ժողովուրդ, որ նստած լիներ բարի ու ավագի վրա, որ հասկացած լիներ բնության բարիքների — ծաղիկների, օգտակար բույսերի ամբողջ գրավչությունը:

Այդ մեծ հաճույքը, միացած օգտակարության հետ, Անին որոնում էր Մաղկոցաձորում: Եվ այդ ձորը, այո՛, այս ժրմյանից անհամեմատ ավելի գեղեցիկ էր, ավելի մշակված:

Բայց ծաղկավետ պարտեզներից ավել մի բան չէր ներկաւացնում:

Մաղկոցաձորի մի կողը նկարագրեցի ես, այն որ դարձրած է դեպի քաղաքը: Մյուս կողը, աջը, որ Ալաջայի շղթայի կողմն է, այնպես սեպացած չէ, պատի պես կտրված ու անմատչելի: Պահպանելով մի զարիվայր ու բարձր ձորակողի հատկությունները, նա շատ տեղերում դյուրամատչելի է, և այդ տեղերից էլ ձորին են նայում բարայրերի խմբերը:

¶

Առավոտյան անդորրությունն էր տիրում պարտեզների ձորում: Ո՞ւ մի ճայն. ոչ թուզուն կա, որ իր երգով փառաբանե բնության այս սրանշելի ժամերը, ո՞ւ Ալաջայի ջուրն է ճայնծպուտ հանում, ո՞ւ բնակչություն կա, որ կյանքի վլվլուկ մտցներ երկու բարձր, մոխրագույն կողերի մեջ ամփոփված այս նեղ տարածությունը: Քնած է ամեն ինչ, հավիտենական բնով է քնած: Հավիտենական քուն — դա ինքը մահն է, այս կողմերի միակ իրական, անողորմ տերը...

Մեր խմբի խոսակցություններն են միայն, որ ժամանակավորապես, մի բանի բռպեսվ, աղմկում են մահվան խոր քունը: Անիի ժայռոտ կողը, այդ միապաղաղ վիթխարի պատր, արձագանքներ է տալիս մեր ձայներին: Արձագանքը փոխվում է միապաղաղ խուլ թնդյունի, երբ մեր խումբը ամբողջովին բարձր ձայնով սկսում է երգել: Զորը կենդանում է:

Բայց պատահական ալցելուների խմբերը, որքան էլ բազմաթիվ ու ստվար լինեն, չեն կարող փոփոխել մահվան հովտի զարավոր հակատագիրը: Ահա վերջացավ մեր երգը, վերջացավ և Մաղկոցաձորի ժայռոտ պատր: Մի ոլոր-մոլոր հանապարհ ձորի հատակից գնում է գեպի բարձր: Մենք բռնում ենք այդ ճանապարհը: Եվ դարձյալ այն ամենը, ինչ կա այստեղ — ձոր, ջուր, ժայռեր, բարայրեր, բանջարա-

նոցներ, ոդ ու երկինք ընկղմված է նույն լուսիցան, մեռելության ժողի մեջ, Ոչինչ չետք չէ մնում մի խումբ մարդկանց ձայներից, աղաղակներից, Ոչինչ բան քնից շգարիթնեց և կախարդված աշխարհի մեջ ու շարժում առաջ եկալ, ու որևէ զգացմանք...

Միմյանց ետեից շարան ընկած բարձրանում ենք Սաղկոցածորից զնպի վեր, դարձալ դեպի մեռած քաղաքը, դեպի այն վիթխարի կախարդանքը, որ կոշվում է Անի: Բայց նախքան արեգակի տակ դժուվող Անին մտնելը, կանգ առնենք այս լանջի վրա, կանգ առնենք այն առեղծվածի առջև, որ կոշվում է Ստորերկրյա Անի:

Ասում են թե եղել է այդպիսի Անի. Հողի տակ ծածկված, օրվա լուսից ու շերմությունից զրկված մի Անի, որի մուտքերից մեկի մոտ այժմ մենք կանգնած ենք:

Ս. Լուսավորիչ եկեղեցու մոտ, Անիի հարավ-արևելյան անկյունում, ես ձեզ ցույց տվի այն ստորերկրյա անցքը, որ կոշվում է «Գեղան-գյալմազ»: Նրա մասին, ինչպես գիտեք, ասում են, թե մի կողմից գնում է դեպի Ախուրյան գետը, իսկ մյուս կողմից անցնում է քաղաքի տակը:

Այստեղ էլ, Սաղկոցածորի այս լանջի վրա, ժայռերի մեջ ցույց են տալիս մի փոքրիկ ծակ և ասում են, որ դա էլ ստորերկրյա մի մուտք է, որ տանում է քաղաքի տակը: Այսպիս որ դուքս է գալիս, թե Անիի տակը փորված է և մի քաղաք էլ այնտեղ է եղել,— իսկական քաղաք, մարդկանց բնակության հատկացրած: Իրրև ենթադրություն՝ այսպիսի միտք Անին այցելողներից շատերն են հայտնել: Բայց այդ այցելուներից մեկը, Գեղամյանց, հավատացնում է մեզ, թե դա ենթադրություն չէ, այլ հաստատ իրողություն: Եվ հավատացնում է իրք իր աշքով տեսած մարդ: Նա Սաղկոցածորի այս ծակով մտել է Ստորերկրյա Անին և տալիս է նրա նկարագրությունը: Ես չեմ ճանաչում մի այլ ճանապարհորդ, որ նույնպիս մտած ու նկարագրած լինի: Եվ ոռովհետև ինքս էլ չեմ տեսել, ուստի այդ շատ հետաքրքրական հանգամանքը կծանոթացնեմ ընթերցողիս Գեղամյանցի պատմվածքով:

Նախ և առաջ Ստորերկրյա Անին տանող մուտքը:

«Այդ մուտքը,— ասում է այցելուն,— գտնվում է Միջնաբերդի հյուսիս-արևմտյան կողմը՝ դեպի Սաղկոցածոր տանող արտաքին պարսպի քայլայված դռան ձախ կողմը, ճիշտ վեց քայլ հեռու դեպի հարավ: Միմյանց վրա բնությունից շարված մեծամեծ ժայռերի մի երկայն կարգ պարբռածեած պատել է այդ տեղը: Ժայռերի մեջ երևում է մի նեղ ծակ, ուր օձաձեւ սողալով ամենից առաջ մտավ իմ ուղեցույցս և սկսեց իմ գլխիցս քաշ տալ, Քյուրբյանի վանեցի ծառաներն էլ ոտքերիցս ինձ ներս էին քաշում և իրանք էլ ետեկցս ներս մտնում: Չորս սաժեն տեղ այդպիս գետնաքարշ սողալով առաջ գնալով, վերջապես մեր առաջին բացվեցավ Ստորերկրյա Անին»:

Մի այսպիսի դաժան, օձային ճանապարհը չէր կարող մուտք լինել մի ստորերկրյա քաղաքի համար, եթե ենթադրենք այնտեղ մշտապիս ապրող մի ժողովուրդ, որ պիտի հաղորդակցություն ունենար դրսի աշխարհի հետ: Բայց ահա դեռ ուրիշ ինչ սարսափելի պայմաններ ունի այդ ստորերկրյա քաղաքը.

«Ներսից փշող բարակ սառն քամին, անտանելի մթությունը, հեղձուցիչ օդը իմ տաղնապը և մրսելու երկյուղը (սերթուկս հանած էի) ավելի շատացրին և ես ուրախությամբ ետ կդառնայի, եթե կարողանայի ընկերներիս ներս մտած օձային ճանապարհից դուրս գնալ մենակ, առանց օդնության ընկերներին, որոնք այդ միջոցին ճրագներ վառած սկսել էին արդեն շրջել այս և այն կողմ: Ես ստիպեցա հետեւել նոցա:

«Ստորերկրյա Անին այնքան խորը փորված է, որ նրա մեջ ազատ կերպով կարող են շրջել հայուրավոր մարդիկ: Մի քանի տեղ միայն մարդ հարկադրվում է գլուխը կռացնել: Պատերը և առաստաղը կազմում է պինդ, կարելի է ասել քարացած կիր, տեղ-տեղ էլ պատերում հանդիպում էի մեծ և փոքր ժայռերի, երբեմն նաև քարածուխի: Իմ մտած ճանապարհը նախ գնում է դեպի հյուսիս, հետո դեպի արևմուտք, արևելք, հարավ, անդադար պտույտներ անելով յու-

բարանըուր 5—6 սաժենի վրա: Մեջտեղում միշտ փողոց-
ներ, որոնց մեջ երեք հոգի հազիվ կարող են մեկմեկու կող-
քին գնալ: Փողոցների երկու կողմը կես, մեկ և մինչև մեկու-
կես արշին բարձրությամբ փոքր թարերից շինված արվես-
տական պատեր, որոնց այն կողմը և տներ ու դուքաններ*
քառակուսի և կլորակ ձևերով:

«Տների և դուքանների մեջ փոքրիկ բաժանմունքներ»
պահարաններ և դռների տեղեր: Հույս ոչ մի տեղից չէ թա-
փանցում, ո՞րտեղից էր փշում ցուրտ քամին, չեմ կարող
ասել: Տեղ տեղ վերսից մի թթվաշ ջուր էր կաթկթում: Կես
ժամից ավելի ման գալով և մրսելուց երկյուղ կրելով (չեր-
մաշափը իջավ մինչև 8°, երբ գուրսը 32° էր), ես դուրս ելաւ
Ուղեցոյցս ինձ պատմեց, որ 1876-ին նա մի քանի տաճիկ
զորավարների հետ 4 ժամ ման էր եկել Ստորերկրյա Անիում
և նրա ժայրն ու ճոխը չէ գտել: Նրա ասությամբ մեր ման
եկած փողոցներով կարելի է գնալ մինչև Միջնարերդի տա-
կը և հասնել մինչև պարիսպները, ուրեմն ամբողջ քաղաքի
տակը դատարկ է և ամեն մի քայլափոխում, ասում էր ուղե-
ցուցու, կհանդիպեք մեծ և փոքր բնակարանների և դուքան-
ների: Թայց, ավելացնում էր նա, տեղ տեղ էլ կհանդիպեք
պատերի, որոնցից անցնելը անկարելի է և որոնց մյուս
կողմը եղած մասերում ման գալու համար կան դրսից
մուտքեր, ուրիշ տեղերից, արդեն խանգարված:

«— Պատահել եք խաչերի կամ մատունների այդ տե-
ղերում,— հարցրի ևս ուղեկցիս:

«— Ո՛չ, պատասխանեց նա,— միանգամայն հավատաց-
նելով, որ Ստորերկրյա Անին միայն կենդանի մարդկանց
բնակարան և զլխավորապես վաճառատեղի է եղած»¹:

Այս նկարագրությունից մենք իմանում ենք, որ Անիի
տակ կան ստորերկրյա անցքեր: Թայց դրանք ճիշտ որ այն
գերն են կատարել, որ այնպիսի վստահությամբ վերագրում
է նրանց Գեղամյանցը: Այս հարցը փոքրինչ պարզա-
բանելու համար ես կրերեմ մի ուրիշ նկարագրություն էլ:

Վերեւում ես մի երկու անգամ հիշել եմ կաղակների

օֆիցեր Ռժեվուսկուն, որ ուսութուրբական վերջին պատերազ-
մի ժամանակ երկար մնացել է Անիի մոտ և նկարագրում՝
է այն պատերազմական գործողությունները, որոնք տեղի-
ունեցան այդ կողմերում: Նույն այդ օֆիցերը խոսում է և
Անիի ստորերկրյա անցքերի մասին: Փորվածքները այնքան-
բազմաթիվ են ավերակ մայրաքաղաքի տակ ու շուրջը, որ
հաստատապես չէ կարելի ասել, թե որ կողմի քարայրերն ու
անցքերն է նկարագրում ուսւաղինորականը: Կարելի է
միայն հաստատ ասել, որ Անիի արևմտյան կողմերի մասին
է խոսքը, բանի որ այդ կողմերում կարող էր գտնվել ուռ-
սաց զորաբաժինը, որ իր առջև ուներ Ալաջայի թիկունքների
և ստորոտների թուրքաց բանակը:

«Հետեւյալ օրերը,— ասում է Ռժեվուսկին,— մեզ հա-
մար հանգիստ անցան: Մեզ տանջում էին միայն սարսափելի
շոգերը, ճանճերը և զանազան սողունները, ինչպես են
կարիճներ, ֆալանգաներ և թունավոր սարդեր: Շոգերից
մենք փրկություն գտնում էինք այն գետնափորերում, որոնք
շինված են համարյա ամբողջ Անիի տակ: Գնդի հրամանա-
տարը տոթից հանգստանալու տեղ ընտրեց մի ամբողջ
ստորերկրյա գահին, որ բոլորովին կանոնավոր քաղան-
կյունի ձև ուներ և որին կազմ էր մի փոքրիկ եկեղեցի: Ինչ
պաշտոն էին կատարում այս ստորերկրյա բնակարանները—
շգիտեմ: Սենյակների ամբողջ շարքեր փոքրելը կամ ավելի
ճիշտ ասած՝ քարերի մեջ կարելը,— շարքեր, որոնք մի քանի
վերստ տարածություն ունեն,— մի այնպիսի ժամանակ, երբ
վառողը դեռ հայտնի չէր, պահանջում էր ահազին աշխա-
տանք, իսկ զանազան զարդարանքները՝ մեծ հմտություն:
Չեմ կարող մոռանալ այն ճաշը, որ տվեց մեզ գնդի հրա-
մանատարը այդ գետնափորի մեջ. երկար ժամանակ իմ
հիշողությունից չի անհետանա իր կարգ ու սարքով առանձ-
նատեսակ այդ ընկերական քեֆը բարձր դահլիճի կիսամթու-
թյան մեջ. կաղակները երգում էին, վայրենի լեղզինկա էին
պարում. Կախեթի գինին անպետք էր»:

Այս բոլորը զեռ կարող է տեղի ունեցած լինել Սաղկո-
ցածորի քարայրերից մեկում, ուր կարելի է դահլիճ էլ գտնել,
խնջույքներ էլ սարքել: Թայց ահա ինչն է զարմանալին:

1 «Փորձ ամսագիր», 1880, № 8—9, էր. 96—97:

«Հաղիկ թե մեկը, — շարունակում է ոռոս օֆիցերը, — երբեքիցն հետազոտած լինի այն ստորերկրյա քաղաքը, որի մեջ մոլորդի ճանապարհ կորցնել շատ հեշտ է, բայց որի լիակատար հետազոտությունը գուցե հետաքրքրական հնագիտական գյուղեր տաւ թե որքան մեծ են և իրանց ճյուղաբարձրություններով մոլորեցնող են այս ստորերկրյա անցքերը, երևում է հետեւյալ դեպքից: Խորանժիյ՝ Բորիսովը, որ Անդի կողմերը հետախուզությունների էր ուղարկված դեռ այն ժամանակ, երբ մեր զորաբաժինը կանգնած էր Արփաշայի մեր ափին, նկատում է մի ձիավոր շերքեղի և իր կազակներով հետամուտ է լինում նրան: Արդեն համարյա հասել էին կազակները, երբ հանկարծ շերքեղը ձին քշեց մի փոքրիկ ձոր և անհայտացավ: Չորրո այնքան փոքր էր, որ եթե շերքեղը դուրս գար այնտեղից, նրան անպատճառ կտեսնեին. և սակայն ոչ նա, ոչ նրա սպիտակ ձին շէին երևում: Բորիսովի աշքին ընկավ առջեռում բացված սև ծակը և որքան էլ վտանգավոր էր անծանոթ ստորերկրյա աշխարհ մանելը, բայց թշնամի ձիավորին գերելը անխուսափելի էր թվում, ուստի և կազակները երկար շմտածեցին ու ձիաները քշեցին մութ գետնափորի մեջ: Սակավ առ սակավ աշքը սկսեց սովորել շրջապատող մթության. առջեկց պարզ լսվում էր հեռացող ձիու գոփյունը, որքան էլ վտանգ շատ լիներ այդտեղ, կազակները շարունակում էին իրանց հալածանքը, և յուրաքանչյուր րոպե նրանց ձիաները զարնվում էին սմբակների տակ ընկնող քարերին: Առցւից զնացող ձիու սմբակների ձայնը ավելի և ավելի մոտ էր լսվում: Հանկարծ այնպես թվաց, թե վազող ձին կանգ առավ: Պետք է որ այլևս փախչելու ճանապարհ լինի, — այսպես մտածեցին կազակները, հանելով իրանց սրերը, որպեսզի նրանց գործի զնեն, եթե այդքան անհանգստություն պատճառած շերքեղը կամենար պաշտպանվել: Մի ինչ-որ բան սպիտակին տվեց, ավելի և ավելի պարզ նկատվեց այդքան եռանդով հալածված ձիու կերպարներ. նա այժմ կանգնած էր, բայց, ավա՞ղ, առանց ձիավորի: Երկար ժամանակ կազակները դեսուդեն պրպտելով,

սրոնում էին ձիու տիրոջը, լուցկիներ էին վառում, խուզարկում էին բոլոր անկյունները: Բայց տեսնելով, որ զետնափորները անվեց են և համոզվելով, որ զուր են ման գալիս, ետ դարձան, աշխատելով գտնել ելքի ճանապարհը: Սուկալի բոպեններ անցկացրին նրանք, երբ համոզվեցին, որ կորցրել են ճանապարհը: Նրանց մտքով անցնում էր, թե կարելի է ողջ-ողջ թաղվել այս անելանելի նրբանցքների և զահլիճների մեջ, և այս միտքը սացնում էր նրանց սրտերը, սարասափի էր լցնում նրանց մեջ: Երկար թափառում էին նրանք, ամեն րոպե հետ ու հետ էին գնում, փոխում էին ուղղությունը և բոլորովին հոգնած, ուժպսպառ դարձած՝ նկատեցին, վերջապես, լույսի այն ճառագայթը, որ թափանցում էր նրանց շրջապատող մութ տարածության մեջ: Բանից գուրս եկավ, որ ելքի տեղը գտնվում է այնտեղի հակառակ կողմում, որով ներս էին մտել: Եվ ելքը ավելի նեղ էր, բացի դրանից, ճանապարհը փակել էին թափված քարերը: Հարկավոր եղավ ձեռքերով մաքրել ելքի տեղը, որպեսզի ձիաները կարողանային դուրս գալ: Եվ կազակների ձեռքը այդքան աշխատանքի և անախորժ զգացմունքի գնով ընկած պատերազմական ավարն էր մի անպիտան, մոխրագույն, ծեր, շափազանց նիհար ձի և մի զղվելի թամբ»¹:

Անկասկած, այս պատերազմական արկածը տեղի ունենալ կարող էր միայն Անիի տակ եղած գետնափորների մեջ: Չորս կողմում մի ուրիշ տեղ չկա, ուր ստորերկրյա այդքան երկար ու ընդարձակ անցքեր որոնենք, անցքեր, որոնք թույլ տային խմբական ձիարշավներ սարքել: Մայոր Ռժեվուսկին շէ տեսել այդ ստորերկրյա փողոցները, նրբանցքները, դահլիճները. նա միայն լսել է Բորիսովի պատմվածքները, և մենք տեսնում ենք, որ դրանք համաձայնվում են Գեղամյանցի նկարագրության հետ ընդհանուր կետերում: Թույլ տանք, որ թե՛ Բորիսովը և թե՛ Գեղամյանցը շատ բան տեսած ու հասկացած են համարել իրանց երևակայության միջցոցով, որ, ինչպես հայտնի է, այդպիսի մութ ու ահավոր տեղերում գործում է անհամեմատ մեծ եռանդով, ստեղծում

¹ Առաջին օֆիցերական աստիճանը կազակների մեջ:

է իրականության անհամապատասխան պատկերներ և առուներ, թող այդպիս լինի, Բայց և այդպես, մնում է այն փաստը, որ Անիի տակ ինչ-որ երկար, ճյուղավորվող անցքեր կան, ինչ-որ խորհրդավոր բավիղներ:

Ամբողջ հարցն այն է, թե ինչ են եղել դրանք: Ասում են մարդկային բնակության տեղեր: Հավատա՞նք: Մարդը թե՝ հնում,— շմոռանանք այս,— թե՝ այժմ մի արարած է, որ չէ կարող ապրել առանց օդի, լույսի և արևի: Ստորերկրյա Անին չեր կարող տալ իր բնակիչներին այդ ամենագլխավոր տարրերը, առանց որոնց կյանք չկա: Նույնիսկ եթե ենթադրելու էլ լինենք, թե զերսից, բաղարի միջից մեծ մեծ ծակեր էին բացված՝ լույս ու շերմություն համար ստորերկրյա աշխարհին, դարձյալ ոչինչ հավանականություն ստեղծած չէինք լինի այն բանի համար, թե մարդիկ էին ապրում հողի տակ: Այդ ապրումը անհնարին կլիներ այնքան լայն ու մեծ ստորերկրյա տարածության վրա:

Եթեքապես մի առանձին ստիպողական հարկ էլ չկար, որ Անին իր-ազգաբնակության ավելորդ մասը թաղեր գետնի տակ: Նա իր շրջականերում ունի բնդարձակ և լայն տեղեր ուր կարող էին հարյուր հազարավոր մարդիկ բնակվել: Եվ մենք, դատելով լրջությամբ, վերջիվերջո կդանք այն եզրակացության, որ ստորերկրյա անցքերը, փորվածքները ուրիշ նշանակություն են ունեցել, ուրիշ դեր են կատարել: Գուցե նրանք պատերազմական գիտության մշակած գաղտնարաններ, մթերանոցներ, նույնիսկ ժամանակավոր ապաստանատեղեր են եղել: Եվ եթե մենք աշքի առաջ բռնենք, թե այս կողմերի քարի կակուդ հատկությունը որքա՞ն զարմանալի դյուռություն և հաջողականություն է հաղորդել անեցիների ճարատարապետական տաղանդին, որքան խիզախ ձեռնարկողներ է դարձրել նրանց՝ շինելու և փորելու գործի մեջ, հասկանալի կլինի, որ մայրաքաղաքի պաշտպանողական նպատակների համար այդպիսի վիթխարի ձեռնարկությունն էլ, ինչպես ստորերկրյա անցքերի ցանցն է, միանգամայն կարելի և հնարավոր էր: Կարծում եմ, որ ուստ օֆիցերի պատմած դեպքը, երբ մի շերքեղ, նեղն ընկած ժամանակ, աղատվում է մի խումբ կազակների ձեռքից, ապավինելով գետնափորներին:

պիտի մի ազուր առաջնորդ դառնա մեզ համար՝ «Ստորերկրյա Անիի» նշանակությունը հասկանալու համար...

Այստեղ էլ ես կրկնում եմ, ինչպես դեռ էլ առիթ պիտի ունենամ կրկնելու այն, ինչ ասել եմ Անիի պատերազմական նշանակության մասին: Երբ այցելուն ամփոփվում է այդ նշանակությունը ըմբռնելու մտքի մեջ, նա չէ կարող չհիանալ, տեսնելով, թե որքան խնամք ու ուշադրություն, որքան ճարտարություն, կանխատեսություն է թափված՝ այս բերդին ամեն կողմից պաշտպանողական հզոր միջոցներ հայթայթելու համար: Ավերակների երկար տարածության վրա, կրկնում եմ, միայն քրիստոնյացի աստծո խորտակված պաշտամունքը չէ ողբում, նրանից ավելի խոսում է այս լուս վայրերում ջարդված, կոտրատված հուծելու ուազմական-պաշտպանողական հանճարը: Գուք տեսնում եք, որ մի սուրաչք տեսել է ամեն ինչ, որոշել է այն տեղերը, ուր մայրաքաղաքը կարող էր հարվածներ ընդունել, և դրել է այդ տեղերում հակահարվածների ամուր պատվանդաններ:

Ստորերկրյա մութ, խորհրդավոր, սարսափ ազդող փորգածքներն էլ հարկավոր են եղել Անին այնքան սիրուն կերպով պաշտպանության դիրքի մեջ զնող հանճարին... Գոնե ինձ համար ամենահավանական ենթադրությունն այս է: Իհարկե, ոչ ես, ոչ էլ մի ուրիշը չենք կարող ամենամիշտ հավանականությանը մոտեցած լինել, քանի որ ձեռքի տակ ունենք երկու ականատեսների նկարագրությունները:

Դրանք շատ անբավարար են: Մի ստորերկրյա աշխարհ ճանաշելու համար բավական չեն երկու պատահական այցելուները, որոնք ահ ու երկյուղով բռնված մի կարճ ժամանակ եղել են փորվածքների մեջ: Պետք է հանգիստ, մանրամասն ուսումնասիրություն, պետք է ոչ թե լուցկիների լույս, այլ գիտության և լուսաբանության պայծառ ջահեր մտցնել այս տեղերը:

Դա դեռ ապագայի գործ է: Անին կարգին չէ ուսումնասիրված, չէ լուսաբանված իր ավերակային կյանքի բոլոր, բոլոր դիրերից:

Պետք է հուսալ, որ կգա այդ օրն էլ: Եվ այն ժամանակ

այն բոլոր մութ հարցերի հետ, որ պահում է իր կրծքի տակ Անին, կարգվի և ստորերկրյա քաղաքի էռությունը...

Փ

Նոր ենք դուրս եկել Սաղկոցի ձորից, նոր ենք ոտք դրել Անիի մակերեւութի վրա: Բայց հեռանալ ձորի պառնզից դեռ չենք կարողանում: Բարձր ժայռերի գլխից մենք դեռ մի քանի բոպի էլ դիտում ենք արևմտյան շրջականիրի տեսարանը: Մեր ձախ կողմին բարձրացած Միջնարերդը նույնական նայում է այն ձորին, որի մեջ էինք մենք մի կես ժամ առաջ. դա մի դարավոր անշարժ հայացք է, և կարծում ես, թե նա միշտ դյութված է այն ամենի վայրենի գեղեցկությունից, որ ներկայացնում է Սաղկոցածորը այստեղ, նրա ոտների առաջ:

Բայց մեր ուշադրությունը գրավողը այնքան այդ մեծ ամայի, մոխրագույն ձորը չէ, որքան այն շինությունը, որ ուղիղ մեզ է նայում ձորի հանդիպակաց կողի ժայռոտ զարդվայրերից:

Շինություն... Բայց ո՞վ է նրան շինել: Երկու վարպետներ են երևում՝ բնությունը և մարդը: Ո՞վ է զրանցից շատ աշխատել այդ շինության վրա: Մարդը: Բնությունը միայն նյութ է տվել. բնությունը այդ թեք լանջի վրա ցցել է մի մեծ ժայռ, իսկ մարդը բարձրացել է այնտեղ, իր մուրճով ծակեկել է ժայռը, սենյակներ է փորել, մինչև իսկ պատուհաններ է բացել, և ահա այդ քարայրային ապարանքը լուս մեզ է նայում իր բաց դռներով:

Մեր տեսած այն քարայրերի մեջ, որոնք մի ժամանակ մարդկանց էին ծառայում, այս մեկը առաջինն է: Թե իր շափերով, թե իր զարդարանքներով: Մենք իսկույն հատկացնում ենք նրան «ապարանք» անունը: Եվ իրավ, որքան կարելի է դատել հեռվից, նա սովորական տուն չէ:

Մոտիկից տեսնել նրան, մանավանդ նրա ներսը մտնել հեշտ չէ, եթե շատենք, թե անհնարին է: Նրա ժայռը ցցված

է ձորի պատովածքի ծայրին: Ներքելից, ձորի հատակից, ու մի ճանապարհ, որ տաներ դեպի վեր, դեպի մեր մկրտած ապարանքը: Գուցե կարելի լինի մագլցելով վեր բարձրանալ: Իսկ վերևից, ձորի պոռնզից միայն թոկերի վրա կարելի է կախվել, ցած զնալ, սենյակների մուտքին հասնելու համար:

Մենք ոչ մեկն ենք անում, ոչ մյուսը, այլ մեր կանգնած տեղից ուղղում ենք մեր դիտակները և տեսնում ենք այն, ինչ կարելի է տեսնել դրսից: Քարայրի ապարանքը կամ այրերի այդ խումբը, ինչպիս կամ ենում եք՝ անվանեցեք, — երկհարկանի է: Երկում են մի քանի կամարածե գեղեցիկ դռներ, մի երկու սենյակների առջևի պատը քանդված է, և գուք տեսնում եք, որ նրանք ներսից ավագան են եղել: Ոչ միայն ավագան, երկար մեր ուշադրությունը գրավում է իր բոլոր երեք պատերով մեզ նայող սենյակը: Նրա մեջ մենք նկատում ենք բազմաթիվ դարակներ, նկատում ենք և ինչ-որ գունավոր նկարներ: Ապրանքի հարավային մասն է այդպիս կիսաբանդ և ցույց է տալիս իր ներքինը: Մնացած մասը դեռ ծածկված շինության արտաքին ամբողջությունն է պահպանում, և այդտեղ երկացողը պատուհաններն են միայն...

Բնականարար, մեզ իսկույն պիտի բորբոքեր այն հարցը, թե ի՞նչ է եղել այդ շինությունը: Կենդանի մարդուն մի անհայտ ու անխոս ավերակի առաջ ամենից շատ այդ է տանջում: Եվ մեզանից ամեն մեկը իր ենթադրությունն էր հայտնում: Մեկն ասում էր, թե երեխ այդտեղ ապրելիս է եղել մի իշխան կամ մի շատ հարուստ մարդ: Իհարկե, ամենից առաջ մի այդպիսի միտք պիտի գա, քանի որ մենք գտնվում ենք մի մայրաքաղաքի, այն էլ իր փարթամությամբ հոչակված մայրաքաղաքի հողի վրա: Բայց մի ուրիշը իրավացի կերպով նկատում է, որ մասնավոր շինությունները այնքան մեծ ու փառահեղ չեն եղել, դոնե Անիի մեջ այդպիսի մի տան, ապարանքի կանգուն ավերակներ չենք տեսնում: Կան, այս՝ շինություններ, որոնք եկեղեցիներ չեն. բայց մենք նրանց մասնավոր մարդկանց սեփականություն չենք ճանաչում և ասում ենք, թե դրանք պետական հիմնարկություններ, պաշտոնարաններ են եղել: Այսպիս էլ այդ

ժայրի մեջ փորված ապարանքը երևի որևէ պաշտոնական հիմնարկություն է եղել՝ կամ զինվորական պահականոց, որ հսկում էր հարավային կողմից եկող մեծ, կարեռը ճանապարհի վրա, կամ գուցե մարսի և այլ հարկերի տուն:

Սրանք մեր խոսակցություններն են, ընթերցող: Եվ ես շեմ ասում, թե ուրիշ այցելուներ բոլորովին ուրիշ տեսակ խոսակցություն, ուրիշ տեսակ ենթադրություններ չեն ունենա այս միևնույն առարկայի վերաբերմամբ: Ամենքն իրավունք ունեն: Ու մի գրով, ու մի հիշատակությամբ շխանգարվող քարային լուսաւան առջև ենք կանգնած: Քարերից էլ, ասենք, գաղտնիքներ խլում են. բայց ի՞նչ տեսակ քարերից: Ուր էր, եթե մենք էլ, հասարակ այցելուներս, մաս ունենայինք այն հանճարից ու հարավորությունից, որ օրինակ, Վանի ժայռերի վրա նշանակված բազմադարյան ալեսր գաղտնիքը բացեց...

Բայց կասեմ, որ շատ ճիշտ է մեր խոսակցության մեջ շեշտված այն հանգամմենքը, որ մասնավոր աշքի ընկնող մեծ շինություններ ու ոք չեւ ուզում բնդունել Անիի կանգուն ավերակների մեջ: Կարծես թե անեցին դրամ խնայիլիս չեղիլ միայն եկեղեցիներ և պաշտոնարաններ շինելիս:

Ահա մենք գնում ենք զեպի այդպիսի մի շինություն, որ նույնպես առեղծված է, որի ինչ լինելու առիթով տեսակ-տեսակ դատողություններ կան:

Սակացածորի եղերքով մի ծուռումուու ճանապարհ տանում է մեզ քիչ զեպի հյուսիս: Մեր առջև պատերի մի տրորված խումբ է երևում. նա բարձր է, նայում է մեզ երեք հատ սկին տվող կամարակապ բացվածքներով, որոնք ներքին հարկումն են գտնվում: Դրանք սենյակներ են և բավկան լավ պահված սենյակներ, բայց նման են դիակի կտցահարած, պատուտած աշերին, որոնց միջից մահն է նայում իր բութ ու սառն անհուսությամբ: Այդ մեծ, բայց անկենդան աշքերի առաջ, ուր, երևի, այդ տան բակն էր գտնվում, թափված է քարակույտերի մի մեծ տարածություն: Նա ցույց է տալիս, որ այս շինությունը ավելի շատ բան է ունեցել, քան ինչ ունի այժմ, բայց կամարներ ու պատեր շատ են թափվել և կազմել են այս քարակաշկառը: Իսկ ինչ մնացել է կրով ու

ծեփով կապված, կանգուն, մնում է այդ երեք սև աշքերի ետևում և վերևում զզզված, կրծուված, ճաքճաք ու կիսով շափ թափված, բայց դարձալ հիացնում է տեսնողին, դարձյալ նրա մտքին ու երևակայության դատելու, ենթադրելու այնքան նյութ տալիս:

Առաջին տեսնողներն ասացին, որ գա արքայական պալատ է: Բայց եղան մտածողներ էլ, թե Բագրատունի թագավորները այսպիսի վտանգավոր տեղ պալատ չէին շինի: Քաղաքի ծայրն է, Անիի պարիսպը գալիս հասնում է շինության պատերին: Ի՞նչպես կարելի էր, որ թագավորը իր համար քնակավայր ընտրե թշնամու հարվածներին ենթարկված այսպիսի մի տեղ: Ակսեցին թագավորական պալատի ամենահարմար և միակ հնարավոր տեղ համարել Միջնաբերդը: Իսկ այս շինությունը,— երևակայությամբ, իհարկե, — հատկացրին Բագրատունյաց ժամանակի ամենափառավոր իշխանական տոհմին, Պահլավունիներին: Եվ այս ապարանքը նկարագրությունների մեջ կոչվում էր «պահլավունեաց պալատ»: Սակայն ուշագրություն դարձրել են և այն հանգամանքի վրա, որ պալատը այդքան հին շինություն չէ: Պրոֆեսոր Մանը ենթադրում է, որ նա շինված է Զաքարյանների ժամանակ և եղել է զորանոց, ուր հավաքվում էին պարիսպները և աշտարակները պահպանող զինվորական զնդերը:

Ծանօթ լինելով այս բոլոր առարկություններին և ենթադրություններին, մենք, այնուամենայնիվ, բարակաշկառների վրայով մտնում ենք ներքին հարկի կամարակապ սենյակները, համարյա համոզված, որ մտնում ենք արքայական պալատը: Եթե ինձ կարողանային ապացուցանել անհերքելի փաստերով, թե զա զորանոց է միայն կամ մի ուրիշ պաշտոնարան, համենայնդեպս ո՛չ պալատ, ես, այնուամենայնիվ, շատ հասկանալի և բնական կդտնեի այն, եթե կամենում եք՝ անվանեցեք, նախապաշտամունքը, որ ժանրացած է այցելուի վրա հատկապես մի անգամ արտասանված անվան՝ թագավորական պալատի վերաբերմամբ: Բնական եմ համարում այդ տրամադրությունը, որովհետեւ ինքս էլ ենթարկվել եմ Անիի այցելուի հոգեբանության, վեհ ու տիրապի պահերակները ինչ-որ թագավորական, վսկեմաշուր աղդեցու-

թյուն են թողնում, և դուք համարյա մոռանում եք, որ Բագրատունյաց մայրաքաղաքը ամբողջ դարեր ապրել է առանց թագավորների և ապրել է, տեսնելով գեղեցիկ օրեր էր:

Այդ անթագավոր ժամանակների Անին չկա ձեր աշխի առջև: Բագրատունիները գերում են, հափշտակում են ձեզ այն վայրկյանից, երբ ձեր ոտքը առաջին անգամ դիպշում է Անիի հողին և մինչև վերջը ձեզ այնպես է թվում, թե վերջին անբախտ Գագիկի հետ աշք է փակել և նրա մայրաքաղաքը: Եվ զարմանում եք, երբ ձեզ ասում են, թե Բագրատունիներից հետո էլ երկար ու երկար ժամանակ եղել է գեղեցիկ Անի:

Ինձ պես տրամադրված էին և իմ բոլոր ընկերները. և մենք ամենք շրջում էինք այդ ավերված շինության մեջ, մեր տպագործությունների, մեր զատողությունների մեջ վերաբերվելով նրան իբրև պալատի...

Ներքին հարկը գեռ պալատական հատկություններ չեցույց տալիս: Անցնում ենք սենյակից սենյակ, կան նեղ անցքեր, կան խավար անկյուններ: Արդյոք ի՞նչ են եղել զրանք. մառաններ, մթերանոցներ, ծառաների բնակարաններ, թե բանտեր, ծրեւում է, որ նույնիսկ շեն ժամանակն էլ բավական մռայլ տեսք է ունեցել այս պինդ, կամարակապ ներքնահարկի ներսը:

Այդպես չէ վերսի հարկը, ուր մենք բարձրացանք բակի կողմից: Թեև այդտեղ ավերանքը իր ամբողջ ուժի մեջ է, կատաղի, անզուսպ, բայց կան բեկորներ, կան մանր փրշրանքներ, որոնք առաջին իսկ հայացքից ժպտում են երեսիդ իրեւ փառահեղության վկաներ: Այդ ժպիտները ավերանքի, ապականության կույտերի տակից, կույտերի վերեկից...

Դեռ ցածրում, Սաղկոցաձորի սկզբում, մեր ուշադրությունն էին հրավիրել այս մեծ տան վրա, որ իր ամբողջ քայլաված հասակով պինդ կազմ է ձորի շրթունքին և նայում է նրան իր արևմտյան պատի ամբողջ երկարությամբ: Բայց այնտեղից նայելիս՝ դուք պատրաստված պիտի լինեք իմանալու, որ դա տուն է և ոչ թե պատերի կտորների ինչոր անհասկանալի մնացորդներ: Խսկապես պատի կտորներ են դրանք ժայռոտ լանջի գլխին, ահապին պատովածքներով,

Հրեշտավոր ճեղքերով միմյանցից բաժանված պատեր, որոնց մեջ բացված ծակերով (պատուհաններով) մեզ է նայում շարունակ խորհրդապահ երկինքը: Այստեղ միայն, վերին հարկի այս մնացորդների մեջ միայն, կարողանում եք փոքրիշտե ամփոփ հասկացություն կազմել մի մեծ, հարուստ ապարանքի մասին:

Նայելով շուրջը, նայելով պատերին, սենյակների դասավորության, մարդ համազվում է, թե դա ապարանք է եղել մի փարթամ ու ունեսոր մարդու բնակության համար: Զորանոցի, պահականոցի, դիվանի կամ մի այլ պաշտոնարանի ենթադրությունը թվում է շատ անհավանական: Ասում են, թե թագավորական պալատ չէր կարող լինել մի այսպիսի վտանգավոր տեղ, քաղաքի ծայրում: Այս իսկ պատճառով այս շինությունը չէ կարող մի իշխանի, օրինակ մի Պահլավունու, մի Զաքարյանի բնակատեղ էլ լինել: Բայց ինչո՞ւ այդքան վճռական դեր հատկացնել տեղի դիրքին: Այդ դիրքը նախ և առաջ շատ վտանգավոր չէ: Սաղկոցաձորի կողը, որ ուղղակի սկսվում է պատի ետևում, շատ էլ գյուրամատչելի չէ դարձնում Անիի այս կողմը: Երկրորդ՝ ինչո՞ւ ենթադրել, թե թագավորը կամ այսինչ փառավոր իշխանը միայն մի հատ պալատ պիտի ունեցած լինի, այն էլ անպատճառ Միջնաբերդում: Այս տեղի դիրքը կարող էր վտանգավոր լինել միայն պատերազմի, պաշարման դեպքում: Բայց հոհայանի է, որ Անին խաղաղ ժամանակներ էլ շատ ու շատ է վայելել, իսկ այդ խաղաղ ժամանակներում՝ Սաղկոցների հսկայական ձորի վրա բարձրացած այս տան մեջ բնակվելը այնպիսի մի զվարճություն և բանաստեղծական գեղեցկություն էր, որպիսին հազիվ թե մեկը գտներ Անիի մի ուրիշ կողմում:

Ոչինչ անհավատալի բան չկա այս շինության, այս բնության մեջ թե այստեղ չէր կարող մի իշխողի, մի հարուստի առատ, վայելու կյանք ընթանալ: Թշնամին եկավ, պաշարեց Անին, — և ահա այս ապարանքի տերը տեղափոխվում է մի պահանգ տեղ, հենց նույն Միջնաբերդը: Մի՞թե չէ կարելի ենթադրել և այսպիսի մի հանգամանք: Վատանգի միջոցին Միջնաբերդ էին տեղափոխվում շատերը ոչ միայն


բաց ու անպաշտպան շրջականերից, այս հենց պարսպապատ Անիի տափարակ մասից:

Ասում եմ այս բոլորը այն պատճառով, որ դորանոց լինելու համար այս շինությունը չափազանց շքեղ է, իսկ պարիսպները պահպանող պահակների բնակարան լինելու համար չափազանց մեծ է: Եթե Անիի զինվորները այսպիսի ապարանքներում էին ապրում, հապա ինչե՞ր էին շինուած թագավորների և իշխանների համար: Չմոռանանք, որ Անին ուներ բնդարձակ պահականոցներ իր պարիսպների մեծ երկու-երեք հարկանի աշտարակներում: ուր, ինչպես հայտնի է մեր պատմագիրներից, նույնիսկ փոքրիկ եկեղեցիներ էլ կային:

Սենյակները սիրուն տպավորություն են թողնում նախ և առաջ այն պատճառով, որ համապատասխանում են մեր ժամանակի շինարարական կարգերին: Բարձր ու անզարդ են պատերը, առաստաղ շկա: Անակնկալի տպավորություն գործում են մեծ ու լայն պատուհանները, որոնք հին շինությունների մասին մեր կազմած հասկացությունն են ջրում: Մենք սովորել ենք հին եկեղեցիներում, ժամատներում տեսնել նեղ ու փոքրիկ պատուհաններ, մենք գիտենք և այն, որ հին տները լույս ընդունում էին վերեից, առաստազում բացված կողոր ծակերից: Խոկ այստեղ գոնե երկու հատ պատուհաններ են մնացել, որոնք չեն կարող ուրիշ բանի ծառայել:

Սենյակների մեջ ուշադրության արժանի մնացորդը տաղրյուրն» է, Պատի մեջ, գեղեցիկ քառակուսի շրջանակով պատած մի կամարակալ խոռոշ կա, որ կարող էր մեծ կրակարանի կամ բուխարու նմանությունը տալ, եթե պարզ նկատելի լիներ, որ այդտեղ ջուր է եղել գալիս. տեղը երևում է, ուստի և անվանվում է «պալատի աղբյուր»: Մեր ալեքսանդրապոլցի բարեկամներից մեկը այդտեղ ասում էր, թե իր մայրը մի 40—50 տարի առաջ այցելել է Անին և պատմում էր, թե այս աղբյուրը այն ժամանակ ջուր էլ ուներ: Որքա՞ն հեշտությամբ են Անիի մեջ առասպելներ կազմվում:

Հինության այն ճակատը, որ դարձրած է դեպի քաղաքը, առանձին խնամքով գեղեցկացված է: Կանգնելու, նայելու շատ բան կա այդ կողմում: Այստեղ է կամարակալ դուռը,



Պարոնաց պալատի շբամուտք (XIII դ.)

որ տան գլխավոր մուտքն է եղել. նրա վերևում, երկրորդ հարկում, մեծ ու լայն պատուհանն է, որի սրանկյուն կամարը, պրոֆեսոր Մառի կարծիքով, հիշեցնում է պարսկական ոճը, թե դուր և թե պատուհանը գեղեցիկ շրջանակների մեջ են գտնվում: Եինողը առանձին ուշադրություն դարձրել է դռան վրա, որի կողոր զեղեցիկ քանդակագարդ կամարի շուրջը շրջանակի մեջ գտնվող ամբողջ տարածությունը ծածկված է մանրանկար զարդարանդակներով: Դրանք ներկայացնում են խաչերի և աստղերի նուրբ, ճաշակավոր հյուսվածքներ: Դրան շրջանակն էլ ծածկված է ոլորուն, վերին աստիճանի նուրբ հյուսվածքներով:

Եվ այդքան խնամքը, այդ ճաշակավոր զարդարանքները այսօր սարսափելի կերպով կրծուել, ծամծմել ու ցած է թափել ավելի անքանքը: Դրան կամարի մի փոքրիկ կտորն է մնացել, իսկ խաչերի և աստղերի հյուսվածքները մեծ մասամբ մաշկված են, վերցված: Երևի Անիի այցելուները այստեղից են հիշատակներ վերցնում իրանց համար, այդ գժրախտ պատի երեսը մաշկելով: Զարդերի փոքրիկ մասերն են մնացել, որոնք շուտով, երևի, բոլորովին կանհետանան, եթե այցելուները չխղճան:

Ավելի բախտավոր է մուտքի վրայի պատուհանը. բայց նա շունի էլ մուտքի նուրբ ու ոլորուն զարդերը: Շրջանակի մեջ առնված նրա երեք կողմերը ներկայացնում են շահմաթի տախտակ, որի քառակուսիները կազմված են սև և գեղնավոն քարերից: Նուրբ ճաշակ այդտեղ էլ երևում է: Բայց ահա պատուհանի ավերումն այլևս մարդու ձեռքից չէ գալիս, այլ վերեից ճեղք է տալիս պատը և պատուհանի ճակատից կախ է ընկել մի քար:

Նայելով մուտքի և պատուհանի հանդիսավորության, զարդերին, դիրքին և աղդող տպավորության, մենք, իհարկե, չկարողացանք զսպել մեր երևակայությունը և սկսեցինք հին, տեղին ու հանգամանքներին հարմարվող տեսիլներ ստեղծել: Այս հանդիսավոր մուտքով, երևի, աշխարհի շատ հզորներ էին մտնում և այս հրապարակում, որ բացված է հանդիսավոր մուտքի առաջ, երևի, ժողովուրդ էր խմբվում, իսկ ապարանքի կամ պալատի տերը, անշուշտ, թագավոր կամ նրա պես մի

իշխող, երեսում էր մեծ ու գեղեցիկ պատուհանում, լսում էր խոսում էր:

Սակայն ես, խոստովանում եմ, զարդարուն, հանդիսավոր պատուհանից ավել սիրեցի մյուս պատուհանը, որ երեկի, սենյակի միջից նայում է Սաղկոցաձորին: Այստեղ պաշտոնականություն չկա, այստեղ հրապարակում խմբված ամբոխի աշբերի համար ճարտարապետը զարդեր ու քանդակներ չեն շուայլել: Բայց այստեղ բնություն կա, ամենի, լայն, հուժկու, որի վեմությունը նույնիսկ ծիծաղելի է դարձնում ամեն մի արհեստական զարդարանք: Հասարակ, անպաճույն բայց լայն պատուհանից Սաղկոցաձորի հատակն է երեսում այնտեղ, ցած, շատ ցած: Զորի լանջերը, նրանց հետևող զաշտերը և այդ լայնարձակ տեսարանի վերջում Ալաջայի կապույտ շղթան,— մի բնություն է սա, որից ժամերով կշտանալ չէ կարելի: Որքա՞ն պայծառ ու ժպտուն է ամառվա օրը այս տեսարանի մեջ: Որքա՞ն սիրուն են ստվերները հսկայական ձորի անկարգ գասավորված խորշերում ու խոռոչներում: Իսկ դե՞նք, հեռո՞ւն, արևով ու շերմությամբ ողողված զաշտե՞րը: Եվ լուսություն, լուսություն ամեն կողմ... Այս մահը կարծես անամպ, ժալտուն երկինքն էլ է դյութել, օդն էլ, արևն էլ: Մահ, ավերա՞կ...

Այստեղ, այս պատուհանի տուած ես երեակայում էի այն կյանքը, որ այս տան մեջ էր անցնում մի ժամանակ: Ոչ այն պաշտոնական կյանքը, որ իր իշխանությամբ, կառավարելու և հրամայելու իրավունքով նայում էր քաղաքին այն մյուս, զարդարուն պատուհանով: Այստեղ, անշուշտ, ներքին կյանքն էր, մասնավորը, ընտանեկանը, որի քաղցրություններն ու զառնությունները մի են թե՝ աշխարհի տերերի, թե՝ անձար աղքատի համար: Ո՞վ էր այստեղով նայում Սաղկոցաձորին և ի՞նչ էր տեսնում այնտեղ: Իմ երեսակայության տուած են զալիս փափկասուն տիկիններ, իշխանազուն երեխաներ, նաժիշտներ, մի խոսքով, մի մեծ ու շեն տուն այս պատուհանի տուած: Իսկ այնտեղ, ձորում, քարայրների, ծաղկոցների մի ամբողջ եռուն, կենդանի աշխարհ, որ շարժվում է, որ դործում է, հաց է աշխատում, ուրախանում է, տրամում է, մեռնում է ու ծնվում:

Գուցե և այսպիս շէր,— ես շգիտեմ: Գուցե և այսպիսի ամառնային գեղեցիկ առավոտներին այստեղ ընտանեկան կյանքը չէր վայելում բնության գեղեցկությունները, այլ բոլորովին ուրիշ հոգսեր էին տիրում: Գուցե այս տանից մի բարբարոս ձեռք էր երկաթի պես ճնշում գեղեցիկ մայրաքաղաքը, գուցե այս տոմք անհեք և սարսափի էր քաղաքի համար,— ես դարձյալ շգիտեմ:

Բայց ետ նայելով լուս, կիսակործան սենյակներին, քարուքանդ պատերին, թափված քարակույտերին, ավերակի փոշին, ես հիշեցի Ֆիրդուսու խոսքերը.

Այժմ սարդն է վարագույր գործում Կեսարի
սրահներում,

Եվ բուն է պահապան Աֆրասիաբի կամարագարդ
զմբեթի տակ...

Ժ

Յպարանքի կամ պալատի մոտ,— անվանեցե՞ք ինչպիս կամենում եք,— մի կամարագարդ ավերակի բեկոր է գտնվում, անհայտ ու անհիշտատակ: Երեակայությունն է նրա համար անոն գտել, մի անոն, որ թելադրել է ապարանքի հարևանությունը: Նա կոչվում է «Պահականոց»: Իբր թե արքունի պալատի պահապանները ապրում էին այսպես...

Այդ ավերակի ետևում մի փոքրիկ թումբ կա, կորած քարերի խառնիխուսուն կույտերի տակ: Մի հսկա ավերակ, գուցե և ավերակներ, բոլորովին գետնին հավասարեցրած: Երեսում է, որ մի մեծ շինություն փլվել, մանրվել է այստեղ ու այդպիսի անհեթեթ քարակույտեր դարձել: Արդյոք այստեղ՝ չէր այն սքանչելի եկեղեցին, որ 1000 թվականին կառուցեց Գագիկ Առաջինը, օրինակ առնելով էջմիածնի մոտ յոթներորդ դարում կառուցած Զվարթնոց եկեղեցին: Այդ եկեղեցու մասին ես խոսել եմ ս. Փրկիչ եկեղեցու նկարագրության մեջ:

Ապագա պեղումները կորոշեն Գագիկի այդ փառահեղ

շինության տեղը: Մենք, ենթադրություններով, ոգուցեներով առաջնորդվող այցելուներս, միայն թափված քարերի բազմությունից և ավերակի կոլոր ձևից էինք ուզում եղրակացություն հանել: Բայց ո՞րտեղ չկան թափված քարեր: Անիի մեջ մի ափ հող չկա, ուր շինություն եղած չիներ. այսօր էլ մի ափ հող չկա, ուր քարեր չինեն թափված:

Այդտեղից քիչ դեպի արևելք, քարերով ցանված մի տափարակ տարածության վրա, բարձրանում է մի մաշված, տրորված եկեղեցի, որ հազիվ է կարողանում ամբողջություն պահպանել, բայց որ Անիի ամենանշանավոր շինություններից մեկն է: Դա ս. Սուաքելոց եկեղեցին է:

Բաղկացած է երկու մասից—բուն եկեղեցի և գավիթ կամ ժամատուն: Տարբեր ժամանակների, տարբեր ոճերի շինություններ են: Ամբողջությունը եկեղեցու սովորական ձևին շատ քիչ է նման. չկա գմբեթ, չկան սյուներ: Այս տեսքը շատերին է մոլորեցրել և կարծել տվել, թե զա եկեղեցի չէ: Մուրավյովը ասում է, թե զա Բագրատունիների պալատն էր: Իսկ ամբոխը անվանում է նրան Նուշիրվանի խոհանոց, կարծելով, թե պարսից Նուշիրվան թագավորը ապրել է այստեղ, այսպիսի փառագույր պալատ և խոհանոց է շինել: Պալատ անվանող ճանապարհորդները հայերեն շգիտեին և շին կարգացել այն բաղմաթիվ արձանագրությունները, որոնք մնում են այս մաշված ու հյուծված պատերի վրա¹, իսկ եկեղեցին խոհանոց անունով մկրտող ամբոխը չգիտեր, որ Անիի ժամանակ Նուշիրվանը հարցուրավոր տարիներ առաջ գոյցություն ունեցած մի թագավոր էր:

Մեր առջև կանգնած էր մի երկար, ոչ այնքան բարձր շինություն, որի արևմտյան կողմում, կամարակապ բացվածքի վրա, բոլորովին մաշված, դրսի կեղեցից պլոկված կտուրը մի կոլոր բարձրություն է ներկայացնում, — արդյոք գմբեթի մնացո՞րդը:

Բուն եկեղեցին հնություն և ճարտարապետական լրջություն է պատկերացնում հենց նրանով, որ ներսից զուրկ է զարդերից: Բայց զարդերի փոխարեն որքան աղղու, հափշ-


1 Քուբքանը միայն գավիթն է համարում Պահապանիների պալատ:

տակող տպավորություն են թողնում պատերի մեջ շինված և առաստաղի վրա աղեղնաձև միմյանց փաթաթվող լայն սյուները: Եկեղեցու ներսում կա մի արձանագրություն, որ 1031 թվականին գրել է տվել Վահրամ Պահլավունի իշխանի որդին, Ապուղամբը, որ հայտնում է, թե մի արտ է նվիրել ու Առաքելոցին՝ իր եղբայր Դրիգորի առողջության և երկարակեցության համար:

Նշանակում է, որ ու Առաքյալը Անիի հին շինություններից մեկն է, թագավորների շրջանի մի շինություն, որ, ինչպես և այդ շրջանի մյուս շինությունները, ճարտարապետի պարզ, բայց վեճ կերտվածքով էր պարծենում:

Ուրիշ բան է ժամատունը: Նա արդեն հետագա ժամանակների գործ է, այն ժամանակների, երբ Անիում արվեստը ավելի զարգերով, քանդակագործական քմահաճո թոփշներով էր շրացնում: Այդ ժամանակները շինվեց և զարդարվեց ու կուսավորվեցին, Անիի հարավային ծայրին: Բայց ո՛չ կուսավորիչը, ո՛չ առասարակ որևէ ուրիշ շինություն Անիում չի կարող իր զարգերով ու քանդակներով մրցել այս գավթի հետ: Դա, խոսելով ժողովրդական ոճով, մի նշխած ձռւ է:

Անխոնչ, սրամիտ վարպետները կամեցիլ են ապշեցնել տեսնողներին իրենց երկաթե զրշի ճարտար խաղերով, թոփշներով, անսպառ աշխույժով: Եվ միանգամայն հասել են իրանց նպատակին: Ապշել են նրանց ժամանակակիցները, ապշում է և այժմյան այցելուն: Նա կանգ է առնում ժամատան գեղեցիկ, խոր ու խոշոր քանդակներով զարդարված մուտքի մոտ և երկար ու երկար նայում է պատերը լայն, նրահյուս ժապավենների նման ժածկող քանդակներին: Միայն գրանք էին, այդ քանդակները, պատերի մեջ շինած խորշերը, նրանց կիսակողոր գլուխները, ամեն տեղ, ամեն անկյունում երևում է ժպտուն, ստեղծագործող արվեստը: Իսկ ժամատան ներսը, իսկ նրա կամարակապ առաստա՞ղը: Ճոխություն է թափված ամեն տեղ: Քարերը հրաշակերտված են արևելցու ֆանտազիայի կրակոտ ուժով: Մի մատ տեղ չկա, ուր գործած չինի վարպետի գրիչը: Եվ նայողի աշքը չէ կարողանում կանգ առնել մի տեղի վրա, ըմբռնել մի հայտնի դասավորություն, մի ամբողջություն, վերջացրած միտք գտնել: Այդ գեղարվես-



տական համաշափությունը, երկի, անծանոթ էլ էր մեր վարպետներին: Նրանք աշխատել են միայն անսպառ առատությամբ թափել, կուտակել, ճարտարությունը ոճի խիստ արտահայտության մեջ չէր, այլ զանազան ոճերի, զանազան հերցուրումների խառնվածքի մեջ: Յուրաքանչյուր մասնիկ, առանձին վերցրած, հիանալի տպավորություն է թողնում իր համարձակ, կանոնավոր, նուրբ գծերով: Քանդակել նշանակում էր գեղանկարել: Եվ ա. Առաքելոցի ժամատունը այդ կարողության ամենաբարձր արտահայտությունն է, որ միայն անեցուն էր տված և որ մի ուրիշ տեղ, ուրիշ ժողովրդի մեջ հաղիկ թե եղած լինի...

Եվ նկարագրող այցելուն, խոստովանում եմ, շատ անզոր է այդ շաբաթ շքեղությունների առաջ: Նրան տված են շատ թույլ, շատ ընդհանուր տպավորություններ արտահայտող բառեր, նրա ուժից վեր է բառերով թղթի վրա նկարելը այն, ինչ Անիկի վարպետները նկարել են քարերի վրա: Եվ իրավացի է նկատում ոռու այցելուներից մեկը, թե միայն նկարիչը կարող է արտահայտել ա. Առաքելոց եկեղեցու շքեղ հարստությունները:

Շատ ծեր, շափականց մաշված ու ուժասպառ է այդ անման շինությունը: Թեև նա դեռ պահպամ է իբրև ամբողջություն, բայց անխնա կրծոտված է ամեն կողմից: Ժամատան մի մեծ անկյունը հիմքից այնքան քանդվել ու մաշվել է, որ պահպամ է մի բարակ պատի կտորի վրա, թվում է, որ եթե մեկը մի մուրճով, մի բրիչով խփե այդ տեղին, շինության ամբողջ կեսը իր զարդերով, իր գեղեցիկ առաստաղով շուռ կգա, քարակույտերի վրա նոր կույտեր ավելացնելով:

Ս. Առաքելոց եկեղեցին ժամանակին շատ նշանավոր դեր է կատարել Անիկի մեջ: Երկի նրա մոտ գտնվում էր քաղաքի մեծ հրապարակներից մեկը, ուր հավաքվում էին մարդիկ՝ գրավելով կենտրոնական դիրք, մի ժամանակ, ըստ երկույթին, լինելով և եպիսկոպոսական եկեղեցի, նա մի տեսակ վարչական պաշտոնարանի էր նման: Պրոֆեսոր Մառն ասում է, որ ժամատները հայոց եկեղեցիներում կարենոր շինություններ էին: Այդտեղ ժամասացության ժամանակ կանգնում էին այն ծխականները, որոնք չեն կարողանում եկեղեցի մտնել՝

տեղի պակասության պատճառով: Այդտեղ թաղվում էին նշանավոր հոգևորականներ և աշխարհականներ և այդ կողմից մի մի պանթեոններ էին: Վերջապես այդտեղ հավաքվում էր ժողովուրդը ոչ միայն եկեղեցական, այլև վարչական, նույնիսկ քաղաքական հարցեր քննելու համար:

Զուր չէր ա. Առաքելոցի ժամատունը այնքան գեղեցիկ ու զարդարուն: Այդտեղ էին կատարվում կարենոր խորհրդակցություններ, այդտեղ էին որոշվում այն հարաբերությունները, որ ուներ քաղաքը իր տերերի հետ: Այս են վկայում եկեղեցու արձանագրությունները:

Դրանք թանկագին նյութեր են անեցու վրա զանազան ժամանակ բարդած հարկերի և տուրքերի էությունը պարզելու համար: Շատ քիչ են այնպիսի արձանագրություններ, որոնք պարունակում են իրանց մեջ այս կամ այն հավատացյալի նվերը և փոխարենն ստացած պատարագների թիվը: Միծամասնությունը Անիկի տերերի, Անիում հարկահանության պաշտոն կատարողների կարգադրություններն են, որոնցով քաղաքիներին ազատում են այս կամ այն տեսակ հարկերից: Եկեղեցու պատերը դիվանական արձանագրությունների պաշտոն են կատարել: Կարգադրությունը փորագրվել է քարի վրա, որպեսզի անջնջելի մնա, որպեսզի հրապարակական լինի, ամենքին հայտնի:

Շատ արձանագրություններ անթվական են, բայց և սրանք, որոնք թվական ունեն, ցույց են տալիս, որ Առաքելոց եկեղեցին պաշտոնական կարգադրությունների դիվան գարձել էր XIII—XIV դարերում, այն ժամանակներում, երբ Անիկի իր միջից մեծ գաղթականություններ հանած, անշքացած մեծ քաղաք էր: Մի արձանագրություն կրում է 1384 թվականը: Դրանից հետո գրված որևէ արձանագրություն դեռ չէ գտնված Անիկի մեջ:

Եկեղեցու պատերի տված նյութերով, իհարկե, չէ կարելի ժամանակագրական կարգով պատկերացնել Անիկի հարկատվության շափերը: Դրանք կցկտուր տեղեկություններ են, բայց դարձյալ հետաքրքրական են իրեն փաստեր մեռած քաղաքի ներքին կյանքից: Կրերեմ այդ փաստերից մի քանիսը:

Տեղերեցի Մխիթար եպիսկոպոսը երկրաշարժի աղետից

քաղաքը ազատ պահելու համար կարգադրում է, որ կիրակի օրերը փողոցում առևտուր չլինի:

Նուրայտին Քոթիթ անոնով տամդաշին գալիս է Անի և տեսնում է, որ այդտեղի քահանաները ունեն յարլող (հրամանագիր, յալուկ), որով ազատվում են «բաժ ու տամդա» տալուց և հաստատում է նույն արտօնությունը «վասն յերկար կենդանութեան փաթշահին»:

Մի ուրիշ անգամ էլ անհայտ տամդանիներ (գրոշմողներ, կնքողներ) նույն արտօնությունն են հաստատում «վասն յերկար կենդանութեան պատրոնաց մերոց Սահիպ Դիւանին և Սահմատին և Քարիմաղինին»:

Սրանք, հավանորեն, օտար տիրողների շնորհներն են: Ահա և հայ տերերի, գլխավորապես Զաքարյանների, կարգադրությունները:

1301 թվականին իվանեի որդի Աղբուղին, Շահնշահի հրամանով, գալիս է Անի, տեսնում է քաղաքը աղքատացած ու խիստ ի վեր մնացել զի շատ հարկ էր ի վերայ դրած որի սկզբանէ չէր եղել: Եվ նա վերացնում է երեք հարկ: 1) «եղին հազրն», որ, երկի, եղների վրա դրած մի հարկ էր, 2) «կովին համբրելեն» (կովի գլխահամար) և 3) «ուշիրին աղջակն» (հարկ ոչխարի փարախներից):

Դամդաճի Մխիթարը, որ Գրիգոր Խուցիսին որդին էր, պարոն Աղբուղի հրամանով, վերացրել է «ջաղացնոյ դամդէն» և «դահեկը» (տասանորդը) «վասն Զագին հոգոյն»:

Դամդաճի Գեշը, Պայիկի որդին, վերացրել է «քասանկին դամդէն» թե քաղաքում, թե դրսից եկած ապրանքի համար և պատվիրում է, որ «ներկարարն զվաճափիքն քասանիկ շառնեն»:

1320 թվականին մեռնում է Աթարեկ Շահնշահը (Զաքարյաններից), մեծ տրտմություն պատճառելով աշխարհին. նրա այրին, Խուանդիկ տիկինը, որ Շամշադին Սահիպ դիվանի դուստրն էր, թե պատրոնի հոգու փրկության և թե իր եղբայրների արևշատության համար վերացնում է իրանց տոհմային կալված կազմող Անիում «կովերոյն և զիշանուն զհամբրելէ» և զղոնագիրն»:

Տիրողների այս ողորմությունները, անշուշտ, թեթև-

թյուններ էին անեցիների համար: Այդ թեթևության չափը մենք մոտավորապես անգամ շենք կարող որոշել, քանի որ մեզանում դեռ ոչ ոք չէ կարողացել ուսումնասիրել և պարզել, թե ինչ հարկեր էին դրանք: Առասարակ, Անիի և նրա շրջակաների արձանագրությունները հարկերի շատ անուններ են տալիս, և Դ. Ալիշանը հաշվում է դրանց մոտ վաթսուն հատ: Հասկանալի է, որ դրանք լոկ անուններ ել կմնան, մինչև որ շուտումնասիրվեն բյուզանդական և արևելյան հարկահանական սիստեմները:

Ահա և հոգեոր տուրքերի մի նմուշ:

Ապուղամրի որդի Գրիգոր արքեպիսկոպոսը գրում է 1217 թվականին. սահմանված է սկզբից, որ յուրաքանչյուր գյուղից երկու գրիվ հաց տան աթոռին, իսկ Անիի ամեն մի եկեղեցին զատկին մի մի մորթի էր տալիս, երկի մատաղներից: Իր պատրոնների, աղքականների և եղբայրների երկարակեցության համար արքեպիսկոպոսը վերացնում է այս տուրքը:

Անշուշտ շատ էին և հոգեոր տուրքերը, այնքան շատ, որ կարելի էր լինում նրանց մի մասը բաշխել իրեն շնորհ: Եվ այսպիսով լրանում է այն ընդհանրապես աղոտ պատկերը, որ անեցու շինքին փաթաթված հարկերն ու տուրքերն է ցույց տալիս: Միայն մեր ժամանակներում չէ, որ հարկերի աղբյուրներ են գտնում այնքան նուրբ մտածողությամբ: Այդ ընդունակությունը հատուկ է եղել և հին տիրապետողներին: Անիի դաներով ներս մտնող շալակավորն անգամ պիտի սահմանված տուրք տար:

Զգիտենք որքան տևողություն ուներ յուրաքանչյուր հարկ, բայց ունենք մեր պատմագիրների վկայությունը, որ հարկերը սոսկալի կերպով ճնշում էին անեցուն, հասցնում էին նրան թշվառության գույք: Ահա այդ հանգամանքն աշքի առաջ ունենալով, կարող ենք երևակայել, թե որքան մեծ շնորհակալությամբ և երախտագիտությամբ պիտի վերաբերվեր անեցին Առաքելոց եկեղեցուն, որ իր պատերի վրա արձանագրում էր հարկերի ջնջումը և ոչ թե նոր հարկեր սահմաներ...

Գեղեցիկ սրբավայրը միայն թեթևության, աղատության ժաման խոսելու լեզու ուներ:

Ս. Առաքելոց նկեղեցուց ոչ հեռու, դեպի Հյուրատունը և Մայր Եկեղեցին տանող ճանապարհի կողքին, թափված են մի աշտարակի աջագին բեկորները: Ես արդեն ասել եմ, որ ավերանքը անընդհատ շարունակում է իր գործը թագրատունյաց գժրախտ քաղաքում: Նա շարունակ քանդում է, շարունակ ավելացնում է անհետիթ քարակույտերի թիվը, տարածությունը: Այս ահագին բեկորները դրա հսկայական վկաներն են:

Դեռ 1880-ական թվականներից առաջ այստեղ բարձրացած էր մի վեցանկյունի աշտարակ: Նրա բարձրության հասնող ոչ մի շինություն չկար Անիի մեջ: Ի՞նչ էր դա: Տեսանել, նկարագրել են նրան շատ ճանապարհորդներ, բայց նրա կատարած պաշտոնի մասին կարծիքները տարրերվում էին: Բավական համոզիլ և տարածված էր այն ենթադրությունը, թե դա մի դիտանոց էր, իհարկե, ոչ թե աստղաբաշխության ժառանող, այլ պարզապես զինվորական նպատակների: Սակայն աշտարակի վրա կար պարսկերեն մի երկար արձանագրություն, որ վկայում էր, թե աշտարակը մզկիթի մինարե էր:

Մահմեդական տերերի իշխանությունը այնքան երկարատև է եղել Անիում, որ անկարելի է ենթադրել, թե գեղեցիկ քաղաքը այդքան երկար ժամանակամիջոցում առանց իսլամական աղոթատան մնաց: Ալդպիսի կրոնական անտարբերություն երեք և ոչ մի տեղ չեն ցույց տվել մահմեդական տիրողները: Եվ ահա Անիի մեջ էլ, անկասկած, գոյություն են ունեցել մզկիթներ: Դրանք, որքան հայտնի է, երկու հատ էին. մեկն այս փլված աշտարակն է, մյուսը այն կանգուն աշտարակը, որ գտնվում է Միջնաբերդի Հյուսիս-արևելյան կողմում, Ախուրյանի բարձր ափին:

Բայց զարմանալի հանգամանքն այն է, որ փլված աշտարակի մոտ ոչինչ հետքեր չկան, որ ցույց տան, թե այստեղ եղել է մզկիթ կամ մի այլ շինություն: Միթե մզկիթը այնպիս է եղել ավերված, որ նրանից քարեր անգամ չեն մնացել: Հայտնի չէ: Մեն-մենակ կանգնած էր այստեղ մի

աշտարակ, նրա ներսում իննսուն աստիճաններ տանում էին մինչև վերևի ծայրը, իսկ նրա վրայի պարսկերեն արձանագրությունն ասում էր:

«Ես Բեյ-Սուլթան, որդի Մահմուդի, որդու Շուարի, որդու Մինուչհրի, Շէղդաղեան, իմ ծնողների հոգու փրկության և իմ զաւակների համար (որոնց խնամութիւնը, աղգականութիւնը և միութիւնը թող աճէ) հրամայեցի և արգելում եմ տէրերին այս էր-իւլ-Մաամրան մզկիթի առջև ոչխար ու ուզտ վաճառել. Հեծ. թի 595 (1198—1199): Արձանագրության տակ հայերեն գրված էր. «Որ հաստատուն պահեն օրհնին վեստուծոյ, ամէն»:

Եվ այսպիս, մենավոր աշտարակը, բացի մզկիթի վկան լինելուց, ցույց էր տալիս, որ այստեղ անասունների վաճառանոց էլ էր: Մզկիթը, իհարկե, առաջ է բերում այն հարցը, թե ինչ դիրք էր բռնում մահմեդական աղգարնակությունը Անիում և որքան բազմամարդ էր նա: Այս հարցում էլ, ինչպես և շատ ուրիշ հարցերում, առաջնորդվելով լոկ ենթագրություններով, մենք հավանական պիտի համարենք, որ Անին, գոնե մահմեդական տիրողների ժամանակ, իր մեջ բավական թվով իսլամ բնակիչներ ուներ: Ուրիշ կերպ անկարելի է ենթադրել մի մահմեդական տիրապետություն այսպիսի հայաշատ կենտրոնում, որ թագավորական մայրաքաղաք է եղել, որ տեսել է կատարյալ անկախության օրեր, արյուն է թափել այդ անկախությունը պահպանելու համար: Բայց դրանից, երկու մզկիթների գոյությունը հագտացյալների թվի պակասություն չէ ցույց տալիս:

Գուցե մահմեդական աղգարնակության թիվը պակասել է Զաքարյանների երկարատև իշխանության միջոցին, գուցե հենց այդ ժամանակ էլ ավելորդ է դարձել այս աշտարակի մոտ շինված մզկիթը և նա քանդվել, անհայտցել է: Բայց մենք շպիտի մոռանանք, որ Զաքարյաններից առաջ Անիի տերը Շեղդատյան քուրդ ցեղն էր, որի աշխանությունը տևեց 120 տարի, իսկ Զաքարյանների իշխանությունը չնշեց թաթարական արշավանքը, որ ողողեց ամբողջ Շիրակը և կլանեց նրան: Իսլամի տիրապետության շրջանը, այսպիսով, մի քանի դար է շարունակվում: Եվ անկարելի է, որ տիրողները

հեռու մնային այս գեղեցիկ, զրավիշ քաղաքից, թողնելով
նրան բացառապես հայերին:

Հաստատուն փաստ համարելով մահմեղական աշքի
ընկնող ազգաբնակության գոյությունը Անիի մեջ, մենք,
բնականաբար, պիտի հնտաքրքրվենք և այն հարցով, թե
ի՞նչ է թողել այդ ցեղը իրանից հետո: Զարմանալի շպիտի թվա
այն իրողությունը, որ բացի այս երկու մզկիթներից, մենք
ուրիշ հիշատակներ շենք գտնում Անիի մեջ, եթե շաշվենք
Ավագ դռների մոտ եղած պարսկերեն արձանագրությունը:
Զարմանալի շպիտի թվա, ասում ենք, այդ տիրողների շի-
նարարական և ստեղծագործական աղքատությունը մի այս-
պիսի տեղ, որ կուլտուրական բարձր զարգացման հասած
հայ ժողովուրդը այնքան առատությամբ թափել է իր եռան-
գի և մեծ կարողության հիշատակարանները: Ցեղերի ա-
ռանձնահատկություններն են խոսում այստեղ: Մոնղո-
լա-թաթարական ցեղերը միայն իշխողներ, միայն կաշի թեր-
թողներ էին. աշխարհաշինություն նրանց չէր տված: Եվ
նրանք, բնականաբար, անմասն, օտար ու խորթ պիտի մնա-
յին մարդկային ձեռնարկող ոգու, շնորհի ու տաղանդի այն
լայնարձակ ասպարեզում, որ Անին էր ներկայացնում: Տի-
րող մահմեղականները արյունի և անեծքի էջեր են թողել
այս տեղերի տարեգրությունների մեջ, իսկ նրանց երկաթե
լուծի տակ ընկած բնիկ ժողովորդի գործերը այսօր էլ հիաց-
մունք են պատճառում քաղաքակիրթ մարդկության: Սա հա-
մատարած մի իրողություն է: Սա պատմության ամենադրա-
կան, հաստատուն փաստն է ամեն տեղ:

Եվ գեռ շատ մեծ հարց է, թե մահմեղական տերերը
ի՞նչ մասնակցություն ունեին այս իսլամ հիշատակարաննե-
րի կառուցման մեջ: Ովքե՞ր են եղել կառուցանողները: Այդ
հարցը մի քիչ կարող է պարզել մյուս մզկիթը, որի մասին
ես քիչ հետո կխոսեմ: Այստեղ այն կավելացնեմ, որ այս
փլաված աշտարակը, ըստ երևութին, նշանավոր է եղել իր
ամրությամբ և բարձրությամբ: Ուրիշ ճարտարապետական
աշքի ընկնող հանգամանքներ նա չունի: Ի՞նչ ուժ է եղել, որ
ութսունական թվականների սկզբում իորտակել է այդ հսկա
զանգվածը—ես շգիտեմ: Բայց որքան էլ ահավոր եղած լինի

անծանոթ խորտակողը, զանգվածը այնքան ամուր է եղել, որ
չէ ցրիվ եկել, այլ միայն կոտրատվել է: Ճանապարհի կող-
քին ընկած է ահագին, վեցանկյունանի գլանը, որի ներսը
դատարկ է:

Ավերումը անողորմ է Անիի մեջ: Բայց ապշեցնող է այն
ամրությունը, որ հազորդված է եղել շինություններին: Այդ
ամրությունն է, որ այնքան ճակատի պնդություն է տալիս
մեռած քաղաքին իր ամենի և անմեռ թշնամու ավերանքի
դիմաց:

ԺԱ

Քանդված աշտարակից ուղիղ գծով դեպի հարավ-արև-
մուտք ենք վերադառնում, դարձյալ դեպի Սաղկոցաձորի
կողմը: Այդտեղ մեն-մենակ կանգնած է մի փոքրիկ եկեղեցի,
որ Անիի մեջ շրջողի ուշադրությունը շարունակ գրաված է
պահում դեպի իրեն:

Այդքան ուշագրավ է այդ եկեղեցին գլխավորապես այն
պատճառով, որ կործանման այս աշխարհում միանգամայն
պինդ է պահպանել իր ամրողությունը: Հեռվից նայողին
ներկայանում է մի անխախտ եկեղեցիկ, որ այդքան դարերի
հոսանքի մեջ նույնիսկ իր գեղեցիկ գմբեթն էլ պահել է մինչև
վերջին սուր ժայրը և թվում է, թե այդ ժայրին ամրացրած
խաչը նոր է վերցվել կամ ընկել:

Ուշագրավ է եկեղեցիկը և այն պատճառով, որ գեղե-
ցիկ դիրք է գրավում քաղաքի ժայրին, Սաղկոցաձորի վրա,
ուր որ գնում եք, նա նայում է ձեզ և այդ նայվածքը աշ-
խույժ է, թե կարելի է ասել—երիտասարդական: Ուշագրավ
է, վերջապես, և այն պատճառով, որ իր ճարտարապետու-
թյան մեջ ունի մի առանձին, գաղտնի դյութական ուժ: Հեռ-
վից այդ ուժը դուք չեք տեսնում պարզ կերպով, այլ միայն
զգում եք:

Դա Ապուղամբենց և. Գրիգոր եկեղեցին է:

Մոտենալով նրան, մենք, մեռած քաղաքի այնքան գեղեցկությունները դիտած և նրանցով այնքան սքանչացած այցելուներս, չենք կարողանում պահել մեր հիացմունքը. մեր խմբի համարյա յուրաքանչյուր անդամը միենույն զգացմունքն էր բացականչում. «Ի՞նչ գեղեցիկ է»:

Եվ, իրավ, Անիի հնագույն շինություններից մեկն է դա, Մայք եկեղեցուց էլ տարիքով, և կրում է Բագրատունյաց շրջանի ճարտարապետության պարզ և վեհ դրոշմը: Փոքրիկ, ոչ այնքան բարձր մի եկեղեցի է դա, ավելի ճիշտն ասած՝ մատուռ, բայց իր այդ փոքրիկ մարմնի վրա թե ներսից և թե դրսից պահպանել է բոլորովին ինքնուրույն, զարգացած ճաշակի համաշափ, նուրբ պատկերը: Դա այն ժամանակների ձեռակերտ է, երբ Անիում Տրդատ ճարտարապետի պես մեծ վարպետ կար: Ո՞վ գիտե, արդյոք այս մինիատյուր կերտվածքին չէ զիպել նրա ձեռքը:

Կոլոր, աշտարակածն եկեղեցի է, բայց մի աշտարակ, որի դրսի շրջապատը տասներկու հավասար կողերից է կաղմվում: Կարմրագույն, նրբատաշ քարերը այնպես են իրար կպած, որ կարծում եք, թե միապաղաղ տախտակ է կաղմում: Ճիշտ է, ավերանքը այստեղին էլ է մոտեցել, կրծոտել է հիմքերը, քարեր է թափել: Բայց ինձ վրա ավերանքը, այստեղ այնքան ցավեցնող, տխուր նախազգացումներով լի տպավորություն շթողեց, ինչպես մյուս ավերանքների մոտ: Ինչոր վստահություն ներշնչող ուժ ունի այս եկեղեցիկը: Նա կարծես հավատացնում է ձեզ, որ իր մեջ դեռ շատ ու շատ պնդություն ունի, դեռ կարող է շատ դիմանալ և համենայնդեպս, երկրի երեսից չի անհայտանա իր քույրերից առաջ: Գմբեթի ծայրին մի կողմում սև փոս կա ձևացած. բայց այդ էլ ոչինչ—նա կա և կմնա:

Տեսողության պատրա՞նք է դա, թե այն անդիտությունը, որ մարդը ցույց է տալիս աշխարհային գործերի և գեղեցիկ վերաբերմամբ: Չգիտեմ: Սիրում եմ հավատալ իմ ստացած տպավորությանը: Եթե Անի հրաշակերտողների սերունդները ոչ այժմ, ոչ էլ մոտակա ապագայում շպիտի կարողանան վերանորոգությունների միջոցով պահպանել իրենց հեռավոր պապերի թողած ժառանգությունը, Ապուղամբենց ու Գրիգո-

րը կարող է այդ անկարող սերունդներին ասել, թե ինքը, այնուամենայնիվ, չի խորտակվի, կպահե իր ծակված գլուխը, մինչկ այն ժամանակ, երբ ավելի պատրաստ, ավելի հասկացող, ուժ ունեցող մի սերունդ կծնվի հայերից: Նա կսպասե, նրա համբերությունը տարիներով չէ շափկում, այլ դարերով...

Իրեւ արքայական Անիի շինություն, Ապուղամբենցը ցույց շի տա ձեզ զարդանկարների, հյուսվածքների, քանդակների այն շոայլ ճոխությունը, որի վրա գուք հիացել եք ու. Առաքելոցի ժամատանը կամ Հոնենց Տիգրանի ու. Լուսավորիչ եկեղեցում: Դրա փոխարեն գուք կտեսնեք բարակ ու նուրբ կարնիզներ, ճաշակավոր կամարներ դռների, պատուհանների, եռանկյունի խորշերի ճակատին: Պարզությունը, միացած սիրունության հետ, այստեղ էլ այն գիշավոր սկրդրունքն է, ինչպես Մայր եկեղեցու մեջ: Նայեցեք գմբեթը շրջապատող տասներկու նեղ պատուհաններին, յուրաքանչյուրը զետեղված է երկարգ կամարավոր սյուների մեջ: Կարծեք տասներկու աշքեր լինեն. և աշքեր, որոնց մեջ,— թվում է մի բռպե, — գեռ բոլորովին չէ մարել լույսը, որոնք գեռ նայել գիտեն և նայում են աշխարհի շորս կողմը իրանց վեր քաշած թփերի տակից:

Ներսից կոլոր շրջապատը արդեն վեց կողերից է կաղմվում. ամեն մի կողը տափակ չէ, դրսի կողմերի նման, այլ կիսարողորակ է. կիսարողորակները միմյանցից բաժանում են սյուները, որոնք պատի միջով բարձրանում են, վերևում միանում այն բոլորակին, որի վրա կանգնած է բարձր ու զեղեցիկ գմբեթը: Նույն վեհ պարզությունը պահպանված է և այստեղ՝ ներսում: Բայց այսքան խնամք, այսքան ճարտարապետական շնորհք թափված է ինչո՞ւ համար: Մի նեղ ու անձուկ տեղ, մի ափ հող եկեղեցու ծածկի տակ առնելու համար: Մի ափ հող, որի վրա հազիվ 5—10 հոգի աղոթողներ տեղավորվեին:

Ավելին հարկավոր էլ չեր Ապուղամբենցին: Սա ծխական եկեղեցի չեր, այլ մի մատուռ տոհմային գերեզմանատան մեջ: Եվ այդ գերեզմանատունը պատկանում էր այն հոշակավոր տոհմին, որի մասին ես մի քանի խոսք ասել եմ


վերևում, ս. Փրկչի եկեղեցու նկարագրության մեջ,— Պահավունիների տոհմին: Ապուղամբը, ինչպես զիտեք արդեն, այն մեծ իշխանն էր, որի թոռներից երկուաը՝ Վասակ և Վահրամ, Բագրատունյաց ժամանակ մեծ անոն և հոչակ էին վայելում: Նրա անոն է, ինչպես երեսմ է, մնացել այս տոհմային մատուի վրա:

Բայց ե՞րբ է նա շինվել: Արձանագրությունները լուսում են այդ մասին: Եկեղեցու գուան ճակատին մի արձանագրություն ունի տիկնանց տիկին Շուշանը, որ Ապուղամբի որդի Գրիգոր իշխանի կինն էր, Վասակի և Վահրամի մայրը: Այդ արձանագրությունը ունի 994 թվականը: Գոյություն ունե՞ր Ապուղամբինցը գրանից առաջ թե ոչ, — շգիտենք: Հավանական է, որ այդ թվականից շատ առաջ վինի շինված:

Տիկնանց տիկին Շուշանը, կամ ինչպես անվանված է մի ուրիշ արձանագրության մեջ, Շուշիկը իր հոչակավոր որդիների արժանի մայր էր: Որդիները, Վասակ և Վահրամ, իրանց անձը նվիրել էին հայրենիքի բարօրության, իրանց արյունն անգամ շխնայեցին, իսկ Շուշիկ տիկինը հասարակաց բարիքի համար անում էր այն, ինչ կարող էր անել մի գթառատ, հարուստ կին: Նա հայտնի է իր բարեգործություններով: Խնամում էր աղքատներին ու որբերին և ամեն մի զրկված, ամեն մի զժրախտ գտնում էր այդ իշխանութուսիրտն ու ձեռքը միշտ բաց: Նա իր որդիների մայրը շեր միայն, այլև բոլոր դժբախտացածների մայրը:

Ահա այդ նշանավոր կինը իր արձանագրության մեջ հիշում է Պահավունիների տոհմային մատուին արած իր մի նվերը: Կան և ուրիշ արձանագրություններ, որոնք, բացի միայն մեկից, նույն Պահավունիներին են պատկանում, նրանց ընտանեկան հանգամանքներն են պատմում, տոհմացուցակներ են տալիս: Այսպես է, օրինակ, այն մեծ արձանագրությունը, որ գրել է տվել Ապլղարիակ մարզպանը 1040 թվականին:

Դա նույն Ապլղարիակն է, որ շինել է ս. Փրկիչը: Ինչպես զիտենք, Ապլղարիակը Շուշիկ տիկինոց որդին էր, Վասակի և Վահրամի եղբայրը: Ս. Փրկչի շինությունից շորս տարի հետո Ապլղարիակը իրանց տոհմային եկեղեցում գրում է, որ իր



Ս. Գրիգոր եկեղեցին հարավ-արևմուտքից (X դ.)

Հայր Գրիգոր իշխանը վախճանվել է այն ժամանակ, երբ ինքը դեռ երիխա էր, թեև չէ հիշում իր հորը, բայց ծնողական սերը նրան պարտավորեցրեց շինել այստեղ հանգստարան ոչ միայն նրա համար, այլև իր վաղամենիկ եղրայր Համզեի և քույր Սեդայի համար։ Բացի հանգստարանից, նա շինել է և երկու սենյակ, հավանորեն փոքրիկ մատուններ՝ ս. Ստեփանոսի և ս. Քրիստափորի անունով։ այդտեղ պիտի պատարագներ մատուցվեն երեք հանգուցյալների համար։ Այդ ժամանակ, ինչպես երկում է, վախճանվել էր և Շուշիկ տիկինը, Ապլղարիպը պարտավորեցնում էր, որ նրա համար էլ պատարագ մատուցվի։

Մի արձանագրություն էլ ունի Վահրամ փառավոր իշխանը։ Առաքելոց եկեղեցում մենք տեսանք, որ Վահրամի որդի Ապուղամրը կալված է նվիրում իր եղրայր Գրիգորի երկարակեցության համար։ Երեխ հիվանդ էր այդ Գրիգորը։ և եղբայրը, բարեպաշտ հոր ցուցմունքով, այդ նվերով ուզում է շարժել երկնքի գութը։ Այստեղ, Ապուղամրենց մատուռում, Վահրամ իշխանն է նվեր տալիս նույն այդ եղբայրաներ Ապուղամրի համար։ Բայց տալիս է ոչ թե նրա երկարակեցության համար։ Ապուղամրը մեռել էր, և հայրը նրա հոգեբաժինն էր տալիս իր հայրենի մատուռին։ Ով որ այս նվերը անտես անե, ասում է նա, «Ապուղամրի մեղացն պարտական եղիցի առաջի Աստուծոյ»։

Տոհմային հիշատակներ։ Նրանք անհետաքրքրական շպիտի լինեն այն բոլոր մարդկանց համար, որոնք գիտեն, թե որքան մեծ գործեր ունի կատարած Պահլավունիների հոչակավոր տոհմը իր ազգի համար։ Մասնավորապես Վահրամ իշխանը այնպիսի գեղեցիկ հիշատակներով է կապել իր անունը Բագրատունյաց գահի և հայրենիքի հետ, որոնք այսօր էլ միայն հիացնել կարող են ամեն մի հայի։

Ապուղամրենց ս. Գրիգորի աշտարականման, կոլոր ձեզ մեղ պետք է կրկնել տա այն, ինչ ասացինք ս. Փրկչի մասին։ Դա այն ձեռ է, որ ուներ Վաղարշապատի Զվարթնոց եկեղեցին։ Եվ որովհետև Ապուղամրենցը ավելի հին է, քան Գաղիկ Առաջինի շինել տված եկեղեցին և ս. Փրկչիք, ուստի

նրան պետք է համարել առաջին, գոնե մեղ հայտնի, ընդօրինակությունը ներսես Շինողի հոչակված եկեղեցուց։

Պահլավունիների հոյակապ տոհմի հին փառքը շատ գեղեցիկ կերպով է ներկայացնում փոքրիկ, բայց սիրուն աղոյւ Ապուղամրենցը։ Նայելով նրան, մենք կարող ենք իմանալ, թե ինչ շիրմների պահապան էր նա այսքան դարերու Բայց ո՞ւր են շիրմները։ Մատուռի մեջ, մատուռի շուրջը ոչինչ չէ երևում։ Գուցի պեղումները բաց անեն Պահլավունիների հանգստարանը։ Բայց կարող է այն էլ լինել, որ Ապուղարիպ մարզպանի արձանադրությունը երկուտանի բորենիներ է հավաքել այս պատերի տակ և, նրանք, գանձեր հանելու տեսնաբով քանդել, քարուքանդ են արել իշխանական դամբարանները։

Զէ՞ որ այստեղ ամեն ավերանք, ամեն ապականություն անպատիժ է եղել և անպատիժ էլ մնում է...»

Պահլավունիների սիրունիկ, անջնջելի մնալու արժանի հուշարձանը տափարակ Անիի հարավային վերջին ծայրն է մատնանիշ անում։ Գոնե այցելուն դրանից դենը չէ նկատում խոշոր ավերակներ։ և թվում է, թե մեծ շինություններ չեն եղել այստեղ։ Տափարակ բաղաքը այս գերեզմանատան մոտերքում էլ վերջանալիս է եղել։ Այնուհետև ափարակի վրա սկսում է բարձրանալ թեք, բայց ոժվարամատչելի ժայռոտ լանջերով այն մեծ բլուրը, որ Միջնարերդն է կազմում։ բուն Անին, որ ավերակների մի այլ աշխարհ է ներկայացնում։

Բայց այդ աշխարհը այցելելուց առաջ մենք գեռ պիտի տեսնենք տափարակային Անիի մի պարձանքն էլ, վերջինը, որ իր բարձր աշտարակով հրավիրում է այցելուին բաղաքի հակառակ, արևելյան ծայրը, դեպի Ախուրյանի մեծ ձորը։


Ուղերզում ենք դեպի այդ աշտարակը։ Մեր ճանապարհին, բավական մի ընդարձակ տեղ, փոված են հողի տակից նոր լույս հանած ավերակներ։ Դրանք պրոֆեսոր Մառի պեղումներն են, որոնք կատարվել են 1892—1893 թվականներին։ Տեսանք Մառի գտած հին, մեծ պարիսպը, որ շինել է տվել Աշոտ Ողորմածը։ Հաստ ու մեծ քարերից շինած մի պարիսպ, որ Միջնարերդի ստորոտով գնում է, սկսվելով Ա-

խուրյանի ձորագլխից, մեղ դեպի նրան հրավիրող աշտարակի մոտից և շրջան տալով դեպի արևմուտք, դեպի Մադկոցաձորը:

Ինչպես իր տեղում ասել եմ, պրոֆեսոր Մառի կարծիքն է, որ այդ պարիսպն է Անիի հին մասի շրջագիծը: Հիմնը-վելով մեր պատմագիրների տված տեղեկությունների վրա, մինչև 1892—1893 թվականները այն համոզմունքը կար, թե Անիի այժմյան երկու պարիսպներից մեկը Աշոտ Ողորմածն է կառուցել, մյուսը՝ Սմբատ Տիեզերակալը: Սակայն ոչ ոք ուշադրություն չէր դարձնում, որ Մատթեոս Ուռհայեցին առում է, թե Սմբատի պարիսպը Աշոտի պարսպից մի նետքնեց հեռու էր: Այդպիսի տարածություն, ինչպես գիտենք, չկա Անիի արտաքին և ներքին պարիսպների մեջ: Մնում էր, ուրեմն, մի ուրիշ տեղ որոնել Աշոտի պարիսպը: Պրոֆեսոր Մառը որոնեց և գտավ, բայց ոչ հողի երեսին, այլ հողի տակ: Եվ նրա գտածը ճիշտ որ համապատասխանում է Ուռհայեցու ցուց տված տարածության:

Այժմ, երբ մեծ հավանականությամբ որոշված են երկու թագավորների, հոր և նրան հաջորդած որդու դժած սահմանները, կարելի է հետեւ Անիի շինության երկու հետաքրքրական շրջաններին, որոնք մի զարմանալի անեցողություն և զարգացում են պատկերացնում:

Հայոց պատմությունից հայտնի է, որ մինչև Աշոտ Ողորմածը (952—977) Անին Բագրատունյաց մայրաքաղաք չէր: Մինչև այդ Անին մի ամուր բերդ էր միայն, որ ամփոփված էր, երկի, Միջնարերդի և նրա հարավային ստորոտում տարածված անմատչելի ժայռերի վրա: Աշոտը թագավոր օծվեց Անիում, իր զահը այնտեղ հաստատեց: Հայաստանի շատ տեղեր թագավորական բնակություն են ունեցել իրանց մեջ, բայց մի փոքրիկ գյուղաքաղաքի, մի ավանի դիրքերից առաջ շեն գնացել: Այդպես չէր Աշոտի ընտրած տեղը: Մի կարճ միջոցում նա այնքան մեծացավ, որ այլևս չէր կարող տեղավորվել իր սահմաններում: Հարկավոր եղավ նրան մեծացնել: Եվ ահա Աշոտը Միջնարերդի ստորոտի մոտով անցկացրեց այն հաստ պատը, որ պիտի պաշտպաներ նոր մայրաքաղաքը հյուսիսային դաշտի կողմից,— Անին իջավ դեպի



Մզկիրի վերածված աշխարհիկ շենք (Մանուչեհի մզկիր)

դաշտը։ Դա նրա մայրաքաղաքային կյանքի առաջին շըրշանն էր։

Աշութը, ինչպես ցոյց է տալիս Ռորմած անունը, բարեկարգության, աշխարհաշինության մարդ էր Անին լցվեց մարդկանցով։ Աշության պարիսպը նեղում էր անելությունը։ Եվ նա չկարողացավ կանգնեցնել ազգաբնակության շարժումը դեպի առաջ, դեպի Հյուսիս, դեպի գաշտը։ Աշութի որդի Սմբատը, նույնպես աշխարհաշեն ու մեծագործ մի մարդ, լայնացրեց տարածությունը, նա գուցե և քանդեց իր հոր պարիսպը և այդտեղից «մի նետքնկեց հեռուա շինեց այն պարիսպները, որոնք այժմ շրջապատում են ավերակները։

Տափարակի վրա էլ Անին արագ աճեց ու մեծացավ, լցրեց ամբողջ տարածությունը մինչև Սմբատի պարիսպները։ Դա երկրորդ, ավելի նորագույն շրջանն է։ Եթե հաշվի առնենք տարիները, կտեսնենք, որ Անին իբրև մայրադար՝ շնչ տարեկանից ավել չէր, երբ այդքան տարածվեց։ Աշութ Ռորմածի մահից մի 5—8 տարի հագիլ էր անցել, երբ նկատելի դարձավ մայրաքաղաքի համար նրա որոշած սահմանների սաստիկ անձկությունը։ Ահա իսկ որ մի հերթաթական հերոս, որ օրերով չէր մեծանում, այլ ժամերով…

Բայց կա ավելի զարմանալին։ Մի քանի հատ տարիներով անջատվող այդ երկու շրջանների մեջ մենք նկատում ենք խոշոր տարրերություն։ Բավական է համեմատել Աշութի և Սմբատի պարիսպները։ Հոր շինությունը պարզ ու կոպիտ է, հաստ, դիմացկուն։ Իսկ որդո՞ւնք։ Կարծես մի 15—20 տարվա ընթացքում Անի էր մտել մի բոլորովին նոր ժողովուրդ, բերելով իր հետ շինարարական քարային ստեղծագործության մի զարմանալի հանճար, որ իսկույն արտահայտվեց Սմբատյան հսկա պատերի, Մայր եկեղեցու, և Առաքելոցի և ուրիշ կերտվածքների շինության մեջ։ Ռորեղից եկավ այդ փոփոխությունը, այդ հսկա առաջադիմությունը…

Սմբատից հետո էլ ծավալման մեծ թափը կանգ շառավ։ Նա գնաց դեպի Հյուսիս, դուրս եկավ Սմբատյան կրկնակ պարիսպներից, տարածվեց դաշտի վրա, իշավ ձորերը և անթիվ քարայրեր փորեց իր համար։ Այսպես արագ ու

միանգամայն արտակարգ էր զարմանալի մայրաքաղաքի հասակ քաշելը։ Հնությունը չէր, որ երկար դարերի ընթացքում գանգաղ, աստիճանաբար մեծացրեց նրան, այլ այն խորհրդավոր, զարմանալի և իր ընդհանուր մտքով միայն ըմբռնելի շունչը, որ եկավ անցավ Շիրակի վրայով Բագուտունիների թագավորության սկզբից և հրաշալի գործերով ձածկեց Ախուրյանի այս բարձր ափը…

Ն. Մատի պեղումները մեզ մի շափականց պերճախոս լեզվով ապացուցանում են, թե դեռ որքան ու որքան բաներ չգիտենք մենք Անիի մասին, որքան իրողություններ դեռ թաղված են հողի տակ։ Մենք փողոցի նմանություն ունեցող նեղ անցքերով էինք գնում, տեսնում էինք տների պատեր։ Եվ ես, դանդաղ քայլելով զիտության ու անխոնջ աշխատասիրության հարթած այդ նեղ ճանապարհով, երևակայում էի մի օր, երբ ավերակային հողը հեռացված կլինի այս քաղաքի ամբողջ երեսից և մեր հայկական Փոմպեան իր բոլոր մանրամասնություններով արևի տակ կլինի, այսպիսի մի պայծառ ու տաք արևի տակ։ Երևակայում էի քաղաքի հրապարակները, վաճառանոցները, փողոցները բացված։ Մենք այն ժամանակ կգտնեինք և այն, թե ինչ անուններ էին կրում զրանք։ Զէ՞ որ այժմ էլ արձանագրություններից զիտենք այդ անունները։ Գիտենք, օրինակ, որ կար թուն փողոց, այսինքն գլխավորը, որ, երևի, քաղաքի մի ծայրից գնում էր մինչև մյուսը, կային և Վերի-փողոց, Դարրնոց-փողոց, Սառաճ-փողոց, Կտեր-փողոց, ինչպես հատուկ է միջնադարյան քաղաքներին, Անին ուներ և բազմաթիվ մանր-մունր փողոցներ, որոնք կոչվում էին գուկակ», այսպիս են ս. Առաքելոց զուկակ, Հատեցնց զուկակ, Սուպուկակ։ Վաճառանոցները, ինչպես արևելյան այժմյան բոլոր քաղաքներում, զետեղված էին կարավան-սարանների մեջ, որոնք կոչվում էին «փնտուկ», մնացել են Կամարակապ-փնտուկի, Վասլի փնտուկի անուններ։ Արհեստանոցներն էլ իրանց առանձին տեղերն ունեին։ Կոշկակարոց, Բազզոց, Նալբանդոց, Կատանոց, Գտակկարոց և այլն…

Երևակայում եք և դուք, ընթերցող, որ մի օր այս բոլոր անունների տերերը գտնված, հայտնի կլինեն։ Այն ժա-

մանակ մեր Անիի հին կյանքը կարելի կլինի պատկերացնելով թե երեակայությամբ, ստեղծած ու մտացածին մանրամասնություններով, այլ պարզ ու որոշ, ինչպես իրական վեպի մեջ: Մանավանդ որ փողոցների ու հրապարակների հետ էլ կը ացվեն և շատ տների դռներ ու մենք շոշափելի փաստեր ու վկաներ կունենանք անեցու ներքին ընտանեկան կյանքի մասին:

Ես հավատում եմ, որ կլինի այդպիսի օր և նա հեռու չէ. միայն թե լինեն Մառի նման եռանդ ու տաղանդ ունեցող մարդիկ: Ի՞նչպես շհավատալ, երբ գնում ես հողի միջից դուրս բերած Աշոտյան մեծ պարսպի տակով: Ի՞նչպես շհավատալ, երբ այդ պարսպի մյուս կողմում, հին, Աշոտյան շրջանի քաղաքում, տեսնում ես հողի միջից դուրս բերած մի ամբողջ եկեղեցի իր հիշատակարաններով, իր հետաքրքրական հանգամանքներով:

Կանգնելով այն բեկորների առաջ, որ պեղելով հայտնագործել է Մառը, դուք իսկույն հասկանում եք, որ դա էլ մի տոհմային մատուր է, տոհմային գերեզմանատան մեջ: Մատուր նվիրված է եղել Աստվածածնի անվան: Իսկ այն տոհմը, որին պատկանելիս է եղել գերեզմանատունն ու մատուր, կոչվելիս է եղել Խամբուշենց:

Ամենից շատ աշքի ընկնող հանգամանքն այն է, որ Խամբուշենց եկեղեցին, ինչպես իրավացի նկատում է Մառը, ցույց է տալիս, թե տեղի ինչ սարսափելի անձություն կար Անիում: Ցուրաքանչյուր թիզ հողը բռնված է եղել շինություններով: Խամբուշենց եկեղեցին միայն կողմնակի մուտքեր ունի, իսկ արևմտյան կողմից ոչինչ դուր չունի, որովհետեւ շարժվելու տեղ չի եղել:

Դատելով այն բեկորներից, որոնք թափված են պեղումների տեղում, Խամբուշենց եկեղեցին ունեցել է շատ զայելուշ ճարտարապետական ոճ և զարդարված է եղել ոչ ճոխ ու հարուստ, բայց սիրուն տպագործյուն թողնող քանդակներով: Բայց եկեղեցու հիմքերը միայն կան, մնացածը կտոր թափված է նրա շուրջը: Խամբուշենց գերեզմանատունը գտնվում է հարավային կողմում: Տապանաքարերի վրա

գրություն չկա, բայց փոքրիկ խաշքարեր կան թափված, որոնք դրված են նղել այդ գերեզմանների վրա:

Ես տեսա մի ինչ-որ բարի կտոր, որի վրա արձանագրություն կար: Զգիտեմ այս թե ուրիշ մի արձանագրությունից Մառը իմացել է, որ Խամբուշենց եկեղեցին տեսել է Անիի անկախության ժամանակները: Նա ունի 1042 թվականը:

ԺԲ

Աշոտի նորագյուտ հաստ պարսպի տակով ենք գնում, Մառի բավական խոր փորվածքի միջով, իսկ մեզ հետղհետե մոտենում է բարձր, բազմանկյուն աշտարակը, շինված կարմբրագյուն բարերից:

— Մղկիթը, — ասում ենք մենք իրար:

Նա պարսպի մյուս կողմումն է, ուրեմն Անիի հին մասին է պատկանում: Խրոխտ ու համարտ, շնայած իր ճակատին սողացող դավաճան ճեղքերին, աշտարակը բարձր է տարել իր զլուխը կամ, ավելի ճիշտ ասած, ծայրը, որովհետև իսկական զլուխ չէ մնացել նրա վրա. և նայում է իր կողերով դեպի ամեն կողմ, իրու ավերակ քաղաքի միակ պահապան: Ճակատի վրա, վերևում, երեսում են ինչ-որ արարական տառեր, որոնք կարդացվում են, ինչպես ասում են, այսպես՝ «Թի՛սմ իլլահ» (Հանուն Աստծո):

Աշտարակը մեղ դիմավորում է իրու առաջավոր պահակ. նրա ետեսում գտնվում է ինքը, այն շինությունը, որ, ինչպես վճռել են Անիի բոլոր այցելու գիտնականները, մղկիթի պաշտոն պիտի լինի կատարած: Նա կանգնած է Ախուրյանի ձորի սպառվածքի վրա, նայում է դեպի հյուսիս-արեւելք, իսկ իր երկար կողերից մեկը դարձրել է դեպի հարավարեկելք, գելի ձորը, մյուսը՝ դեպի հակառակ կողմը:

Ահա այս հակառակ, արևմտյան-հյուսիսային կողմն էլ ենթարկված է ավերանքի: Այս մասը փլվել է համեմատաբար

նոր ժամանակներում՝ այժմ էլ կարծեմ փլվում է կամաց-կամաց, քայլ առ քայլ: Եթե շիներ այդ, շինությունը կարելի կլիներ ամբողջ մնացած համարել: Ամբողջ ու անվնաս է նույնիսկ կտուրը:

Մուտքը արևմուտքից է եղել: Այդտեղից էլ ներս է խուժել ավերանքը: Նա ոչնչացրել է արևմտյան պատը, բաց է արել շինության ամբողջ ներսը: Դա մի փառավոր դահլիճ է, որի փառքն ու վայելլությունը կազմում են երեք կարգ սյուները և նրանց վրա տարածված կամարների ցանցը:

Քայլդ դանդաղեցնում ես, տեսողությունդ լարում՝ դահլիճի սյունակարգերի և կամարների ներկայացրած գեղեցկությունը միանգամից ըմբռնելու համար: Առաջին իսկ հայացքից ես հիշեցի Հոռոմոսի դահլիճը: Նմանություն կանուն կարձ սյուները: Բայց տարբերությունը ավելի շատ է: Այնտեղ սյուները բարակ են, անկյունավոր, այստեղ նրանք հաստ են և կոլոր: Այնտեղ կամարները նուրբ են, բարձր, կիսաբոլոր շեն, այլ աղեղնաձև, այստեղ նրանք ցածր են, ավելի հաստ և թանձր ու կիսաբոլորակներ են կազմում: Վերջապես, այստեղ սյուները և կամարները ավելի խիտ են, նկատվում է փոքր ինչ կոպտություն: Վարպետը նրության բարձրության մասին չէ մտածել, այլ կարծես կամեցել է ճնշել այն քարային ահազին թանձրությամբ, որ այնպիսի համարձակությամբ իրանց վրա բարձրացրել են լայն ու կարճլիկ, գեր, կարծես վերևի ծանրության տակ ճնշված սյուները:

Սկզբից, իր շինության օրից, այս դահլիճը, երևում է, մի ինչ-որ մեծ պաշտոնի է եղել հատկացրած: Նրա համար ծախս շեն խնայել, նրան զարդարել են առատ ձեռքով: Անթիվ կամարների վրա հանգչող առաստաղը զարդարված է այս կողմերին հատուկ խոր քանդակներով, ինչպես Հոռոմոսի դահլիճի առաստաղը, ինչպես ու Առաքելոց եկեղեցու գավիթը: Զարդարուն է և հատակը, կազմված մանր քարերից մողակի ձևով: Առաստաղը մնացել է, հատակն է քանդվել:

Միայն մարդիկ շեն զարդարել այս հարուստ կամարաշարկը: Զարդարել է նրան և բնությունը, զարդարել է իրան

հատուկ վսեմ Հսկայությամբ: Չորս մեծ ու լայն, գեղեցիկ կարնիզներով զարդարած պատուհաններ նայում են դեպի հարավ-արևելք, և այդտեղ փոված է Ախուրյանի միշտ գեղեցիկ ձորը: Պատը ցցված է ձորի կողին, նրա արհեստական շարունակությունն է կազմում: Եվ պատուհանների տակից բացվում է, ցած և ցած է գնում այն գոգավոր խորությունը, որ այստեղից պատռում է ձորի կողը մինչև վերջը, մինչև Ախուրյանի գեղնավուն ալիքները:

Իմացել են այնպիսի, լավ, գեղեցիկ շինել, բայց իմացել են և տեղ ընտրել: Չգիտես՝ որի՞ն առավելություն տաս՝ շինարական տաղանդին, թե բնությունը ճանաշելու տաղանդին, թվում է, որ վերջինն ավելի աշքի է բնկնում: Գուցե մայրաքաղաքի մեջ սրանից ավելի գեղեցիկ ապարանքներ ու պալատներ են եղել, ավելի մեծ ու հարուստ, ավելի զարդարուն ու հոյակապ: Բայց թվում է, որ այս դահլիճը հետ մնացած շպիտի լինի ոչ մեկից, որովհետեւ իր գեղեցկության մեծ մասը սա բնությունից է վերցրել: Ո՞վ է եղել այսպիսի փառահեղություն նվաճողը:

Այս հարցը կարելի է այսպես էլ ձևակերպել. ի՞նչ է եղել այս շինությունը:

Մզկիթ, ինչպես ասացի: Այս անունը շինության ճակատին գրոշմել է բարձր աշտարակը: Այսօր էլ բաց ու բանուկ է այն ճանապարհը, որով մուեղղինը բարձրանում էր այս ժինարեի գլուխը և այնտեղից կանչում էր իսլամի ահավոր աստծուն: Դահլիճի կողմից մի փոքրիկ գուռ տանում է աշտարակի ներսը: Ութսուն կիսավեր աստիճաններ այսօր էլ բարձրացնում են այցելուն վերև և այնտեղից ցույց են տալիս Անիի և շրջականների գեղեցիկ տեսարանները: Եվ յուրաքանչյուր բարձրացող գիտե, որ մուեղղինի ճանապարհով է գնում, գիտե որ անթիվ անգամ ջերմեռնդ մուլիմների ոտները կոխ են տվել այդ մաշված, այժմ վտանգավոր աստիճանները, մի ժամանակ, երբ այստեղ անթիվ գեղեցիկ տաճարներում պաշտվող քրիստոնեական աստծո հետ բարձր ու զիլ ձայնով փառաբանվում էր և մարգարեի ալլահը: Այժմ լություն է տիրում և այստեղ: Հաղթվող և հաղթահարված քրիստոնեության հետ հավիտենական լության և համրու-

թյան է դատապարտված նաև հաղթահարողը, սուր և ավերանք նվիրագործած իսլամը: Թե մեկից և թե մյուսից ավերակներ են միայն մնացել այժմ...

Բացի մինարեից կար մի ուրիշ հիշատակ է, որ այժմ անհետացել է: Մի ժամանակ, երբ դեռ չէր փլվել դահլիճի արևմտյան պատը, նրա վրա կարդացվում էր նեշրի անվանված պարսկերեն տառերով մի մեծ արձանագրություն, որ գրել է տվել XIV դարի առաջին կեսում Արուսայիդ թեհատուր թաթար խանը: Արձանագրությունը արտագրվել է ժամանակին և թարգմանվել: Նա աղոտ լուս է զցում Անիի վերջին ժամանակների, աղքատության և դժբախտության ժամանակների վրա:

Թաթար իշխողի այդ հրաման-արձանագրությունից մենք իմանում ենք, թե ինչպես կեղեքվում էին անեցիները հարկանանների ձևորին: Որոշված էին հայտնի հարկեր և տուրքեր՝ դամդա, բաժ: Բայց առնողները, ինչպես այդ սովորություն է և մեր օրերի արևելյան բռնակալությունների մեջ, ավելացնում էին այդ հարկերը իրանց օգտին: Թե այստեղ, Անիում, և թե Վրաստանի գավառներում, ասում է խանը, սովորություն կա «խալան» և «գինու փարչ» անունների տակ ավելորդ և անիրավ հարկեր ստանալ: Եվ այնքան ժանր էր այդ հարստահարությունը, որ Անին սկսեց ավերվել. բռնակիչները թողին իրանց տները, շարժական և անշարժ ստացվածքները և սկսեցին հեռանալ, ուղարկելով խանին աղերսագրեր, որոնց մեջ նրանց հուսահատական ճիշը կարողանում էր ասել. «Ամենակալ Աստվածը թող շվերացնե քո գլխից իր բարձր հովանին»: Եվ ահա, ականջ զնելով այդ ճիշներին, Արուսայիդ թեհատուր խանը հրամայում էր. ոչ ոք չհամարձակվի որոշած հարկերից մի բան ավելացնել կամ պակասեցնել:

Դեռ ինչե՞ր, ի՞նչ դժբախտություններ, անհեք ու արտասունք կարող էին պատմել այս համատարած ավերակները, եթե հանկարծ էիզու ստանային: Հուգիլ տպավորություն է թողնում այն հայերեն փոքրիկ արձանագրությունը, որ կա Արուսայիդ խանի այդ հրամանի տակ: Խոնարհ, աղերսագր

շեշտով նա ասում է. «Հաստատում պահողքն աւրհնին աստուծոյ»...

Հաստատուն պահոցին արդյոք Կատարեցին մահմեդականները իրանց սրբազն տան վրա արձանագրված այս հրամանը:

Բայց ո՞րքան էր դա մահմեդական սրբազն տուն Մոտեցե՞ք այն տեղին, ուր մինարեն կպած է շինության, և գուք իսկույն կնկատեք, որ դա հետո է շինված, որ այդ աշտարակի և բուն շինության ոճի, պարագաների մեջ տարրերությունը մեծ է:

Ստացվում է այն եղբակացությունը, որ Ախուրյանի այս բարձր ավին, այս սյունազարդ դահլիճ շինողները մզկիթ շեն ունեցել ի նկատի: Դա հին շինություն է, այն ժամանակների շինություն, երբ Անիում մահմեդականների այնպիսի թիվ շկար, որ հարկավոր լիներ այսպիսի մեծ և փառավոր մի մզկիթ կանգնեցնել: Աշոտի պարիսպը գտնելուց հետո մանավանդ կասկած չէր կարող մնալ, որ իրեն Անիի հին մասի մի շինություն, ու ա կառուցված պիտի լինի Աշոտի կամ նրա հաջորդի օրերում:

Ոմանք կարծել են, թե դա է եղել Անիի կաթողիկոսարանը: Բայց պրոֆեսոր Մաոր իրավացի նկատում է, որ այն ժամանակները հայոց կաթողիկոսը նստում էր Արգինայում: Շատ հավանական է երեսում մյուս ենթադրությունը՝ թե դա եղել է դատարան: Քանդված հատակը ցուց է տալիս, որ ներքեւում էլ կա մի հարկ, ուր երեսում են մութ սենյակներ նրանք կարծես ասում են, որ բանտարկվողների համար են շինվել:

Ուրեմն, մահմեդական բարեպաշտությունը չէ շինել այս տունը: Նա միայն օգտվել է իր իշխող դիրքից և մզկիթ է գարձրել վաղուց պատրաստ և իր գեղեցկությամբ գրավիլ շինությունը:


Ես նստած էի «մզկիթի» մեծ պատուհանում և շէի կարողանում աշք վերցնել նրա առջև փոված ահագին, խոր ձորից: Ինձ հափշտակողը դարձյալ Ախուրյանն էր: Ես տեսել էի նրան երեկոյան վերջալույսին, տեսել էի վաղ առավոտյան և տարրեր գեղեցկություններ էի դտել նրա մեջ: Այժմ

օրվա ուրիշ ժամն էր: Արեգակը մոտենում էր միջօրեին և նրա տակ այլևս շվաքներ չկային: Չկային նրանք նույնիսկ Ախուրյանի ձորում, գոնե նրա այն մասում, որ բացված էր իմ պատուհանի առջև: Եվ այժմ էլ ուրիշ տեսակ զեղեցկություն: Ես խորասուղվել եմ նրա մեջ, որոշել եմ նրա առանձնահատուկ գծերը, գույները և նրանցով հիանում եմ: Անըսպառ է պատկերի քաղցրությունը...

Իմ պատուհանը տիրում է վիթխարի տեսարանի վրա: Մեծ, օճապտույտ ձոր, արևով ողողված նրա հատակում՝ գետը եղեգնապատ ափերով: Գորշ, չոր ժայռերի չոր, այրված պատեր: Նրանցից վերև կանաչ լեռնադաշտ, մեծամեծ բլուրներ, որոնք շարքեր են կապում, հասնում են հորիզոնին, կորչում են այնտեղ: Մի մեծ աշխարհ: Բայց նա լուս է, նա անկենդան է: Եվ միակ բանը, որ քարացած, կախարդված չէ, որ շարժվում է, կյանքի նմանություն է բերում, Ախուրյանն է:

Միայն նա: Երկնքի տակ ոչինչ բան չէ գրավում աշքդ, չէ ընկնում սրտիդ զարկերակին,— միայն նա: Լուս, անձայն, բայց զնայուն, րոպե, վայրկյան անգամ կանգ շառնող: Հավիտենական ճանապարհին հլու հպատակ, նա վազեցնում է իր դեղնավուն ալիքները, փրփուրների մանյակ է զցում իր խոնավ պարանոցով, պտույտներ է տալիս ժայռերի շուրջը, կանաչ կղզիներ է կազմում: Միշտ աշխույժ, միշտ կայտառ: Նրան չեն հուսահատեցնում ալեոր, զառամած, մահով պատած, մահ մարմնացնող ժայռերն ու լանչերը: Քրանց նայես, դրանց լսես, ինքդ էլ պիտի պառկես մի տեղ, ծածկվես այս տեղերի համար ճակատագրական սավանի տակ և զառնաս սփինքս, հավիտենական լոռությունն: Բայց գետը չէ շտապում փախչելու այդ հուսահատ ափերից: Ինչպես և այն ժամանակ, երբ այստեղ լուրաքանչյուր քարի ետևից կյանքն էր նայում, կյանքն էր ժպտում ու լացում, նա այժմ էլ անփոփոխ իր զեղեցիկ, նազելի ընթացքն է տանում և նրա միջից, միայն այնտեղից ես ստանում եմ սիրտ լայնացնող ժպիտներ:

Բնության մահը, ավերակներից դուրս հոսող և ամեն տեղ թափվող մահը չէ կարողանում ծալ-ծալ կուտվել սրտիդ



վրա: Որովհետեւ կա գետը, որովհետեւ նրա ալիքները, նրա փրփոքի մանյակները տանում են միտքդ իրանց հետ, շոյում են նրան, փափուկ և մեղմ են շոյում և հասկացնում են, որ մեռկությունն է կանգնում, քարանում, իսկ կյանքը գնում է, փրփում է, պայծառ լույսեր է տալիս, ջերմ արևն է ցոլացնում իր սրտի մեջ...

Եվ կենդանության այդ քարոզը որքա՞ն հրաշալի է մահվան այս կիրճում: Ահա այստեղ, ուղիղ իմ պատուհանի դիմաց, գետի երկու կողմերում բարձրացած են քանդված, անճոռնի, անհեթեթ ձև ստացած կամ, ավելի ճիշտ ասած, ամեն մի ձևից ու կարգից ընկած պատեր: Միայն մահվան աշուիլի ժանիքները կարող են այսպիսի հրեշավոր այլանդակությամբ ծամժմել մի մարմին: Դրանք Անիի հոչակավոր երկհարկանի կամուրջի մնացորդներն են, որոնց մասին ես արդեն խոսել եմ: Կանգնած են դրանք, ապշություն, մահվան ցրտություն են ներշնչում: Գետը անցնում է նրանց միջով, արհամարելով այդ դիակնային ներշնչումը: Կանգնել այսպես, այլանդակ, մաշկված, լինել անճոռնի ոչնչություն և շարունակ, մաս-մաս, հյուկե-հյուկ ոչնչանալ, թափվել, լինել անխուսափելի իբրև ինքը, մահը, անհասկանալի, սաղնող իբրև ինքը, հավիտենականությունը.— այսպես է ասում ավերանքը: Իսկ գետը այդ գերեզմանային հարկի տակով էլ անց է կացնում իր ջրերը կայտառ ու ժիր: Նրա և այդ պնդերես հարեանների մեջ պայքարը անընդհատ է, մշտնշենական— կյանքի և մահվան պայքար: Եվ ով ապրում է, ում կրծքի տակ արլուն է խփում, նա ամբողջ սրտով այդ հեղուկի հետ կլինի, այդ վազող ջրերի հետ, որոնք միայն շեն թողնում հուսահատվել այստեղի բնությունից և պատմությունից:

Ժամանակներ կային, դարերով շափող ժամանակներ, երր այս պատուհանից գեափի ցած, գեափի Ախուրյանի մեծ ձորը, նայում էին այստեղ ապրողները: Տեսարանը հարկավոր էր մարդուն, թե նրան, որ դատում էր մարդկանց այս կամարների տակ և թե նրան, որ երկիր էր ավերում, սուր էր պաշտում և այստեղ խոնարհվում էր սուր և տիրապետություն հովանավորող աստծուն: Այստեղից երեսում էր կա-

մուրջի վրայով անցնող ամեն մի մարդ, այստեղից տեսնում էին ամեն մի շարժողություն, որ տեղի ուներ ձորում: Վերջապես, այս պատուհանը նայում է Բեխենց վանքին: Հրեն նա այլանդակված, սև, զարդուրելի խոռոշ դարձած իր կըրծքով նայում է այստեղից: Երկու թշնամի կրոնների պահապաններ իրար աշք են տնկել հոկայական ձորի վրայով: Այստեղ աղաշում էին աստծուն խաղաղության համար, այստեղ աստծուց հատու սուր և բազուկի զորություն էին աղերսում: Մեկը ընկած, մյուսը նրա կրծքին կանգնած: Նա խեղճ սա ահարկու Մարդկային ճակատագիր: Երկուսն էլ այսօր ավերակ, երկուսն էլ իրանց քարային կոկորդներով մահ, մահ են կանչում: Մահ այս տեղերի յուրաքանչյուր առարկայի, յուրաքանչյուր քարի, յուրաքանչյուր հիշատակի համար...

Եվ այդ մահվան կոչերը պիտի այս մեծ ձորն էլ լցնեին ներքեցից մինչև պոռնգները, թե վիներ գետը:

Բնությունը միայն Ախուրյանով է ապրում: Միայն նրանով էր այսպես հափշտակել ինձ այս ավերված, բայց գեղեցիկ, քարանկյունների վրա տիրաբար ցցված պատուհանում:

— Գնա՞նք,— լսեցի ես և զոռով պոկվեցա Ախուրյանից ու նրա ձորից...»

ԺԴ

Գնում ենք բարձրադիր Անին տեսնելու, այն, որ բլուրի վրա է տեղավորված, միջուկը, սիրտը — Միջնաբերդը:

Ախուրյանի ձորը և Մաղկոցաձորը Անիի հարավային մասում մոտենում են իրար, մի նեղ պարանոց կազմում: Այդտեղ ահա, մի ձորի ափից մինչև մյուսը, արևելքից արևմուտք ուղղությամբ ձգված է այս դաշտավայրի համեմատությամբ բավական բարձր մի բլուր, որ ունի մոտ 300 ոտնաշափ: Հյուսիսային կողմից բլրի լանջերը զառիվայր քարքարուտներով իջնում են դեպի քաղաքը: Դրանք բավական դժվարամատշելի են, և հաղիվ թե Անիի ամենալավ ժա-

մանակներում էլ այդտեղ շինություններ եղած լինեն. գոնեայժմ լանջերի վրա չեն նկատվում ավերակներ: Բլուրը դյուրամատչելի չէ և արևելյան կողմից: Այդտեղ նրա համարյա ուզզածիդ լանջերը իջնում են Սխուրյանի ձորի վրա, և նեղ ճանապարհը, որ այդ կողմով քերում է բլուրի ստորոտը, տեղտեղ այնքան մոտենում է Սխուրյանի խոր ձորին, որ ուշեռը պիտի դգուշությամբ քայլե, թե չէ կարող է ցած, դեպի գետի ժայռոտ կողերը սահել:

Միայն արևմտյան կողմից Միջնարերդի բլուրը անհամեմատ դյուրամատշելի է: Այդ կողմում նրա լանջերը ավելի թեք են և լեն հասնում Շաղկոցածորի կողերին: Մեջտեղ մնում է մի լայն ու հարթ տարածություն, որ տանում է դեպի Միջնարերդի ետեր, դեպի նրա հարավային ստորոտները: Թերդ շինողներն էլ ասում են այցելուին, որ առհասարակ Անին այս կողմից վտանգի է եղել ննթարկված: Ուստի Շաղկոցածորի այս կողմով, սկսած այն տեղից, որով մենք ձորի միջից բարձրացել էինք քաղաք, նորից սկսվում է պարիսպերի ընդհատված շարքը:

Մզկիթի շինությունից Միջնարերդի այս կողմը դալու համար, մենք ստիպված էինք երկար պտույտ անել նրա հյուսիսային լանջերի տակով: Արևո շատ էր բարձրացել և Անիի մեջ սկսվել էր ամառնային միջօրեն: Շիրակի լեռնադաշտը առհասարակ զով ու կարճատև ամառ ունի: Բայց այդ ամառն էլ այրել դիտե, մանավանդ Անիում: Կատարյալ անապատային մի արե, նա խաշում է քարակույտերը, նա շատ դուրեկան է այդ քարերի տակ թաքնվող կարիճներին, բայց մարդը շատ է սեղվում երկնքից թափվող կրակից: Այս անհուն քարակույտերի մեջ, ջրից, կանաչից ու ծառերից զուրկ այօ մեռած անապատում ի՞նչը կարող է մեղմացնել միջօրեի կրակոտ սլաքների աղղեցությունը: Ոչինչ, ոչ մի ժան չկա: Լեզուդ շորանում է բերանումդ: Եվ միայն ավերակների անունը, միայն Միջնարերդ ասած բանը կարող է այդ անհրապուր ժամին շրջեցնել քեզ այնքան երկար տաշության վրա...

Սադկոցածորի եզրով ձգված պարիսպը այնս այն հեռաքրքությունն ու հիացմունքը չէ զարթեցնում այցելուի

մեջ, ինչպես Անիի հյուսիսային ամրությունները: Չորր արդեն պաշտպանության մեծ մասը իր վրա է եղել վերցրած, ուստի պարիսպը այնքան բարձր չէ, շունի մեծ աշտարակներ իսկույն երեսում է, որ այս պաշտպանողական միջոցը այնքան էլ շատ կարևոր չէ եղել և նրա վրա ուշադրություն չեն դարձրել: Մի հասարակ, հաստ պատ է, որքան կարելի է նկատել այս ներսի կողմից: Այստեղ էլ չէ երեսում այն ստակալի ավերանքը, որ այնպես ջարդ ու փշուր է արել, քանզի այլանդակել է դաշտային մասի ամրությունները: Հինգ թողնված մի պարիսպ: Կարծում եք, թե նրա վրայից նոր են, իչն պաշտպանողները: Պահապանների շրջադալիու տեղերը, ցած իշնելու և բարձրանալու սանդուղքները, — ամեն ինչ մնացել է, և լավ է մնացել:

Պարիսպը ոլորվում է այնպես, ինչպես Շաղկոցածորի կողմն է ոլորվում: Ահա նա ցած է զնում, մենք էլ զնում ենք նրա հետ, մեր ձախ կողմում թողնելով Միջնարերդի բլուրը: Որքան մենք ցածրանում ենք, այնքան Միջնարերդը բարձրանում է, մինչև որ նրա գլուխը բոլորովին անտեսանելի է դառնում մեզ:

Շաղկոցածորի այս պատի կողմից Միջնարերդի ամրության շտեմ, այսինքն հարավային մասն է երեսում: Նա այս տեղից մի սապատող բարձրություն է, լայնարձակ, մեծ լանջերով: Բլուրի գլուխը այնքան փոքր է, որ թվում է թի այս լանջերի վրա պիտի փոփած լինեն Միջնարերդի տները: Չէ՝ որ Անիի հին շրջանում, մինչև հյուսիսային զաշտային մասը գուրս գալը, այս բլուրի վրա էր գտնվում ամբողջ քաղաքը: Նա շատ մեծ շպիտի լիներ, բանի որ Միջնարերդը իր բոլոր լանջերով, իր բոլոր ստորոտներով վերցրած, անուամենայնիվ, մի մեծ տարածություն չէ ներկայացնում և ավելի մի մեծ գյուղի է հարմարվում, քան մի քաղաքի: Ո՞ւր էր կարող նա զետեղված լինել, եթե ոչ բլուրի հարավային զափիվայր ու համեմատար լայնանիստ լանջերի վրա: Բնակությունները այստեղ պիտի հասնեին մինչև պարիսպները: Եվ, սակայն, այս ամբողջ տարածությունը այժմ մաքուր ու բաց է, կարծես սրբաված: Ոչ տան հետքեր են երեսում, ոչ ավերակներ կամ գո-

ներ քարակուլտերու Մի՞թե ոչինչ չէ մնացել, կամ մի՞թե բռնը մնացորդները հողի տակ են ծածկված...

Ահա պարիսալը ցած գնալով որքան կարող էր, սպառվեց մի փոքրիկ, ավերված եկեղեցու մոտ: Նա ապացուց է, որ Միջնաբերդի այս մեծ լանջերը բոլորովին ամայի ու անխնամ չէին, ինչպես ցուց է տալիս ներկա դրությունը:

Միջնաբերդի առանձնատան դիրքը, նրա պարզ ու հասարակ շրջապարիսալը, շինությունների բացակայությունը առաջին անգամ տրամադրում են այցելուին կարծելու, թե այստեղ մի բոլորովին այլ աշխարհ էր, թե Անին, իսկական գեղասեր, ճարտարարվեստ Անին բլուրի այն կողմին մնաց: Սակայն այս փոքրիկ եկեղեցին, որ, իրրե առաջին դիմավորող, մտցնում է ձեզ Միջնաբերդի աշխարհը, ցրում է այդ տպավորությունը: Իր փոքրիկ պատառուտուն մարմնով նա ատում է, որ այստեղ էլ միևնույն Անին է: Նույն խնամքը, նույն ճաշակը շինության վրա: Ոչինչ չկա, որ նրան դուրս վռնդե Անիի վարպետներին արժանավայել կերտվածների շարքից:

Իսկ նրա դի՞րքը:

Նրա արևմտյան պատի տակ մենք շվաք գտանք և նըստեցինք այդտեղ հանգստանալու Փոքրինչ զովություն այդ այրող արևի մեջ, փոքրինչ հանգիստ այնքան ման դալուց հետո, որքան ախորժելի էր: Մանավանդ ի՞նչ սիրուն տեսարանով է վարձատրում մեզ փոքրիկ եկեղեցին: Դեպի արևմուտք, դեպի հարավ խորություններ, անդունդներ, և մենք տիրում ենք նրանց վրա: Նայելու շատ ու շատ բաներ կան:

Սաղկոցաձորի շարունակությունն է այդ տեսարանների սիրուն ու հոգին. Նա է այստեղ, Միջնաբերդի այս կողմում, ձորի ու ժայռու բարձրությունների մի ամբողջ քառս թափել: Մեր փոքրիկ եկեղեցուց, մեր ոտների տակից ուղղակի զարիվայր է ցած գնում: Գնում է նա երկար, մինչև հասնում է Սաղկոցաձորի խորության, որի հատակը այստեղից չէ երևում: Խոր է ձորը, բայց ավելի խորանում է, երբ փոքրինչ թիքվում է դեպի արևելք և, դեմ առնելով միապաղաղ ժայռերի տարածության, դարձյալ ուղղվում է դեպի հարավ, սակայն աշխատելով մոտենալ արևելքին: Նրան պահող,

նրան սեղմող ժայռու տարածությունը մեր նստած տեղից շատ ցած է. Նա կաղմում է Միջնաբերդի շարունակությունը, Այստեղից Սաղկոցաձորի հանդիպակաց բարձր ափն է երեւում. Նրանից դենք Ալաջայի հարթ ստորոտների շարունակությունն է, և մի լայն ճանապարհ գնում է այդտեղով դեպի հարավ, ձորի ուղղության հետ զուգընթաց:

Մեր եկեղեցու լանջը, ինչպես ասացի, շատ զարիվայր է: Այստեղից նայողին թվում է, թե ցած, դեպի Սաղկոցաձորը գնացողը պիտի գլորվելով գնա և չլիտի կարողանա պահել իրան: Բայց տեսե՞ք, հենց այդ լանջիվայրը վտանգավոր են համարել Անիի տերերը: Պետք է եղել այդտեղ ավելի զարգացնել պաշտպանողական միջոցները, շրավականանալով Միջնաբերդի շրջապարիսալով: Եվ ահա այդ պարսպից մի ուրիշ պարիսպ բաժանվելով, գնում է դեպի ցած: Գնում է հանդուզն համարձակությամբ, արհամարհելով լանջի թերությունը: Սկզբում նա կարճահասակ է, բայց որքան ցած է իշնում, այնքան ավելի բարձրահասակ է դառնում: Եվ, այդպիսով, կարողացել են այն հետևանքին հասնել, որ դեպի ձորը վաղող պարսպի գլուխը, այսինքն այն տեղը, որով պիտի շարժվեին պահապանները, համեմատարար քիչ թիք ուղղություն ունի:

Այստեղ ինձ արդեն քանիերորդ անգամը պետք է կըրկնել, որ Անին մեր նախնիքների ուղմագիտական տաղանդի մի աննման թանգարան է ներկայացնում: Ահա մի փաստ էլ, գուցե ամենահիանալին բոլոր այստեղ հավաքված փաստերից: Ինչպես լավ են իմացել օգտվել բնության ահավոր խաղերից. ինչպես կարողանում էին նվաճել անմատչելի վայրենություններն անգամ, հպատակեցնելով նրանց իրանց բահերին, թիերին, բրիչներին: Պարիսպը իր վերեկի մասերում է քիչ ավելի վածիածի: Մնացած մասը կարմիր միապաղաղ մի զանգվածի է նմանում: Թվում է թե դա Միջնաբերդից դուրս պրծուծ մի ամենի գաղան է, որ համարձակ ցած է վաղել և հասնելով խորխորատին, կանգնել, ծառացել է նրա վրա:

Միայն ուղմական պետքերի կարող էր ծառայել այդ մեծ, ահարկու տպավորություն թողնող պարիսպը: Նա վերջանում է քառակուսի սպառվածքով, որ ցցված է ձորի ահա-

գին խորության վրա, և իր մի հատ մեծ պատուհանով խոռոս, սպառնական հայացք է բևեռել ոչ միայն ձորի, այլև նրա ափով անցնող ճանապարհի վրա: Այստեղից չէ երեսով այդ աշքը, բայց այստեղից նայողն էլ զգում է, որ այնտեղ, պատի բարձր, քառակուսի ժայրը պլշած նայում է, դարձյալ սպառնալից, դարձյալ աճարկու, ինչպես իր կառուցման առաջին օրից...

Փոքրիկ, անանուն եկեղեցուց մենք դանդաղ շրջադայում ենք Միջնաբերդի հարավային ստորոտով, ուղղվելով գետի արևելք: Բայց աշքից չցցենք մեզանից ցած ընկած ժայռերի տարածությունը: Սաղկոցաձորը, գնալով նրա արևմտյան կողմով, նեղանում, կուշ է գալիս և այստեղից նա հաղիչ նկատվում է իրքի մի սկ, անհատակ պատովածք: Միշտ այդ նեղված ձորը ձգտում ունի դեպի արևելք գալու, ժայռերը հաղթահարելու ինչո՞ւ, ի՞նչ կա արևելքի մեջ ձգողական: Ախուրյանն է այդ կողմում, և Սաղկոցաձորի ջուրը շտապում է մի ժամ առաջ միանալ նրա հետ: Սկ ապառաժ բարձրությունն է ընկած նրա և Ախուրյանի մեջ. չէ թողնում միանալ, բաժանում է, բայց ժայռն էլ վերջ ունի, ժայռն էլ հոգնում է: Հրե՞ն, հեռու հարավում Ախուրյանի լայն պատովածքը ժայռերի միջով շրջան տվեց, թեքվեց դեպի արևմուտք: Իրան է սպասում Սաղկոցաձորի երկար ու նեղ շարունակությունը և իսկույն ընկնում է Ախուրյանի գիրկը...

Ծվ ստացվում է այսպիսի մի տեսարան: Միջնաբերդի հարավային մասը, ցածրանալով, տեղի է տալիս այն բարձր ժայռերին, որոնք անշատում ու Ախուրյանը Սաղկոցաձորի շրից: Այսպիսով, Անիի թերակղին ստանում է սեպի նման վերջափություն, որ իր սուր անկյունով խրվում է երեք կողմից շրջապատող ձորերի մեջ: Սուր անկյուն կազմող ժայռոտ բարձրությունը, երկու շրերը իրարից անջատողը, այժմ անվանվում է Գրզը-գալե: Մի բերդաւորեմն: Եվ իրավ, բնության շինած մի անմատչելի ամրություն է դա, ուր, ինչպես ցույց են տալիս այնտեղ երեսող ավերակները, մարդիկ են ապրել, պաշտպանվել:

Շատ քշերին է աջողվում գնալ, տեսնել Աղջկա բերդը Ճանապարհը սաստիկ վտանգավոր է. նա բերում է այդ

ժայռերի կուրծքը և անցնողը առանձին ճարպիկություն և գյուրաթեքություն պիտի ունենա խոր ձորի մեջ գլորվելու անխուսափելի վտանգից ազատված լինելու համար: Այդ հանգամանքը արգելք է դնում մեր առջև: Եվ ես կասեմ այստեղ այն, ինչ տեսնողներն են ասում:

Ժայռոտ բարձրության գլուխը շափազանց փոքր ու անձուկ է, որպեսզի այնտեղ մի աշքի ընկնող բերդ տեղավորվեր: Բայց ինքնապաշտպանության հոգով պաշարված հին մարդու համար անձկությունը այնքան նշանակություն չուներ, որքան ամրությունը, ուստի նա փոքրիկ բերդերն էլ չէր արհամարհում: Երեք կողմից ջրերով շրջապատված, իսկ շորորդ կողմից մի պարսպանման սպառվածքով անմատչելի ժայռը դեռ հին ժամանակներում պաշտպանության մի գեղեցիկ վայր է դառնում: Ենթադրում են, որ դա է եղել հին Անի բերդը: Այդտեղ էր, ինչպես կարծում են, հայոց ամենագլխավոր և ամենաժողովրդական աստվածունք Անահիտի տաճարը: Երբ քրիստոնեությունը Հայաստանու պաշտոնական կրոն դարձավ, Գրիգոր Լուսավորիչը, ինչպես հայտնի է, սկսեց կործանել հեթանոսական մեհյանները և նրանց տեղ եկեղեցիներ կառուցանել: Այստեղից մի ուրիշ ենթադրություն էլ.— այս ժայռի վրա էլ, ուրեմն, Լուսավորիչը կառուցած պիտի լինի եկեղեցի:

Այժմ էլ այնտեղ երևում է կարմիր քարերից շինված մի գեղեցիկ եկեղեցի, շրջապատված փոքրիկ մատուռներով: Ավելարանքը այդ անմատչելի տեղն էլ է հասել, նրա համար արգելք չէ եղել վտանգավոր նեղ ճանապարհը, որ քարերի մեջ փորած աստիճաններով է դեպի վեր գնում. և նրա քայլքող շունչից այդ եկեղեցուց էլ մի քանի պատեր ու բեկորներ են միայն մնացել: Ե՞րբ է շինվել նաև Մի արձանագրության կտոր ասում է, որ եկեղեցում պատարագ է մատուցվում Զաքարի Սպասալարի մայր Սահակդուխտի համար: Հավանական է, ուրեմն, որ եկեղեցին եթե ոչ շինված, գոնե վերանորոգված է այդ հողակավոր իշխանի ձեռքով¹: Բացի այս եկեղեցուց նկատվում են ժայռի գլխին և մի քանի ուրիշ

¹ Եկեղեցու մի պատի վրա, խորհրդավոր տառանշաններով ժամանակակից առաջնային պատճենը կատարվել է 1920 թվականի մայիսի 25-ին:

ավերակներ, որոնք աշտարակների ձև են ցույց տալիս: Դրանք էլ մի կողմից են ուժ տալիս այն կարծիքին, թե Գըգգալեն է եղել նախնական Անին, որ դեռ հինգերորդ դարից հայտնի էր «ամուր» տիտղոսով: Այդտեղ է ծնվել բերդը, այդտեղ է մկրտվել, իր գեղեցիկ անունը ստացել: Եվ ապա տարածվել է դեպի Հյուսիս, անցել է ձորք, բարձրացել մեր այս Միջնարերդի լանջերով ու առաջ գնացել ոչ միայն աշխարհագրական սահմանների, այլև անմահ փառքի ու հըռշակի մեջ...

Ահա վերջանում է Միջնարերդի հարավային լանջը, և մենք հասել ենք այն տեղին, ուր արդեն դեպի Ախուրյանի ձորն է նայում բլուրը և ուր, ինչպես վերևում ասացի, լանջը ավելի դժվարամատշելի է դառնում: Այստեղ, այս դեպի ցած, դեպի Ախուրյանի գոզը գահավիժող լանջերի հարավարևմայսան անկյունում, որտեղից բացվում է մի նոր, վեհագույն անկյունում դեպի Գըգ-գալեի ժայռերը, միայնակ կանգնած է մի այլ, փոքրիկ, բայց նախընթացից ավելի դեղցիկ եկեղեցի:

Բայց մի՞թե եկեղեցի է դա: Եթե Սիներ կոլոր անզարդ գմբեթը, կարելի պիտի լիներ նրան անզանել որևէ մուտքի, դուան նմանություն ունեցող մի բան: Փոքրիկ մի կամարակալ, որ երեսը դարձրած է դեպի արելք, և ինչոր հրաշքով համարյա ամրող մնացած մի գմբեթ նրա վրա,— ահա այդ եկեղեցին: Երեկի դա եկեղեցու մի մասն է միայն, որ աղատվել է կործանումից: Իսկ կործանումը այնքան հալումաց է արել և անում է այդ խեղճ պատափիկը, որ հազիվ ես հաշտվում այն մաքի հետ, թե եկեղեցի ես տեսնում:

Նրա հարավային փոքրիկ, կիսով շափ քարակույտերի մեջ կորած դուռը դարդարված է ճոխ օրնամենտներով: Երկու կողքին, պատի վրա, գեղեցիկ եռանկյունի խորշեր են երեւում: Մուտքի մոտ և շուրջը թափած քարակույտերը դըլխավորապես գեղեցիկ քանդակագարդ բեկորներ և կարնիջների կտորներ են: Նրանք ցույց են տալիս, թե որքան դարդարուն է եղել այս խեղճ ու քարուքանդ եկեղեցին: Այդ զարդերը, ավերակի տարօրինակ, եկեղեցու նմանություն շուշող ձեզ առիթ է եղել, որ կարծիք կազմվի, թե դա թագավորական

տան երեխաների գերեզմանոց է եղել: Դոնե այս անունով է Քյուրքյանը ներկայացնում մեղ այդ սիրուն մուտքի լուսանկարը:

Որ թագավորական տունը սեփական գերեզմանոց է ունեցել և Անիում, այդ վկայում է և մեր պատմագիրներից մեկը: Ամբողջ հարցն այն է, թե ո՞ւր գտնել նրան և ինչպիս: Ահա մենք բարձրանում ենք Միջնարերդի գլուխը: Ի՞նչ է մնացել այստեղ:

Բարձրանում ենք արևելյան լանջով: Այդտեղից շատ մոտիկ են երեսում այն շինությունները, որոնց ավերակները աշքի են ընկնում քաղաքի ամեն մի կողմից: Բայց այդ կարճ տարածությունը մենք մեծ ջանքերով ենք կարողանում նվաճել: Լանջը մի լայն գոգավորություն ունի, որ վերևից մինչև ցած, շինությունների մոտից մինչև Ախուրյանի ծորի պունդը լցված է քարերով: Սարսափելի՛ կույտերը: Թեև մենք վաղ առավոտվանից արդեն շատ ենք սովորել նրանց, շատերի վրայով ենք անցել, բայց այս լանջը բոլորովին ուրիշ բան է: Քայլում ես դեպի բարձր, քայլում ես քրտինք թափելով, հող շատ քիչ ես տեսնում ստներիդ տակ: Ամեն տեղ քարերի մեծ ու փոքր կտորներ, որոնք դժվարացնում են քայլդ կամ շարժվում են ոտներիդ տակ, հարկադրելով ջանքեր անել, որ ետ ու ետ շգնաս: Իսկ վերևից Անիի արեգակը այրող սլաքների տարափ է թափում...

Արդեն քարակաշկառների այս միապաղաղ տարածությունը մի հասկացողություն է տալիս, թե ո՞ր աստիճան ահավոր է եղել Միջնարերդի կործանումը: Անհեթեթ քարակույտերը աննպատակ վայրենի, բնական բեկորներ չեն, խըլված ժայռերից դարերի ընթացքում: Ո՞չ: Ցուրաքանչյուր կըտորը ունեցել է իր հայտնի պաշտոնը, կատարել է իր հայտնի դերը Միջնարերդը կազմող շինությունների մեջ: Այն բոլորը, ինչ թափված, այլանդակ կերպով կույտ-կույտ է արված այստեղ, մի ժամանակ եղել է համաշափ շարված, միտք ու նշանակություն ունեցող վայելլություն, ճաշակ: Բարձրացել է, — ո՞վ գիտե երը, — փոթորիկ, գուցե փոթորիկների մի ամբողջ շարք, որ տրորել, մանրել է անթիվ պատերը և լցրել է լանջի այդ գոգի մեջ իբրև անպետք մի շեղակույտ, որ այսոր

միայն տանջում է ուղևորին, դժվարացնելով նրա ամեն մի քայլը, որ տանում է գեղի Անիի այդ թագն ու պսակը:

Մի կերպ հասնելով գագաթին, մենք ապշած կանգ առանք: Այսքան էլ ավերա՛նք: Եվ այս բացականչությունը ակամա դուրս է թոշում գիտե՛ք ուր.— Նույնիսկ Անիի մեջ, նույնիսկ նրա բոլոր ավերակները տեսնելուց, կարծանման ամենաանգութ տեսարաններին սովորելուց հետո: Ո՛չ, այնտեղ, ներքեում, դեռ լավ էր: Տափարակային Անիում դեռ կարելի է մի բան հասկանալ, կարելի է մի միտք կազմել, մի պատկեր ամբողջացնել: Այստե՛ղ ոչ մի հնարավորություն: Թեև այստեղ ամեն ինչ գետնատարած, մինչև հիմքերը խորտակված չէ: Քարակույտերի մեջ բարձրանում են պատերի բեկորներ, կամարների կտորներ: Բայց ի՞նչ են դրանք:

Ահա մի կամ երկու փոքրիկ եկեղեցիներ, մեկը նույնիսկ իր կտուրն էլ է պահպանել, և դա Անիի հնագույն եկեղեցիներից է, պարզ ու վայելու ոճով, նույնիսկ արձանագրություն էլ ունի, որ գտել ու կարդացել է Բասմաջյանը:

Սակայն ձեր որոնածը եկեղեցիներ չեն այստեղ: Միջնաբերդ է, անկասկած այստեղ են եղել թագավորների արքունիքը, բարձր պաշտոնական հիմնարկությունները: Այստեղ ապրել են նշանավոր իշխանները, այստեղ են եղել և իշխողները: Մի հին ձեռագրի հիշատակարանից իմանում ենք, որ գրասեր, բարեպաշտ, բայց շափաղանց թույլ ու սահմանափակ Հովհաննես-Սմբատ թագավորը ունեցել է գրադարան: Բագրատունի թագավորները, ինչպես և ժամանակի հայ ազնվականությունը երկու մեծ ու փառավոր մայրաքաղաքների ազդեցության էին ենթարկված՝ Բաղդադ և Բյուզանդիա: Ավելի մեծ էր բյուզանդական ազդեցությունը. հունական լուսավորությունը ընկճել էր հայ միտքն ու սիրտը: Այս բոլորի հետքերն ու հիշատակներն եք որոնում գեղեցիկ քաղաքի այս կարևորագույն մասում:

Բայց ոչինչ չեք գտնում: Հուր, անհեթեթ քարակույտեր էին ինձ նայում ամեն կտղմից և իրանց անտարբեր տեսրով միայն ծաղրում էին իմ բոլոր մտքերը, իմ երեակայության թուշքները: Ավելի լավ է ոչինչ շիմանալ Բագրատունյաց կյանքի մասին, ավելի լավ է միանգամայն անտեղյակ լի-

նել այս տեղի ամբողջ անցյալին: Գոնե այդ դեպքում ավերանքը այնքան չէր տանջի, չէր զայրացնի իր թանձր, անթափանցելի մթությամբ, անհայտությամբ...

Դարձյալ հո՞ւս դնել ապագայի վրա, դարձյալ պեղումներին սպասելու թայց մտածում ես, այն ի՞նչ հսկայական ուժ պիտի լինի, որ կարողանա մաքրել այս ահուելի քարականգնել Միջնաբերդի պատկերը գեթ հողի երեսին, առանց պատերի, այսինքն պարզել գեթ նրա հատակագիծը: Հուսահատական հարց: Տարիների, տասնյակ տարիների տոկուն աշխատանք է հարկավոր: Թայց կարելի՞ է սպասել նրան, երբ դեռ դիտավորություն անդամ չէ ծագել:

Ճիշտ է նկատել Մուրավյովը, թե այստեղից է սկսվել զարհուրելի ավերանքը, այստեղից է ցած իջել, տարածվել քաղաքի մեջ: Թվում է թե հրեշավոր կործանիլ ուժերը նախ և առաջ այստեղ են գումարվել, ծովացել, այստեղ են ժայթքել կործանում և մահ և ապա ցած են գլորվել, տարածվել են լավայի պես Շիրակի դաշտերում...

Հիշատակարանները չկան, կորած են, բայց բնությունը իր սեփականությունը պահել է անփոփոխ, և այցելուի համար այն մխիթարությունը կա, որ այդ բարձր դիրքից կարող է ուղածին շափ զմայլվել այն մեծ, ընդարձակ տեսարանով, որ փուլած է չորս կողմում:

Փոքր ու անձուկ մի տարածություն է Միջնաբերդի գլուխը: Նրա երկարությունը, արևելքից արևմուտք, քայլերով կարելի է շափել: Մի բոպեկ մեծ Ախուրյանի ծորի տեսարաններից դուք անցնում եք Սաղկոցածորի տեսարաններին: Իսկ լայնությունը ավելի նեղ է, և հարավի ու հյուսիսի տեսարանները մի երկու քայլով են իրարից հեռու: Հարավում Գլզգալեի ծորերը, հյուսիսում՝ դաշտերը մինչև Ուշ-թափան:

Սաղկոցածորին նայող ծայրի կամարագարդ ավերակների մոտից մենք նայում ենք դեպի հեռուն: Ուղիղ գծով մեր գիմաց Ալաջացի փեշերն են, իսկ նրանց տակ, ստորոտում, մի տեղ կա, որ Անիի հետ կապված է բազմաթիվ հիշատակներով: Այժմ այդ տեղը կոշվում է Ղոզիշա, — մի թուրքական փոքրիկ գյուղ, որի մոտ, սակայն, մի փառավոր եկեղեցի է

մնացելու Թուրքիրը անասունների գոմ են շինել եկեղեցին, բայց նրա պատերի բազմաթիվ արձանագրությունները մի ամբողջ պատմություն են պարունակում իրանց մեջ:

Նրանք ասում են, որ դա Բագներ կամ Բագնայր ավանն է: Իր անունով այդ ավանը հիշեցնում է մի հին, հեթանոսական հիմնարկություն լինելը: Եվ, երկի, քրիստոնեության մուտքը բոլորովին չէ ոչնչացրել տեղի կրոնական նշանակությունը, այլ, ինչպես և ուրիշ տեղերում, ծառայեցրել է նրան իր նպատակներին: Դուս Խ դարից, երբ այդ եղեղեցին շինվել է, ինչպես կարծում են, Պահլավունի իշխանների ձեռքով, Բագնայրը նշանավոր ուխտատեղի է եղել և Անիի արևմտյան կողմում համարյա նույն պաշտոնն է կատարել, ինչ Հոռոմուր արևելյան կողմում:

Անին հավասար ջերմեռանդությամբ ձգվում էր և դեպի այս արևմտյան Հոռոմուր: Ապացուց՝ այն անշարժ կալվածները, որոնք Անիի զանազան կողմերում էին գտնվում և նվիրված էին Բագնայրի և Աստվածածին եկեղեցուն: Առավել նշանավոր է այն իրողությունը, որ այդտեղ էլ, ինչպես և Հոռոմուրի վանքում, եղել են տոհմային գերեզմանոցներ, որոնք ունեցել են փոքրիկ մատուններ:

Բագնայրը ավելի մոտիկ է Անիին, քան Հոռոմուր: Եվ եթե այսօր շատ ու շատ հանգամանքներ համոզում են մեզ, որ Հոռոմուր համարյա արվարձան էր Անիի համար, նույն հավանականությունները նույնպիսի ուժով էլ պիտի ընդունել տան, որ Բագնայրն էլ մայրաքաղաքի արևմտյան արվարձանն է եղել: Ընդունելով այս միտքը, որի դեմ առարկություններ հազիվ թե լինեն, մենք ստանում ենք Անիի մեծ տարածությունը, որ, սկսվելով Հոռոմուրի վանքի մոտ, գալիս անցնում է դեպի արևմուտք և դեմ առնում Ալաջայի լանջերին:

Եվ անպատճառ հարկավոր չէր, որ այդ ամբողջ տարածությունը ծածկված լիներ անեցիների աներով: Մի քաղաքի սահմանները նրա տները չեն որոշում, մանավանդ մի այնպիսի քաղաքի, որի բնակիչների մի մասը հողագործությամբ և անասնապահությամբ էր պարագում: Իսկ թե Անին այդպիսի բնակչություն էլ է ունեցել, այդ ցույց են տալիս եկե-

ղեցիներին նվիրված արտերը, ինչպես նաև այն տեսակ-տեսակ հարկերը, որոնք դրված էին անասունների վրա: Անասունապահությունը պահանջում է արտատեղեր, խոտհարքեր, մարգեր: Եվ այդ բաներն էլ հիշատակված են արձանագրությունների մեջ:

Հին, մեծ քաղաքը մենք ներկա ժամանակների չափով ու կարգերով շպիտի երևակայինք: Հին քաղաքների համար հողը տնտեսական մեծ գործոններից մեկն էր: Հիշենք այստեղ այն ավանդությունը, որ կապված է Անիի հյուսիսային պարիսպներից գուրս գտնվող Հովիլի եկեղեցու հետ: Իր թե մի հովիլ, տեղ չգտնելով Անիի եկեղեցիներում, իր համար կառուցել է առանձին եկեղեցի: Այս ավանդությունը եթե անեցու ջերմեռանդ կրոնասիրության աստիճանը ցույց տալու համար է ստեղծվիլ, պակաս պերճախոս չէ և իրոք մի ապացուց, թե անասնապահությունը այստեղ ինչ հարստության աղբյուր էր:

Մենք ունենք և պատմության ավանդած իրողություն: Ահա Սմբատ Տիեզերակալը, Մայր եկեղեցու հիմնադիրը, Անին այնպիսի զարմանալի պարիսպներով շրջապատողը, նա, որ ահազին գումար ծախսելով՝ Հնդկաստանից բյուրեղյա ջահ թերել տվեց: Ասողիկը, պատմելով այդ թագավորի փարթամությունը, ասում է, որ նա հացի և գինու շատ պաշարներ ուներ: Նույն Ասողիկը հաղորդում է և այն, որ մեծագործ, գոռող թագավորը Անիում խոտի մեծ ամբարանոց ուներ, որ հավաքված էր տարիներով: Հողի մարդ էին ամենաքը: Եվ թագավորը այնքան մեծ բան էր համարում իր խոտի գեղերը, որ երբ նրանք անհայտ պատճառից այրվեցին, նա բարբարոսական անարդարությամբ հրամայեց ողջ-ողջ այրել մի խեղճ խելազարի, որ ասել էր, թե ինքն է կրակել թագավորի խոտը:

Այսպես, ուրեմն, Անին իր շրջականերում ընդարձակ տեղեր պիտի ունենար իր տնտեսական պետքերի համար: Եթե ընդունում ենք, որ անթիվ քարայրերի մեջ մարդիկ էին ապրում, պիտի ընդունենք և այն, որ այդ մարդիկ մեծ մասմբ գյուղական գործերով էին ապրում, և նրանց ապրուստի համար հարկավոր էր հող: Անին իր պարիսպների մեջ չէր

պարփակված: Բացի բարայրերից, ուշադրություն դարձրեք այն ընդարձակ դաշտավայրերի վրա, որ սկսվում է հյուսիսային պատերից: Այդ տարածության վրա անթիվ ու անհամար բարեր են թափված, որոնք ասում են, թե այդտեղ էլ բնակություն է եղել: Իսկ մինչև Բագնայր և Հոռոմոս, անշուշտ, ձգված էին անեցիների ոչ միայն հողերը, այլև գուցե շատ տները:

Եվ ուրիշ կերպ անկարելի կլինի հասկանալ, թե ինչպես էր որ Անին աճազին բազմամարդ մայրաքաղաքի հողակ ուներ, այնքան աճազին, որ նրա անսովոր լափերը ցույց տալու համար կազմվել էր հազար ու մի եկեղեցիների առասպելը:

Անին այն հորիզոնի մեջ, որ երևում է Միջնաբերդից—սա և՛ հասկանալի է, և՛ բնական:

ԺԴ

Այդ հորիզոնը ամփոփում է իր մեջ ավերակների մի հակայական տեսարան: Այլև առանձին-առանձին կտորներ չեն առջևուն: Մանրամասնությունները, առանձին գծերը անհայտացել են, ամեն մի մեծ թե փոքր ավերակ, լինի դա Մայր եկեղեցի, թե Սմբատան պարիսպներ, Ապուղամբենց և. Գրիգոր, թե Բեխենց վանք, ապարանք Շաղկոցածորի վրա, թե Հովվի եկեղեցին, գալիս միանում է ընդհանուր տեսարանի մեջ, ներկայացնում է մի տխուր ու թշվառ ամբողջություն:

Բնությունը կարծես դիտմամբ բարձրացրել է Միջնաբերդի ժայռերը, որպեսզի նրանք պատվանդան դառնան տիրող մարդու համար: Մեր այդ պատվանդանի վրա էլ միևնույն էր միջօրեի արկը՝ անողոք, խաչող, ճիշտ ավերակային: Շուրջս միայն այրված հող, տաքացած բարեր, ծարավը ավելի սաստիկ է տանջում, քրտինքը ծլում է ճակատից: Բայց հս նրատում եմ ժայռոտ բարձրության ծայրին, որովհետև այդ բռպեին ավելի ուժեղ, ավելի տիրապետող է նայելու ցանկությունը:

Եվ ես նայում էի, երկար նայում: Ի՞նչ տեսարան: Նրա հսկայական կրծքի յուրաքանչյուր անկյունից, յուրաքանչյուր խորշից դեպի այս ժայռոտ բարձր պատվանդանն էր բարձրանում այն, ինչ դժբախտն է, ավերվածը, ապականվածը: Նա ինձ ասում էր. «Ես պարզապես մարդկային մի գործ հմատ Հավիտենական չէ մարդը, նրա գործն էլ այդպես է. մորթվում, հոշոտվում, ծվեն-ծվեն է դառնում մարդը.— այդպես և նրա գործը: Ու ես հիշեցի Զալլդ-Հարոլդը Հոռմի ավերակների մեջ, մտարերեցի Բայրընի թախծալից հանճարով դրշմված տողերը:»

Նայեցե՞ք, այստեղ, ձեր ոտների տակ,
Մեծ Հոռմը նույնպիսի փոշի է դարձել,
Որպիսին մենք էլ կդառնանք,
Երբ կճաշակենք գերեզմանի մութ հանդիսար...

Մեր այս Միջնաբերդը, իհարկե, ո՛չ Հոռմի Կապիտուլիումն է, ո՛չ Աթենքի Ակրոպոլիսը, աշխարհաճոշակ ավերակներ, որոնց միջից տիեզերական իրողություններ, հանրամարդկային նվիրական հիշատակներ են խոսում,— մինչդեռ մեր Անին մի մասնավոր երեւյթ է մարդկության կյանքում, մի փոքրիկ կաթիլ պատմության օվկիանոսի մեջ:

Բայց այդ միևնույն է, Միևնույն՝ նրանով, որ Ակրոպոլիսն էլ, Անին էլ գերեզմաններ են: Մահը աշխարհիս վրա ծայրագույն հավասարությունն է: Նա փոսում է գերեզմաններ, մեծ ու փոքր գերեզմաններ, բայց մեծն էլ, փոքրն էլ խոսում են անկախ այն հանգամանքից, թե մեծ են կամ փոքր: Մեծ գերեզմանները աշխարհի մեծարանքն են, աշխարհի սուրբ խոսքն են: Բայց սա չէ նշանակում, թե փոքր գերեզմանները պիտի լոեն իրանց հարազատ երկրում, իրանց մերձավոր շրջաններում:

Թող ինչ ասում են ասեն, Ակրոպոլիսը և Կապիտուլիումը՝ ամբողջ մարդկության, քաղաքակիրթ աշխարհի բոլոր անկյուններին,— մեր Անին էլ Ախուրյանի ափում բարձր ձայնով ու բաց ճակատով ասում է, թե ինքն էլ նույնպես մարդկային մի մեծագործություն է, թե առանց բարձր ընդունակությունների, առանց խոշոր տաղանդի գործադրության չէ նա Ալաշայի ստորոտներում երևան եկել իբրև սիրում ու շքեղ

Մայրաքաղաք: Հրաշքի պես մի բան է նա երևում ասիական աշխարհի այս գժրախտ անկյունում: Բայց այդ հրաշքը երկընքից չէ ընկել: Մայրաքաղաքը իր թագավորության արդյունքն է, իսկ թագավորությունն էլ հրաշքի պես ծնվեց, հրաշքի պես փայլեց և, իբրև հրաշք, կարճ ապրեց, վաղանցուկ հղավ:

Իմ աշքի առջև մարմնացած էր այն ժամանակը, երբ այստեղ կյանք առավ մեր պատմության ամենազարմանալի երեվույթներից մեկը, երբ տիսուր ճակատագրին հավատարիմ իրականությունը մի կողմից քաջություն, տաղանդ, մտավորու կուլտուրական ընդունակություններ էր հանում երկրի երջանկության համար, մյուս կողմից ներքին քայլքայում, ապականություն էր դուրս բերում այդ լուսավոր երևույթի դիմ: Եվ Անին մի՞թե կենդանի հուշարձան չէ, փայլուն, լուսատու վերածնության և խավար անկման ու անհամաձայնության:

Ինչ որ ներշնչում է Անին իր յուրաքանչյուր քարով, իր ամեն մի շարդված զարդարանքով, իրան չէ պատկանում, այլ այն տոհմին, որ ստեղծադործեց նրան և այն ժամանակներին, երբ նա ապրեց իբրև առաջինը հայոց քաղաքների մեջ: Չեռակերտը իրան կերտողների մասին է խոսում: Մայր եկեղեցու հիանալի կամարների տակ ինձ Տրդատ ճարտարապետն էր երևում: Իսկ այստեղ, Միջնաբերդում, ուր թագավորական անհայտացած պալատներ են թափված, այս ընդհանուր տեսարանի, այս ամբողջության վրա իմ աշքի առջև սավառնում էին խրոխտ, մեծագործ, բայց և գժրախտ թագառունիները:

Այս փառավոր հիշատակարանները նրանց հանճարը, նրանց հսկայական ջանքերն են մարմնացնում միջօրեի պարզ, ջերմ լույսերով ողողված մթնոլորտի մեջ: Եվ ահա ես էլ նրանց հետ եմ:

Իններորդ դարի երկրորդ կեսի սկզբում Հայաստանը ապստամբված և նորից նվաճվող երկրի դրությունն էր ներկայացնում:

Այդ ժամանակից երկու հարյուր տարի առաջ էր, երբ հայերը իրանց երկրում առաջին անգամ տեսան այն նվա-

ճողներին, որոնք մի թարմ ազգի ամբողջ թափով նոր էին դուրս եկել պատմության ասպարեզը: Դրանք արարացիներն էին, որոնց առաջնորդում էր երկրի վրա նոր հաստատված կոռոնը՝ իսլամը: Իսլամի հիմնադիր Մուհամեմետը վախճանվել էր 632-ին, իսկ 8 տարուց հետո, նրա հաջորդները, կատարելով նրա պատվերները, իրանց արշավանքների մի ճյուղավորությունը արդեն մտցրել էին Հայաստան:

Բայց Հայաստանը մի անկախ ու առանձնակի նպատակ էր արարական աշխարհակալ սրբ համար: Կոիվ էր մզվում ահագին Պարսկաստանին տիրելու համար: Եվ Հայաստանի մեջ առաջին անգամ մտած արարական բանակը ավելի նպատակ ուներ սպաննական դիրք զրավել Պարսկաստանի հյուսում ու այդպիսով հեշտացնել բուն Պարսկաստանում գործող բանակի հաջողությունները: Ընկալ հին, մաղղեղական Պարսկաստանը, Սասանյանների գործը ջարդվեց, և ամբողջ ահագին պետությունը արարական կալված դարձավ: Դարերի ընթացքում Հայաստանը կովածադիկ էր Պարսկաստանի և Հոռմայեցիների, ապա և՛ բյուղանդացիների մեջ: Արարական տիրապետությունը, ժառանգելով Պարսկաստանը, շարունակեց նրա պայքարը Հայաստանի տիրապետության վերաբերմամբ: 650 թվականներից հետո արաբները սկսեցին մի կողմից նվաճել Հայաստանը սարսափելի կոտորածներով և ավարառություններով, մյուս կողմից կոփվներ մղել թյուղանդիայի դիմ՝ Հայաստանի համար:

Իսկ ի՞նչպես էր վերաբերվում երկիրը՝ այդ նոր տերերին:

Հինգերորդ դարի առաջին կեսում վերջացել էր Արշակունյաց թագավորությունը: Այնուհետև Հայաստանը չուներ նույնիսկ անվանական աղքային կենտրոնական իշխանություն, ինպիսին էր Արշակունյաց հարստությունը իր գոյության վերջին տարում: Երկիրը պահպանեց իր ներքին կաղմակերպությունը, ենթարկված մնալով Պարսկաստանին ու Թյուղանդիային: Ներքին կաղմակերպությունը, ինչպես հայտնի է, ֆեռդալական սիստեմն էր, կալվածատեր իշխանների այն մեծ ցանցը, որ, լինելով տեղային անկախ ինքնավարությունների սկզբունք, շափականց թույլ փոխադարձ կա-

պերով էր միացած երկրի ընդհանուր պաշտպանության համար:

Արաբները իրանց նվաճող սրերի բերանով Հայաստան մտցրին նախ և առաջ նոր կրոնի հարցը: Բնական էր, որ քրիստոնյա Հայաստանը նոր ահեղ թշնամու դիմաց մի քնազդային մղում զգար դեպի իր կրոնակից թյուղանդիան: Կար և մի նոր հանգամանք նոր լուծի մեջ: Արաբները ծանր հարկեր էին դնում իրանց ոչ մահմեղական հպատակների վրա և զինվորական ուժի ճնշման տակ էին ապահովում այդ ծանր հարկերի վճարումը: Սա էլ մի ուժեղ հանգամանք էր, որ իսլամական լուծի դեմ ատելություն էր հաստատում:

Իսլամը հաղթանակում էր ապշեցուցիչ հաջողությամբ և արագությամբ: Եվ այդ հաղթանակի համար լայն ասպարեզ բաց էր անում ամենից առաջ այն, որ նվաճվող երկիրները շատ թույլ էին իրանց ներքին անկերպարան դրությամբ: Պարսկաստանում ներքին անհամաձյնություններ, հեղափոխություններ կային, քրիստոնյա Սիրիան, Եգիպտոսը արդեն զգվել էին բյուզանդական կրոնամոլ-բյուրոկրատական կառավարությունից, ուստի մատը մատին շխիեցին արաբներին դիմադրելու համար:

Ներքին անրաբեկարգության դժբախտ տեսարան էր ներկայացնում և Հայաստանը: Այդ գժբախտությունը հին էր, պատմական—հայ ֆեոդալ-նախարարների անմիաբանությունը: Նրանից օգտվեց արաբական տիրապետությունը, ինչպես ժամանակին օգտվել էին պարսկական, հոռմեական, բյուզանդական տիրապետությունները: Բայց և այդպիս, նախարարների գոնե մի մասը կարողանում էր հայտնի դեպքերում միանալ մի զաղափարի համար և գործել համերաշխությամբ: Արաբական լուծի ծանրության դեմ դիմադրություն կազմվեց երկրի մեջ և դրա առաջին նշանավոր հերոսն էր Թեոդորոս Ռշտունին:

Եյս նշանավոր հայ իշխանը պատմության մեջ գուցե առաջին քրիստոնյա գործիչն էր, որ փորձեց մահմեղականության միաբան արշավանքի դեմ կանգնեցնել տարրեր դավանությունների պատկանող քրիստոնյաներին: Եթե հայոց և հունաց եկեղեցիների մեջ վիճ էին բացել աստվածաբանա-

կան վիճաբանություններն ու անհամաձայնությունները, այդ չեր նշանակում, թե չկան ընդհանուր քրիստոնեական շատ կարևոր շահերը, որոնք պիտի միացնեն երկու ազգերը այնպիսի հարցերում, ուր արդեն մասնավոր անհամաձայնությունները չեին խոսում, այլ քրիստոնեության լինել-վիճելու:

Եվ Ռշտունին պատերազմ սկսեց արաբների դեմ, աշխատելով միացնել հայոց և հունաց ուժերը: Նա հաղթություն էլ տարավ, բայց շուտով նկատեց, որ քրիստոնեական համերաշխության գործը սաստիկ խախուտ է, որ բյուղանգական բյուրոկրատիան և նեղ կրոնամոլությունը շափությունը տան որևէ համաձայնություն, որևէ միություն ընդհանուր թշնամու դեմ: Մի այնպիսի ահավոր ճգնաժամում, երբ իսլամը իր արյունությունը էր բարձրացրել քրիստոնյա աշխարհի վրա, բյուզանդական կայսրների համար կարևոր այդ վտանգի դեմ ուժեր գինելը չեր, այլ այն կրոնական վեճները, որոնք Քաղկեդոնի ժողովի պատճառով մղվում էին հայոց և հունաց եկեղեցիների մեջ: Թեոդորոս Ռշտունին ականատես եղավ, թե ինչպես Բյուզանդիայի կայսրը, անձամբ Հայաստան գալով, բռնությամբ հարկադրում էր, որ հայերը դավանափոխ գառնան:

Նա ատեց այդ բռնությունը, նա շատ լավ հասկացավ: Որ խղճի, համոզմունքի ապատությունը ավելի իսլամի ներկայացուցիչների մոտ կարելի է գտնել, քան բյուզանդական քրիստոնեության լուծի տակ: Նա հասավ նույն եղրակացության, որին վաղուց հասել էին Սիրիայի և Աֆրիկայի քրիստոնյաները, այն է՝ որ բյուզանդական օրթոդոքսության հակառակ քրիստոնյայի համար ավելի ձեռնտու է իսլամի հետ հաշտվելը: Այս սարսափելի դառն ու տխուր իրողությունը Ռշտունուց հետո էլ հարյուրավոր անգամ հաստատություն գտավ թե մեր և թե ուրիշ աղքերի պատմության մեջ:

Շատ թեթև ու մեղմ պայմաններով Ռշտունին հպատակության համաձայնությունն կայացրեց արաբական արքունիքի հետ: Դա արաբացիների մշտական տիրապետության առաջին հիմքն էր, բայց ոչ վերջնականը: Ռշտունու մահից հետո Հայաստանը երկար շվայելեց այդ դաշնադրության բերած հանգստությունը: Ամեն ժամանակ, բոլոր հանգամանք-

ների մեջ նա իր թշվառ ճակատագրի զո՞ն էր, ճակատագրի, որ աշխարհագրական ու պատմական պայմաններն էին ստեղծել վաղուց ի վեր ։ Նա ուներ իր ներքին ուժերը, նա հարուստ էր մարտնչող տարրերով, բայց դժբախտությունն այն էր, որ այդ ուժերը հավաքողներ, զեկավարողներ շատ քիչ կային։ Համարյա երրեք կարելի շեղավ մի ներքին, միահամուռ համաձայնություն կայացնել, կենտրոնացնել երկրի ամբողջ ուազմական կարողությունը հայրենիքի սպաշտապանության գաղափարի շուրջը։ Ճիշտ է, հայ առաջնակարգ նախարարներին շատ և շատ անգամ է հաջողվել ազդեցիկ դիրք գրավել իրանց դասակիցների մեջ, միություններ կազմել բայց դրանք երրեք ընդհանրական, համազգային շեն եղել և միշտ էլ հայրենիքի շահերին շեն ծառայել։ Միշտ կովածաղիկ դարձած հզոր հարեանների մեջ, երկիրը տարութերվել է օտար, իրար հակառակ ազդեցությունների տակ։ Մերթ մի ազդեցությունն է գերակշիռ հանդիսացել, մերթ մյուսը, նայած թե նախարարական դասի ազդեցիկ և ընդունակ ներկայացուցիչները դեպի ո՞ր կողմն են հակված։ Շատ շեն այն դեպքերը, երբ հայրենիքի իսկական շահերը այդ հակումների իսկական պատճառներ դառած լինեն։ Փառասիրությունը, շահամոլությունը, հաճախ և տգետ ինքնահավանությունը զլիսավոր, նույնիսկ և միակ դերակատարներն են եղել։ Եվ անձնական հաշիվները, սեփական տան շահերը ամեն անգամ մեկի արածի դեմ կանգնեցրել են մյուսին։ Այս պատճառով էլ համարյա միշտ արտաքին սարսափելի վտանգներից առաջ ներկայացել է ներքին անհամաձայնություններից ծվատվող մի թուլլ երկիր։

Այս ողբալի դրությունն էր տիրում Հայաստանի մեջ և այն ժամանակ, երբ նա կովածաղիկ էր Արարիայի և Բյուզանդիայի մեջ։ Նախարարական համակրանքները կամ Բյուզանդիայի կողմն էին թերվում, կամ իսլամի կողմը։ Եվ երկիրը ավերվում էր, որովհետև նրա համար մրցող կողմերից ոչ մեկը շեր ուզում ձեռք վերցնել նրանից։

Այդ տատանումները պիտի հարկադրեին արարներին վերաբերվել Հայաստանին իրրեն մի անվտահելի, վտանգավոր երկրի, որ, ի լրումն ամենայնի, կրոնով միացած էր

իրանց ոխերիմ թշնամիների, այսինքն բյուզանդացիների հետ։ Ուստի նրանք ամեն տեսակի խիստ միջոցներ էին ձեռք առնում։ Հայոց երկիրը հնագանդության մեջ պահելու համար։ VII դարի վերջում արարական զորքը հաղթեց ու ցիրուցան արավ բյուզանդական բանակը։ Դրանից հետո արարները նորից խուժեցին Հայաստան, նորից նվաճեցին նրան սրով, կոտորածներով։ Այդ ժամանակից էլ նրանք սկսեցին կառավարել մեր երկիրը առանձին փոխարքաներով, որոնց մեր պատմադիրները ուստիկան անունն են տալիս։ Արարական տիրապետությունը բոլորովին հաստատվեց Հայաստանում։

Այդ տիրապետության առանձնահատկությունները մանրամասն բնորոշելու կարիք չկա։ Նկատի ունենանք սկզբունքը — ասիական սանձարձակ բռնակալություն։ Արաբները, ճիշտ է, կրոնական համբերողություն ունենին. նրանք բռնությամբ, սրով և կրակով շէին մահմեդականացնում իրանց հպատակ ազգերը։ Բայց սա չէ նշանակում, թե նրանք առանձին մի բարեհանություն էլ ունեին դեպի նրանց իսլամը, որ կազմակերպել, ամրապնդել էր այդ ահարկու ուժը, թուզ էր տալիս, որ իր տիրապետության տակ այլակրոն ազգեր էլ ապրեն, բայց միայն այն պայմանով, որ դրա փոխարին այդ ազգերը հարկեր տան և մի շարք ստորացուցիչ պարտավորություններ կատարելով ցուց տան, որ իրանք ստրուկներ են իրանց տերերի առաջ, որոնց, իրրեն նվաճողների, պատկանում են բոլոր իրավունքները։

Հիմնական այս կանոնը արդեն բավական էր, որ արաբական լուծը անշափ ծանր դարձնե ոչ-իսլամ հպատակների համար։ Սակայն շլոոռանանք, որ անսահման բռնապետական սիստեմի մեջ ահազին նշանակություն ունի կառավարողների անձնավորությունը։ Երբ մի հայտնի շափով մեղմ ու բարի է այդ անձնավորությունը, կարգերն էլ մեղմանում են և լուծը այնքան անողորմ կերպով շէ ճնշում հպատակներին։ Հայաստանի, ինչպես և ամեն մի արաբական երկրի բախտը կախված էր երկու անձնավորությունից։ Մեկը իսլամ աշխարհի բարձադույն պետն էր, խալիֆը կամ, ինչպես մեր

պատմագիրներն են անվանում, ամիրապետք, մյուսը՝ նրա փոխանորդը, որ կառավարում էր երկիրը:

Մեր պատմությունը, բազմաթիվ արյունոտ փաստերով ցույց է տալիս, որ բարի ու մեղմ ոստիկանների թիվը շատ քիչ է եղել, շատ անշատ, Ահապին մեծամասնությունը բազեկացած էր գաճան, արյունաբրու մարդկանցից: Ոստիկանները հենց առաջին բայլից, VIII դարի սկզբից, իրանց բարբարոսական ջանքերը դարձնում են հայ նախարարների դեմք Դա մի վերին աստիճանի նենգավոր բազարականություն էր: Խալիֆների արքունիքը շատ լավ հասկացել էր, որ Հայաստանի դիմադրական ուժը այդ բազմաթիվ խոշոր ու մանր իշխաններն են: Թեև նրանք մի համախմբված, միաձույլ ուժ չեն ներկայացնում, թեև նրանց շահերն ու ձգտումները շափականց շատ են ընդհարվում իրար հետ, բայց և այդպես խորին հնությունից նվիրագործված կարգերով այդ իշխաններն են ժողովրդի առաջնորդները, երկրի գինվորության ներկայացուցիչները: Դարավոր անցյալը ցույց էր տվել, որ ժողովրդի համար այնքան մեծ նշանակություն չուներ, թե ոչ է երկրի գլխավոր տերը — պարսիկը, հռոմայիցին, թե Արշակունի թագավորը: Նա ուներ իր տեղական ինքնագույնի իշխաններին, որոնց մեջ էլ տեսնում էր այն սկզբունքը, որ նրա պարտավորությունների և իրավունքների աղբյուրն էր: Ահա այդ նախարարական մեծ դասակարգը, որ կանգնած էր երկրի բարձրադույն տիրոջ և ժողովրդի մեջտեղը, վերացնելու ունշացնել էր կամենում արարական արքունիքը: Ոչնչացնելու կնշանակեր գրիել երկիրը իր մանր-մունք ինքնավարություններից, անմիջապես հպատակեցնել նրան տիրողին, առանց մեծ վտանգ զգալու, թե զենքի ուժ կործադրվի հպատակության դրությունից ազատություն գտնելու համար:

Դեռ նոր էին արարները իրանց տիրապետությունը հաստատել Հայաստանում, երբ Վարդանակերտի կոհիլը հաստատեց, թե ինչ հաղթություններ կարող է տանել միաբանված նախարարությունը: Արարացի ոստիկանները սկսեցին գործել Մի կողմից նրանք ճնշում էին ժողովրդը, կեղերում էին նրան, մյուս կողմից օգուտ էին բաղում յուրաքանչյուր առիթից, յուրաքանչյուր պատրվակից՝ նախարարների դա-

սակարգը բնաջինց անելու համար: Առաջին մեծ պատճառը Վարդանակերտի կոհիլն էր, երբ նախարարական մի փոքրաթիվ գունդ հազարավոր արաբացիներ կոտորեց: Դրա վրեժն առավ նախայնանի կամ կամ կաշմ զորապետը, իսրենությամբ իր մոտ հրավիրելով հարյուրավոր նախարարների և նրանց զինվորներին և այդ ամբողջ բազմությունը եկեղեցու մեջ այրելով: Այրվողների թիվը, ինչպես ավանդված է պատմական հիշատակարանների մեջ, հասնում էր 1200-ի, իսկ այն տարին (705), երբ կատարվեց այդ ստոր բարբարոսությունը, արաբական պատմագիրները կնքեցին «կրակի տուրք» անունով:

Բայց այդ զարհուրելի կրակը ոչ միանգամայն լափեց ոչնչացրեց հայ նախարարությունը, ոչ էլ արարական լուծի գործը հեշտացրեց: Հարստահարությունները, կեղերումները մասնավոր ապստամբական շարժումներ էին առաջացնում Հայաստանի զանազան կողմերում: Սրբացիները անգթությամբ ճնշում էին այդ ապստամբությունները, աշխատելով թուլացնել երկիրը թե կոտորածներով և թե ուզմիկ տարրերը Հայաստանի սահմաններից դուրս քշելով: Հայ ազնվական գասակարգը սոսկալի հարգածներ էր ստանում: Կոտորածից ազատված նախարարական տները, ամբողջ ընտանիքները, գերի էին ուղարկված խալիֆների մայրաքաղաքը:

Ահա այդպիսի մի ապստամբական դրություն էլ ներկայացնում էր իններորդ դարի կեսը, երբ անհայտ էր մեր Անին և, երկի, միմիայն այս Միջնաբերդի սահմաններում էր ամփոփված:

Բայց այս անգամ արարական իշխանությունն էլ ուրիշ կերպարանքով էր հանդես գալիս: Տիրում էր Աբբասյան տոհմը, ընդհանրապես արատավոր, դաժան ու անդութ մի տոհմ, որ բարձրացրել էր խալիֆների իշխանությունը, հիմնել էր Բաղդադ մայրաքաղաքը, բայց և անկման ու բայրայման սկիզբն էլ էր զրել: Այլևս իսլամի նվաճող, հաղթահարող, ահարկու ուժը արաբները չէին կազմում: Թուրքել էին նրանք, բավականություններով և հեշտասիրությամբ լի կյանքը զրել էր նրանց նվաճողական թափից: Խալիֆները, իրանց անձնական ապահովության համար այլևս տեղական, արար

զորքեր շէին պահում: Ներքին խոռվություններ էին ծագել մահմեղական ահագին պետության մեջ. թե արքունիքի պահպանության, թե խոռվությունները ճնշելու և թե արտաքին թշնամիններին դիմադրելու համար՝ խալիֆները վարձկան զինվորներ էին հավաքում, որոնք և հետզետե սկսեցին ահագին նշանակություն ստանալ արքունիքում:

Այդ վարձկանները զանազան կողմերից էին գալիս: Բայց շուտով խալիֆների պալատական զորքը համարյա մի ցեղի մարդկանցից կազմվեց:

Միջին Ասիայում թափառող թուրք ցեղերը շատ անգամ, հավաքված իրանց խարույկների շուրջը, լսում էին զարմանալի և գրավիչ պատմություններ: Հատ-հատ մարդիկ այդ ցեղերից, պատահաբար ընկնելով Բաղդադի խալիֆների զորքի շարքերը, վերադառնում էին իրանց հայրենի վրանները և այդտեղ հրաշքներ էին պատմում Արևելքի պերճ մայրաքաղաքի հարստությունների մասին: Այդ պատմությունները մի-մի կայծեր էին, որոնք վառում էին վայրենի, քաջ թուրքերի եռանդն ու հետաքրքրությունը: Եվ նրանք ամբողջ խմբերով դիմում էին դեպի արևմուտք, ուր պատրաստ տեղ էին գտնում խալիֆների բանակում: Այդ բանակը զորեղացավ, դարձավ զուտ թուրքական, և իրեւ մեծ ուժ բռնացավ պետության մեջ, իր ձեռքն առավ արքունիքի զործերը:

Արքայան խալիֆները, այդպիսի գրավիչ դեր կատարելով Միջին Ասիայի թափառական ցեղերի համար, ապագայի կանխատեսությունը շունեին: Նրանք բավական էին իրանց վարձկան զորքերով, որոնք նույնիսկ բյուղանդացիներին էին ջարդում, քայլ շղիտեին, որ այդ քաջ զինվորները բաց են անում այն վտանգավոր ճանապարհները, որոնցով Միջին Ասիան պիտի թափվեր արևմուտք և պիտի ոչնչացներ արարական իսլամը, ստրկացներ արաբներին և կերպարանափոխեր ամբողջ Արևմտյան Ասիայի ճակատագիրը:

Ահա խալիֆների ինամած, գգված այդ թուրքական բանակի մի մասն էր, որ մտավ Հայաստան, նրա մեջ ծագած ապատամբությունը ճնշելու համար: Թուրքական զորքի առաջնորդն էլ թուրք էր—թուղան, որ մեր պատմության սև էջերի հրեշ հերոսներից մեկն է: Անգութ ու գաղանաբարությունը:

Թուղան, ի լրումն ամենայնի, ուներ հրահանգ հայ իշխանների ուժն ու թիվը սպառելու:

Բայց այդ ի՞նչ ապատամբություն էր:

Տարոնի թագարատ իշխանը ինչ-որ ընդհարում ունեցավ Հայաստանի ոստիկանի հետ, և այդ ընդհարումը, որ ինքնը ստիգման մի շնչին բան էր, պատճառ դարձավ, որ թաղադի արքունիքը կատաղությամբ բռնկվի: Խալիֆը այդ ժամանակ Ալ-Մութեվաբիլն էր, կամ ուրիշ անունով, Զաֆարը (մեր պատմագիրների Զափրը), Արքայան ընդհանրապես սարսափելի տոհմի ամենավատ տիպը—ուխտադրուժ, անշնորհակալ և անգութի: Այսպիսի մի բռնակալի ժամանակ շատ դժվար բան չէր ուղղնել, չափազանցնել թագարատ իշխանի վարմունքը: Զորքեր ուղարկեցին Տարոնը պատժելու համար: Թագարատը բռնվեց և ուղարկվեց թաղդադի: Սակայն Սասունի ժողովուրդը ձմեռը իջավ իր սարերից, հարձակվեց Մուշի վրա, ջարդեց արարական զորքը և սպանեց նրա հրամանատարին: Այստեղ արդեն դաժան Արքայանը ամեն շափ անցած համարեց և Հայաստան ուղարկեց թուղային:

Թուրք հրամանատարը իր թուրք բանակով հրեղեն լավացի պես խուժեց դժբախտ երկրի սահմաններից ներս: Ապատամբությունը Տարոնի գալառում էր ծագել, բայց թուղադի առաջ ամբողջ երկիրն էր տարածված իրեւ բարբարությունների դաշտ: Երկու տարի (851—853) նա հրով և սրով անցավ մի ծայրից մինչև մյուսը: Կոտորած չէր լինում միայն այնտեղ, ուր տեղական իշխանը հնազանդություն էր հայտնում: Եվ որովհետեւ հնազանդություն հայտնելն էլ չէր ազատում գերության շղթաներից, ուստի մի քանի իշխաններ ամրացան իրանց լեռներում, քայլ դիմադրություն ցույց տալ շկարողացան և անձնատուր եղան: Կարծես եկել էր հայ իշխանական տոհմերի վերջնական կորուստը: Թուղան հավաքում էր իշխաններին և գերինների պես ման էր ածում իր հետ:

Միայն մի տեղ սարսափելի թուրքը կանգ առավ: Միայն մի տեղ հայտնություն մի ուժեղ ձեռք, որ ծանր հարվածներ իշեցրեց նրա զիսին: Այդ տեղը Հայաստանի արևելյան ծայրում էր գտնվում:

Շուշու գալարի հարավային մասում, Վարանդա և Դիբակ գավառակների սահմանների վրա, Թաղվար գյուղի դիմաց և Տող գյուղի ետևում բարձրանում է մի հսկա, ժայռերով պսակված սար, որի գլխին այսօր էլ երևում են հին բերդի մնացորդները, Թուղայի ժամանակ այդ էր Քթիշ բերդը¹: Նա պատկանում էր տեղական իշխանին, որին ժողովորդը պարզապես «երեցի» որդի» էր անվանում, բայց որք իսկական անունն էր Եսայի: Ժամանակի իշխանները կրում էին և հավելվածական անուն, գլխավորապես արարական Եսային կոչվում էր և Արու-Մուսե:

Մեր պատմագիրներից մեկը {Մովսես Կաղանկատվացի} Արու-Մուսեին անվանում է «խաղաղության մարդ»: Բայց այդ դժբախտ ու սև ժամանակում, երբ Հայաստանի դաշտերը ծածկված էին դիակներով և անմեղ արյունը արդարություն էր խորում երկնքից, խաղաղության մարդն էր, որ արտասանեց աշխարհ սասանեցնող խոսքը: Բուղան, իր հաղթական-գայլային արշավանքը վերջացնելով, հասավ Պարտավ քաղաքը: Ետ նայելով իր եկած ճանապարհին, նա կարող էր մի թուրք զորապետի զոռոզությամբ ասել, որ երկար էր այդ ճանապարհը, բայց ինքը մի հաղթական զրոսանք է կատարել, և ոչ ոք չկարողացավ դանդաղեցնել իր քայլը, ոչ ոք չհամարձակվեց զրուխ բարձրացնել իր դեմ: Հաղթանակի զրոսանքը գուրս էր եկել դժբախտ Հայաստանի սահմաններից, անցել էր Թիֆլիսի վրայով, դեմ էր առել Կովկասյան լեռնաշղթային, և ամեն տեղ միենույնը, ամեն տեղ հնագանդություն, արյունոտ պատուհաս:

Մուսեմ էր շատ բիշ բան: Պարտավից գեպի հարավ, երկու օրվա ճանապարհի վրա, ինչ-որ լեռներում, մնում էր ինչ-որ «երեցի որդի», որ խաղաղության մարդ էր կոչվում: Թուղան խրոխտ ու սպառնալից հրաման ուղարկեց այդ մարդուն—իսկույն գալ և գլուխ իջեցնել Բաղդադի Խալիֆի զորության առաջ: Մի քանի ժամանակից հետո լեռներից պատասխան եկավ, և Բուղան իմացավ, որ նորից պետք է իր

¹ Այսօր էլ այդ սարի վրա գտնվող վանքը ժողովրդի մեջ ունի քրիչի վանք անունը՝ Անշուշտ ապագա զարերի գործ է, որ այդ անունը սրբագրել, հայացրել էն, զարձնելով նրան «Գտիշ»:

հաղթական սուրբ հանե, նորից պետք է հարկադրե տեղական մի իշխանի սողալ իր ոտների մոտ, կյանք հայցել:

Այդ պատասխանը, բարերախտարար, պահվել է մեր պատմության մեջ: Նա արյունոտ, նահատակ երկրի պատիվն էր, որ խոսում էր լեռների զագաթից: Նրա մեջ խոսում էին արարական զարավոր լուծի տակ ճմլված ժողովրդական հոգու շավագույն, նվիրական շեշտերը: Իմ պատմության համար շատ կարևոր է, որ այստեղ բերեմ այդ պատասխանը:

«Աշխարահակալների համար,— գրում էր Արու-Մուսեն,— օրենք է թագավորական խնամատարությամբ ման գալ աշխարհի վրա, հնագանդ հպատակների մեջ, տառապյաների նեղությունները վերացնել, խնամողների պես թեթևացնել գրությունը, և ոչ թե ավազակի պես հարձակվել և սրով ու գերությամբ ավերակ դարձնել երկիրը: Եվ եթե գու խաղաղության ոստիկան էիր եկել արքունիքից, պիտի հպատակներին երկրի շինություն պարզեցիր և ոչ թե ավերանք ու խովություն:

«Արդ թող հայտնի լինի քեզ, որ որքան բավական լինի իմ զորությունը և որքան կենդանի լինեմ ես, հակառակ պիտի կանգնեմ աստուծո զորությամբ և ուժով: Քեզ խաղաղության սիրով շպիտի տեսնեմ, այլ զենքով, աղեղով և սրով, քաջ մարտիկներով և ընտիր ձիաներով: Եվ եթե քեզ հաճելի է ապրեցնել քեզ և քո զորքը, վեր կաց գնա այստեղից, իմ սահմաններից: Իսկ եթե կշտապես, քո զայրուցիցին և կատաղության հետեւլով, զրկվել այս աշխարհի կյանքից և ոսկորներդ ցրվել անապատում, լինել երկրի զաղանների և երկնքի թշունների կերակուր,— այդ էլ քո կամքն է, և ես քո արյան պատասխանատուն չեմ, մանավանդ որ մեծ բարեպաշտություն եմ համարում սատկեցնել աստուծո թշնամիներիդ, ինչպես Մովսեսը Ամաղեկին, Հետու քանանացիներին, Սամվելը Ագաղին, Դավիթը Գողիաթին և ինչպես առհասարակ բոլոր այն իսրայելացիները, որոնք սատակեցրին այլաղփիներին և աստված իր համությունը հայտնից: Այդպես էլ ես կանեմ քեզ և քո զորքիդ հետ:

«Այժմ քեզ հետ շատախոսելու բան չունեմ: Քո ձեռքում է խաղաղությունն էլ, խովությունն էլ: Եթե, ինչպես ասացի,

ինձանից հեռանաս, խաղաղություն է, իսկ եթե ոչ՝ պատերազմ է, կոիվ, ճակատամարտ եվ դու նպատակ կլինես, իսկ իմ աղեղը՝ խոցուտողը, դու հակառակորդ և իմ տղաները հաղթանակող, դու թշնամի և իմ զորքը քեզ դատապարտող. քոնք պատերազմ կլինի, մերը՝ հաղթություն, քո մարմինը և իմ նիզակը, քո պարանոցը և իմ սուրը. քո ստացվածքը և մենք նրան ժառանգող, քո ավարը և մենք ավար առնողներ. դու ավազակ, մենք կողոպտղներ, դու եղեղ, մենք դյուրավառ կրակ, դու հարդ, մենք հեշտ փշող քամի, դու ծաղիկ, մենք թառամեցնող խորշակ, դու պտղալից հանդ, մենք ապականող կարկուտ, դու շինություն առանց հիմքի, ես հիմնիվեր քանդող հեղեղ, դու լեշ, իմ զորքը պատառող գազան, որ պատառում է քո սրտի առագաստը, դու խաղալիք, մենք երեխաներ և ձեռք առնելով քո զորությունը, խաղալով խաղում ենք քեզ և քո ամբողջ հպարտության ու գոռողության հետ. դու վայրի երե, մենք որսորդներ, դու թրոշուն, մենք քեզ վերևից ցած ենք իշեցնում և ցանցի մեջ զցում, դու ծովի վիշապ, մենք կարթ ենք և քթից դեսի վեր ձգելով՝ հանում ենք անդունդների խորքից. դու եղջուր շունեցող եղներու, մենք արծիվներ քեզ վրա, կուրացնում ենք քո աշքերը, քո լեշը զցում ենք իմ ծաղերի և ծակերում բնակվող աղվեսների առաջ¹:

Դժվար թե գտնվի մի այլ վավերագիր, որի մեջ այսպիսի կլասիկ պարզությամբ արտահայտված լինի լեռնական մի պարզամիտ ժողովրդի հոգին: Եվ կարդալով այս խրոխտ տողերը, այդ երկար համեմատությունները, ինձ թվում է թե Արու-Մուսեն, իր շուրջը հավաքած իր լեռնականներին, խորհրդակցել է նրանց հետ, միասին թելադրներ ու խմբագրել է այդ լեռնային զճիտ պատասխանը, որի շատախոսությունը միայն սեփական ուժի գիտակցության նշանն է: Լեռների որդին պարզամիտ է իրեն երեխա. իսկ երեխան, հայտնի է, երկար է խոսում, ովկորությամբ է խոսում, իր ունեցածի մասին, այն բանի մասին, ինչ նրա պարծանքն են կաղմում:

Ահա՝ որտեղից, ահա ի՞նչ շրջանից և ի՞նչ լեզվով էր

¹ Թովմա Արծրունի, Գպր. Գ, գլ. Ժ:

գուրս գալիս արյունուտ դիակի պես անողոք գազանի ոտների տակ ընկած մի երկրի պատվաճանաշության ըմբոստ կարողության ձայնը: Դա ժողովրդի դիմադրության ահագին թափըն էր. դա ինքնավստահ, չլուտ ուժն էր, որ հրապարակ էր գալիս ճակատ-ճակատի զարնվելու բարբարության հետ: Սուր բռնության դեմ, արյուն՝ արյուն բերողի համար: Առանց երկար ու բարակ մտածելու, առանց հանգամանքներ, հակառակ կողմի ուժն ու կարողությունը կշռելու, դուրս է նետվում ժողովրդական կորովը՝ հավատացած որ պիտի հաղթե, բռնավորի հետ պիտի խոսե այն իսկ ուժի լեզվով, որ բռնավորության միակ հիմքն է:

Բայց կար և նրա հակառակ ծայրահեղությունը: Եվ այդ միևնույն տեղը, միևնույն պատերազմի դաշտի վրա:

Բուղան պաշարում է Քթիշը: Ահադին դիմադրություն այդ հսկա սարի գագաթին: Արու-Մուսեն ցույց տվեց, որ իր գրած պատասխանը տղայական պարծենկոտություն չէր, այլ լեռնական իրողություն: Պատմագիրը մեզ ավանդում է, որ մոտ մի տարի տևեց պաշարումը. 28 անգամ Արու-Մուսեն կովի բռնվեց Բուղայի հետ և ո՛չ մի անգամ թիկունք շցուց տվեց արաբացիներին: Բանը այն տեղին հասավ, որ գոռող հրամանատարը սուրճանդակ թոցրեց Բաղդադ՝ հարցնելու ջաֆար խալիֆին, թե ի՞նչ անել, Քթիշը նվաճել չէ լինում:

Հեշտ ու էժան հաղթանակներով հղիացած թուրքը լեռնական կորովի պողպատին էր ընդհարվել ճակատով: Նա ծանր ու բարակ պատրաստություններ տեսավ, իր բնակության համար տներ շինեց, ուր նստած՝ մտածում էր իր անգան փառքը խայտառակությունից աղատելու համար: Քնել չէր կարողանում բռնավորը, ասում է պատմիշը, այնքան դառնացած էր, անհաջողությունից այնքան կատաղած, որ ոչ ոք չէր համարձակվում մտնել նրա մոտ: Տասն օր այդպիսի փակված մնաց, երկուղից իր տունը շրջապատել էր սրերը մերկացրած զորքերով:

Այդ վիճակի մեջ էր Բուղան, երբ մի օր նրա բանակում եղած մեծերից մեկը կարողացավ ներս մտնելու թուլլություն ստանալ: Բռնելով տիսուր-տրտում հրամանատարի ձեռքը, այդ մարդն ասաց.

— Իսլու՝ թուղացնում ես քո ձեռքը: Ինչո՞ւ քո քաջության անունը քո ձեռքով կորցնում ես, այն քաջության, որից ամբողջ աշխարհը զարհուրած գողաց և ոչ քեզ չհակառակվեց: Քո հզոր բազուկը ինքդ ես տկարացնում, բայց միթե դու ես առաջինը, որ հաղթվեցիր ու հարվածներ կրեցիր թշնամիներից: Միթե միայն քո զորքը կոտորվեց, քո ավարը բաժանվեց թշնամիների մեջ, ինչո՞ւ չես միտ բերում, թե սկզբից մինչև այսօր ամեն տեղ, ուր զորք է հավաքվում, ուր պատերազմ, սուր, ճակատամարտ է լինում, երբեմն հաղթում են և երբեմն էլ հաղթվում: Աշխարհակալներից ո՞րն է, որ սրի շմատնվեց, ազգերի իշխանները մի տեղ զորանում են, մի տեղ տկարանում:

Եվ խոսակցությունը երկարացավ այս ուղղությամբ: Բուդան հետզետե ենթարկվեց այդ խոսքերի ազդեցության, հետզետե թոթափեց իրանից թուլությունը, զվարթացավ, դուրս եկավ իր հուսահատության սենյակից: Գլխավոր հրամանատարի հուսաբեկումը, թուլությունը բանակի կորուստ է նշանակում: Քթիշը վերջնական հաղթանակ տանելու վրա էր, բայց ժամանակին արտասանած հուսատու խոսքը փրկվեց բանակը, — մի ամբողջ արարական բանակ, փրկեց հրամանատարին, — Բուդան էր այդ փրկվողը:

Այդ փրկողը մի հայ իշխան էր, այն էլ խոշոր իշխան, ժամանակի հայ իշխանների գլխավորը: Դա Սմբատ Բագրատունին էր, հայոց աշխարհի սպարապետը:

Մի պատահական հյուր չէր սպարապետը արարական բանակում: Երբ Բուդան մտավ Հայաստան, սկսեց իր արյունոտ արշավանքը, Սմբատը խոնարհ ու հեղ գնաց նրա առաջ, ընդունեց նրան հարգանքով ու պարզեներով: Իր հավատարմությունը գործով ցուց տալու համար՝ հանձն առաջ նորդել արարական բանակը դեպի երկրի զանազան կողմերը: Բուդան չէր կարող արհամարհել այդպիսի մի ժառայությունը: Երկրի առաջնակարգ իշխանը պիտի ցուց տար նրան ճանապարհները, պիտի կարևոր տեղեկություններ հաղորդեր յուրաքանչյուր իշխանի զորքերի, ամրությունների մասին: Եվ Սմբատը մեծ բարեխղճությամբ էր կատարում այդ աննախանձելի, եթե ավելին շատենք, պաշտոնը: Անկասկած, Բու-

զայի հեշտ հաղթանակների մի մեծ պատճառը նա էր, անկասկած, նա իր հեղինակությամբ, իր հայությամբ ազդում էր իրանց բերդերում ամրացած իշխանների վրա, համոզում էր նրանց անձնատուր լինել: Կարծես ոշինչ ծանր զոհարերություն չէր կանգնեցնում նրան իր նպատակին հասնելու համար:

Ի՞նչ էր դա: Մի ստոր, զզվելի դավաճա՞ն: Երկրի մարմնից ու արյունից գոյացած մի ցեղ, որ կբծում, ոչնչացնում էր այդ երկրի կյանքը:

Գործերին նայեք, — այսո՛: Սակայն մեր պատմագիրները միարան հավատացնում են, թե դավաճան չէր Սմբատ սպարապետը, այլ իր երկրի բարելսավության համար տոշորված: Հովհաննես կաթողիկոս պատմագիրը ասում է, թե սպարապետը, տեսնելով Բուդայի գործած «սասանությունը», տեսնելով թե ինչպես նրա սուրբ կոտորում էր, «զմահ ի կենա խառնեալ սակս աշխարհին իրոյ փրկութեան», մեծ ընծաներով և խոնարհ գլխով գնաց նրա առաջ:

Բայց այդ ի՞նչ աշխարհ է, որի փրկության համար Սմբատը շմահ խառնեց իր կյանքի հետ», այսինքն մեծ վտանգի ենթարկվեց: Թե նկատի ունենանք նրա «սպարապետ» տիտղոսը, կարող կլինենք ասել, թե ամբողջ Հայաստանն էր նրա աշխարհը: Բայց թե ամբողջ Հայաստանի փրկության համար էր նա իր կյանքը վտանգում, — այդ մասին խոսք չէ կարող լինել, որովհետև մենք շենք տեսնում հայ իշխաններից մեկին պատկանած մի գավառ, որ Բուդայի ճիրաններից ազատված լինի Սմբատ սպարապետի ջանքերով: Ընդհակառակն, նույն Հովհաննես կաթողիկոսը վկայում է, որ Բուդան նրան իր «խորհրդակիցն» ու «կամակիցը» դարձեց: Խսկ այդ խորհրդակցությունն ու կամակցությունը երբեք չէր վերաբերվում աշխարհաշինության և խաղաղության, քանի որ Բուդան երբեք այդպիսի բաներով չէ զրադել...

Մնում է «իր աշխարհի» խոսքերը հասկանալ իրանց ուղիղ, բուն նշանակությամբ, այսինքն՝ որ Սմբատը «մահը կյանքի հետ խառնեց» Բագրատունյաց տոհմի կալվածները փրկելու համար: Եվ իրավ, այդպիս էլ եղավ: Ալեսոր սպա-

բապետի մեջ ամենից ուժեղ խոսում էին տոհմային շահերք թագրատունիները ժամանակի ամենահարուստ հայ իշխաններն էին, այնքան հարուստ, որ կարողացել էին շատ ընդարձակ կալվածներ գնել մյուս իշխաններից: Այդ կալվածները արդեն բավական էին մի թագավորություն կազմելու համար: Թագրատունիներին էին պատկանում Արարատյան և Տայոց նահանգների կեսից ավելին, մեծամեծ կալվածներ Տուրուբերանի, Բարձր Հայքի և Գուգարքի մեջ: Ահա այս տեղերն ազատեց Սմբատ սպարապետը Թուղարի անդիտություններից: Թայց ազատեց ի՞նչ գնով: Շանր է նորից կրկնելը:

Արու-Մուսեն անվերջ դիմադրել չեր կարող իր սարի ժայռու գագաթից: Մի տարին էլ շատ մեծ հերոսություն էր բարձր լեռնագագաթին պաշարված և ամեն տեղից կտրված լեռնական զորքի և նրա հրամանատարի համար: Զհաղթվելով արարական սրերից, նա կարող էր հաղթվել ավելի սարսափելի թշնամուց՝ սովոր: Գտնվեց պատվավոր ելք, որտերեկի, հավասար շափով հաճելի էր երկու կողմերի համար: Արու-Մուսեն հայտարարեց թե, ինքը երբեք չէ էլ մտածել խալիֆի հպատակությունից զուրս գալու մասին և պատրաստ է լսել նրա հրամանը: Թուղան էլ, հաղթելու հույս շունենալով, շտապեց այդ մասին հայտնել Թաղդադ և հրահանգներ խնդրել: Սմբատ սպարապետը, անկասկած, դեր կատարեց այդ բանակցությունների մեջ:

Խալիֆից եկած պատասխանն այն եղավ, որ Արու-Մուսեն ցած դնե զենքը, պատիվներով դուրս գա իր բերդից և իբրև ազատ ու պատվավոր իշխան՝ գնա ներկայանալու Թաղդադի արքունիքին: Պատերազմը վերջացավ:

Քթիշ սարի ստորոտում, Թուղարի բանակի մեջ իրար հանդիպեցին երկու ծայրահեղությունները: Մեկը, հերոսի փայլով պսակված Արու-Մուսեն, ըմբոստությունն էր, բազուկի ուժով պաշտպանվող ազատությունը, իրավունքի, արդարության, անկախության պատերազմող ոգին: Խսկ մյուսը, ալեզարդ, հարուստ սպարապետը, աղաշանքի, խոնարհության, ամենատխուր կոմպրոմիսների ներկայացուցիչն էր: Մեկն ասում էր՝ զարկի՛ր ու ստացիր, մյուսը պատասխանում էր,

թե՝ զարկել հարկավոր չէ, կարելի է ստանալ աղաշանքով՝ ծովնկ շոքելով, հավատարմությամբ:

Երկու սկզբունքները արարական բանակումն էին: Երկու սկզբունք, որոնք իրար անշափ հակառակ են, իրար թշնամի են: Ո՞վ պետք է հաղթեր:

Թուղան իր բանակը, հայ իշխաններին տարավ Պարտավ: Այդտեղ նա հայտարարեց մի վճիռ, որ ուխտադրություն չէր, քանի որ իսլամական օրենքը թույլ էր տալիս առմեն անգամ, երբ պահանջում է օգուտը, ովհնչ համարել անհավատի հետ կապած դաշինքը: Թուղան հայտարարեց, որ բոլոր հայ իշխանները իր գերիներն են: Նույնիսկ Սմբատ սպարապետը, այն մարդը, որ արարական բանակի առաջնորդը, խորհրդակիցն ու կամակիցն էր:

Ամենքը ուղարկվեցին Թաղդադ: Թագրատունի իշխանը, անշուշտ, զարմացած չը այն սև ապերախտության վրա, որ ցույց տրվեց զեպի իր անձը. սակայն գոհ պիտի լիներ, որ գոնե ազատեց իր բազմաթիվ կալվածները ավերանքից: Թայց ո՞րքան գեղեցիկ պիտի լիներ այդ գոհությունը: Ահա նրա հետ նույն գերության ճանապարհը գնում է Արու-Մուսեն: Նա էլ, իհարկե, գոհ էր, որ իր երկիրը ոտնակոխ շեղավ, որ արարացին հաղթող շղուրս եկավ, և ժողովուրդը դարձալ իր ստացվածքի տերն է: Թայց միենույն ժամանակ այդ հերոս իշխանը իրան ապերախտության զոհ չը համարում: Երախտիքի իրավունք ունենալ, այն էլ ո՞ւմ վրա, Թուղդայի՛ վրա: Այդ անպատվությունից ազատ չը «երեցի որդին»...

Խալիֆի արքունիքում էլ միենույն վերաբերմունքը: Այդտեղ էլ մոռացված չը Սմբատի երախտիքը: Նրան էլ ինչպես և մյուս իշխաններին, առաջարկվեց ուրանալ քրիստոնեությունը: Նա լրնդունեց այդ առաջարկությունը և, քաշարար նահատակվելով, ստացավ «Խոստովանող» անունը:

Ի՞նչ էր ապացուցանում այդ մահը հեռավոր իսլամական աշխարհի խորքում: Այս միթե, որ հպատակական հպատակությունը հաղթահարված էր իբրև մի շատ անպետք միջոց՝ բարեբախտություն ձեռք բերելու համար:

Ո՞ւ Սմբատ սպարապետը թագրատունյաց տոհմի վա-

զմմի քաղաքականության մի արտահայտությունն էր: Խներորդ դարի այն սարսափների մեջ, երբ թվում էր, թե Հայ երկրի խորտակումը վերջնական է, երբ քայլայված, մանրացած, ցիրուցան դարձած ազգային իշխանությունը կարծես պիտի կորցներ իր անկախության վերջին նշույլը, Բագրատունյաց այդ քաղաքականությունը մի հրաշալի երկունքի մեջ մտավ և հանկարծ, անսպասելի կերպով, ծնեց մի թագավորություն, որ մոռացնել տվեց բազմաշարշար երկրի կրած բոլոր տանջանքները: Անկումից ամենալայն ինքնավարություն, ավերանքի և արտասունքի վիճակից շքեղ ու պերճ աշխարհաշինություն, թուլությունից, բարոյական անկումից մեծամեծ առաքինություններ, հերոսությունն: Ահա ինչ էր տալիս այդ զարմանալի երկունքը: Ահա ինչ էր պատրաստել Թագրատունիների տոհմային տաղանդը:

Սմբատ Խոստովանողի պես մի զգույշ, չափաղանց խոռոշիմ, սեփական շահերը չափաղանց թանկ գնահատող քաղաքագետ գործիչ հարկավոր էր իրուն վերջինը այն Բագրատունիներից, որոնք իրանց տոհմի գերիշխանությունն ու մեծությունն էին նախապատրաստում սերունդից սերունդ: Սպասվում էր այն մարդը, որ տոհմային ձգտումները ընտանեկան ավանդությունների կարգից հանե և իրագործե կյանքի մեջ: Եվ այդ մարդը կար արդեն թուղայի հարվածներին ենթարկված Հայաստանում: Դա Խոստովանողի որդին էր, Աշոտը:

Երեսունը անցկացրած մի ժիր երիտասարդ էր նա, երբ կանչվեց իր հորը փոխարինելու սպարապետության պաշտոնի մեջ: Եվ առաջին իսկ քայլերից ցույց տվեց իրան իրուն իր հոր քաղաքականության հետևող: Հնազանդություն արարական իշխանության—սա առաջին պայմանն էր, որ ապահովում էր մի երկարատև գործունեության խաղաղությունը, Զհարուցանել խալիֆաթի ոչ մի կասկածը, քաղաքական ցնցումների ոչ մի առիթ լթույլ տալ, երկարատև, վերին աստիճանի համոզիլ իրականությամբ հարկադրել նույնիսկ գոռող մահմեդականներին հավատալ, թե մի քրիստոնյացին էլ կարող է իսլամի հավատարիմ հարկատուն և պաշնակիցը լինել—ահա ինչն էր Աշոտի եռանդուն դործու-

նեության միտքն ու նպատակը: Այս ուղղությամբ նա աշխատում էր ամրող երեսուն տարի:

Բայց արտաքին քաղաքականությունը դեռ ամեն ինչ չէր: Ավելին ասենք, արտաքին քաղաքականությամբ չէր էլ կարելի երկրի շինությունը առաջ տանել, կառուցանել պետական սկզբունքները պահպանող հաստապինդ, հուսալի սյուներ: Աշոտը մի շատ տաղանդավոր գործիչ հանդիսացավ մանավանդ ներքին կառավարության մեջ:

Բագրատունյաց տոհմի լայնարձակ կալվածները օգտվելով երկարատև խաղաղության բարիքներից, տնտեսական-կուլտուրական նախանձելի օազիս էին ներկայացնում Հայաստանի մեջ: Այդտեղ հաստատված էր կարգ, օրինականություն: Երկրի մեջ տեղի չէին ունենում ներքին խռովություններ, վեճեր՝ նախարարական այս կամ այն տան ներկայացուցիչների փառասիրական և շահասիրական ձրգումներին գոհացում տալու համար: Բագրատունի տոհմը դեռ այն երջանիկ դրության մեջ էր, երբ կարգադրողը մեկն է, իսկ մյուսները հնազանդվում են նրան: Աշոտը, ոչ մի տեղից ոչինչ արգելքի շահադիպելով, երկար խաղաղությամբ հովանավորված մի ժամանակ ուներ իր երկիրը տնտեսապես ծաղկեցնելու համար:

Նա շատ լավ հասկացել էր, որ մի երկրի ուժը նրա բռնեկարգությունն է, նրա տնտեսական բարգավաճումը: Հովհաննես կաթողիկոսը թվում է այն շինարարական և տնտեսական ձեռնարկությունները, որոնք Աշոտի հովանավորությամբ և անմիջական ջանքերով բարեգարգեցին երկիրը Քաղաքները, զյուղերը, ավանները զարդարվեցին շինություններով, ագարակներ, գոմեր, բուրաստաններ էին շինվում ամեն տեղ, զարգանում էր կանոնավոր կյանքը: Նույնը հաստատում է և Ասողիկը: Խոսելով Աշոտի որդի Սմբատի մասին, Ասողիկն ասում է, թե նրա և նրա հոր ժամանակ, մարգարեի ասածին պես, ամեն մեկը հանգստանում էր իր որթի և թգենու տակ, այսինքն յուրաքանչյուր մարդ ուներ իր կյանքը ապահովող և առատություն պարգևող տնտեսությունը: Երկիրը աճում էր արագ, ագրարակները ավաններ էին

դառնում, ավանները փոխվում էին բազմամարդ քաղաքների: Փողովրդի հարստությունը այն աստիճանին էր հասել, որ մինչև իսկ հովիվներն ու նախրարածները մետաքսի շորեր էին հագնում:

Ահա ինչպես ստեղծվեց այն ճոխությունը, որ այսօր այնպիս ապշեցնում է Շիրակի ավերակները և մանավանդ, բոլոր ավերակների թագուհի Անին տեսնողներին: Այդ երջանիկ կացությունը պատրաստվում էր վաղուց և հանկարծ իր փարթամությունն սկսեց ցույց տալ Աշոտ իշխանի իմաստուն կառավարության ժամանակ:

Սա արդեն ներքին լուրջ ու մեծ ուժ էր, որի վրա կարելի էր հենվել: Աշոտի բարոյական հեղինակությունը սաստիկ մեծանում էր ոչ միայն Բագրատունյաց տոհմի կալվածների մեջ, այլև նրանց սահմաններից դուրս: Դարերով կեղերված ներքին անկերպարան դրությունից և արտաքին արհավիրքներից հալումաշ դարձած հայոց աշխարհը հասկանալի էր թե ինչպիսի մեծ հաճույքով և բավականությամբ պիտի տեսներ իր մի մասի այդ խաղաղ ու գեղեցիկ վերածնությունը ավերակների այն դարում, երբ քարը քարի վրա չէր կանգնում, Ամեն կողմից աշք են տնկում գործունյա, եռանդոտ Աշոտի վրա, ամեն տեղ կարող էին խորին բավականությամբ արտասանել: «Մարդ է երեան եկել», ինչպես ասում էին տառապած, երկնքի այցելության սպասող խրայելացիները:

Սակայն Հայաստանի հողի վրա երևան եկած այդ մարդը միայն բարոյական հեղինակության վրա հենվել շգիւտեր: Նա ուներ և խորերը թափանցող քաղաքագետի գործնական խելքը: Հայկական բազմագարյան իրականությունը ցույց էր տալիս, թե որքան գեղեցիկ գաղափարներ խորտակվել են լոկ այն պատճառով, որ նախարարական տոհմերը, տարբեր շահերի և տարբեր ուղղությունների ներկայացուցիչներ հանդիսանալով, երբեք չեն կարողացել միանալ Հայրենիքի ընդհանուր օգուտը, կենսական շահերը՝ պաշտպանելու համար: Երկրի ճակատագրի տնօրինողները եղել են մանավանդ առաջնակարգ նախարարական տները, որոնց ղեկավարում էին եսականությունը, տեղական նեղ հասկացողությունները: Աշոտը, այդ դեռ անխախտ իրակա-

նությունը իր համար գոնե մասամբ անվնաս դարձնելու համար, խնամիական կապեր հաստատեց իր ժամանակի երկու գլխավոր իշխանական տիեզերի հետ, ամուսնացնելով իր երկու աղջիկներին Սյունյաց և Արծրունի իշխանների հետ: Եվ այդ ամուսնությունները, գոնե Աշոտի կենդանության ժամանակ, ցանկալի պտուղներ տվին: Փեսաները հպատակված էին իրանց աներոջ և երեք հոչակավոր ազնվական տոհմերը կատարյալ համաձայնության ու համերաշխության մեջ էին:

Ասել թե այդքանը բավական էր Բագրատունի տոհմին թագավորական ծիրանի պատրաստելու համար, կնշանակեր նվազեցնել Աշոտի նշանակությունը: Կար դեռ զլիավորը: Թարոյական, աշխարհաշեն առաքինությունները հազիվ թե երբեկցե գահ պատրաստած լինեն մեկի համար, եթե դրանց հետ միացած չէ զինվորական ընդունակությունը: Մի այնպիսի ժամանակ, երբ ամեն տեղ տիրում էր գորեղի իրավունքը, երբ սուրն էր հարցեր վճռողը, պատմություն ստեղծողը, մեր Աշոտը չէր կարող մի քայլ առաջ գնալ, եթե լիներ մի խաղաղ քրիստոնյա, պատերազմը ատող կամ, որ ամենավատն է, պատերազմից վախեցող: Նա լավ ուսումնասիրել էր զինվորությունը, նա քաջ զորավար էր, — առա թե ինչն էր զլիավորը: Արդեն այն հանգամանքը, որ նա մի մեծ, հարուստ ու շեն երկրի տեր էր, ինքնըստինքյան մի նշանավոր ուժ էր ներկայացնում: Աշոտը իր ձեռքի տակ ուներ 40.000 հոգուց բաղկացած մի բանակ: Մի ճնշող քանակություն չէր գա, որ ահագին գերակշռության շափու ապահովեր: Ընդհակառակն, շրջապատող պետությունների զինվորական կարողության հետ համեմատած՝ դա մի շատ համեստ ուժ էր: Բայց ի՞նչ կարող էր անել Աշոտը, երբ երկիրը այդքանն էր մատակարարում: Մնում էր, որ նա մեծ հեռատեսությամբ շահագործեր այդ ուժը, վարեր այնպիսի մի քաղաքականություն, որ միակ հնարավորն էր գոյություն ունեցող հանգամանքների մեջ:

Մենք արդեն տեսանք այդ քաղաքականության հիմնական ձգտումը, հենակետը: Դա Սմբատ Խոստովանողի կտակած սկզբունքն էր: Աշոտը այնպիսի հպատարմություն ցույց տվեց արարական իշխանության, այնքան խոհեմու-

թյամբ տարավ իր ստանձնած սպարապեաությունը, որ իր հոր նահատակությունից հետո անմիջապես, երբ դաժան Մութեվաքիլ խալիքը՝ սպանվեց իր որդու ձեռքով (861)։ ստացավ «հշխանաց իշխանի» պատիվը։ Դա առաջին քայլն էր, որ տանում էր դեպի քաղաքական հաղթանակներ։

Թայց ո՞րքան իրական ու խելացի էր այդ քաղաքականությունը, ո՞րքան լավ էր նա համապատասխանում հայրենիքի պատվին ու շահերին։

Քաղաքական ազատություն ազգերը սովորաբար ստանում են զենքի միջոցով։ Հայ ազգին երբեք խորթ ու անհամեկանալի չէ եղել այս համաշխարհային ճշմարտությունը։ Հայաստանը իր պատմության ընթացքում շարունակ ապստամբական դրություն ներկայացնող երկիր էր, երբ նրա տերերն էին պարսիկները, հոռմեացիները։ Արաբական տիրապետության շրջանում էլ, մոտ երկու դար, ինչպես տեսանք, ապրստամբություններ էին, որ բարձրանում էին իսլամի լուծի դեմ։

Սակայն սրով և արյունով հայերին շատ քիչ է հաջողվել իրանց հայրենի ազատությունը պահպանել։ Նրանց տերերը շափականց մեծ և ուժեղ աշխարհակալներ էին։ Արաբական բռնակալության դեմ էլ անզոր հանդիսացան երկրի ապստամբական նահատակությունները։ Նրանք, ընդհակառակն, ավելի ևս ժամանակաշրջանին իսլամի երկաթի լուծի և առաջքերին այն սարսափելի վտանգավոր ծրագիրը, որպիսին էր, ինչպես գիտենք, երկրի ուղմիկ ուժերի, իշխանական տոհմերի բնաշինչ լինելու արաբական քաղաքականությունը։

Մի նրբամիտ, հեռատես քաղաքագետ, կանգնելով այս դարավոր իրողությունների ասպարեզում, հետ ու առաջ նայելով, պիտի հասկանար, որ ապստամբական ուղղությամբ առաջ գնալու տեղ այս շկա, եթե շպետը է թույլ տալ, որ երկիրը կատարելապես ուժասպառ դառնա։ Ապա նույն այդ գործիշը պիտի հարց տար իրան՝ թե ի՞նչ պիտի ստանար երկիրը, եթե նույնիսկ հաջողություն էլ գտներ իր ապստամբությունների մեջ։

Լավագույն դեպքում նա պիտի դուրս դար արաբական լուծի տակից, թայց իսկույն բյուզանդական լուծի տակ ընկնե-

լու համար։ Իսկ այս լուծը արաբականից զանազանվում էր նրանով միայն, որ մահմեդական չէր, քրիստոնեական էր։

Կարող էր նա բերել ազատություն, հանգստություն, Անցյալը հարուստ փաստերով ցույց էր տալիս, որ, այո՛, կարող էր, եթե միայն երկիրը հրաժարվեր իր քաղաքական և եկեղեցական ինքնուրույնությունից, այսինքն դադարեր առանձին ազգ լինելուց։ Բյուզանդականությունը կրոնական նեղ անհամբերողություն էր, իսկ տեղային-ազգային ինքնավարությունների վերաբերմամբ՝ անհաջող թշնամի։

Ահա այս հաստատ իրողությունները հեռատես, տաղանդավոր գործին պիտի ցույց տային, որ արաբական լուծը դեռ այնքան բացառիկ մի դժբախտություն չէ, որ անկարուելի լինի նրա հետ հաշտվել որևէ պայմանով, որ մահվան և կյանքի հարցի շափ անհրաժեշտություն լիներ նրան բյուզանդական լուծի հետ փոխելու։ Ապացույցը մի խոշոր օրինակ, թեոդորոս Աշտումին։

Դեպքերն ու իրողությունները այդպիս տարրալուծող քաղաքագիտական նուրբ միտքը մեր Աշոտն էր։

Պատմական մեծագործություն կատարել կարող է այն խոշոր խելքը, որ անցյալի և ներկայի տերն է հանդիսանում, որի համար աշխարհի կարգերը, պատմական և ընթացիկ իրողությունները խոսուն առաջնորդներ են և չեն թույլ տալիս մոռանալ գլխավորը, հիմնականը, ընկնել Աբբասյանների ետևից։

Աշոտը՝ շմոռացավ դարմավոր ահեղ իրականությունը—այն, որ Հայաստանը հարեւան հակառակորդ մեծ պիտությունների մեջ տրորվող մի երկիր էր դարերից ի վեր։ Փոխվում էին տրորողները, թայց չեր փոխվում տրորվողի գրությունը։ Վերացնել այդ ճակատագիրը անկարուելի էր, այդպիս են վկայում մի շարք արյունոտ դարեր անցյալում։ Եվ տրորվողին մնում էր հարմարվել իր գրության, շահագործել հանգամանքները իր օգտին, լրջությամբ և առանց կանխակալ նախապաշտամունքների վերաբերվելով նրան տրորող կողմերին։

Հուրց վերաբերմունքը կարող էր արաբական բռնակալության խորքերում գտնել այն շահավետ հանգամանքը, որ

նա, մանավանդ Աբբասյան գինաստիայի օրով, ժառանգեց էր պարսկական Հին բռնապետական ավանդությունները, իսկ այս ավանդությունները երբեք դեմ չեն եղել, որ նվաճված, հարկատու ազգերը իրանց սեփական ինքնավարությունն ունենան: Բյուզանդիան աշխալիսի ավանդությունները չուներ. հայերը այդ փորձել էին դեռ Արշակունիների ժամանակ, երբ Հայաստանը բաժանվեց պարսիկների և բյուզանդացիների մեջ:

Արաբական բռնապետության այդ նպաստավոր հատկությունն էլ Աշոտի քաղաքական ձգտումների հենակետը դարձավ: Նա պիտի տեսներ, նա անշուշտ տեսնում էր Հայաստանը տրորող կողմերի մեջ եղած մեծ տարրերությունը: Բյուզանդականությունը—դա ձուլում, ոչնչացնում էր: Հայկական կյանքը հարյուրավոր փաստերով ցույց էր տվել, որ հայերի և հույների մեջ եղած դավանական տարրերությունը այնքան անհաղթելի անջրահետ չէր, որպեսզի կարողանար միշտ բաժանած պահել երկու ազգերը: Դավանական խտրությունը հեշտ էր շտկվում, մոռացվում և այնուհետև, հայերի հունացման դեմ միակ ազդու գենքը կարող էր մնալ լեզուն, որ, սակայն, նույնպես թույլ ու անկարող մի գենք էր: Մինչդեռ արարներին և հայերին բաժանողը դավանական գիծը չէր այլ կրոնական խտրության խոր վիճը: Այդտեղ ձուլումը կարող էր լինել միայն բռնությամբ, բայց այս միջոցի ամբողջ տկարությունը զգացել էին և իսլամի պետերը, ուստի և չէին դիմում նրան:

Ահա որքան փաստեր, իրողություններ կային, որոնք Աշոտին տանում էին գեպի արաբական տիրապետության կողմբ: Նա ինքը չէր բերել այդ տիրապետությունը, այլ գործ ուներ նրա հետ իրեկ գոյություն ունեցող իրողության հետ: Իր 40 հազար զինվորներով նա չէր կարող ջնջել փաստը, քերել, վերացնել նրան սրի բերանով: Եվ, բացի դրանից, միթե այդ բանակը հարկավոր էր նրան, միթե մի գործիշ կարող է վատնել իր ուժերը և այնուհետև ոշինչ չունենալ իր ձեռք բերած հաջողությունը պահպանելու համար:

Թողնելով որ 40-հազարանոց բանակը իր թիկունքը պահպանե, Աշոտը մոտեցավ իր տոշե դրված մեծ հարցին

ավելի իրրե խելոք ու ճարտար քաղաքագետ, քան իրրե քաջ զորավար: Նա փորձեց փոփոխել դարերի իրականությունը, փորձեց ցույց տալ, որ ապատամբությունը ազատության միակ միջոցը չէ, ինչպես հասկանում են բոլոր ազգերը, որ կարելի է իրագործել նույն գաղափարը առանց ահավոր ցնցումների, խնայելով երկրի ուժերը:

Եվ նա փառավոր կերպով ապացուցեց այդ բանը: Պատմության մեջ հազվագյուտ են նրա նման բախտավոր մարդիկ, որոնց հաջողվում է արյունահեղությունների արդյունքը փոխարինել խելքի, խաղաղ տաղանդի արդյունքով:

Քաղաքական գործիշի համար, որքան էլ սա ցավալի լինի, գոյություն ունենալ միայն բարոյական սկզբունքներ չեն կարող: Նրա ձեռքում եղած միջոցները միշտ մաքուր ու արգար չեն, որովհետև հանգամանքներն են իրերի տերը և զոհել հանգամանքները որոշ բարոյական սկզբունքների, երբեմն նշանակում է զոհել ամբողջ գործը: Մեր Աշոտի գործունեության մեջ էլ կան գծեր, որոնք պետք է դատապարտվեն բացարձակ բարոյականության տեսակետից: Այսպես է, օրինակ, Գրիգոր Մամիկոնյանի գործը:

Սա թաղաղում բանտարկված հայ իշխաններից մեկն էր, որին հաջողվեց փախչել կապանքներից և գալ իր հայրենի երկիրը, թագրեանդ: Արաբական իշխանությունները պատվեր են ուղարկում Աշոտին՝ անպատճառ բռնել փախըստականին: Բայց անակնեալ գեպքը գալիս է ազատելու համար հայ իշխանապետին այդ շատ անախորժ դրությունից: Գրիգոր իշխանը տեղ հասնելուց մի քանի օր հետո մեռնում է: Աշոտին մնում էր հայտնել իրան հրաման ուղարկող իշխանության, որ մահը արդեն ազատել է փախստականին ամեն տեսակ երկյուղից և պատասխանատվությունից: Բայց նա այդպես չէ անում, այլ կտրում է մեռած իշխանի գլուխը և ուղարկելով արաբական ոստիկանին, հավատացնում է, թե Մամիկոնյանը փախչում էր, երբ ինքը վրա հասավ, բռնեց ու գլխատեց: Դրանով նա իր հավատարմության մի նոր, խոշոր փաստ էլ տվեց արաբացիներին և իրան էլ նյութապես լիովի վարձատրեց: Իրեն այդ հավատարմության վարձատրություն, նա պարգև ստացավ թագրեանդը, վրան էլ դրամական մի

խոշոր գումար: Ահա ինչ էր նշանակում մի նետով երկու նապաստակ սպանել: Որքան կարեռ էր հավատարմության փաստը, այնքան, գուցե և ավելի, կարեռ էր Բագրատունյաց կալվածների սահմանը մեծացնելը: Հարց է, սակայն, թե որքա՞ն մաքուր էր այդ միջոցը:

Սակայն ի պատիվ մեր հերոսի, պետք է ասել, որ նա ի շարք չէր գործ զնում այդպիսի քաղաքագիտական ընդունակությունը և, որ զիսավորն է, ստրկական շափապանցություններով չէր ընդգծում իր հավատարմական պարտականությունները: Երբ օրինականությունը, երկրի հանգստությունը, մի խոսքով, խալիֆների իսկական շահերի պաշտպանությունը պահանջում էր, նա գործում էր համարձակ, նույնիսկ զենքի ուժով:

Այսպիս, նա Հայաստանի սահմաններից դուրս վոնդեց Ահմեդ ոստիկանին, որ գեռ նոր հայոց սահմանները մտած՝ ուզում էր Պարտավի և Մանազկերտի մահմեդական իշխողների հետ մի դավադրություն կազմել հայ նախարարներին Դվինում կոտորելու համար: Աշոտը վերին աստիճանի ճարպիկ և զգույշ միջոցներով կարողացավ բռնել ոստիկանի գաղտնի դավադրական թղթակցությունները, որոնց վրա հիմնված՝ պահանջեց ոստիկանից հեռանալ Հայաստանի սահմաններից: Ապա նա իր զենքը դարձրեց Ահմեդի դավակիցներից մեկի, Մանազկերտի էմիրի գեմ, պաշարեց այդ բերդը և ընկճեց էմիրին:

Եվ Բաղդադի խալիֆը չէր կարող անբավական լինել Աշոտի այս խիզախ գործողություններից, քանի որ ամեն ինչ կատարվում էր նույն խալիֆի իրավունքներն ու հեղինակությունը պահպանելու համար: Վրաստանն էլ հանձնված էր Աշոտի հսկողության, և հենց որ այնտեղ որևէ վտանգավոր խլրտում էր սկսվում, Աշոտը իսկույն վրա էր հասնում, խաղաղություն էր հաստատում, հեռացնելով խոռվարարներին: Վրաստանի իշխանական դասակարգի հետ էլ Աշոտը բարեկամացել էր խնամիական կապերով: Հարմար դեպքում նա չէր մոռանում իր կալվածների սահմանները ուղղելը. այսպես, նա վրաց տիրապետությունից հանեց Շիրակի սահմանակից Աշոտը դավառ:

Պետք է աշքի առաջ ունենալ մանավանդ այն, որ հայ իշխանապետի այսքան երկարատև, անխախտ հավատարմությունը թաղդադի արքունիքը տեսնում էր մի այնպիսի ժամանակ, երբ արաբական պետության քայլքայումը այլևս գաղտնիք չէր ոչ ոքի համար: Իսլամի աշխարհակալությունները կանգ էին առել վաղուց և այժմ եթե ոչ անհնարին, գոնե չափազանց դժվար էր պահպանել եղածն անգամ: Զանազան կողմերում բռնկվող ապստամբությունները անդադար բեկորներ էին խլում ահազին պետությունից: Կազմվել էին և կազմվում էին բազմաթիվ տեղական անկախություններ, կես անկախություններ, երկրորդական, երրորդական նշանակություն ունեցող էմիրներն անգամ ձգտում էին առաջնակարգ նշանակություն և լայն ու մեծ իշխանություն ստանալ: Խալիֆները հազիվհազ էին կարողանում գլուխ պահել այդ խառնաշփոթությունների մեջ: Նրանց արքունիքն անգամ թուրքական վարձկան զինվորության ձեռքին էր: Ապստամբվում էին ոչ միայն առանձին նահանգների տեղական, բնիկ տերերը կամ տեր դառնալ կամեցողները, այլև խալիֆի փոխանորդները, նրանք, որ ուղարկվում էին երկիր կառավարելու, հնազանդության մեջ պահելու համար: Կարելի է ասել, որ ուժ ու կարողություն զգացող ամեն մեկը մեղք էր համարում բախտ չփորձելը:

Աշոտը բախտ չփորձեց, թեև նրա աշքի առջև Աստրականը, Քրդիստանը ապստամբության դրոշակներ էին բարձրացրել, թեև, օրինակ, Պարտավի արաբական ոստիկարը մի ժամանակ համոզում էր հայ իշխաններին միանալ իր հետ և ապստամբվել խալիֆի գեմ: Գուցե այդ գեպքերն ու առաջարկությունները որոշ հարմարություններ տալիս էին, գուցե նրանք շատ գայթակեցնող դյուրություններ էին ներկայացնում, բայց Բագրատունի իշխանապետը շոգնորվեց, չփոփոխեց իր ծրագրը: Եվ երբ Բաղդադի իշխանության գեմ ապստամբված մի պարսիկ իշխան, Զահար անունով, 80 հազար զորքով մտավ Հայաստան, Աշոտը, առանց երկար մտածելու, նրա գեմ ուղարկեց իր բանակը, որ մեծ հաղթություն տարավ և այդպիսով մի խոշոր ծառայություն էլ արավ խալիֆի գահին:

ՊԵ՞տք է ասել, որ այդ զգուշությունը, խոհեմությունը այդ ինքնազսպումը ավելորդ չէին: Աշոտը տեսնում էր, որ իր առջև մահմեղական աշխարհն է: Նու թուղանում էր ներքուստ, բայց գեռ սպառնալից և ուժեղ էր արտաքին թշնամիների գեմ: Բյուզանդիան գեռ ընդհարվում էր նրա հետ, դեռ պարտություններ էր կրում: Այդ մահմեղական աշխարհում մի ապստամբված մահմեղական և նույն վիճակի մեջ գտնվող մի քրիստոնյա նահանգի գրությունը չէր կարող միևնույնը լինել: Ապստամբ մահմեղականը դարձյալ մահմեղական էր, մինչդեռ ապստամբ քրիստոնյայի դեմ դուրս էր գալիս կրոնական կատաղությունը: Իսլամը սրբազն պատերազմը նվիրագործել էր ոչ-իսլամ ազգերի դեմ, և ապստամբված, առհասարակ զինված քրիստոնյան իր դեմ պիտի հաներ նույնիսկ իրար հակառակվող մահմեղականներին, պիտի առիթ տար նրանց գործադրել իր վրա կրոնով սրբագործված անգթությունները:

Ո՛չ, Աշոտը, դինված մեծ համբերությամբ, իր օգտին էր ծառայեցնում բոլոր նպաստավոր հանգամանքները, այն ամենը, ինչ կար նրա երկրում և երկրից դուրս: Միշտ անխոնչ հսկող, միշտ ժողովրդի բարօրության հզոր ախոյան, նա բարյական ահազին հեղինակություն ձեռք բերեց բազմաթիվ հայ իշխանական տոհմերի մեջ. և նրա օրով մենք շնոր տեսնում, որ Հայաստանի այդ հարյուրպլիսանի հիդրան ներքին դժբախտ խոռվություններով ալեկոծեր երկիրը: Աշոտը զսպում էր, Աշոտը կարգադրում էր, այստեղ էլ գործադրելով իր սիստեմը, այն է՝ ցնցումներ շառաջացնելով, կըրքեր շվառելով, այլ խաղաղ միջոցներով, իմաստուն կարգադրություններով: Եվ նրան լսում էին, նրան հպատակվում էին:

Ի՞նչարկե, Աշոտը մի անապատական ճգնավոր չէր, որին միայն խոսքն է տված, միայն բարյական քարոզը: Նա հենվում էր իր գինվորական ուժի վրա, երբեք շմոռանալով, որ աշխարհիկ գործերում բարյական հեղինակության հենակետը արդարություն պաշտպանող սուրն է: Դրասի և ներսի թշնամիները տեսնում էին, որ հայ իշխանապետը նույնքան

զինվորական է, որքան և խաղաղ գործիչ: Աշոտը ամրացնում էր սահմանները, նոր-նոր բերդեր էր շինում:

Նրա ուշադրությունից լվորիաց և Անին: Դեռ փոքրիկ ու անզարդ մի տեղ էր նա, բայց հնուց հոշակված իր ամրությամբ: Եվ նա ավելի ամրացրեց այդ բերդը, կարծես հանձնարարում էր իր հաջորդներին, իմանալով, որ իր ձեռնարկած գործի, իր սերունդների հավիտենական փառքը այստեղ պիտի անմահանանա...

Տարիներն էլ շաղգեցին այդ զարմանալի մարդու վրա: Տեսանք նրան 30-ից անց հասակում ժառանգած իր հոր պաշտոնը: Երկար կյանք էր տված նրան: Հասել էր արդեն 70-ին, բայց դարձյալ գործում էր երիտասարդական եռանգով:

Եվ նրա ահազին ջանքերը, այն երկարատև, հաստատուն բարօրությունը, որ նրա ձեռքի գործն էր, վերջապես, բերին վաղուց ցանկացած պտուղը: Հայերի մեջ մի շարժում ակալեց. Աշոտի փեսաների ձեռներեցությամբ, բայց համարյա բոլոր իշխանների հաճությամբ, հայոց աշխարհը խնդիրք ներկայացրեց Մոթամեդ-Բիլլահ խալիֆին, որ փոխանակ իսլամ ոստիկան ուղարկելու Հայաստան, այդ պաշտոնը տրվի Աշոտ իշխանապետին: Խալիֆի վեհապետական իրավունքները մաղի շին վնասվում: Հայաստանը դարձյալ մնում էր նրա հարկատուն:

Մենք շգիտենք այս ձեռնարկության մանրամասնությունները, շգիտենք նույնիսկ թե ովքեր պատգամավոր գնացին Բաղդադ. բայց անկասկած է, որ խալիֆի արքունիքում պատրաստված էր բարեհաջող տրամադրություն և պատրաստողների մեջ առաջինը ինքը, Աշոտն էր: Պետական բարձր պաշտոնյաների մեջ նա ուներ իր բարեկամները, որոնք անձամբ ճանաշում էին նրան: Եվ վերջապես ի՞նչն էր ավելի լավ պատրաստող, քան 30—33-ամյա անխոնչ գործունեությունը, որ ամենալավ գրավականն էր խալիֆի համար, թե ապատամբական իրարանցումների, խառնակությունների այդ սաստիկ վտանգավոր ժամանակներում Հայաստանի հարկատվական հպատակությունը ամենալավ կերպով ապահովված կլինի նրան ինքնավարություն տալով:

Արաբների համար հպատակությունը, ինչպես և հին պարսիկների համար, հարկեր տալով էր արտահայտվում։ Հայերի ներքին կյանքի, տեղային վարչական կարգերի մեջ նրանք չէին խառնվում առանց հարգելի պատճառների, որոնք նրանց տիրապետության հարցն էին շոշափում։ Այսպիսով հանաշված էր հայերի ինքնավարական սկզբունքը։ Եվ խալիֆը ոչ մի արգելք չգտավ Հայաստանից եկած խնդիրի դեմ մանավանդ այն պատճառով, որ Աշոտի և նրա հաջորդների վրա մոտիկ հսկողություն կար։ Եիրակի կողքին, Դվինում, պիտի մնար արաբական ոստիկանը։

Մնում է որոշել Աշոտի նոր պաշտոնի հանգամանքները, ի՞նչ պիտի լիներ նաև Հայերը, իհարկե, ցույց տվին խալիֆի արքունիքին, որ հին դարներում էլ, պարսիկների ժամանակ, Հայաստանը կառավարող և արքունական հարկեր տվողը թագավոր էր։ Այդպես էլ որոշվեց։

887 թվականին Հայաստանում տեղի ունեցավ պատմական մեծ դեպքը։ Մոթամեդ-թիլահը թագ ու արքայական գավազան էր ուղարկել Աշոտին։ Գնորդ կաթողիկոսը մեծ հանգեսով օժեց նրան։ Եիրակի թագավորությունը իրողություն գարձագի։

Չորս հարյուր հիսուն տարի էր անցել այն ժամանակից, երբ նույն այս Արաբատյան նահանգի մի ուրիշ գավառում մարեց Արշակունյաց թագավորությունը։ Չորս հարյուր հիսուն տարվա մեջ Հայաստանը շատ շար ու բարի տեսավ, հերոսներ եկան գնացին, հայրենիքի բախտը ապահովելու համար շատ աղնիվ ձգումներ եղան, շատ արյուն թափվեց, անհամար զոհեր գնացին։ Բայց առեղծվածը մնաց անլուծելի, ոչ ոք չկարողացավ որոշել երկրի ճակատագիրը։ ոչ ոք ուժ շունեցավ հաղթահարելու անողոք հանգամանքները, զուր անցան անձնազոհությունը, հերոսական զանքերը։ Եվ ոչ ոք չկարողացավ անել այն, ինչ արավ Աշոտ Բագրատունին քաղաքագետի, կառավարի և զորավարի փայլուն տաղանդով։

Աշոտը մի նոր շրջան էր բաց անում մեր պատմության մեջ՝ մանր, տեղական թագավորությունների շրջանը։

Մանր, տեղական։ Ինչո՞ւ այսպիս ինչո՞ւ Հայաստանը

այլևս չկարողացավ գոնե վերադարձնել Արշակունի հարստության ժամանակը, երբ ամբողջ երկրի համար մի էր վասարական, հարկատու թագավորը։

Հետաքրքրական հարց։ Պատմության էջերը դիտողին առաջին անգամ այդ հարցը տալիս է ինքը, մանր, տեղական թագավորությունների այս անդրանիկը, որի ծնունդը պատմում էինք մինչև այստեղ։ Տալիս է նա այդ հարցը և ինքն էլ լուծում։

Ի՞նչն էր պակասում նրան՝ համատարած, ընդհանրական դառնալու համար։

Ըստ երեսութին—ոչի՞նչ։ Ամեն ինչ ցույց էր տալիս, որ այդ տոհմային, մասնավոր թագը կենսունակության, աշխուցի, զորության ակներով էր զարդարված և նա կարող էր մի ընդհանրապես դժբախտ, շարատանջ, ներքին պակասություններից կեղեքվող երկրի հավաքողն ու քաղաքական բարեկարգ կեցության մեջ երջանկացնողը դառնալ։

Բարեբախտ սկզբնավորությունը արդեն մի մեծ գրավական էր։ Աշոտը 4 կամ 5 տարի միայն թագավորեց։ Բայց մենք, որ գիտենք, թե թագից առաջ որքան երկար էր նա աշխատել, կասենք, որ այդ սակավակեցությունը այնքան մեծ զրկանք շեր հայոց աշխարհի համար։ Սմբատ Խոստովանողի և նրա որդու կառավարությունը մոտ 50 տարվա մի շրջան է կազմում։ Կես դար խաղաղություն, հանգստություն;— սա այնպիսի մի երջանկություն էր, որին հաճախ չէր արժանանում հայ ազգը իր միշտ ոտնակոխ, միշտ անհանգիստ հայրենիքում։ Ահա այդ հազվագյուտ երջանկությունը պիտի ասպարեզ հրավիրեր հայ ժողովրդի խաղաղ ստեղծագործականութերը։ Խաղաղությունը, կյանքի և գույքի ապահովությունը մարդկության ծաղկելուն նույնքան հարկավոր է, որքան երկնային ցողը ծաղկոցին։ Մինչև իններորդ դարի կեսը հայ աշխարհի զանազան մասերում ապրող սերունդները սիզիֆյան աշխատանք էին կատարել։ Նրանք անում էին, մի բան ավելացնում էին, բայց գալիս էին հեղեղները, տանում ամեն ինչ։ Եվ նորից պետք էր անել, նորից բար դնել մինչև մոտակա հեղեղը։

Կես դարի խաղաղությունը Բագրատունյաց տոհմի կալ-

վածներում հոյակապ պտուղներ է տալիս: Ինչպես լավ հոգանավորված է այդտեղի ժողովուրդը: Նրան տալիս են ապրելու, կատարելագործվելու հնարավորություն, միևնույն ժամանակ տալիս են և մի երկար ու ժպտուն ապագայի ապահովություն, հրաշքով ստեղծելով մի թագավորություն, որ երկրի վրա իշխում է երկնքի օրհնության պես, առանց տանջանքների ու ցնցումների, խաղաղ ու պայծառ, պահպանելով երկրի ուժերը, հենված արդեն պատրաստ վարչական և զինվորական կազմակերպության վրա:

Դինաստիաներ հիմնողները սովորաբար արտակարգ քննումակությունների տեր մարդիկ են լինում: Տափակ խեղճությունները ոչինչ ստեղծել չեն կարող: Աշոտի թագավորությունը զարմանալի է ոչ միայն իրեն հրաշքի նման մի բան, որ իրականանում է Բուղաների կատարած ավերակների այն հուսահատ, օքասական ժամանակներում, երբ երկիրը պետք է խորտակման վիճը գնար, բայց բարձրացավ մինչև սեփական ազատություն.—զարմանալի է և նրանով, որ իր շարունակության մեջ շատ փայլեր ուներ, շատ երջանիկ ու կենա սունակ էր, բայց և շատ սակավակյաց, անասելի անբախտ...

Այդ թագավորությունը միայն հայտնի շափով քաղաքական ինքնագլխություն չէր ներկայացնում, ինչպես նրա ժամանակ և նրանից հետո լույս ընկած ուրիշ տոհմային մանր թագավորությունները, այլև ժողովրդի ստեղծագործական ուժերի, կուլտուրական ընդունակությունների բարձր արտահայտությունը: Քաղաքական կյանքը գուցե և շատ արտասովոր զարգացում զգացավ թագրատունիների երկրում, բայց որ կուլտուրական կյանքի ավելի բարձր բարգավաճում մենք, բացի այդ թագավորությունից, մի ուրիշ տեղ շպիտի որոնենք, այդ, անկասկած, մի ճշմարտություն է, որի վիթխարի ապացուցն է Շիրակը: Այստեղ, ինքնավարության սկզբից, գուցե և էլ առաջուց, գոյացել էր մի ոչ-սովորական միջավայր, որ կարող էր մատավոր-վարչական և կուլտուրական կենտրոն դառնալ ամրող Հայաստանի համար: Եվ շատ բնական պիտի լիներ տեսնել, որ բազմատանջ երկրի այլ մասերն էլ, ուր չէր տարածվում թագրատունիների իրավասությունը, ամրող

թափով ձգտում են իրանց վիճակը խառնել Շիրակի վիճակի հետ, համախմբվում են նրա շուրջը:

Կյանքի ծայրագույն հրամանատարներ հանդիսացող բոլոր հանգամանքները այդ էին տրամադրում: Ամենից առաջ ապահովությունը, որ այնքան ցանկալի մի վիճակ է գոյության կովի դաժան պայմաններին մատնված մարդու համար:

Թագրատունիները ապահովություն էին: Աշոտը սկիզբն էր, նրանից առաջացավ մի ամրող տաղանդավոր սերունդ, որ աշխարհաշինությունը շատ բախտավոր աջողակությամբ միացնում էր քաջության հետ: Թվենք Աշոտի ժառանգներին կարգով՝ Սմբատ Առաջին, Աշոտ Երկաթ, Աբաս, Աշոտ Ողորմած, Սմբատ Տիեզերակալ, Գագիկ Առաջին: Բոլորը հերոսներ: Ոչ մեկը այդ անուններից չի կարմրի իր տոհմի պատմության առաջ իրեն թուլամորթ, վախկոտ: Միայն Գագիկից հետո առաջին անգամ այլասերում երևաց թագրատունի տոհմում—Հովհաննես-Սմբատը: Մի հատիկ օրինակ էր դա, բայց այլասերում, որ և վախկոտի անխելքությամբ խեղդեց Շիրակի անկախությունը: Նրանից հետո տոհմային առաքինությունը իսկույն շտապեց վերականգնել իր հեղինակությունը: Գագիկ վերջինն էր դա, որ սակայն, չնայած իր երիտասարդական աշխույժին, իր քաջության, չկարողացավ ոչնչացնել այլասերման կատարած ոճիրը և թագրատունիները պատմության ասպարելից անհետացան:

Քաղաքական ապահովության հետ կապված է կյանքի այն վիթխարի գործոնը, որ տնտեսական շահ է կոչվում: Այս կողմից էլ թագրատունիների երկիրը գրավիչ էր: Այստեղ ծաղկեց առևտուրը: Այստեղ ազգաբնակության հարստությունը նույնիսկ առասպելական համբավ ստացավ: Այն ժամանակվա հոշակավոր, հարուստ կենտրոնները՝ Կ. Պոլիս և Բաղդադ, այս տեղերի վրայով էին իրար հետ առևտրական հաղորդակցություն պահպանում և հայերը, անշուշտ, եթե ոչ միակ, գոնե զլիավոր միջնորդներն էին հանդիսանում այդ առևտրի մեջ, քանի որ բյուզանդացիների և արաբների մեջ շատ սաստիկ էր բաղարական թշնամությունը: Այդ երկու համաշխարհային կենտրոններում էլ հայերը աշակերտում էին գիտության, արվեստներին: Միայն Արքասյանների փա-

ռավոր մայրաքաղաքը ի՞նչ մեծ կրթարան էր: Այդտեղ էր կենտրոնացած այն ժամանակվա գիտությունը, այդտեղ զնացող հայր կարող էր հանդիպել Ասիայի և Աֆրիկայի բազմազան ազգերին, որոնց գրավում րերում էր այդտեղ համաշխարհային առևտուրը:

Ծիշտ է, թաղդաղն ու Կ. Պոլիսը միայն թագրատումյաց երկրների համար գոյություն չունեին, ճիշտ է, նրանք մեծ կենտրոններ էին ամբողջ Հայաստանի համար, բայց մենք միայն թագրատունի թագավորության սահմաններում, այն էլ զիսավորապես Եիրակում ենք տեսնում քաղաքակրթության աշակերտած ժողովրդի գործերը, ժողովրդի, որ կույր ընդօրինակող չէր, այլ ուներ իր սեփական աշխատանքը, իր անհատական վերին աստիճանի գարգացրած ինքնուրույնությունն էր մտցնում իր յուրացրածի մեջ:

Այսպես ահա, երկար ժամանակ ամեն տեսակ հնարավորություն, հրապույր կար, որ հայ աշխարհի բոլոր բաժան-բաժան մասերը, վերջապես, միանան, իրար հետ կապվեն Եիրակի կենտրոնաձիգ հովանու տակ: Բայց այդպես չեղավ, թագրատունիները, չնայած իրանց բոլոր ընդունակություններին, չկարողացան նույնիսկ երկու հարյուր տարի լրիվ անցկացնել թագավորական գաճի վրա: Աշոտի տնկած սերմը հազիվ կարողացավ վաղանցուկ հյութերից բացված մի ծաղիկ դառնալ, որ իր բուրմուճը հաղորդեց մեր պատմության մի քանի էջներին և շորացավ, դուրս շպրտվելով կյանքի անպատի մեջ:

Ահա այս իրողությունն է, որ ամենից շատ տանջում է այցելուին Անիում, երբ նա, վերջացնելով իր շրջագայությունը, սկսում է ամփոփել իր տպավորությունները, փորձում է թափանցել ավերակների, այսպես ասած, փիլիսոփայության մեջ: Յուրաքանչյուր քար, յուրաքանչյուր հիշատականբարբար, լուր ու համր ասում է մտքիդ, որ այստեղ, նախքան այս ավերակները, մի անոնի անարդարություն է կատարվել, մի ոճիր: Նրա զոհը փուլած է այստեղ, մեր ոտների տակ: Իսկ ո՞ւր է գաճիճը:

Ասել թե թագրատունիները շնասկացան միության, ամբողջության գաղափարը, ասել մանավանդ, թե նրանք ոչինչ

չեն արել այդ գաղափարը տարածելու համար,—կլիներ մի մեծ անարդարություն: Աշոտը միության սկիզբը գրել էր, նրա առաջին հաջորդները զնացին այդ ուղղությամբ: Բայց այդ հաջորդները բախտ չունեցան: Հենց առաջին քայլերում, երբ թագրատունյաց գահը չէր էլ ամրապնդել, երբ նա նույնիսկ մշտական մայրաքաղաք էլ դեռ չուներ, երկիրը տակն ու վրա արին եղայրասպան պատերազմները: Որքա՞ն դժբախտություն, որքա՞ն արյուն ու ավերում տեսավ հայոց աշխարհը, մինչև թագրատունիները համոզվեցին, որ ընդհանուր պետական գաղափարը չէ կարելի իրագործել և ստիպված եղան ամփոփել իրանց կալվածների սահմաններում, բավականանալ տեղային, մասնավոր անկախությամբ:

Ո՞վ էր մեղավորը: Դարձյալ ֆեռդալական սիստեմը, Հայաստանի միության, ուժեղացման հին թշնամին: Ովինչ չկարողացավ խելքի բերել նրան, քաղաքական փոթորիկները, տկարության, անհամաձայնության բոլոր, բոլոր արհավիրքները եկել ու անցել էին երկրի վրայով, առանց խրատական նշանակություն ունենալու: Հին, պատմական իմաստուն ասացվածք է, թե հայերը անմիարան ազգ են: Դա նշանակում է, որ Հայաստանում պետական կազմակերպությունը երբեք ֆեռդալական սիստեմից հեռու չէ գնացել: Թագրատունիների ժամանակ Եվրոպայում անգամ պետական միության գաղափարը դեռ չէր իրականացել, ինչպես մեղադրել հայերին, որոնց հայրենիքը դեռ ամենահին ժամանակներում, դեռ ուրարտացիների ժամանակ, գավառական մանր թագավորությունների մի ցանց էր ներկայացնում: Այդ հիմքը մնաց անխախտ, ծծվեց ազգի արյունի մեջ: Ֆեռդալական դրությունը դեռ երկրի թուկություն չէր կարող լինել այն դեպքում, երբ ուժեղ էր կենտրոնական իշխանությունը, երբ թագավորը կարողանում էր ճնշել, հարկադրել տեղական իշխաններին, հնագանդության մեջ պահել նրանց: Այդպիսի ուժեղ կենտրոն Հայաստանը շատ քիչ է ունեցել, այդ պատճառով էլ նրա պատմությունը, համարյա սկզբից մինչև թագավական ինքնուրույն կյանքի վերջը, ներքին թուկության, բաժան-բաժան կացության, տեղական շահերի անհաշտության պատմությունն է:

Չունենալով ընդհանուր շահերի ամուր գաղափար, Հայաստանը խախուս, երերուն գրության մեջ ընկավ մանավանդ Արշակունի հարստության վերջանալուց հետո, մի հարստություն, որ, չայսած իր տկար ու անկատար կողմերին, այնուամենայնիվ մի և ընդհանուր հայրենիքի գաղափարն էր մարմնացնում: Երկիրը կեղեքվում էր արտաքին քռնավորների ձեռքին և չեր կարողանում հավաքել իր գիմադրական ուժերը: Իսկ նրա ուժերը այնքան էլ արհամարհելի չեին: Թաշություն և վարչական ընդունակություն չեր պակասում հայերին: Նրանց ամբողջ գժբախտությունն այն էր, որ ֆեոդալական կազմակերպությունը կտրատել, մանրացրել էր հայրենիքի շահերը, նեղ, գավառական կերպարանք էր տվել նրանց: Չգտնելով իր հայրենիքում պետական գործունեության ընդարձակ ասպարեզ, հայը հեշտությամբ կտրվում էր իր գավառական նեղ, փոքրիկ, նույնիսկ չնշն շահերից և գնում էր հեռու, օտար երկնքի տակ իր ընդունակությունների համար գործադրություն որոնելու:

Բյուզանդիան շատ լավ սովորել էր շահագործել հայերին իրեն զինվորական ուժ: Իր երկրի անկարգ ու անկերպարան պայմանների մեջ էլ հայը գիտեր քաջությամբ պատերազմել: Բավական էր հայ զինվորական խմբերին տալ որոշ կազմակերպություն, միություն, և նրանք բյուզանդական գործը գեղեցիկ կերպով պաշտպանում էին Ասիայի և Եվրոպայի դաշտերում:

Իր ընդարձակ պետական կազմակերպությամբ, իր ճոխությունը պարզ պաշտոններով Բյուզանդիան ավետյաց երկիր դարձավ հայ ռազմիկ տարրերի համար: Դարերի ընթացքում այստեղ էին թափվում ցեղի առաջավոր ուժերը: Այնտեղ զինվորությունը բաց էր անում նրանց առջև փառքի և իշխանության բոլոր աստիճանները, մինչև կայսերական գահը: Բյուզանդական բանակի շարքերը լցվեցին հայերով. անվանի, քաջ զորավարներ դուրս եկան նրանցից: Արքունիքում նրանք բռնեցին հրամայող դիրք, կայսերական գահը զրավեցին, ամբողջ դինաստիա հիմնեցին: Այդ բախտավորները, եթե բախտ կա և կայսերական գահերի վրա, շրջապատված էին փառքով, շլացուցիչ շքեղությամբ: Ահազին պետության

մեջ ամեն ինչ հնազանդվում էր նրանց: Բայց և այդպես, չկա նրանց մեջ մեկը, որ իրական օգուտ հասցրած լինի իր քուն հայրենիքին, որ իր ամենակարող ուժի, իր ընդունակության մի մասն էլ նվիրած լինի իր ազգակիցներին:

Ընդհակառակն, հայերը թյուղանդիայում հիմնավորապես մոռանում էին իրանց հայությունը, հաճախ ուղղում էին իրանց թույլ ու խեղճ ազգակիցների գեմ բյուղանդական օրթոդոքսության զենքերը: Այն ժամանակներից է, երես, որ բացարձակ ճշմարտություն դարձավ թե հայը օտար երկնքի տակ, օտարի ծառայության մեջ, կարող է նույնիսկ հանճար ցույց տալ, իսկ իր ազգի համար լինել միայն հեռվից հնչող մի հոշակավոր անուն և ուրիշ ոչինչ:

Դա դարձյալ միևնույն գրությունն էր բնորոշում, այն, որ հայը իր երկրի մեջ իր ընդունակությունները գործադրելու և վարձատրվելու ասպարեզ չեր գտնում, որովհետև այնտեղ համայնականություն լկար, որովհետև ֆեոդալական սիստեմը ամեն ինչ մանրացնող էր, սեփական շահերի, մանրմունը, միմյանց հակառակ, թշնամի հաշիվներ էր...

Ահա այդ մանրող ուժը գուրս եկավ և Բագրատունիների գեմ, բերելով իր հետ, ինչպես միշտ, կոփվ, ատելություն, քայլքայում: Ընդհարման առաջին սարսափելի ծանրությունը վիճակված էր կրել Աշոտի որդուն և անմիջական հաջորդին՝ գժբախտ Սմբատին, որի ողբերգական կյանքի հետ մենք փոքրինչ ծանոթացնող Շիրակավանի մոտով անցնելիս: Հարվածը գալիս էր ընտանի թշնամուց, հարազատ քրոջ որդուց:

Ֆեոդալական կազմակերպության մեջ մի տոհմի ուժեղությունը կարող էր նշանավոր աստիճանի հասնել, եթե հաջողվում էր միանալ հարեւան տոհմերի հետ: Այդ միությունը սովորաբար գլուխ էր գալիս բարեկամության կապերով: Արդեն տեսանք, որ Աշոտը, իր զարմանալի շենքը հաջողությամբ կառուցանելու համար, խնամիացավ Վասպուրականի Արծրունիների հետ: Այդ խնամիությունը օգտակար հանդիսացավ, բայց ոչ երկար ժամանակով: Ֆեոդալական սկըրունքը կարող էր մոռանալ նույնիսկ ազգակցական կապերը: Գագիկ Արծրունին, Աշոտի թոռը, միացավ Ատրպատականի

Յուսուփ ոստիկանի հետ և կատաղի կոիվ հայտարարեց իր քեռու դեմ: Հետևանքը հայտնի է: Սմբատը նահատակվեց սոսկալի տանջանքներով, իսկ Գագիկը թագ ստացավ Բաղդադից: Եվ այս պառակտումը տեղի էր ունենում Աշոտի թագվորելուց հազիվ 20—21 տարի անցած:

Յուսուփը իմացավ գործի դարձնել ֆեռդալական անմիաբանությունը: Տեսնելով որ Բաղդադի արքունիքի հաճությամբ կազմված հայկական թագավորությունը աշխատում է մեծանալ, ընդհանրական, ուրեմն և անհամեմատ ուժեղ դառնալ, նա շտապեց բաժանության կովախնձորը գլորեկ հայ իշխանների մեջ: Գագիկը ամենայն հեշտությամբ թագ ձեռք բերեց: Բայց պատմությունը կարող է փոքր-ինչ խնայել այս անոնք իր դատաստանի առաջ գոնե այն պատմառվ, որ նա, թագավորելուց հետո էլ շարունակեց իր անգուստ կատաղությունը Բագրատունիների դեմ: Վերջում նա զղացող շարագործ գարձավ, և Վասպուրականի թագավորությունը շարունակեց իր գոյությունը, այլևս շիառնվելով Շիրակի գործերի մեջ:

Սակայն Յուսուփի պես մարդը շատ քիչ պիտի վախենար այս հանգամանքից: Գագիկ Արծրունու նման անհատներ շատ էր տալիս հայ ֆեռդալականությունը: Սմբատի հաջորդ Աշոտ Երկաթը, թագավորությունը ժառանգելուց մինչև մահ, ամբողջ 14 տարի, կովեց Յուսուփի և մանավանդ նրա անբարոյականացրած հայ նախարարների դեմ, որոնք շէին ուզում ճանաչել նրա իշխանությունը: Նկատենք, որ այդ նախարարներից մեկը Աշոտի աներն էր:

Երկու Բագրատունիները կովում էին հերոսարար, բայց շկարողացան զսպել ֆեռդալականությունը: Հաղթվողը դարձյալ պետական միության գաղափարն էր: Եվ Բագրատունիները հարկադրված եղան ձեռք վերցնել այդ գաղափարից: Նրանք, Արծրունիների նման, ամփոփեցին իրանց կալվածների սահմաններում: Դա հարցի ամենալավ, թե ոչ արմատական՝ լուծումն էր: Գոնե տանը, իրանց սեփական գավառում, Բագրատունիները ազատ էին ցույց տալու, թե ինչ աշխարհաշեն մեծագործությունների են ընդունակ:

Այդ ինքնամփոփման ժամանակի առաջին գործն է մեր

Անին, ուր Աշոտ Ողորմածը 961 թվականին թագավոր օծվեց: Այդ օրից մայրաքաղաք Անին սկսեց հեքիաթական հերոսի նման օրերով անել, զարգանալ ու զարդարվել: Բախտավոր աստղի տակ էր նա իրեն խնամքի ու հոգածության առարկա և հենց այդ պատճառով էլ ցավեցնում է նա իրեն ոչ այնքան բախտավոր քաղաքական կենտրոն: Հազիվ 7 տարի ապրել էր իրեն մայրաքաղաք, և ահա պառակտումը մտավ և Բագրատունիների տունը, Շիրակի թագավորությունը մանրաքավ նույնիսկ իր սահմանների մեջ: Անիի քթի տակ մի ախոյան բարձրացավ, մի նոր մայրաքաղաք:

Եթե մեր այս Միջնաբերդը շատ բարձր լիներ, գոնե Աւազայի շափ բարձր, մենք այստեղից դեպի հյուսիս-արևմուտք նայելով կտեսնենք այն ահեղ բարձրավանդակները, որոնց վրա իր անառիկ ամրություններով նստած է հոշակավոր Կարսը: Այդ ամրությունների կենտրոնը Ախուրյանի աջ ափին ցցված ժայռոտ բարձրությունն է, այժմ Միջնաբերդը, իսկ այն ժամանակ բռն Կարս ամրոցը, հարավ-արևելյան բաց, դաշտավին կողմից շրջապատված հաստ պարիսպներով:

Այդ բերդն էր, որ պառակտումը պաշտպանեց իր հզոր կրծքի մեջ: Բագրատունիների ամենաթուլլ, հիվանդութ կողմն էր գահաժառանգության հարցը: Արևելքում շատ քիչ է պատահում, որ գահի շուրջը կոփվներ չինեն թեկնածուների մեջ: Աշոտ Առաջինը, ինչպես երեսում է, շէր կարողացել հստատում մի կարգ որոշել, թե ինչպես պիտի իր ժառանգները հաջորդեն իրար: Եվ երբ նա փակեց իր աշքերը, վեճ ոռ գժտություն ընկավ նրա եղբայր Արասի և նրա որդի Սմբատի մեջ: Ո՞վ պիտի ժառանգեր՝ արքայեղբայրը, թե արքայորդին: Վեճը, որ սպառնում էր շատ վտանգավոր կերպարանք ընդունել, խաղաղ լուծում ստացավ այն մտքով, որ գահաժառանգությունը պիտի լինի ուղիղ գծով, այսինքն՝ որդուց որդի: Բայց առաջին պայքարը վերցինն էլ չդառնավ: Օրինականությունը շատ ամուր շէր Բագրատունի տոհմի մեջ: Աշոտ Ողորմածի եղբայր Մուշեղը շկամեցավ հպատակ մնալ իր եղբորը և Կարսում առանձին թագավորություն հիմնեց: Աշոտը շղիմաղրեց, նա գոհ էր, որ այդպիսով վերջ են գտնում ժառանգական վեճերը:

Նրա խաղաղասեր քաղաքականությունը գոնե աղետի առաջն առավ. Կարսի թագավորությունը գոհ մնաց իր վիճակով, չթշնամացավ Անիի թագավորության: Ընտանեկան երկպառակությունները վերջանում էին, բայց այդ շեր նշանակում, թե քաղաքական շահերն էլ խնայված են մեջտեղ:

Այստեղից այստեղ՝ Անիից Կարս, հազիվ 50—60 վերստ տարածություն լինի: Երկու քայլ մի պետության համար: Եվ երկու քայլի վրա՝ բաժանում, քայլքում: Ֆեոդալի համեցողությունը տարածության վերաբերմամբ էլ տարօրինակ էր. նա շեր իմանում, որ տարածությունը պետության համար շունչ է, նրա փառասիրական տեսնչն էր, որ գիտեր բավականանալ նույնիսկ Կարսի փոքրիկ, մանրադիտական թագավորությամբ:

Որքա՞ն նեղ, ճնշող է մեր հին իրականությունը: Միևնույն մեծ լեռնադաշտի երկու, համարյա հանդիպակաց ծայրերում, միևնույն գետի ափին կանգնած երկու մայրաքաղաքներ: Նրանք իրար շծեծեցին, իրար շկործանեցին զենքով: Շնորհակալություն և այդքանի՛ համար: Բայց մի՛թե կործանումը միայն զենքով է կատարվում: Իսկ առանձնացո՞ւմը, իսկ իրարից անտարբերության, սառնության խոր խրամատներով անջատվէ՛լր: Զկար զենքի թշնամությունը բայց շկար էլ զենքի բարեկամություն: Միևնույնը շէ՛ սա երկու դրակից, արյունակից, միևնույն վիճակին ենթարկված հարեանների համար: Բնությունից անառիկ դիրք ստացած Կարսը պիտի լրացներ Անիի կես-դաշտային դիրքի պակասությունները, պիտի նրա պատվարը, հզոր մարտկոցը դառնար: Սակայն նույնիսկ օրհասական վտանգի, կործանման բոպեններին էլ նրանք իրար ձեռք շմեկնեցին:

Կարսոր է որ Կարսի թագավորությունը նույնիսկ կուլտուրական տեսակետից էլ Շիրակի լրացումը շդարձավ:

Կարսը Շիրակին չէր պատկանում. նրա գավառը ուրիշ անուն ուներ՝ Վանանդ: Եվ կարծէս աշխարհագրական բաժանումը կուլտուրական բաժանում էլ է եղել: Վանանդը Շիրակ չէ իր հին հիշատակարաններով: Միևնույն տոհմի հատվածն էր այստեղ թագավորում մոտ մի դար. երկու սահմանակից դավառները միևնույն երկիրն են իրանց բնուե-

թյամբ, աշխարհագրական հանգամանքներով: Կարսի թագավորները շուներ մարդիկ չէին: Բայց և այդպես, մեծագործության հիշատակներ նրանցից մեզ չեն մնացել: Չէ կարելի ասել, թե ժամանակն է անհետացրել նրանց բոլոր գործերը, որովհետև ժամանակակից պատմագրությունների մեջ էլ մենք չենք տեսնում, որ նրանք մի բան արած լինեն:

Բացառություն է միայն Կարսի հոյակապ Մայր եկեղեցին, որ շինել է Աբաս թագավորը և այսօր ուսւներին է պատկանում: Բայց ուշադրություն դարձրեք թե երբ է նա շինված: Նախքան թագավորության պառակտումը: Աբասը Աշոտ Ողորմածի և Մուշեղի հայրն էր: Բագրատունիները զեռ մշտական մայրաքաղաք չունեին: Աշոտ Առաջինը թագավորեց թագարանում, Ամբատը՝ Շիրակավանում, իսկ Աբասը մայրաքաղաք ընտրեց Կարսը և այդտեղ շինեց եկեղեցին:

Կարսը, ուրեմն, ավագություն ուներ, իրեկ մայրաքաղաք, Անիի վերաբերմամբ: Իր նախապատվությունը նա շկամեցավ զիշել Անիին. և եթե Աշոտ Ողորմածը թագավորեր այստեղ, իր հոր քաղաքում, իր հոր հոյակապ եկեղեցու մոտ, գուցե և Մուշեղը շկարողանար անջատ գահ հաստատել: Նրան, անշուշտ, շատ օգնել է այն, որ հայրական խանգարված մայրաքաղաքն էր նորից թագավորանիստ դարձնում:

Այսպես թե այնպես, Կարսի բաժանված թագավորությունը, դատելով մեզ մատշելի բոլոր հանգամանքներից, միանգամայն ամուկ էր իրեկ քաղաքական և թե իրեկ կուլտուրական ոճ:

Բնությունը, կարծես, միայն Շիրակի հողն էր ընտրել՝ թագրատունիների և առհասարակ հայ ցեղի բարձր ընդունակությունները բեղմնավորելու համար:

Բայց Կարսը Անիից բախտավոր էր: Անին միայն 84 տարի մնաց թագավորանիստ, իսկ Կարսը՝ 120 տարի (հաշվելով և Աբաս I-ի թագավորության տարիները): Եվ այն ժամանակ, երբ թագրատունիները անհետացել էին Անիից, Կարսում զեռ մի քանի տարի էլ Մուշեղի ժառանգն էր թագավորում:

Նայում եք այդ երկու քայլի իրականության և ձեր աշ-

քերի առջև իր ամբողջ հասակով կանգնում է այն մեծ ոճի-
բը, որ քարուքանդ արեց այս բոլոր կողմերը:

Նա կործանում թերեց: Կործանումը երկար ժամանակից
ի վեր էր պատրաստվում: Հայ ֆեռդալականությունը դեռ
կարող էր բաժան-բաժան ապրել, թագավորել, տոշորվել
փառամոլությունից, քանի որ Հայաստանի տերը թույլ
կազմալուծվող խալիքայությունն էր: Բայց նրա դժբախտու-
թյունը հեռու չէր: Պատմության անողոք օրենքով թույլերը,
կենսունակություն շունեցողները դուրս պիտի նետվեին աս-
պարեզից: Դա Բաղդադի արքունիքի ճակատագիրն էր: Նրա
անկման հետ երեան են գալիս նոր հանգամանքներ. Արև-
մբարյան Ասիայում դարձյալ կազմակերպված ուժն է զլուխ
բարձրացնում: Բյուզանդիան գերակշռող է հանդիսանում
իրեւ տիրապետող: Մա առաջին ահավոր վտանգն էր Հայ
ֆեռդալականության համար: Հեռավոր արևելյան երկրներից
այդ վտանգի առաջն էր գալիս մի ուրիշը, ավելի անողոքը,
ավելի ահավորը:

Երկուան էլ պիտի իրար հանդիպեին, իրար հետ ընդ-
հարվեին Հայաստանի հողի վրա: Եվ նրանց մի շուրջ բա-
վական պիտի լիներ, որ Հայ ֆեռդալականության ստեղծած
թագավորությունները տապալվեին խաղաթղթերից շինած
տնակների նման:

Վերեւում ասացինք, որ Աշոտ Բագրատունին բաց արակ
մեր պատմության մեջ մանր, գավառական թագավորու-
թյունների շրջանը: Այստեղ ասենք, որ XI դարի առաջին կե-
սում, երբ մեր հիշած երկու վտանգները հետզհետե աճում,
մեծանում էին, Հայաստանում, բացի մեզ ծանոթ երեք թա-
գավորություններից (Վասպուրական, Շիրակ, Կարս) կային
և Սյունյաց, Աղվանից և Լոռու լեռնային թագավորություն-
ները: Թիվը բավական է, որ դուք անեք, թե թագավորու-
թյունների մի ամբողջ ցանց կար: Մակայն ցանցը մի որոշ
կապ է ենթադրել տալիս իր բաղկացուցիչ մասերի մեջ,
մինչեռ դուք գիտեք, որ ոչինչ միացնող կապ չկար մեր
այդ թագավորությունների մեջ: Նրանք նստած էին իրանց
փառահեղ առանձնության մեջ: Եկավ արտաքին ուժը և ա-

մեն մեկին առանձին-առանձին, զանազան ժամանակնե-
րում, խորտակեց:

Առաջին ընկնողը վասպուրականն էր: Արևելքից առա-
ջացող վտանգը, սելջուկյան արշավանքը, եկել կանգնել էր
նրա դիմաց: Ի՞նչ անել: Ֆեռդալականությունը մահվան
բոպեին էլ հավատարիմ մնաց իր ավանդական ոգուն: Տես-
նելով որ անկարելի է սեփական ուժերով դիմադրել վտան-
գին, Արծրունիների գահը շտապեց ընկնել Բյուզանդիայի
կիրկը: Դա արևմտյան վտանգն էր, բայց այնքան սարսա-
փելի չէր միամիտ հայ իշխողների համար, քանի որ երևան
էր գալիս զինված ոչ թե սրով, այլ նենգավոր թաղաքակա-
նությամբ: Կյանքի պատուհաս չէր բերում այդ վտանգը և
Արծրունիները կարծեցին թե մեծ իմաստությամբ են գոր-
ծում իրանց ազատության համար մի առուծախ առաջարկե-
լով բյուզանդացիներին: Վասպուրականը փոխանակվեց Սե-
բաստիայի հետ: Արծրունիները իրանց ժողովրդի, իրանց
գահի հետ վեր կացան, գնացին իրանց գնած տեղը: Նրանք
չգիտեին, որ կարելի է ժողովորդ գաղթեցնել, բայց չէ կա-
րելի հայրենիք փոխադրել մի տեղից մյուս տեղ, թագով
պսակված գլխի մեջ չկար այն հասկացողությունը, որ թագը
ուրիշ ազգերի ողորմությամբ չէ կարելի պահել, այլ պետք
է հնաված լինի սեփական ուժի վրա:

Սեբաստիա գնացին վասպուրականցիները ոչ թե ա-
զատվելու, այլ կու գնալու համար: Բյուզանդիան գրավեց
Հայ ֆեռդալներին իր ներսը և արագ մարսեց նրանց:

Այդ միջոցը իր հեշտությամբ, իր օգտավետությամբ
այնքան ձեռնուու էր բյուզանդականության, որ վասպուրա-
կանից հետո հերթը հասավ Շիրակին:

Այստեղ զեռ այնքան ահարկու չէր սելջուկյան վտանգը,
ուստի ուրիշ տեսակ հող պատրաստվեց խաղաղ նվաճման
համար: Շիրակում սաստիկ էր բյուզանդական ազդեցու-
թյունը: Հունական կրթությունը շատ տարածված էր Հայ
աղնվականության մեջ: Թագավորական տոհմն էր, կար-
ծեմ, որ օրինակ էր տալիս: Երկիրը շարունակ շիման մեջ
էր Հայաստանի բյուզանդական բաժնի հետ, իսկ Կ. Պոլիսը
իր ճոխություններով գրավում էր թե իշխաններին, որոնք

այնտեղ վայելչություն և պատիվներ էին որոնում, թե վաճառականներին: Շատ լավ ուսումնասիրած լինելով հայ ֆեռագանների թույլ կողմերը, Կ. Պոլսի արքունիքը սիստեմ էր դարձրել նրանց զանազան պատվավոր տիտղոսներով, ընծաներով սիրաշահելը: Այդ միջոցները իրանց արդյունքը տվին, հունասեր, նույնիսկ հունամոլ կուսակցություն էր կազմվում մանավանդ ազնվական դասակարգի մեջ:

Միակ արգելքը, որ կանգնած էր հայերի և հույների մեջ, կրոնական տարբերությունն էր: Բայց դա չէր կարող այնքան անհաղթելի մի արգելք հանդիսանալ քաղաքական գործի մեջ: Բյուզանդականությունը նույնիսկ առժամանակ թողեց իր ֆանատիկոսակրն ատելությունը դեպի հայոց եկեղեցին, կրոնական վեճերը առժամանակ դադարեցին: Ճարպիկ ու ճարտար կերպով պատրաստվում էր խաղաղ նվաճման ծրագիրը: Հույները այնպես էին կարողանում զսպել իրանց, որ հայոց կաթողիկոսին նույնիսկ թույլ տվեցին ջրօրհների արարողությունը կատարել իրանց բանակում:

Իսկ հայ ֆեռալականությունը մեծ եռանդով նպաստում էր հունական կլանող ծրագրին: Գագիկ I-ից հետո Անիի թագավորությունը երկարատև օրհասի մեջ ընկալ: Նա նորից ճեղքվեց ժառանգական վեճերի պատճառով, ավելի ևս մանրացավ:

Բագրատունիների և ամբողջ Շիրակի գծրախտությունն էր, որ Գագիկից ծնվել էր առաջ Հովհաննես-Սմբատը, ապա Աշոտը: Սովորությունն է, որ թագավորների անդրանիկն է գահը ժառանգում, ինչ էլ լինի նա: Հովհաննես-Սմբատին այդ դանդաղաշարժ, անընդունակ, վախկոտ, բայց դրասեր և հոգեսեր մարդուն մենք ճանաշում ենք: Նրա եղբայր Աշոտը՝ կատարյալ հակապատկեր, մի քաջ ու եռանդուտ թագրատունի: Նա չկարողացավ հաշտվել այն դառն իրողության հետ, որ լոկ ծնունդի իրավունքով պիտի թագավորե իր անընդունակ եղբայրը: Ժառանգական վեճ բացվեց, որ շատ սուր կերպարանք ստացավ: Աշոտը նույնիսկ աններելի միջոցների դիմեց, մինչև անգամ փորձեց սպանել իր եղբայրը: Ոչինչ, սակայն, չօգնեց: Անընդունակությունը շղիջեց երկրի օգտի համար: Եղբայրների մեջ, վերջապես, կայացավ հաշ-

տությունը, հիմնված երկրի բաժանման վրա: Հովհաննես-Սմբատը թագավորում է Անիում, իսկ Աշոտը—դրսի աշխարհում: Ֆեռալականությունը վերջիվերջո քաղաքի թագավորություն էր մտցնում Հայաստանի մեջ. մի թագավորք որին պատկանում էր մի հատ քաղաք իր շրջակաքով: Սակայն դա ժամանակավոր գրություն պիտի լիներ. որոշված էր որ Հովհաննես-Սմբատի մահից հետո Անիի ամբողջ թագավորությունը պիտի անցներ Աշոտին:

Եվ այդ տիսուր ժամանակներում սելչուկյան վտանգը ցույց տվեց իր ահավոր գեմքը Անիի վախկոտ թագավորին: Նա դեռ նվաճումներ չէր անում այս կողմերում. հայտնվեց Շիրակի սահմանակից մի գավառում, ապա դարձրեց իր արշավանքը գեպի վասպուրական, Միջագետք: Բայց եղածն էլ բավական էր մի Հովհաննես-Սմբատի համար: Դժբախտաբար, արևմտյան վտանգն էլ զինված երևան եկավ Շիրակի սահմանների մոտ: Վասիլ կայսրը արշավում էր գեպի Վրաստան: Վախեցած Սմբատը, ինչպես գիտենք, շտապեց իր շաղ մարմնի համար հանգստություն ապահովել, ևնին նվիրելով կայսրին:

Այս կերպարանքով է հասել մեզ պատմական դառն իրողությունը: Բայց մենք չպիտի կարծենք, թե այսքան հեշտ կերպով կարող էր կատարվել այդ ստոր վաճառքը, առանց հույների մասնակցության և գիտության: Մի թագավոր, որքան էլ նա Հովհաննես-Սմբատ լիներ, չէր կարող այդպիսի գործ կատարել առանց երկար պատրաստության, առանց ճնշումների: Կար նրա համար էլ զսպանակ՝ կրոնասիրությունը, որ այնքան հիշատակներ է թողել Հոռոմոսում: Եթե պետական գաղափար չկար, պետք է լիներ կրոնասեր մարդու երկյուղը հոգու պատասխանատվության մասին: Ո՛չ, Անիի վաճառքը միայն թագավորի վախկոտության հետեւնքը չէր կարող լինել: Այդ վախկոտությունը այն պարարտ հողն էր, որի վրա գործել սկսեցին բյուզանդական ուսկիները, միացած հայ ֆեռալների արարքների հետ:

Հունամուրության ամենածայրահեղ մի ներկայացուցիչ մեծ աղղեցություն և նշանակություն ուներ Հովհաննես-Սմբատի արքունիքում: Դա վեստ-Սարգիսն էր:

Կարոտ էլ չէ այս մարդը որևէ հանձնարարականի։ Հայոց պատմության փոքրիշտե ծանոթ հայի համար գա մի զգվելի հասկացողություն է։ Մի դավաճան, որ Անիի թագավորության հոգեհանը հանդիսացավ։ Այստեղ կարելի է այդ ատելի տիպի առանձնահատուկ մի քանի գծերը բնորոշել, որպեսզի ընթերցողը իմանա, թե դա մի բացառիկ հրեշ չէր, գլխովին շարության և ավերանքի համար ստեղծված։

Վեստ-Սարգիսը մի ազդեցիկ իշխան էր, խոշոր կալվածատեր Շիրակում։ Նրան սյունեցի են անվանում։ Բայց այդ անունը լոկ նրա ծագումը պիտի հայտնե։ նա Սյունիքում չէր ապրում, ամուսնացած էր Գրիգոր Մագիստրոսի աղջկա հետ և, այդպիսով, բարեկամացած էր ժամանակի իշխանական ամենաազդեցիկ տոհմի, Պահլավունիների հետ։ Այդ ամուսնությունը նրան հայտնի դիրք պիտի տար այս կողմերում։

Սակայն Սարգիսը առանց ամուսնության էլ դիրքի տեր մարդ էր։ «Վեստ» բառը, որ անբաժան կպած է նրա տիսուր անվան, հունական պաշտոնի, աստիճանի անուն է։ Նա ցուց է տալիս, որ Սարգիսը պարզապես մի բյուզանդական պաշտոնյա էր։ Այդ, իհարկե, չէր խանդարում, որ Սարգիսը մի զերմեռանդ, կրօնասեր հայի համբավ էլ վայելե։ Ել իրավ, Սամվել Անեցին գրում է։ «Մեծապատիվ Վեստն Սարգիս՝ զկնի բազում շինուածոց բերդից և եկեղեցեաց, զհրաշալի զվանս զիծկօնս շինեաց, պայծառ պսակավ զարդարեալ զքաւարանն»։ Այսօր էլ կա հծկոնքի վանքը, որ Անիից շատ հեռու չէ։ և նրա արձանագրություններից մեկի մեջ այսօր էլ խոսում է բյուզանդական շատ շողորդթված, իր դիրքով և աստիճաններով հպարտացող և շլաշնող պաշտոնյան։ Նրա մասին ասված է։ «Որդիացեալ և սիրելի ճորտ երից թագաւորաց Հոռոմոց, առեալ երից պատիւ. անթիպատ պատրիկ, վեստ և դուկ արևելից»։

Բյուրոկրատի մի տիպիկական դեմք։ Մենք փաստեր շունենք պնդելու, թե Սարգիսը իրապես պաշտոններ է վարել բյուզանդական ծառայության մեջ։ Կարող է այնպես էլ եղած լինել, որ այդ պատիվները, այդ աստիճանները նա ստացել է առանց իրական ծառայությունների, լոկ իբրև

լացնող վարձատրություն։ Այսպիսի օրինակներ մենք ունենք։ Բյուզանդական կառավարությունը իր իրավասության ունկ շգտնվող երկրների նշանավոր մարդկանց շնորհում էր պիտական տիտղոսներ, ինչպես այժմ շքանշաններ են շնորհվում։ Հայտնի է մեզ, որ Վահրամ Պահլավունի մեծ իշխանն էլ ուներ անթիպատ պատրիկի տիտղոսը։

Բայց այս հարցը շատ էլ կարենոր չէ։ Կարենորն այն է, որ Սարգիսը տոգորված էր բյուզանդական բյուրոկրատիայի ոգով։ Սրա շատ բնորոշ ապացուցյներն են Խծկոնքի արձանագրության այն բառերը, որ վերևում արտագրեցինք։ Այդպես քծնել իրանից բարձրի առաջ, այդպես պարծենալ կայսերական դռնել հատնից ստացած շնորհներով կարող էր միայն բյուզանդական բյուրոկրատը։ Հայտնի են այդ դասակարգի հատկությունները¹. սաստիկ ընշասիրություն, հարստանալու, բարձր գիրքեր գրավելու անհագ ծարավ, կաշառասիրություն, հսամություն։ Առհասարակ, հունական կրթություն ստացած հայ իշխանները շատ լավ յուրացրել էին բյուզանդական բյուրոկրատիայի քաղաքավարական ձևերը։ Նույնիսկ հաճոյական-շողորդթական արտահայտություններն էլ, որոնք ամենաէական մասն էին կազմում բյուզանդական կառավարող շրջանների աշխարհավարության մեջ։ ընդորինակվում էին հայերի կողմից ստրկաբար։ Բավական է համեմատել Վեստ-Սարգիսի աներ Գրիգոր Մագիստրոսի նամակները բյուզանդական շատ տիպիկական բյուրոկրատումնական Միխայիլ Պակելի նամակների հետ։ նույն ոճը նույն դարձվածքները, նույն ոգին։

Եվ ահա բյուզանդական հոգով մկրտված այդ հայ բյուրոկրատը, Վեստ-Սարգիսը, ազդեցություն ուներ Անիի արքունիքում։ Այնտեղ նա առաջին մարդն էր, այդ բանի պացուց է և այն, որ Հովհաննես-Մեծաբատի մահից հետո նա էր տերության խնամակալը։ Պետք է երևակայել, թե բյուզանդականության այդ գործիքը ինչպես էր փաթթաթել ինեղճ։ Վախկու թագավորին իր ցանցերի մեջ, ինչպես էր համուական մասն, թե փրկությունը հունաց բրիստոնյա թագա-

¹ Տե՛ս Եզօբրազկօ, Վիզանտիյան պատմագիր Միհայլ Պոսլ, Մ. 1890.

վորին անձնատուր լինելն է։ Առանց եկեղեցու աջակցության նա հավիվ թե կարողանար գլուխ բերել բյուրոկրատական ճարպիկությամբ հյուսած ինտրիգը։ Եվ նրա աջակիցը հանդիսացավ ժամանակի հայոց կաթողիկոսը, Պետրոս, որ մեծ հարստություններ ուներ, բայց դարձյալ ընչաքաղց էր, մանավանդ փառամոլ։

Եկեղեցու պետի հաճությունը բոլորովին թուլացրած պիտի լինի Հովհաննես-Սմբատին։ Փառավոր կաթողիկոսը ոչ միայն շընդդիմացավ Անին նվիրելու և Շիրակի թագավորության վերջ գնելու մտքին, այլև ինքը իր ձեռքով տարավ այդ թուղթը, հանձնեց Վասիլ կայսրին։ Հունական բանակում, հասկանալի է, բաց գրկով պիտի ընդունեին այդ վեհափառ դեսպանին։ Հե՞ որ թագավորությունը գնելուց հետո հերթը պիտի զար եկեղեցուն։ Կայսրը շատ շողոքորթեց Պետրոսի փառասիրությանը, անձամբ ներկա գտնվելով ջրօրհների արարողության։ Նա նույնիսկ դեմ էլ չէր, որ տարածվի այն առասպելը, թե երբ Պետրոսը հայոց մեռոնը կաթեցրեց գետի մեջ, գետը կանգ առավ։ Այսպիսով, այնքան մի անպատիվ պատօպիրակություն կատարած հայոց կաթողիկոսը դեռ վարձատրվեց պատմության մեջ «Գետադարձ» տիտղոսով, որ հրաշագործ սրբություն է ցուց տալիս...»

Ահա ինչ հանգամանքների մեջ կատարվեց քաղաքական զգվելի դավադրությունը։ Նա պատրաստվում էր վաղուց, նա հաւակական իրականության, սիստեմի հետևանքն էր։ Եվ զարգացավ, խոսքից իրողություն դարձավ էլի նույն գործոնների, նույն հանգամանքների ստիպմամբ։

Ապօրեն թուղթը դեռ չէր նշանակում, թե ամեն ինչ վերջացած է։ Դեռ հեշտ կարելի էր իրավունքներ պաշտպանել, կործանման առաջն առնել։ Բայց բյուզանդականությունը հայոց արքունիքում Վիստ-Սարգսի պես մի ստրուկ ուներ և նրա միջոցով էլ պայքար սկսեց Անիի մեջ։

Հովհաննես-Սմբատն ու Աշոտը համարյա միաժամանակ մեռան։ Տերության խնամակալը ասում էր, որ Անին կայսրի կալվածն է արդեն։ Բայց հայությունը դեռ այն աստիճան անպատիվ անկման չէր հասել, որ լուս հպատակվեր Վիստ-Սարգսին։ Հունամոլ կուսակցության դեմ դուրս եկավ

ազգային կուսակցությունը։ Բագրատունիները անժառանգ չեին։ Մեջտեղ կար Աշոտի որդին, Գագիկը, 14-ամյա մի վառվուն, կտրիճ, կրթված պատանի։ Նրա շուրջը խմբվեց ազգային կուսակցությունը, որի գլուխն էր Վահրամ Պահաւանին։ Անին տեսնում էր, թե որքան սուր կնրապարանք է ընդունել, որքան երկար տևեց այդ երկու ուղղությունների ընդհարումը։ Երկու տարի դատարկ մնաց Հովհաննես-Սմբատի գահը։ Երկու տարի շարունակ Վիստ-Սարգսի չէր թողնում, որ սրբազն մայրաքաղաքը ընդունել իր մեջ իր կտրիճ Բագրատունուն։ Հայրենի բախտի դավաճանը իր հտեւվում ուներ բյուզանդական ամբողջ զորությունը։ Եվ եկան օրեր, երբ Անին պիտի տարուքերվեր այն մտքի մեջ, թե արդյոք զուր չէ՝ դիմադրությունը, արդյոք ամեն ինչ կորած շպե՞տք է համարել։

Այնտեղ էր, երեխ, Ուշ-Յափայի և Ալաջայի ստորոտների այն մեծ դաշտավայրերում, որ աճազրն բանակներ էր գնում բյուզանդական զորքը։ Չորս անգամ նա ամբողջ թափով արշավեց դեպի Շիրակ, շորս անգամ ավերանքով ու կոտորածով հասավ Անիին, որպեսզի կատարե Վիստ-Սարգսի և նրա նմանների բաղձանքը և խէ Անին իր թագավորության ձեռքից։ Ահադին զորակութերը ճնշող, հուսահատեցնող տպավորություն էին թողնում հայ ազգաբնակության վրա։ Բայց դեռ չէր մեռել հայի բախտը, դեռ կար մի բազուկ, որի մեջ կայտառ զարկում էր հնրոսությունը։ Կենդանի էր Վահրամ Պահաւանին։ Ծեր առյուծը շվախիցավ այն հսկայական դժվարությունից, որը հաղթելուց հետո միայն պիտի կարողանար վերցին Բագրատունուն նստեցնել հայրենի գահի վրա։ Երեք անգամ նա հետ մղեց բյուզանդական արշավանքը, երեք անգամ Վիստ-Սարգսի ամաշեց։ Բայց դեռ այդքանը բավական չէր։

Մի օր Անին իր գեղեցիկ պատերի վրայից տեսավ ահեղ մի տեսարան։ Շրջակա զաշտերը ծածկվել էին զինվորներով։ Եկել էին այդ գեղեցիկ պարիսպները խլելու։ Բյուզանդականությունը այս անգամ այնպիսի զորությամբ էր հանգես եկել հափշտակողի դերում, որ ահ ու սարսափ պիտի տարածեր։ Մեր պատմիչներն ասում են, թե բյուզանդական

բանակը 100 000 հոգուց էր բաղկացած։ Նա կատաղած էր նախկին անհաջողություններից և զենքի լեզվով խոսելուց առաջ՝ իր այդ կատաղությունը թափում էր այն նախատինքների և հայնոյանքների մեջ, որ ամեն օր ուղարկում էր պաշտպանակին։

Ահա այն պարիսպները, Ավագ Դուռը, բարձր աշտարակները։ Հունիսյան միջորեն իր տոթով խանձում է նրանց հալումաշ, ծույզած կմախքները, բայց նրանք այդպես քարուքանդ ու մեռած էլ պատմում են այն օրհասի տագնապը։ Առաջին անգամն էր, որ նրանց առջն, խաչերով զարդարված ճակատի դիմաց, կանգնած էր մի խոշոր բանակ, որ նույնիսկ խաչերով էր զարդարում իր բոլոր նշանները, բայց անողոք էր, ատելությամբ էր լցված դեպի պաշտպան քրիստոնեությունը, որին հայնոյում էր, նախատում էր ամեն օր, ի՞նչ պիտի լիներ։ Արդյոք Սմբատյան ամրությունները պիտի կարողանային ցույց տալ, որ իրանք միայն գեղեցիկ էն, այլև շլուտ, անհաջմարելի։

Ահա նրանց ետևում, այս կողմ, քաղաքի մեջ գնդեր են կազմվում, պատրաստվում։ Մեծ բազմություն է, ամբողջ ՅԵ հազար մարդ։ Նրանք ծածկել են մայրաքաղաքի բոլոր ազատ տեղերը—հրապարակները, Միջնաբերդը, պարիսպները։ Շարժվելու նշան տրվեց։ Ավագ Դուռը բացվեց, զինված բազմությունը դուրս է զնում, դուրս, դեպի պատերազմի դաշտը։ Վահրամ մեծ իշխանը իր տեղն է. նա է հայքանակի հոգին, նա տանում է, հարդարում է ճակատը։ Ի՞նչ տեսարան։ Անդարդ հերոսը իր ամրող բանակով կայծակի պես հարվածում է բյուզանդական բանակը։ Ահոելի թափունի այդ հարվածը։ Նա ոտի տակ է դցում, տրորում է թշնամուն, շէ թույլ տալիս, որ սա ուշը զլուխը հավաքե։ Կոտորածը սոսկալի է։ Հայերը կատաղած են իրանց լսած հայնոյանքներից, այս ամբողջ անարդար, ավաղակային գործից։ Եվ այնքան անխնա, անգութ են այդ կոտորողները, որ վահրամը, նույնքան քաջ քրիստոնյա, որքան քաջ զորավար, միջամտում է, խնայել է հրամայում։ Նա արդեն տեսնում էր, որ բյուզանդական պարտությունը կատարյալ է, որ ընկածին շարդելը այլևս ավելորդ անդություն է։ Մեր պատմիչները

հավատացնում են, որ Անիի շրջականերում 20 000 բյուղանդական դիակներ էին փռված։

Արյունոտ պայքարը վերջացած էր։ Անին հաղթանակի ավետիսն ստացավ։ Հաղթության տոնը իր հետ մայրաքաղաքը մտցրեց արդեն 16 տարեկան կորովի երիտասարդին։ Նա ուրախ էր, ժամանակ, այդ Բագրատունին, ավաղ, վերջինը։ Մերունի հերոսը առաջնորդում էր նրան գեպի Մայր Կենեղեցին, դեպի հայրենի ժառանգությունը, դեպի այն թափուք գահը, որին դավաճանությունը ոչնչացած էր հայտարարելու իր բոլոր գեղեցկություններով զարդարված Անին այդ օրը մոռացավ իր բոլոր ցավերն ու զրկանքները, որ կրել էր այդ երկու մոայլ տարիներում։

Բայց դժբա՛խտ երիտասարդ։ Դավաճանը, տեսնելով իր գործի խորտակումը, Հուդայի առաքինությունն էլ շունեցավ, խեղդող թոկին շղիմեց, այլ, տարաբախտաբար, հասկացավ։ որ ամեն ինչ դեռ կորած չէ։ Նա վերցրեց թագավորական գանձերը և փակվեց Միջնաբերդում։ Արդյոք այս Միջնաբերդում, ուր մենք ենք նստած, թե այն մյուսում, Գրդալիի ժայռերի վրա։ Ինձ թվում է թե այնտեղ պիտի լիներ։

Վահրամ իշխանը, վերջացնելով իր գործը, գնաց իր ծերության հանգիստը վայելելու իր ամրոցում, իր Մարմաշենի հովանու տակ։ Նա ճանաշում էր իր թագավորեցրած երիտասարդին, զիտեր որ նա կարող է և կիմանա կատարել իր պարտավորությունները։

Եվ Գագիկը, իրավ, հանդես եկավ մի հերոս, անվախ երիտասարդի բոլոր կատարելություններով, բայց և միաժը տությամբ։ Մենակ, առանց նրանիսկ մի հատ թիկնապահի, նա մտավ Միջնաբերդը, երեաց դարանամուտ Վեստ-Սարգսին և հրամայեց նրան հեռանալ իր քաղաքից։ Միայն այդքանը։ Գագիկի այդ վարմունքը հասկանալ շէ կարելի։ Եթե շիխի միայն մի հանգամանք,— այն, որ Սարգսիը Գրիգոր Մագիստրոսի փեսան էր։ Գրիգորը, ինչպես գիտեք, Վահրամ իշխանի եղբորորդին էր, և սկզբում նույնպես մոտ էր Գագիկին, նույնպես ազդեցիկ էր եթե ոչ իր քաջությամբ։ Մենք իսկույն կտեսնենք, որ հունամոլ Գրիգորը ավելի իր փեսայի

կողմնակիցն էր, քան իր հորեղբոր: Երիտասարդ Գագիկը չէր կարող միանգամայն արհամարհել հունական կուսակցությունը հայ իշխանների մեջ: Քանի որ հարցը վճռված էր զենքի ուժով, քանի որ իր թագավորելը արդեն վերջ էր տալիս խոռվության, նա, ինչպես երևում է, վճռեց հաշտեցնող քաղաքականության հետևել, ուստի և բավականացավ Սարգսին Անիից վոնդելով:

Բայց Հանգստացա՞վ շարագործը: Շուտով Գագիկը տեղեկացավ որ նա ամրացել է Սուրմառի բերդում և շարունակում է իր դավերը Անիի դեմ: Մի փոքրիկ արշավանք գործեց Գագիկը, առավ Սուրմառին և բռնելով Սարգսին, բերեց բանտարկեց Անիում: Գավաճանության գործը փոխվեց: Մինչև այժմ նա, քանի ազատ էր և ուժեղ, գործում էր բացարձակ, ճակատ ճակատի, գոռող, բարձրագլուխ: Այժմ, ընկնելով բանտի մթության մեջ, նա փոխեց գայլի մորթը և հագավ օձի կաշի, սկսեց քարշ գալ, սողալ: Հունաց պահանջները վերանորոգվեցին. Կոնստանտին Մոնոմախոս կայսրը պաշտոնապես պահանջեց Անին: Գագիկը վերին աստիճանի քաղաքավարությամբ պատասխանեց, թե ինքը կայսրի դեմ ոչինչ թշնամություն չունի, պատրաստ է նույնիսկ տեր ճանաշել նրան, բայց քաղաքը հանձնել և հայրենի գահից հրաժարվել չէ կարող: Նորից հունական արշավանքներ պետք է սկսվեին: Զայրացած Գագիկը ուղում էր խեղզել Սարգսին, բայց նա պիտի ժամանակ և կյանք վաստակեր սուստ, շողորորթ, քուր լեզվով, եվ նրան հաջողվեց այդ: Հաջողվեց իր հարազատին մատնելով: Նա խոստովանեց Գագիկի առաջ, որ այդ բոլոր շարիքի հեղինակը ինքը չէ, այլ իր աները, Գրիգորը: Անսպասելի, ապշեցնող էր այդ հայտնագործությունը: Երիտասարդ թագավորը մեծ վստահություն ուներ դեպի Գրիգոր Պահապատինին և այժմ, ընականաբար, պիտի սաստիկ գրգուեր նրա դեմ:

Իր նամակների մեջ Գրիգոր Սագիստրոսը գանգատվում է, որ Գագիկը հավատաց խարդախ մարդկանց խոսքերին և սկսեց հալածել իրեն: Բայց ճիշտ որ Գագիկը խարված էր, Գուցե իշխանի մեղքը շատ շափականցեցրած կերպով էր նրա փեսան ներկայացրել Գագիկին. այս հանգամանքը կա-

ռելի է մնեց հոժարությամբ ընդունել: Բայց որ Գրիգորը միանգամայն անմասն եղած լինի այն հունամոլ շարժման մեջ՝ դա թե անբնական է, թե հավանականությունից զուրկ: Անբնական՝ որովհետև բյուզանդական արքունիքում կրթություն ստացած, բյուզանդական սպով սովորված մի մարդ չէր կարող հակառակ լինել Սարգսի ձեռնարկության. հավանականությունից զուրկ՝ որովհետև իրերի ընթացքը ցույց է տալիս, որ նա, այս՝ հունամոլ գործիչներից մեկն էր:

Անիի անկման պատմությունն անող մեր մատենագետները Գրիգոր Մագիստրոսի մասին վատ խոսք չունեն: Բայց շպետք է մոռանալ, որ դրանք հոգևորականներ են, իսկ Մագիստրոսը, իբրև լավ կրթված մարդ, ահագին հեղինակություն. ուներ հոգևորականների մեջ և ավելի հոգևոր մի գործիչ էր, քան իշխան: Նույն վարագուրված վերաբերմունքն ունեն մատենագիրները և դեպի Պետրոս կաթողիկոսը: Սրա կատարած դերը միանգամայն սկ է, բայց այդ սկսությունը շատ թույլ ու նոսր ակնարկներով է երևում, առանց հանդիմանության կամ պարսավանքի: Եվ հասկանալի է, թե ինչո՞ւ Զէ՝ որ Պետրոսը «Գետադարձ» էր, հրաշագործ...

Չնայած այս զգուշավոր վերաբերմունքին, Սամվել Վնեցին ուղղակի գրում է. «Տեր Պետրոս և ազատ Սարգսի և Գրիգոր Բջնեցին նենգեցին զՓագիկ և զԱնի ետուն է կայսրն Յունաց»: Եվ վերջապես ի՞նչ արավ Գրիգորը՝ թագավորի կասկածներից ու հալածանքից ազատվելու համար: Փոխանակ իր արդարությունը ապացուցելու, նա թողեց ամեն ինչ, փախալ գնաց Կ. Պոլիս, ուր պատիվներ էր ընդունում կայսրից անշուշտ ոչ այն պատճառով, որ հայոց երկրի շահերն ու անկախությունն էր պաշտպանում: Այդ վարմունքը ավելի ևս համոզեց Գագիկին և նա մի հանդմանական նամակ գրեց, որին Գրիգորը պատասխանեց բյուզանդական պաշտոնյայի ճոխ ու ճոռոմական ոճով, բայց առանց ապացուցյների, լոկ խոսքերով էր հավատանում, թե իր թշնամիները սուտ են ասում: Կարո՞ղ էր հավատալ Գագիկը:

Կրկնում ենք, Պահապատի տոհմի ներկայացուցիչը գու-

ցե Սարգսի դավակիցը շէր, այլ լոկ համակրող։ Փաստն այն է, որ իր աներոց մատնելով՝ Սարգիսը նշանավոր հաջողություն ձեռք բերեց։ Վստահությունը դեպի Պահավունիները խախտված էր, այդ գնով էլ Սարգիսը բանտից ու մահվան վտանգից ազատվեց, Գագիկի հավատը գրավեց դեպի իրան ու շարունակեց գործել։

Մոնոմախոսը զորքեր ուղարկեց իր պահանջը կատարել տալու համար։ Դարձյալ պատերազմներ, դարձյալ արյուն էր թափվում Անիի համար։ Եվ պատերազմի դաշտում, աղնիվ կովի մեջ, գեղեցիկ մայրաքաղաքի պատիվը հիանալի կերպով պաշտպանվեց։ Գագիկը հաղթում էր, Բագրատունյաց զենքին նա մի նոր, հրաշալի փայլ էր տվել։ Ասիական մի փոքրիկ թագավորից պարտություններ կրելը այնքան վիրավորեց բյուզանդական գոռողությունը, որ վերջին անգամ նա հանդես եկավ թե ավելի ստվար բանակով և թե մի անպատիվ, ստոր դաշնակցությամբ։ Գագիկին երկու կրակի մեջ դնելու համար Մոնոմախոսը, քրիստոնյա, նույնիսկ ուղղափառության արտանությունը վայելող մի միապետ միաժամանակ հարձակման դաշինք կապեց Դվինի մահմեդական իշխողի հետ, թույլ տալով նրան սեփականացնել այն ամենը, ինչ նա զենքով կիւլեր Անիի թագավորությունից։ Եվ խաչի ու կիսալուսնի այս դաշնակցությունը ո՞ւմ դեմ։ Մի խեղճ, փոքրիկ երկրի դեմ, որ նոր էր դուրս եկել մի գախկոտ, անընդունակ թագավորի խնամակալության տակից։

Դաշնագրությունը ճշտությամբ կատարվեց. երկու կողմից արշավանք սկսվեց։ Բայց Բագրատունյաց վերջին կորյունը քաջության հետ հեռատեսություն էլ խառնեց։ Երկու թշնամու դեմ նա ուժ չուներ. մնում էր ընտրություն անել թե ո՞ր է իսկական, վնասակար թշնամին։ Պետք էր դեռ գլուխ կոտրել այդ հարցի վրա։ Գագիկը շտապեց հաշտությամբ առնել Դվինի արշավանքի առջար. այդ նպատակին նա հասավ փողի և ընծաների միջոցով։ Ոչնչացնելով այդ կողմի վտանգը, նա իր ամրող երիտասարդական թափով ընկավ բյուզանդացիների վրա և սարսափելի շարդ տվեց նրանց։

Զենքը դարձյալ և դարձյալ խայտառակեց անիրավ հափշտակություն ծրագրողներին։ Մեր հերոսը կարող էր այժմ հանգիստ առնել իր գեղեցիկ մայրաքաղաքում, որի համար էր այնքան այրու թափել իրեն լավ թագրատունի, նա էլ, սուրը պատյանում գնելուց հետո, սկսեց աշխարհաշինություն և բարեկարգություն։

Սակայն օձի գլուխը շախչախված շէր, Եվ նա դարձյալ բարձրացավ, դարձյալ իր դավերի ետևից գնաց։ Այս անգամ ուրիշ տեսակ թակարդ լարվեց մի այնպիսի թագավորի առջև, որի երիտասարդական հերոսությունները միայն բավական էին, որ կապվեին դավադիրների ձեռքերը և փափկեին նույնիսկ ապառաժ սրտերը։ Անիի դավադիրների թելադրությամբ Մոնոմախոսը այս անգամ այլևս գոռող պահանջներ անող շուրս եկավ, այլ մի քաղցր նամակով հրավիրում էր Գագիկին սիրո և հաշտության տեսակցության, նշանակելով տեղը Կ. Պոլիս։

Զգաց Բագրատունին, որ մերենայություն է սարգված, բայց չիմացավ, որ սարքողները իրան շրջապատողների մեջ են։ Նա վճռեց շնորհ Կ. Պոլիս։ Վեստ-Սարգիսը սաստկացրեց իր եռանդը. նա գործում էր, իր կողմնակիցների թիվն էր շատացնում։ Արքունիքում երկու կուսակցություն կազմվեց։ Բայց թագավորը հաստատ էր իր վճռին։ Վտանգավոր բոպեին դարձյալ լսվեց Վահրամ իշխանի ձայնը։ Մերունին խրատում էր շնորհ Պատին սեղմված գավաճանությունը, տեսնելով, որ զուր են անցնում իր հորդորները, որ թագավորը շէ վախենում իր նկատած վտանգների և ոչ մեկից, ձեռք առավ ամենավերջին, ստոր միջոցը—կրոնը։

Դարձյալ հարկավորվեց Գետադարձ կաթողիկոսը, Վեստ-Սարգիսը շատ լավ գիտեր, թե ինչ թույլություն ունի հայ հոգևորականը դեպի բարեկացը և մանավանդ առատաձեռն իշխանը։ Ինքը արդեն այդպիսի մեկն էր, ուստի հրապուրեց պաշտոնով բարեկաշտության, իսկ անձնական արամադրությամբ փողի և հարստության սիրահար կաթողիկոսին։ Նա էլ մտավ թագավորին համոզողների շրջանը։ Գավադրությունը համոզում էր թագավորին, թե ոչինչ չկա, իզուր են նրա կասկածները, թե նրա բացակայության

ժամանակ Անիին մատ դիպցնող չի լինի: Թուրոր դավակիցները պատրաստ էին երդվել, հաստատ թուղթ տալ, որ իրանք կպահեն կպահպաննեն ամեն ինչ և նրան կտան, վերադառնալուց հետո: Գագիկը պինդ էր պահում իրան, բայց թուղացավ, երբ տեսավ այդպես ասողների շարքում գետ կանգնեցնող Պետրոս կաթողիկոսին: Նա այդ շրջապատզների պես փշացած մարդ չէր. իրոք ազնիվ մարդ, իրոք պատվավոր երիտասարդ, վերջապես իրոք քրիստոնյա հավատացող նա իրավունք չհամարեց շհավատալ և եկեղեցուն, շհավատալ այն խաչին ու ավետարանին, որոնք կաթողիկոսի ձեռքումն էին և որոնց վրա երդվում էին այդքան մարդիկ: Կրոնը ազգեց, կրոնը թուղացրեց, որովհետև ո՞վ կարող էր ասել, թե կրոնը մի ամենազգվելի ոճիր պիտի հովանավորեց:

Գագիկը, վերջապես, զիջեց, բայց դարձյալ գգուշություններով, վերապահումներով: Նախ և առաջ պահանջեց, որ կաթողիկոսը լինի քաղաքի տերը և պատասխանատուն մինչև իր վերադարձը: Գետադարձը հանձն առավ այդ: Առաջ նա իր հավատարիմ զորավարներից մեկին նշանակեց Անիի բերդապահ և բավականաշատ զորք դրեց նրա տրամադրության տակ: Այդ կողմից էլ ապահովվելով, նա ընդունեց դավադիրների երդմնաթուղթը:

Ամեն ինչ վերջացավ...

Եղել է մի ուրիշ անեցի, որ այնպես դուրս եկած լինի իր մայրաքաղաքի դռներից,—այնքան վառ սիրով լցված դեպի այդ գեղեցիկ տեղը, այնքան նուրր ու զգվելի կերպով խարված, տարակուսանքների, ծանր մտածությունների մեջ միայն մի անգամ մարդկային խղճին և նրա պաշտամունքին հավատացած... Եղել է մի ուրիշը, որ այնպես տաներ իր հետ մի ծաղկած քաղաքի, մի ամբողջ երկը քախտը, ինչ պես այն երիտասարդը, որ,— ենթադրում եմ,— իր անդառնալի ճանապարհը դեպի արևմուտք սկսեց մայրաքաղաքի արևմտյան կողմից, հուսատու մնաս բարով ասեց Ծաղկոցաձորին և նրա վրա ցցված հուժկու պարիսպներին ու կամաց-կամաց անհետացավ հորիզոնից, անցնելով Ալաջայի ետևը:

Գագադրությունը, վերջապես, հաղթանակ էր տոնում:

Պատմական դրաման բաժանվում է երկու մասի՝ մեկը Բոսֆորի ափի վրա, մյուսը՝ Ախուրյանի: Բագրատունյաց առջուծը ոտով գլխով թակարդի մեջ էր: Կայսերական շքեղ ապարանքներում իմացավ Գագիկը, որ բարեկամության, հայրենասիրության, կրոնի լեզվով իր հետ խոսողը ամենացած դավադրությունն է եղել: Կայսրը առաջարկեց նրան միևնույն առևտուրը, որ 20—22 տարի առաջ վասպուրականի Արծրունիներին տարել, քշել էր դեպի Բյուզանդիայի խորքերը:

Բայց Գագիկը Արծրունիներից չէր: Ի՞նչն էր նրան պակասում՝ քաջությունը, որ գիտե սուրբ ձեռքին պաշտպանել հայրենի սեփականությունը և մեռնել նրա համար, թե՝ կըրթությունը, լայն ծանոթությունը՝ մարդկային իրավունքների և պարտավորությունների հետ: Հենվելով երկուսի վրա էլ թե անվախության և թե իրավունքի գիտակցության վրա, նա երիտասարդական հոգու ամբողջ թափով մերժեց այդ առևտուրը: Անին պատկանում է Բագրատունիներին ու ազգին, և ոչ ոք իրավունք չունի ծախսել նրան:

Ոչ ո՞ք: Եվ ոչ իսկ դավանահությունը: Մինչդեռ այնտեղ այդպես էր, այստեղ, գուցե հենց նույն այս Միջնաբերդում, Բագրատունիների գիտե վաճառքի էր հանված: Կար մի անձ, որին պատկանում էր վճռական խոսքը—գետ կանգնեցնող կաթողիկոսը: Նրան էր հավատացել Գագիկը, նրան էր տվել քաղաքի բանալիները իրոք սուրբ ավանդ մինչև իր վերադարձը, մի ավանդ, որի վրա պիտի հսկեր ինքը, վկայության կանչված Ավետարանը: Ինչպես վերաբերվեց այդ ավանդին նա, որի արդարությունը երկինքը հաստատել էր, կանգնեցնելով մի ամբողջ գետի ընթացքը:

Արիստակես Լաստիվերտցին, մի սրտառուշ բանաստեղծ-պատմաբան, պարզ ասում է. «Առաքէ (հայրապետն Պետրոս) առ այն, որ ունէր զիշանութիւն արևելից կողմանն, որ նստէր ի քաղաքին Սամուսատ և գրէ թէ «Ծանոթագաւորին թէ մեղ զինչ հատուցանէ փոխարէնս, և ես տաց զքաղաքս և զայլ ամուրս որ յաշխարհիս են»:

Ի՞նչ կտաք, որ ձեզ հանձնեմ: Եվ այս շարշիական սակարկությունը գիտե՞ք ով էր սկսում: Մի կաթողիկոս, որ մի

թագավորի շափ հարուստ էր և ապրում էր շքեղության ոռ
փարթամության մեջ: Մատթեոս Ռուճայեցին վկայում էր, որ
Գետադարձը ուներ հինգ հարյուր գյուղ: Եվ արդյոք ինքը,
Դագիկը, այսպիսի հողային հարստության տե՛ր էր: Զնա-
յած սրան, գարձյալ անկշտության հարց, ի՞նչ կտաք:

Նրան և նրա ընկերակիցներին, իհարկե, տվին այն-
քան, որ նրանք գոհ մնացին: Եվ Անիի բանալիները ուղարկ-
վեցին կ, Պոլիս, կայսրին: Գագիկին, իհարկե, շանթեց այս
սև դավաճանությունը, երդման, խաչ-ավետարանի այս վա-
ճառքը: Բայց նա իսկույն շընկճվեց: Ամեն ինչ կորցնելուց
հետո էլ նա գիտեր, որ ունի մի անկողոպտելի սեփականու-
թյուն՝ մարդկային իրավունքը, արդարությունը: Կայսրների
պալատում նա մի ըմբոստ, կրակոտ բողոքող էր: Նրան աշ-
խատում էին համոզել, որ կատարված իրողությունը օրինա-
կան է, նա պատասխանում էր ջախջախիչ խելոքությամբ և
իրավունքով:

Չամշյանը, շգիտեմ ո՞րտեղից վերցնելով, բերում է
հետեւալ խոսակցությունը կողոպտող կայսրի և կողոպտված
թագավորի մեջ: Ցույց տալով Անիի բանալիները և դավա-
դրության գրած թուղթը, Մոնոմախոսն ասաց.

— Ի՞նչ ունես սրանց դեմ, ահա քո նախարարները ինձ
տվին Անին և ամբողջ Արևելքը:

— Թող Աստված դատե ինձ և ինձ դավաճանողներին, —
պատասխանեց Գագիկը հառաշելով, ապա ավելացրեց.

— Եթե նրանք տվին քեզ, մի՞թե գու կարող ես վերց-
նել իրավունքով և արդարությամբ:

— Նրանք տալիս են և ես վերցնում եմ:

— Բայց նրանք Անիի և Արևելքի տերերը չեն. տերը եւ
եմ նրանց հետ: Եվ երբ ես շեմ նրանց հետ միասին քեզ
տվողը, գու արդարությամբ վարված շես լինի եթե վերցնեա,
թողնում եմ գեռ այն, որ հայոց բոլոր նախարարները հա-
մաձայն չեն այդ բանին:

— Այսքան նախարարների համաձայնությունն էլ բա-
վական է այն նամակի հետ, որ տվել է Հովհաննես թագա-
վորը. Նա Անիի տերն էր և տվեց նրան մեզ, հուներիս:

— Այդ նախարարները առանց թագավորի համաձայնու-

թյան շեն կարող որեւ մեկին տալ թագավորի քաղաքը.
նույնպես էլ թագավորը չէ կարող թագավորական քաղաքը
տալ ուրիշին առանց նախարարների համաձայնության, ո-
րովհետև այն քաղաքը թեև թագավորինն է, բայց պագինն
էլ է Եվ, ուրեմն, եթե Հովհաննես թագավորն է նրան տվել
երդման թղթով կամ միայն հայոց նախարարները, այդ էլ
ոչինչ է, որովհետև համաձայնությունը երկու կողմից միա-
ժամանակ, լրիվ չէ. առաջինի մեջ պակասում է իշխանների
համաձայնությունը, երկրորդի մեջ՝ թագավորինը:

Չորոնենք թե որքա՞ն վավերական է այս վիճաբանու-
թյունը: Թակարդի մեջ ընկած հերոսը, անշուշտ, սրանից
ավել և շատ պիտի խոսած լինի իրան դավաճանությամբ
բռնողների և կողոպտողների դեմ: Ի՞նչ օգուտ դրանից: Իրա-
վարանական սկզբունքները պիտի հաղթանակեին մի նախա-
մտածած, երկար տարիներ ստոր ու զգելի արարքների մի-
ջոցով պատրաստված մեծ ոճիրի մեջ:

«Անին չորս հարյուր իննսուն և չորս թվականին (1045)
առնվեց ո՞լ թե պատերազմի օրնենքով, այդ խարեւությամբ», —
ասում է Լաստիվերտցին: Պատերազմի օրենքն էլ զուտ ար-
դարություն չէ, բայց ի՞նչ ասես, երբ այդ արդարությունն «էլ
բացակա էր այդ բռնության մեջ: Մարդիկ, որոնք պատերազ-
մի դաշտում հաղթվել ու փախել էին, այնքան անպատիկ
երես ունեցան, որ ճանապարհի կողքին դարանամուտ եղած
ավազակների պես վրա տվին և ստորությամբ էին խլում
այն, ինչ չեն կարողացել խլել բաց ճակատով, ապատ մրցու-
թյամբ: Մեր հերոսը իր գերությամ շղթաների մեջ էլ վեհ ու
գեղեցիկ էր իր անբարոյական հակառակորդներից: Բայց ի՞նչ
ոգուտ:

Իրողությունը մնում էր ավազակային հափշտակությունը:
Գագիկը մեն-մենակ էր պաշտպանվում, իսկ քանի՛ փաստա-
բաններ ուներ բյուզանդականությունը: Այդ վեճերի ժամա-
նակ հայ նախարարներից մեկը կ, Պոլսում շտապեց օրինա-
կանացնել Անին հափշտակողների գործը: Դա նույն Գրիգոր
Մագիստրոսն էր, որ ներկայացավ կայսրին, իր բոլոր տոհ-
մային կալվածները, որոնց մեջ էր և Բջնի բերդը, հանձնեց

նրան և փոխարենը կալվածներ ու իշխներ իրավունք ստացավ Միջագետքի կողմերում:

Այս բանը նա ինքն է պատմում իր նամակների մեջ: Պատմում է իրան և իր նմաններին արդարացնելու համար: Ի՞նչպես: Նա խոստովանում է, որ թողեց Գագիկին ու անցավ կայսրի կողմը այն պատճառով, որ երկիրը այլևս չէր կարելի պաշտպանել թշնամիներից: Ողորմելի՛ արդարացում, որ այնքան վայել է թույլ ու անպետք իշխաններին: Կարծես Դրիգոր Մագիստրոսը փորձել էր իր հայր Վասակի նման կրծքով պաշտպանել թշնին և չէր կարողացել: Կարծես նրա հորեղբայր Վահրամ իշխանը այդ իսկ ժամանակ չէր նստած իր կալվածներում, առանց կայսրի մասին մտածելու, հույսը իր ծեր բազուկների վրա դրած: Եվ կարծես Գագիկ Բագրատունին, կույր հունամոլության այդ զոհը, երբեց հաղթվել էր պատերազմում, երբեց ցուց էր տվել թե չէ կարող մի կայսրի պես էլ պաշտպանել երկիրը, եթե ամբարիշտ, ինքնահավան հայ ֆեռդալները տային նրան կեսը այն հավատարմության, որ տալիս էին Բյուզանդիայի արքունիքին:

Բանականություն, տրամաբանություն շկար օտարամուլության ստրուկների նույնիսկ ամենաշնորհալի, կրթված ներկայացուցչի մեջ: Այդ պապացուցեց պատմությունը, ապացուցեց իրանց, այդ ֆեռդալների անդառնալի կորուսով: Անիի վաճառումը Բագրատունյաց տոհմի մահվան դատավճիռը չէր միայն, այլև այն քաղաքական սիստեմի, որ պահպում էր Հայաստանում հին-հին դարերից իբրև ազգային ինքնուրույնության միակ եղանակ: Մագիստրոսները իրանք իրանց գլուխներն էլ էին կտրում: Այնպիսի հեշտությամբ, այնքան Փանատիկոսական համառությամբ քանդելով Աշոտի մեծ տաղանդով կառուցած շինությունը, ոչ ոք այնուհետեւ այլևս շկարողացավ վրա նման մի կերտվածքի քարն անգամ գնել բռն Հայաստանի հողի վրա:

Եվ այդպիսի մի տիրուր քաջագործության հեղինակ Մագիստրոսները պատասխանատվություն էլ շռնեն մեր պատմության մեջ: Պատմագիրները պատմում են նրա արարքները առանց որևէ հանդիմանության, առանց պարապանքի. ընդհակառակն, պաշտպանում են նրան, հիանում ին նրանով,

որովհետև նա գիտուն էր, գրող ու թարգմանիչ էր, աստվածաբան էր, նույնիսկ թոնդրակեցի աղանդավորներին անխնահալածել ու կոտորել է հանուն ուղղափառ քրիստոնեության: Էլ ի՞նչ է հարկավոր հոգևորական հեղինակներին հիացնելու համար...

Իսկ մենակ մնացած, դավով շրջապատված Բագրատունի հերո՞սը: Նրա բողոքները գնացին հետզհետե մարելու ոշընշանալու հեռավոր, խորթ աշխարհի անտարերության մեջ:

Բայց նրան սպասող ժողովուրդ կար: Տեսան, որ Գագիկը գնաց, ուզում էին որ նա վերադառնա: Գավագրությունը ծածուկ էր գործել, ծածուկ էր հաղթանակել: Եվ ահա Անին տեսնում է, որ իր թագավորի փոխարեն հունական զորքն է մոտենում իր պարիսպներին: Նա վրդովվում է: Ապիրատ զորավարը, որ բերդապահ էր թողնված, Գետադարձից ավելի սուրբ էր պահում իրան հանձնված ավանդը: Նա հայտարարեց, որ մայրաքաղաքը կհանձնն միայն նրա օրինավոր տիրոջ և քաջարի հարձակումով ցրեց հունաց բանակը: Մի անգամ էլ կենդանի փաստով ապացուցվեց, որ քաջությունը չէ գալիս տիրելու այս քաղաքին, այլ ոճիրը:

Հանկարծ քաղաքին իբրև սոսկալի ճշմարտություն հայտնի է դառնում, որ Գագիկը այլևս չպիտի վերադառնա: Երբեք: Հունական խարդախության դեմ գրգռված անեցիները մտածում են հարեւան օտար տիրողներից մեկին կանչել և մայրաքաղաքը նրան հանձնել: Մտածում են վրաց, արխազների թագավորների մասին, որոնք բարեկամություն ունեին Բագրատունիների հետ, մտածում են նույնիսկ Դվինի մահմեղդական իշխողի մասին, որ նույնպես խնամիությամբ կապված էր այդ տոհմի հետ: Բայց ոչ ոք չէ մտածում, որ այդ միջոցին, երկու քայլի վրա, Կարսում, նստած է հարազարդագրատունի թագավորը, նույնպես Գագիկ անունով: Բերել նրան, նորից միացնել Բագրատունյաց ճեղքված թագավորությունը, նորից մեծացնել ուժը, բախտ փորձել — ոչ ոք այդ մասին չէ մտածում: Ինչո՞ւ: Արդյոք Կարսի Բագրատունիները Դվինի էմիրից էլ հեռու չին անեցիներից, թե կատաղի թշնամությունը Բագրատունյաց հարազարդ տոհմի դեմ չէր թույլ տալիս նրանց անունը տալ:

Հավանականը այս երկրորդն է: Զհիշվեցին և լոռու թագրատունիները.— այս փաստը շատ բան է ասում: Զհիշվեցին դենդանի, հաղթական էին Վեստ-Սարգիսը և նրա ընկերները: Դժբախտության օրերում նրանք հրապարակի տեր հանդիսացան և հայտարարեցին, որ, այնուամենայնիվ, բյուզանդական տիրապետությունը պիտի մտնե այդ քաղաքի մեջ: Եվ հնագանդվեց ժողովուրդը:

Հնագանդվեց, ինչպես հնագանդվում են մահվան ճակատագրին, լացով ու արտասունքով: Համայնական սուր կատարեց անտեր մնացած մայրաքաղաքը: Ի՞նչ տեսարաններ այդ օրերում: Ժողովուրդը դիմում է իր անցյալին, նրա ստվերներին և պատմում իր անհաստակ ցավն ու վիշտը: Թագավորների գերեզմանների վրա խմբվում է բազմությունը, իր արտասունքներով թրջում է նրանց հողը, իր ողբերով աղմբկում է նրանց պալատների գերեզմանական լուսությունը: Հայր լավ թաղել գիտե: Եվ այդ լացն ու շիվանը, այդ համայնական սուրբ արժանի էր իր առարկային. այդպես թաղվում էր միջնադարյան հայոց ամենալավ, ամենագեղեցիկ թագավորությունը: Անմիտիքար երկիրը, երկի, զգում էր, որ դա վերջինն է հայրենի հողի վրա. զգում էր, որ վաղը, մյուս օրը պիտի գա պատուհասը, զգում էր իր փախուստի, պանդիխտության ճանապարհները իեհաստանում, Մոլդավիայում.

Լալիս էր անցյալը, լալիս էր ներկան... Լաց էր վիճակվում գեղեցիկ մայրաքաղաքին իբրև հայլիտենական ճակատագրի: Այսօր էլ անփոփոխ չէ նույնը: Նայեցե՛ք քարերով լցված մի քաղաք, մերկ այրված շրջականեր: Այրել է արտասունքը, այրել է այնպես, որ նույնիսկ օդի մեջ էլ ծպտուն ու հնչուն չէ լսվում: Արտասունքի աղերն են ծծվել այս թշվառ հողերի մեջ... Եվ այսօր էլ մենավոր այցելուն, մտնելով մահվան քաղաքը, մի բան է ամենից առաջ զգում՝ որ նա լաց է լինում, որ նրա արտասունքները երբեք շնու սպառվում...

Լաց ու կոծ... Դավաճանությունը, հայրենի անկարգությունը նրան ներս մտցրեց: Ո՞ւր էր Վահրամը, կենդանի էր դեռ ծեր այցուծը. բայց այլևս ոչինչ չէր կարող անել: Թագավորը հեռու արևմուտքում, հույներն են թագրատունիների ժառանգները:

Օտարամոլ ֆեոդալականության գգված և փայտիալված բյուզանդականությունը եկավ բազմեց Անիի մեջ: Բայց ի՞նչ ոգուտ: Ո՞չ լավագույն օրեր, ո՞չ այնպիսի մի բարեկարգություն, որ գոհացներ անեցիներին: Դավադիրներից և դավաճաններից ոչ մնեն էլ շրաբրացավ Անիում: Հույն «կատապաններն» էին կառավարում Շիրակը:

Պակաս ողբալի շէր և Գագիկից Անիի բանալիները ավանդ ստացած հոգեռականի դրությունը: Հերթը այժմ նրան հասավ: Միայն խոր տգիտությունը կամ ուկիների փայլի պատճառած կուրությունը կարող էր շտեսնել, որ բյուզանդականությունը միայն մարմնի ստրկացում չէ, այլև հոգու: Քաշաքական ազատություն խլող հույները թույլ պիտի տայի՞ն: որ հայերի մեջ՝ մնա կրոնական ազատություն: Պետրոս Դեռադարձը հրաման ստացավ գնալ Կ. Պոլիս:

Մատթեոս Ուռհայեցին մեծ գովասանքներով է խոսում Պետրոսի մասին և նկարագրում է կաթողիկոսարանի հարըստությունները: Բագրատունի թագավորները ոչինչ չէին խնայել, որ կաթողիկոսությունը շքեղ կերպով ներկայացնե հայոց եկեղեցու բարձրագույն իշխանությունը: Ո՞ւ շքեղություն էր պակասում կաթողիկոսարանին, ո՞չ իշխանական դիրք ու հեղինակություն: Շատ արձանագրությունների մեջ մենք տեսնում ենք, որ առաջ կաթողիկոսն է հիշատակվում, հետո միայն թագավորը: Այսպես էր մանավանդ Պետրոսի ժամանակ: Եվ Ուռհայեցին պարզ ասում է. «Կաթողիկոսական աթոռը հայոց թագավորության աթոռից նվաստ շէր»: Պետրոսը տիրում էր մի ընդարձակ եկեղեցական պետության վրա: Հինգ հարյուր թեմեր էին հնագանդվում նրան, եպիսկոպոսների թիվը հարյուրների էր հասնում: Կաթողիկոսարանում միշտ գտնվում էին 12 եպիսկոպոս, 4 վարդապետ, վաթուն երեց և 500 աշխարհական: Մի ահագին արքունիք, ինչպես տեսնում եք. Անին միայն կարող էր այսքան շքեղություն պահպանել իր մեջ: Կաթողիկոսարանին պատկանում էին ինչպես հիշեցինք, հինգ հարյուր գյուղեր:

Ի՞նչ էր պակասում հոգեռոր միապետին: Եվ սակայն այն անտանելի հարցը, որ նա ուղարկեց հունաց աշխարհը՝ «Ի՞նչ եք տալիս»: Մոնոմախը շատ լավ բռնել էր Պետրոսի թույլ

կողմից: Կայսերական հրամանը Գետադարձը կատարեց և ճանապարհ ընկավ մեծ շուրջով ու շքեղությամբ: Նա տարավ իր հետ իր բարեկամներին և ազգականներին, որոնց հետ և փառավոր թիկնապահ խումբ, բոլորը երեք հարյուր զինված մարդիկ: Խսկ շքախումբը կազմված փառավոր զորիներ հեծած հարյուր եպիսկոպոսներից, վարդապետներից, քահանաներից և այլ կրօնավորներից: Բացի այդ բոլորից կային և երկու հարյուր հետևակ ծառաներ:

Աշխարհային փառքի և շքեղության սիրահար կաթողիկոսը, բնականաբար, պիտի և շահամոլ լիներ: «Պետրոսը շատ էր գանձ սիրում և շատերը դրա համար վատարանում էին նրան», — ասում է Լաստիվերացին: Կ. Պոլիսը ավելի ևս շոյեց նրա փառասիրությունը՝ շքեղ կերպով ընդունելով նրան: Պալատում նրան նստեցնում են ոսկի աթոռի վրա: Եվ երբ ունկնդրությունը վերջանում է, հայ հոգևորականներից մեկը, իհարկե Գետադարձի պատվերով, վերցնում է իր հետ այդ աթոռը: Սառաները արգելում են այդ, բայց հոգևորականը ընդդիմանում է և բանը հասնում է այն տեղին, որ կայսրը իմանում է այդ վեճը ու ոսկի աթոռը տալիս է ընշաբաղց հյուրին:

Այդ մոլությունը ավելի ևս գրգռելու համար, կայսերական առատ և թանկադին ընծաներ են թափվում հայոց կաթողիկոսի գանձարանը: Ստեղծվում է մի ոսկի վանդակ, որի մեջ նստած Պետրոսը, սակայն, իր եկեղեցու անկախությունը պահպանելու առաքինությունն է ունենում: Նրան արգելված էր վերադառնալ Անի. և խեղճ շահամոլը օտարության մեջ ոսկի շղթաներով կապկապած էլ կմեռներ, եթե Արծրունիներից մեկը իր երաշխավորությամբ չվերցներ նրան ու շտաներ Սերաստիա, ուր և նա մեռավ մի վանքում: Խսկ նրա գանձերն ու հարստությունները վերջիվերջո հույների ձեռքն ընկան...

Մարդկային հաշիվներ, մարդկային մոլություններ: Նրանք էին, որ մի ամբողջ աշխարհ դժբախտացրին...

Խսկ ի՞նչ արավ գոռող, արատավոր բյուզանդականությունը դավերով ու խարեւությամբ խլած Անիի հետ: Զկարողացավ պահել իր ձեռքում այդ համեղ պատառը: Պարսկաս-

տանի կողմից սպառնացող վտանգը, սելջուկյան հեղեղը՝ ուղղվեց գեպի Շիրակ: Գագիկ չկար, Վահրամ չկար: Ուսացիցին ասում է, թե քաջ Դագիկի քաղաքը պահպանելու համար հույները կին մարտիկ էին ուղարկում: Ահա այդ կիները վատարար թաքնվեցին Միջնաբերում, երբ Ալփի-Ասլանի գորքը մոտեցավ Անիին: Սմբատյան պարիսպները դիմացան, դիմացան, բայց հո նրանք չէին կարող պատերազմող բանակ էլ դառնալ: Անին նվաճվեց, քարուքանդ եղավ առաջին անգամ: Հույների ութը կտրվեց Անիից (1064):

Ուրեմն, միայն 19 տարի տիրապետելու համար էր այնքան զրկանք ու տանջանք կրում Շիրակը: Ուր էր Գրիգոր Մագիստրոսը: Նա կենդանի չէր, որպեսզի տեսներ, թե ի՞նչ ապահով ձեռքերի էր հանձնել իր տոհմային կալվածները և անհրաժեշտ էր գտնում, որ Գագիկն էլ հանձնե:

Հայրենիքի դժբախտությունները ցավոտ արձագանք էին գտնում հեռավոր արևմուտքում արգելված Գագիկի սրտի մեջ: Նա ամուսնացել էր Արծրունի օրիորդի հետ, ուներ որդիներ, թոռներ: Դեռ հույս ուներ, թե պիտի ստանա իր հայրական ժառանգությունը. և ամեն ժամանակ, երբ հարմար առիթ էր ներկայանում, նա աշխատում էր այդ ուղղությամբ: Նրա որդի Հովհաննեսը եկավ Անի, բայց չկարողանալով այդտեղ անվտանգ ապրել, գնաց Վրաստան: Երկրորդ փորձն արավ նրա որդին, երիտասարդ Աշոտը և հաջող կերպով. Մելիք-Շահից նա ստացավ Անին կառավարելու իրավունքը և շտապում էր գեպի իր պապերի երկիրը, բայց Շեղդատյան տոհմը, որ արգեն Անիի տերն էր՝ գարձել, սպանել տվեց խեղճին, երբ նա Շիրակի սահմանին էր հասել: Նրա դիակը տարան կ. Պոլիս: Այդտեղ արգեն մեռել էր Հովհաննեսը: Մեռավ և Գագիկը: Անիի Բագրատունիները կորան, անհայտացան:

1064 թվականի արշավանքը ցույց տվեց Կարսի Գագիկ թագավորին, որ իր փոքրիկ ուժով չպիտի կարողանա դիմադրել արևելքի վտանգին, մանավանդ որ արգեն Վանանդը տեսել էր իր մեջ սելջուկներին, փորձել էր նրանց ուժը: Ուստի թագավորը ծախեց իր երկիրը հույներին և նույնպես տեղա-

փոխվեց արևմուտք, այնտեղ բյուզանդականության ալիքների մեջ անհայտանալու համար:

Այսպես ահա, երեք փոքրիկ թագավորությունները, որոնք Հայաստանի արևելյան սահմանագլխի վրա ամրություններ էին, չկարողացան միանալ իրար հետ և հատ-հատ թյուզանդիայի որսը դարձան: Կ. Պոլսի արքունիքի քաղաքականությունը դրանով լրանում էր, մի քաղաքականություն սակայն, որ դատապարտված է պատմության մեջ իրրե կարձատես, վնասակար նույնիսկ թյուզանդիայի շահերի համար, Այդ շահերը պահանջում էին, ընդհակառակն, որ քրիստոնեության երեք առաջավոր պահակները ուժեղանան, որպես գի կարողանային դիմադրել արևելքի վտանգին: Դրա փոխարեն, բյուզանդականությունը մերկացրեց սահմանները և թույլ տվեց, որ Միջին Ասիայի հորդաները մտնեն կայսերական մեջ, վերջիվերջո էլ ոչնչացնեն թյուզանդիան:

Թայց ի՞նչ միսիթարություն կարող է լինել այդ տիտուր հանգամանքից: Փակենք պատմության էջերը: Անիի վիճակը թագրատունիներից հետո մեզ արդեն հայտնի է: Ընկնելով, վեր կենալով, լավ օրեր տեսնելով, բայց վատերից էլ անշափ տանջելով, նա մի կերպ դարերով կյանք քարշ տվեց: Այդ ժամանակները նա արդեն նախկին փառքով ապրող մի քաղաք էր: Գլխավորը այն 84-ամյա շրջանն է, երբ Անին թագրատունյաց մայրաքաղաք էր: Այդ շրջանն է Անին Անի գարձրել, այդ շրջանն է, որ այսօր էլ բոլոր այցելուների առաջ հանդիս է գալիս իրու պատմական փառավոր ժամանակների մի հուշարձան: Վերջացավ թագրատունիների շրջանը և այդ վերջից հետո Անին արդեն ավերանք ու դժբախտություն քարոզող մի քաղաք է: Լաստիվերտցին, երեխ 1064-ի ավերանքից հետո, արդեն գրում է.

«Այժմ թագավորը, պատվից ընկած, կալանավոր, գերան նման նստած է հեռու տեղերում: Այսպես էլ հայրապետական աթոռը, ամայացած իր վրա նստողից, երևում է տիտուր դեմքով, իրու մի նորահարս կին, որ այրի է մնացել: Հեծելազորքը, անտեր մնացած, թափառում է, ո՞րը Պարսկաստանում, ո՞րը Հունաստանում, ո՞րը Վրաստանում: Իշխանական տոհմերից կազմված սեպում գունդը, գուրս եկած հայրենի-

քից, ընկած իր ճոխությունից, ուր որ լինում է, առյուծների կորյունների պես մոնշում է: Թագավորական պալատը ավերակ և անմարդ: Մարդաբնակ աշխարհը բնակիչներից թափուր մնաց: Ուրախության ձայն չէ լսվում այգեքաղի ժամանակ, ոչ էլ հնձան կոխողների երգերը: Մանուկները շեն խաղում ծնողների առաջ և ոչ էլ պատվով ծերերը նստում են հրապարակներում: Հարսանիքի ձայն չէ լսվում, ոչ էլ հարսնարանի առագաստներն են զարդարվում: Այս ամենը պակասեց ու կորավ և այլևս չի հարություն առնի: Այժմ ամեն ինչ մեզ համար ողբի փոխվեց և այն ուրախության զգեստը սև սգավոր քուրծի փոխվեց: Ո՞ր լսելիքը կտանե մեր թշվառության պատմությունը: Ո՞ր քարե սիրտը չի թուլանա հառաշելով և չի փշրվի հեծեծալով»:

Կարծես այսօր այստեղ, մեր կողքին է նստած զգայուն լաստիվերտցին:

«Այս ամենը այն վաճառքից եղավ», — հառաշում է նա: Այդ էլ կա, այդ էլ տեսնում ենք այստեղ...

ԺԵ

Հյուրատան մեծ սենյակում մեզ, հոգնած, արևից խաշված ուղևորներիս, սպասում է եալաթյանների սիրալիր ու սրտաբաց հյուրասիրությունը: Բացված են սեղանները, ոչ ոք չկա դրսում, սենյակը լցվել է մինչև պոռնզները: Կենդանի աղմուկ է տիրում, բազմամարդ ընկերության աղմուկը: Հուռ մարդ չկա, լսվում են հանաքներ, ծիծաղ և տպավորություններ, կցկոտուր տպավորություններ, որոնց համար շատ անգամ մի խոսքը, մի բացականչությունն էլ շատ բավական է:

Քաղցր է այս զով ստվերը Անիի անողորմ արևից հետո: Ավելի քաղցր է ընկերների և ծանոթների լայն շրջանում հանգստանալը այնքան տեսնելուց, այնքան զգալուց հետո: Ամեն մեկը մի տրամադրություն է բերել դրսից: Եվ մեր ճաշի սեղանը տրամադրությունների սեղան էլ է: Իրար լսում ենք, իրար հասկանում ենք: Թայց խոսքը վատ հաղորդիչ է,

Նա չէ կարող սրտի ամբողջությունը դուրս բերել, դնել սեղանի վրա: Նա սպունգի պես չէ ծծում այն ամենքը, ինչ շարժվում է սրտի գաղտնաբաններում, ինչ դույն ու չերմության աստիճանն է հաղորդում մտքին ու տրամադրության: Ռ' ընկերական գեղեցիկ, սրտաբաց, մտերմական շրջանի մեջ էլ ամեն ինչ չէ արտահայտվում ձայնով: Այնտեղ, ներսում, դեռ մնում են բաներ, որոնց ամեն մեկը իր, միայն իր նվիրական, սուրբ սեփականությունն է համարում և պահում է միայն իր համար:

Զգիտեմ ուրիշներն ինչպես, ես մի ինչ-որ ճնշված տրամադրության տակ էի ինձ զգում, թեև խոսում էի, թեև ոչնչով հետ չեմ մնում շրջանից, բայց մի ինչ-որ անտեսանելի, հզոր զսպանակ ստիպում էր ինձ շմոռացվել, պահպանել օրինավորության այն աստիճանը, ուր մարդ իրան պարտավոր է զգում հաշվի առնել յուրաքանչյուր խոսք, յուրաքանչյուր շարժմունք, որպեսզի չվիրավորե շրջապատի տիրական տրամադրությունը:

Ամբողջ ժամանակ ինձ վրա բռնացած էր այն ամենը, ինչ զգում և անում ես մի սպատան մեջ: Ինձ թվում էր, թե այստեղ մի մեռելական զրություն կա, որը պետք է հարգել, պետք է իրան պատշաճավոր վերաբերմունքով մեծարել, խոսք, զրույց, կերտիսում, կենացներ, սրախոսություններ,— ես ոչինչ չեմ թողնում, ոչինչ չեմ մոռանում, բայց այդ բոլորի մեջ ինձ թվում էր, թե մի մեռելատան ենք, մեռելահաց ենք ուստի, մեռելների թասն ենք խմում: Թվում էր թե մեռելատերը մեր համեստ, սակավախոս, հարգելի վանահայրն է, և ամեն մեկս պատրաստ ենք մեր խոսքով, մեր շարժմունքով ու վարմունքով նրան միխթարել, ցույց տալ, որ զգում ենք նրա ներկայացրած գաղափարը— սպատան վշտի գաղափարը:

Պատասխանում է նա իր կենացին, պատասխանում է ոչ իր կողմից, այլ ավերակների այս ամբողջ քաղաքի կողմից,— և մեռելատան ու մեռելահացի տպավորությունը ավելի սաստկանում է, լցնում է սրտիդ բոլոր խորշերը: Խոսդն և անհիշատակ մահերի դարավոր շեղեր են կուտված այս պատերից դուրս, նրանք մամուռով շեն պատված,— Անին

Ճամուռ չէ սիրում,— բայց փոշիացել են, անշարժացել և իրանց կենդանի ներկայացուցիչ են թողել այս մենավոր հոգնորականներն: Նայելով նրա համակրելի պարզ դեմքին, կարծում ես, թե դա է միակ կապը մահվան ստվերների մեջ հանգչող աշխարհի և կենդանի մարդկության մեջ, կարծում ես թե եթե մի բան ունես ասելու այդ աշխարհին, պետք է նրա հավատարմատարի միշոցով ասես...

Օտարութի, քմահաճո չէր այդ տրամադրությունը, որ տիրում էր իմ ամբողջ էության վրա: Այնքան տեսնել, այնքան ման գալ պատմության մեռելային ստվերներում և պահպանել առօրյա տրամադրությունը, իհարկե, անկարելի է: Ամբողջ ժամանակ, առանց մի վայրկյան դադարի, մեր պատուհանով մեղ է նայում Մայր եկեղեցին իր կտրատած, ջարդված կողերով: Նրա մոտ, պատի տակ գյուղացի երեխաները հայերեն երգեր են երգում: Մեր վանահայրն է նրանց սովորեցրել այդպես երգել: Որքա՞ն մելամաղձոտ են մանկական դվարթ ձայները ավերակների մեջ, որքա՞ն հուզում են ա՛յսպիսի մի միջավայրում: Երեխաները այն գյուղացիներից են, որոնց առավոտյան տեսանք ձորի քարայրերում: Եկել են և նրանց մայրերն ու քույրերը, որոնք գյուղական ամօթխածությամբ նայում են մեր մեռելահացին...

Եվ երբ մտածում եք թե ինչ ու ինչ տեղերից ենք եկել ու հավաքվել այս բոլոր կենդանի մարդիկս... Գավառական առանձնացումների, գավառական նախապաշարմունքների ու հակառակությունների զոհ է այս շքեղ քաղաքը: Այժմ մենք առաջ ենք քայլել, այժմ տարբեր գավառների, տարբեր ավանդությունների ներկայացուցիչ հայերս հավաքվում ենք մի հարկի տակ, խոսում ենք, զգում ենք միասին, որովհետև գավառական բաժանումները այժմ այլևս չեն կարող այնքան հզոր լինել, քանի որ մենք արդեն ունենք մի ընդհանուր գրական լեզու, որ խոսակցական է գառել կամ դառնում է:

Ճաշից հետո, մինչեւ որ մեր կառքերը կպատրաստվեին, մենք մեր անձուկ սենյակից դուրս ենք գալիս զովություն որոնելու: Խսկ ո՞ւր կարող էինք նրան գտնել, եթե ոչ Մայր եկեղեցու կամարների տակ:

Դարձյալ այնտեղ ենք, դարձյալ Տրդատի դարսած քա-

թերը հափշտակում են մեր միտքը: Եվ երկար նայում ենք, երկար էլ խոսում ենք այս սյուների, այս կամարների պահպանության մասին:

Մենք խնդրեցինք վանահորը ցույց տալ նվիրատվությունների մատյանը: Տեսանք նրան, մեծ մասամբ դեռ սպիտակ, չգրված: Մի քանի թերթեր միայն ծածկված են անուններով և թվանշաններով: Խեղճ ու աղքատիկ են այս վերջինները, այնքան խեղճ, որ, կարծում եմ, մենք կամաշեինք ցույց տալ նրանց Անին այցելող օտարազգիներից մեկին: Ամենախոշորը այդ թվանշանների մեջ 100 ուրեմնի է, այն էլ մի վարդապետից նվիրված: Մնացածները 10-ից դեն շեն անցնում: Եվ այդ կարճ ու աղքատ ցուցակը մի քանի տարիների ընթացքում է կազմվել: Ավերակների ինչ պահպանություն այսպիսի խղճուկ փշրանքներով, երբ նրանք բավական շեն նույնիսկ վանահոր ապրուստի համար:

Հարցրե՛ք յուրաքանչյուր հային. — Նա կկամենար, որ Քարգատունյաց շքեղ հիշատակների ամեն մի մնացորդը պահեր-պահպանվեր, կկամենար նույնպես որ վանահայր, մինչև իսկ ամրող մի բարեկարգ միարանություն ապրեր այստեղ ամեն ժամանակ, բայց...


«Լոկ այդ բանը ինձնից կոպեկ շպահանջեր», — պատասխանում է յուրաքանչյուր հայի կողմից՝ մեր արատները այնքան լավ ճանաչող բանաստեղծը:

Սարսափե՛լի կոպեկ, երբ նա հայկական է...

Ահա կոպեկ չէ պահանջվել այցելուների մատյանի մեջ մտնելու համար. — և որքան շատ են եղել ցանկացողները: Ես թերթում ևմ այդ անշուք, քրքրված զիրքը: Զգացմունքների մի ամրող Աստվածաշուշ, ուր հայի հետ Անին մեծարողների շարք են կազմում և շատ օտարազգիներ:

Զգացմունքը հարգելի է: Զգացմունքը հարկավոր է մարդուն: Հարկավոր է մանավանդ Անիին, անդգայության, մարդկային բարասրության այս հսկա նահատակին: Բայց զգացմունքը պետք է ծննդաբերող լինի, պետք է մարդու ձեռքը տանե դեպի գործ:

Թե չէ՝ զգացմունքների մի ամրող մթնոլորտ, իսկ նրա մեջ այսօր էլ մլում է շարունակվող ավերանքի փոշին և կո-



պիտ ու անողոք կախված է իսպառ անհետացման, վերջնական խորտակման սպառնալիքը...

Դարձյալ մեր կառքերը շարս անխվներով զարնվում են ավերակների բյուրավոր քարերին:

Ավագ Դուռը մեզ ընդունել էր գիշերով, երբ լուսինն էր իր աղոտ լապտերը կախել երկնքից, այժմ դուրս է տառաւմ առմասնային օրվա այն ժամին, երբ անցել է ուշօրենի տապը՝ և արեն իրիկնապահի հովերն են բարձրանում: Տպավորությունը տարբեր է մտնելու և դուրս գնալու միջոցին: Եկողը դրսից տեսնում է իրար մոտ կանգնած կույր աշտարակները, որոնք պահպանել են իրանց ձեր, ներսից գնացողը ունի իր առջե այդ աշտարակների մյուս երեսը: Ավերված, մաշկված, նրանք ցցվում են իբրև բացված սև դերեզմաններ, իբրև հսկամումիաների պատյաններ, որոնց մեջ այլևս մարմին չկա: Այդ սև, ներսից կիսակոլոր և վերևից կամարավոր պատըռվածքներից մահը դիտում է իր իշխանության մատնվածքաղաքը:

Իսկ ինքը, Ավագ Դուռը: Ներսից նա ավելի սաստիկ ավերված է. կուշ է եկել իր քառակուսի, երեք հարկանի աշտարակի մոտ, կողքը տվել է նրան, բայց էլի սաստիկ ճնշված է իր գլխին ու ուսերին նստած քարակուլտերից: Տիուրդու:

Քանի դեռ Անիի ներսումն ենք, հիշենք, որ այստեղ՝ պարիսպների մոտ, Ավագ Դուռն աջ կողմում, պրոֆեսոր Մանը 1892 թվականին պեղել, դուրս է բերել մի փոքրիկ եկեղեցի, Գրիգոր Լուսավորչի անունով: Հարգելի գիտնականը մեծ հիացմունքով է խոսում այդ փոքրիկ շինության գեղեցկությունների մասին: Դրսից այդ ս. Լուսավորիչը ծածկված է եղել շքեղ քանդակներով, իսկ ներսից բոլոր պատճրը, մինչև գմբեթի ծայրը հարուստ, գոնավոր նկարներով էին ծեփված, որոնք, իհարկե, կրոնական բովանդակություն ունեին: Ամենից հետաքրքրականն այն է, որ եկեղեցու մեջ պատերի մեկի առջե գրված է եղել եկեղեցին շինողի քանդակագործ պատկերը, որ ձեռքին բռնած ուներ եկեղեցու կաղապարը: Պատկերների տակ, ծեփի վրա, եղել են հայերեն արձանագրություններ, որոնք պատկերների բովանդակությունն էին

ցուց տալիս: Սեղանի շուրջը հրաշալի զարդեր էին կազմված հայերեն տառերից և այլ նկարներից:

Ո՞ւր են այժմ այդ շքեղ շինության մնացորդները: Եկեղեցու մի փոքրիկ բեկոր է երեսում ցուց տված տեղի վրա: Գուցե այդ է փոքրիկ ս. Լուսավորիչը: Բայց ո՞ւր են նրա զարդերը...

Անցնենք այսպիսի հարցերի մոտով, ահա անցանք Ավագ Դուռն, աալա պարիսպների միջով, և դաշտն է փոված մեր առջե, իսկ դաշտի վրա փոված են անթիվ, անհամար քարեր: Բնակության հետքե՞ր քաղաքից դուրս: Գուցե և նրանք անկարելի չեն, նրանց մասին վկայություն է տալիս դաշտի երեսին բարձր ցցված ավերակը՝ Չորան-քիլիսեն: Մոտենում ենք նրան և տեսնում ավերանքից աղճատված մի թե երկու պատի կտոր, որ հազիվհազ հաստատում է թե ինքը ճիշտ որ, եկեղեցի է: Եվ սակայն, ներսիսյանը իր նկարագրության մեջ ասում է, թե նա կոլորակ ու երկար գմբեթ ունի: Ունեցել է մի ժամանակ...

Հովհիմը, որ, ավանդության նայելով, շինել է այս եկեղեցին, ունեցել է ոչ միայն ճաշակ, այլև շատ ծանր գրպան: Գուցե հովհիների և երկրագործների թա՞ղ էր այստեղ: Այժմ Հովհիմեկեղեցին Անիի տիսուր ու ջարդված հյուրընկալն է. ամենից առաջ նա է դիմավորում այցելուին, ամենից երկար տեղ նա է ճանապարհ գնում Անիից գնացողին:

Ահա նա էլ անհետացավ: Այլևս Անի չկա: Դաշտեր, Ռւթափայի լանջերը իշնում են դրանց վրա:

Գնում ենք Անիից: Զարմանալի քա՞ն: Պատմական վայրերում յուրաքանչյուր մի հասարակ շարժողություն, մի սովորական խոսք ընդունակ է մարդու մտքի մեջ մի ահագին հիշատակ զարթեցնելու: Այն, որ մենք գնում ենք Անիից, գնում ենք ընդմիշտ, հեռանում ենք ափսոսանքով, հեռանում ենք տիսուր հիշատակներով, հանկարծ ինձ դրդում է երևակայության աշքով տեսնելու այս դաշտերը, այն լանջերը փախստականներով ծածկված:

Նրանք էլ հեռանում էին, դժբախտության այն հազարվոր զավակները: Եվ քա՞նի անգամ... Դարերի ծալքերի մեջ կորել են նրանց հառաջանքները, աշքերից ծորող արտա-


սունքը, երբ հուսահատ ու անմիխթար, թողնում էին իրանք գեղեցիկ հայրենիքը, իրանց նախնիքների գերեզմանները, իրանց հողերն ու կայքերը և հեալով փախչում էին գլուխ ապրեցնելու:

Ո՞ւր: Նեղ ու քարքարոտ ուղիներ են օձերի պես պտըտ- վում Ուշ-թափայի շուրջը: Մի՛ կարծեք, թե դրանք կարճ են, ցուտով կմոլորվեն Շիրակի դաշտերում, կկանգնեն մի տեղ, Անեցի փախստականների ոտների տակ դրանք անհուն եր- կարություն ունեցող ճանապարհներ էին: Այստեղից կեհաս- տան, այստեղից Վոլգայի ափերը... Այստեղից դեպի ամեն կողմ, ուր կարելի էր հալածականի դասն ճակատագրից աղաւվել: Ինչպե՞ս էին գնում, ինչո՞վ էին գնում: Սով, սար, անապատ, գետ ու անտառ, հող ու քար—ամեն ինչ իր կոշտացած գարշապարի տակ էր տալիս փախստականը: Գնում էր՝ դիակներ փոելով այդ տանջանքի ու անեծքի ճա- նապարհների երկու կողմով: Գնում էր, այստեղ ամայու- թյուն թողնելով: Ամայությունն է միայն, որ չէ տանջվում.

Եվ ամայությունը գալիս էր բռնելու մի ազնվական, ըն- դունակ ժողովրդի տեղը, մի ժողովրդի, որ իր ազգի պատմու- թյան մեջ միակ և եղակի օրինակն է տվել իր աշխարհաշինու- թյամբ, իր մեծագործություններով: Նա տարավ իր Անիի անունը, Անիի շնորհները, զարմացրեց իր անեցի լինելով ամենքին և այդ պատճառով էլ հայ ժողովրդի մեջ անեցի լինելը նախանձելի պատիվ մնաց, որ այսօր էլ դեռ շատ ու շատ գաղթավայրերի պարծանքն է:

Հասանք Ուշ-թափայի ստորոտներին, իսկ ես մտքով դեռ այն գաղթականների հետ եմ, տեսնում եմ նրանց փա- խուստը, նրանց հոգսերն ու մտքերն եմ դուշակում, նրանց կակիծն ու կարոտն եմ զգում: Քնդարձակ է Շիրակի դաշտը, բայց բավականանո՞ւմ էր նա գաղթականների լայն հոսան- քը տեղավորելու: Գնում էին հազարավոր տներ, գնում էր մեծատունը, գնում էր աղքատը:

Ազում են, թե այդ դժբախտ բազմությունները մի հայ վարդապետի անեծքով դատապարտվեցին կոտորածի և գաղթի: Այս խոսքը վարդապետներն են հնարել, որպեսզի իրանց համար հեղինակություն ստեղծն: Անին ճգնավոր-



Հովվի եկեղեցին (Անիի պարիսպներից դաւա)

ների աշքի փուշն էր,— ևս այդ կարդացել եմ: Շատ կար նրա մեջ կենառնակություն, շատ էր նրա կյանքը հարուստ ու պարաբռ: Բայց ինչի՞ նշան էր դա: Վարդապետների օրհնություններով չէր այդ փարթամությունը երկնքից ընկելու որպեսզի նրանց անհեծքով էլ խորտակվի: Ժողովուրդը պողպատ ուներ իր բաղուկների մեջ, խելք ուներ իր գանգի տակ և աշխատում էր, հարստանում էր, վայելում էր իր վաստակածը: Վարդապետները ուզում էին, որ այդպես լինի, ուզում էին, որ մի մեծ ճկնավորանոց դառնա մեծ քաղաքը: Եթե երկինքը մի վարդապետի համար այդքան սարսափելի վրեժինդրություն պիտի գործ դներ, էլ ինչո՞ւ անեցիները հարցուրավոր եկեղեցիներ ու վանքեր էին զարդարում իրանց առատ նվերներով և աղոթողների խմբեր էին ապահովում իրանց հարստություններով:

Ո՞շ: Այդքան շքեղ բացված բարօրությունը չէր կարող, ինչպես ասվում է, իր գլուխը շուտել այն երկաթի դարերում, երբ հափշտակությունները միակ անխախտ արդարությունն էին համարվում քաղաքակրթված և վայրենի տիրողների համար: Ով աշխատող էր, նա պիտի հեծեծանքների մեջ ապրեր եվ վարդապետների հարուստ ու զարդարուն վանքերն ու եկեղեցիները չէին, որ երկոտանի գաղաններին ցույց էին տալիս, թե կարելի է հարստություն շատ դուրս մոզել այս երկրից: Այդ ինչ աստվածություն էր, որ ոսկով ու արծաթով ծանրաբեռնված իր աղոթատները բուերի բնակարան դարձնելը համարեց արդարություն այս երկրի համար: Վարդապետական անհեծքի շատ տարածված ավանդությունը վանական այն դժբախտ հասկացողության արդյունքն էր, որ կարծում էր, թե եթե այդ ժողովուրդը կոտորվում, սպանվում է, պատճառն այն է միայն, որ նա մեղավոր է: Միջնադարյան խավար: Թանի՛ ազնիվ բռնկումներ է նա հանգցրել, քանի՛ բազուկներ է թուլացրել, որքա՞ն և որքան ազատարար եռանդ է սպանել...

Այստեղ, երեք գագաթների այս ստորոտներում, ևս տեսնում եմ կանգ առած փախստականներին, որոնք վերջին հայցքն են զցում իրանց սիրուն քաղաքի վրա, հարյուր ու միերորդ անգամը հառաշում են, նորից և նորից արտասունք-

ների կաթիլներ են ծլացնում և բռնելով կանանց և երեխաների ձեռքից, աստված են կանչում, երեսները դարձնում դեպի անձանոթ, հեռավոր աշխարհները: Փախչում էին նրանք տանջանքից: Բայց ազատվո՞ւմ էին տանջանքից: Իրու մարդ՝ գուցե, իսկ իրու հայ՝ ո՛չ: Տանջվեցին նրանք կեհաստանում, տանջվեցին Մոլդավիայի երկնքի տակ: Տանջանքը հայի հետ է...

Թո՞ղ այստեղ մնան ամեն ժամանակ և ամեն դեպքի մեջ թշվառ գաղթականները: Ահա մեզանից էլ ծածկվեց ավերակների երկիրը: Ալաջայի արևելյան ստորոտները շատ ետ մնացին: Ծտապենք, ճանապարհ շատ կա, իսկ արեգակը արդեն շատ է թեքվել դեպի արևմուտք, և ուս-թուրքական պատերազմի հսկա ականատեսները—Ավլիար, Կըզըլ-թափա, Ճաննի, Կարաղալ և ուրիշ բարձրությունները արդեն երեկոյան կապտագույն ստվերների մեջ են փաթաթվում:

Մենք ուրիշ ճանապարհով ենք վերադառնում, և մեր առջև դուրս եկող հայ և թուրք գյուղերը ուրիշ անուններ ունին: Սակայն տարբերությունը միայն այդ անուններն են: Ծիրակի նույն գյուղական տեսարանը, քարերի, շրացած ցեխի, աթարի կույտեր կանաչ, զարմանալի կանաչ դաշտերում, վճիռ լեռնային ջրերի մոտ:

Վերջ ունի՞ն այդ կանաչ տարածությունները: Արևը մայր մտնելու վրա մենք գոհությամբ տեսանք որ վերջ, այս՝, ունին: Տեղի դիրքը փոխվեց: Մենք մեծ, զարիվայր լանջերով իշնում էինք դեպի մի ձոր, որ ընկած էր արևմուտքից դեպի արևելք և որի արևմուտքն կողմում բարձրացած էին մեծ բլուրներ: Ծուտով ձորի լայն, կանաչ հատակում երևաց բավական լայն, կապուտակ գետը, Կարս-շայն էր, այսինքն նույն Ախուրյանը, բայց առանց Ալեքսանդրապոլի Արփաշայի: Գյուղական փայտե, հողածածկ կամուրջով անցնում ենք գետը: Մի փոքրիկ գյուղի մեջ ենք: Արգինան է: Ի՞նչ դալար ու գեղեցիկ հովիտ ունի այստեղից Ախուրյանը:

Կամուրջի մոտ երկում է նոր ձեկի մի ջրաղացի մեծ շինությունը, որ պատկանում է մի ուսու գյուղացու: Կատարյալ անակնկալություն Ծիրակի գյուղական աշխարհում, ուր այսպիս հաստատ թագավորում է նահապետականությունը, ուր


նոր ժամանակը դեռ համարյա ոշինչ չէ կարողացիլ մտցնել,
թայց ինքը, գյուղը դեռ հարազատ է, դեռ հպատակ է ավան-
գականության, թեև վարչական կենտրոն է:

Հայեր շատ քիչ կան այստեղ. գյուղը պատկանում է
առևներին և թուրքերին: Եվ սակայն, սա պատմական Արգի-
նան է, որ Թագրատունիների ժամանակ ամբողջ Հայաստանի
կրոնական մայրաքաղաքն էր, թեև իր մեծությամբ դարձաւ
մի գյուղ էր:

Շիրակի քաղաքական կենտրոնը տեսնելուց հետո մենք
կամեցանք նայել և նրա հովանու տակ հաստատված հոգնոր
միապիտության կենտրոնը: Դրա համար էինք շեղվել մեր
ուղղությունից, բավական երկարացնելով մեր ճանապարհը:
Թայց ի՞նչ տեսանք:

Գյուղի արևելյան մասում, տների մեջ, բարձրանում է
ավերակի մի հսկա կտոր, իսկապես մի պատ միայն, հյու-
սիսայինը, որին կպած է արևմտյան մի փոքրիկ մասը: Երե-
կում են հայերեն արձանագրության կտորներ, երեսում են
դուն հետքեր: Պատը հոյակապ շինության տպավորությունն
է թողնում: Նրա քարերից, նրա գարսվածքի ձևերից Բագրա-
տունյաց ժամանակի հովերն են գալիս: Ամփոփի ձևի, ամբող-
ջության մասին ոշինչ հասկացողություն կազմել շենք կարող:
Թայց բարձր ու գեղեցիկ շինության այդ մեծ կտորը իսկույն
փոխազրում է ձեզ Անի, կապում է ձեր միտքը նրա շինու-
թյունների հետ:

Եվ իրավ, Արգինան սերտ կապված էր Անիի հետ, Ար-
գինան գարդարողն էլ Անին էր: Այս պատը, որ կանգնած է
այսպես մենակ ու անհիշատակ, Տրդատ ճարտարապետի
գործն է: Ասողիկը պատմում է, որ Խաչիկ կաթողիկոսը նրա
ձեռքով շինել տվեց կաթողիկոսարանի Մայր եկեղեցին: Եվ
ոչ թե մենակ այս եկեղեցին, այլև ուրիշ երեք եկեղեցիներ
սույն այս տեղում: «Եինեաց զսուրբ կաթողիկէ եկեղեցին վի-
մարդեան կոփածոյիւթ, հաստաճեղոյս արձանօք զմբեթարդ
խորան երկնանման, հանդերձ և երիւք եկեղեցեօք՝ նոյնաձև,
հրաշատեսակ, շքնաղագիղ յօրինուածով. և զարդարեաց մե-
ծապալծառ, ծիրանածաղիկ, ոսկեթել անկուածովք ի զարդ



Արքիմեն կուրողիկ եկեղեցու ովեանկի տեսքը հետին հետին (X դ. վեր)

ռակոյ և արծաթոյ և ամենայն զարդու պայծառութեան ջառաբորբոք լուսաւոր անօթոց»:

Բանաստեղծական շափականցություններ այս ոգևորված գովասանքների մեջ շպետք է լինեն: Բավական է շմոռանալ կաթողիկոսական աթոռի այն ժամանակվա դիրքը, ահագին հարստությունները: Անշուշտ, փառահեղ է եղել և խաչիկի շինել տված կաթողիկոսարանը—միշտ հիշենք, որ Տրդատն էր այդ բոլոր շինությունների կառուցանողը: Ուրեմն, այժմյան ողորմելի Արգինան ինչ փարթամ և ճոխ կեցության տեղ էր, որքան զարդեր ուներ:

Տասներորդ դարի առաջին կեսի վերջում հայոց կաթողիկոսական աթոռը Աղթամարից տեղափոխվեց Շիրակ: Բագրատունի թագավորների համար նշանակությունից զուրկ շպիտի լիներ այն կարևոր հանգամանքը, որ համազգային կրոնական բարձր իշխանությունը գտնվում է Վասպուրականի թագավորների հովանավորության տակ: Ունենալ իր երկրում կաթողիկոսարանը նշանակում էր բարեկամ ու դաշնակից լինել մի ուժեղ հեղինակության հետ և նրա միջոցով քաղաքական մեծ ազդեցություն ձեռք բերել: Արաս թագավորը, որի ժամանակ տեղի ունեցավ կաթողիկոսության տեղափոխությունը, երևի շատ էր աշխատում գրավել ժամանակի կաթողիկոսին ոչ միայն իր երկրի խաղաղ ու ապահով դրությամբ, այլև խոշոր կալվածական հարստություններով:

Աթոռը փոխադրողը Անանիա Մոկացի կաթողիկոսն էր, Արասի մայրաքաղաքը Կարսն էր և Անանիան կաթողիկոսարանը հիմնեց Արգինայում, որ կարսից հեռու չէր: Հետաքրքրական է, որ միջին դարերում էլ հայ կաթողիկոսները աշխատում էին հոգևոր բարձրագույն իշխանությունը տոհմային սեփականություն դարձնել, ինչպես այդ արել էին Գրիգոր Լուսավորչի որդիներն ու թոռները: Այսպես, Անանիան Մոկացիների տոհմը առաջացրեց կաթողիկոսական աթոռի վրա, գոնե շորս կաթողիկոս Շիրակում այդ տոհմի ներկայացուցիչներն էին: Տարբերությունը այն էր, որ մինչդեռ Գրիգոր Լուսավորչի հաջորդները ամուսնանում էին և իրանց որդիներին էին հանձնում աթոռը, միջնադարյան կաթողիկոսները ամուսնացած չէին, և կաթողիկոսությունը

նրանց մոտիկ ազգականներին էր անցնում: Այսպես, Արգինայում շինություններ կատարած Խաչիկը Անանիայի քրոջ որդին էր, Պետրոս Գետաղարձը Խաչիկի եղբայրն էր, իսկ երր զնաց Հունատան, իր տեղը տվեց իր քրոջ որդի Խաչիկ Երկրորդին: Քիչ ժամանակից հետո կաթողիկոսությունն անցավ Գրիգոր Մագիստրոսի ժառանգներին, այսինքն Պահլաւունի տոհմին:

Արգինան կաթողիկոսական աթոռ մնաց մինչև Պետրոս Գետաղարձը, որ թողեց իր եղբոր կառուցած հոյակապ շինությունները և տեղափոխվեց Անի, ուր, իհարկե, ավելի մեծ հարմարություններ կային թագավորական ճոխություններով ապրելու համար: Ասողիկը, խոսելով Սարգիս կաթողիկոսի մասին, որ հաջորդեց այս շինարար Խաչիկին, իբրև մի նշանավոր հանգամանք հիշատակում է այն, որ նա առանց կաշառքների և զողոքորթությունների կաթողիկոս դարձավ: Այս հանգամանքը մասամբ հասկանալի է գարձնում, թե ինչու կաթողիկոսները հարուստ մարդիկ էին և շափազանց սիրում էին հարստությունը: Ուսկին ճանապարհ էր բաց անում դեպի փառք, ուսկին դիրք ու հեղինակություն էլ էր ստեղծում:

Մոկացու տոհմից միայն Խաչիկ Առաջինն էր, որ կաթողիկոսարանի մեծ հարստությունները Արգինան շքեղազարդելու վրա ծախսեց: Պետրոսը ոչինչ չէ արել, ինչպես տեսանք, նրա հավաքած ու պինդ պահած գանձերը վերջը հռնաց սեփականություն դարձան: Մեկը իր երկրին տվեց նրանից ստացած գանձը, մյուսը պահեց նրան իբրև գեղեցկություն, անձնական զարդարանք, որ անհետացավ անօգուտ:

Սակայն ասենք և այն, որ մեր երկիրը այնպիսի բախտ չէր ստացել, որ կարողանար երկարատև երջանկություն պահպանել իր որդիների մտավոր ու նյութական գանձերով: Ամեն ինչ ավերակ ու փոշի դարձավ: Եվ այսօր այս մի հատ մեծ պատն է, որ ցույց է տալիս, թե որքան խղճուկ մի բան է մնացել ութ հարզուր տարի առաջ ծաղկած ու գեղեցկացրած Արգինայից:

Տեղի դիրքը այնպես է, որ շատ բան չէր էլ կարող մնալ: Արգինան բաց է ամեն կողմից, բնական ամրություններ չունի, Բացի դրանից, Ախուրյանի հովիտը այն ճանապարհն է,

որ տանում է դեպի արևմուտք, դեպի Կարս: Սարսափելլ
կերպով ոտնակոխ է եղել նա:

Արդինայի վրայով է անցնում Ալեքսանդրապոլից Կարս
տանող խճուղին: Մեր կառքերը հեշտ ու արագ սլացան նրա
վրայով: Գյուղական ճանապարհների անողորմ երերանքը մի
տիւր հիշողություն դարձավ մեզ համար:

Հրաշալի լուսնկակ երեկո էր, երբ մենք մտանք Ալեքս
անդրապոլ:

ԺԶ

Վերջացակ մեր ճանապարհորդությունը, պիտի վերջանա
ք իմ խոսքը Անիի մասին: Բայց ես վերջակետ չեմ դնում:
Մի օր էլ ունենք, ընթերցող, երբ էլի Անիի հիշատակները
գուրս կդան մեր աշբի առաջ, բայց ուրիշ տեղ, ուրիշ հանգա-
մանքների մեջ:

Հետևյալ օրը, մինչեւ ճաշը, երբ մենք բավական կազ-
ուուրվել էինք անքուն գիշերներից և տանջալից ճանապարհ-
ներով կառքերի մեջ ոստոստալուց հետո, Գր. Խալաթյանը ա-
ռաջարկեց մեզ մի թերե ճանապարհորդություն էլ՝ մինչեւ
Ղանլիջա անունով գյուղը: Օրը կիրակի էր, Ալեքսանդրապո-
լի փողոցներում տիրող մեռնությունը ցուց էր տալիս, որ
անծանոթ եկվորներս ոչինչ զվարճություն շպիտի տեսնենք
գալառական տոնի ժամանակ էլ, երբ դարձյալ ամեն ինչ ըն-
տանիքների ծոցում է ամփոփվում:

Նույն պարզ ու տաք եղանակն էր: Մեր կառքերը դուրս
եկան Ալեքսանդրապոլի փոշոտ փողոցներից և դիմեցին դե-
պի հյուսիս: Հարթ տափարակով էինք գնում. կարճ միջոցից
ծովեցինք դեպի ձախ, և մեր առջև բացվեց մի մեծ ձոր, որի
խիստ քարքարոտ ե շատ զառիվեր ձողի վրայով էր անցնում
մեր ճանապարհը: Իշանք կառքերից, ոտով գնացինք դեպի
գյուղը, որ տեղափորված է սև-սև ու գորշ ժայռերով պատաժ
մի լանջի տակ:

Դա է Ղանլիջան, ավելի հիշտ անաժ երկու Ղանլիջանե-

րի՝ Ներքին և Վերին, խառնուրդը, որ, այնուամենալիք,
փոքրիկ ու խեղճ մի գյուղ է, բնակեցրած գաղթական ժողո-
վը դուրդով: Շրջակայքը քարակույտեր են և տներն էլ քարակու-
յտերի նմանություն ունեն. պատերը ցածրիկ, առանց պատու-
հանների... Բայց դուք գիտեք, որ Շիրակի գյուղում ենք, էլ
ի՞նչ հարկավոր է նկարագրությունը:

Միայն մի բնական հրաշալի վարդ ունի Ղանլիջան. դու
այն պաղ և ախորժահամ աղբյուրն է, որ բխում է ժայռերի
տակից: Եթե պատահեն ձեզ լինել այդ ջրի մոտ, կուշտ խմե-
ցեք նրանից և ապա հարցընք առաջին պատահած գյուղա-
ցուց, թե ո՞րն է այն քարը, որի վրա հին բաներ կան գրած-
նա իսկույն կհասկանա, թե ինչ եք ուզում և կառաջնորդե
ձեզ դեպի ձեր դիմաց գտնվող ժայռերը:

Գյուղի հին, զարմանալի տապանաքարերի բաղմությամբ
ժածկված գերեզմանատնից վերև դուք կընկնեք մեծ-մեծ, ցից
քարերի մեջ, որոնք կարծես դիտմամբ, մեկի ձեռքով տնկված
ծն հողի մեջ: Մի քիչ էլ դեպի վեր, և դուք կկանգնեք մի ա-
հագին, բայց ոչ բարձր, միապաղաղ սև ժայռի առաջ: Ժայռի
ճակատը հղկված է և վրան քանդակված է մի քանի տող սե-
պածեւ արձանագրություն: Նրան կարդացել է ուսու գիտնա-
կան նիկոլսկին: Ուրարտուի թագավոր Արգիշտին նվաճել է
այս կողմերը.— ահա ինչ է ասում արձանագրությունը: Վանի
մեծ թագավորության հյուսիսային ծայրն է սա: Սահմանա-
պահ մի բերդ պիտի լինի այս ձորի ժայռերի վրա,— և ճիշտ
որ, նրա հետքերը նկատվում են այժմ, թեև ոչ իսկական ու-
րարտյան հետքերը:


Վերջին 20—30 տարիների ընթացքում ինչե՞ր արին
սեպածեւ արձանագրությունները: Նրանք խորտակեցին մի
ամբողջ պատմություն, որի մի մասն էր կազմում մեր հին
պատմությունը, դարերի անհայտությունից աշխարհ հանեցին
մի զարմանալի, անծանոթ ազգ, որ հազարավոր տարիներ
առաջ ապրում և գործում էր այստեղ, կուլտուրա էր զար-
գացնում, նվաճողական արշավանքներ էր կատարում իր պե-
տության գոյությունը ամրացնելու համար:

Ես մի առանձին հետաքրքրությամբ էի նայում այդ
խորհրդավոր նշաններին, որոնց միջից նայում էր քարելա-

ասորական քաղքակրթության մի փոքրիկ ճյուղավորությունը, նա, որ հաստատվել էր հայկական լեռնաշխարհում ուրարտացիների ձեռքով: Ի՞նչ զարմանալի դիմացկունություն այս ժայռի մեջ: 2600 տարիների անձրևները, քամիները չեն կարողացել հալել մաշել այդ մի քանի շարք փոքրիկ և խոր, եռանկյունի փոսիկները: Նրանք մնացել են, որպեսզի հազարավոր տարիների լուսնությունն ու անհայտությունը վերջիվերջո խախտեն և ցուց տան, թե այն ազգը, որ այսպիսի նշաններ էր փորում ժայռերի վրա, անմահ հիշատակի բոլոր իրավունքներն ունի:

Անմահանում է պատմական հսկան, աշխարհակալը, անմահանում է հանճարը: Այստեղ ոչ հսկա կա, ոչ հանճար: Մի թագավոր իմացել է նվաճումներ անել. նա հասել է այս տեղին, բերելով իր հետ Տիգրիս-Եփրատյան հովտի զարմանալի քաղաքակրթության պատահկները: Ահա ինչ է ասում սև ժայռը: Եվ ստացվում է ճիշտ որ խոր, ազդու տպավորություն: Հուշարձանը մի որևէ թանգարանի անկյունում չէ ընկած. նա իր բնական տեղումն է, իր պատվանդանի վրա: Դիրքը, շրջակայքը, երկիրը—ամեն ինչ չորս կողմում անհուն հնության պատկառելի ազդեցությունն է սաստկացնում...

Մեր կառքերը դղրդում են Ղանլիջայի նեղ, քարքարոտ փողոցներում, դուրս կանչելով այն մերկությունը, որ պատըսպարված է քարե տների մեջ: Կոչ եկած մարդիկ, ցնցոտիներ, բոլորովին տկլոր երեխաներ, աղը ու կեղտ: Բայց Վերին-Ղանլիջայի հարավային ծայրում բարձրանում է մի հսկա, գեղեցիկ եկեղեցի: Նա շատ հեռվից, գեռ ձորի եզրից էր գրավել մեր ուշադրությունը: Այստեղ, գյուղի մեջ, նա աշք ծակող մի հակասություն է ներկայացնում: Այդքան գետնատարած մերկություն և այնպիսի գեղարվեստական վեհություն արտահայտող եկեղեցի: Ոչինչ ներդաշնակություն: Իսկույն զգում էի, որ խղճուկ գյուղը քախտի բերմունքով մի այդպիսի, իրան անսովոր, զարդ ժառանգություն է ստացել Հին-Հին դարերից: Եվ այնքան բարեհաճ է եղել ժամանակը դեպի այդ զարդը, որ նա այժմ Շիրակի անթիվ-անհամար



շարդուփիշուր եղած պատերից մեկը չէ, պահվել է ամբողջությամբ, այսօր էլ ծառայում է քրիստոնյա ժողովրդին:

Եկեղեցին հոլակավոր Մարմաշենն է, Շիրակի հայկական անկախության ժամանակների հուշարձաններից մեկը՝ Նրա բարձր պատերը, սրբատաշ քարերի զարդերը, պատերի մեջ կամարավոր սյուները, արձանագրությունները ձեզ իսկուն փոխադրում են Անի: Բազրատունիների դարի կնիքը՝ նույն կարմիր քարերը, նույն համարձակությունը և ճարպիկությունը, որով այդ ահագին սալերը տաշվում, հղկվում էին զարդերով ծածկվում, պատեր, կամարներ, թաղեր դարձվում: Գմբեթն է փոքր-ինչ ճարտարապետական ոճի տարրերություն ցույց տալիս. բայց նա, անշուշտ, հետո է շինված, վերանորոգության ժամանակ, որի մասին երկար խոսում է Հյուսիսային պատի մեծ արձանագրությունը: Գմբեթը մեր օրերում էլ վերանորոգության է ենթարկվել Ալեքսանդրապոլի քաղաքագլուխ Գ. Տեր-Պետրոսյանի նախաձեռնությամբ: Վերին աստիճանի բնորոշ անխական առանձնահատկությունը—երկար, խոր եռանկյունի խորշերը, պատերի դրսի երեսին Մարմաշենն էլ ունի: Ներսը անզարդ է, սևացած և մութ նեղ պատուհանները շափաղանց ժամատ լույս են ներս թողնում: Ներսում սյուներ չկան. խոնավության ծանր հոտն է խորությունին: Բայց կտուրի և գմբեթի բարձրությունը հին շինության գեղեցիկ, աղղու տպավորությունն է ամբողջացնում:

Եինությունից ավելի գեղեցիկ է շինողի անունը: Դա մեզ ժանոթ հերոս Վահրամ Պահլավունին է, որ եկեղեցու հարավային պատի վրա մի երկար և շատ լավ պահված արձանագրություն ունի:

Մարմաշենը, ինչպես վկայում է այդ արձանագրությունը, մեծ իշխանի տոհմային հանգստարանն էր և այդ պատճառով էլ նրա առանձին ուշադրությանն է արժանացել: «Երնեցաք,— ասում է նա, — և այլ բազում եկեղեցին և վանուրայս. բայց զտեղի հանգստեանս մերոյ առաւել պատուվ մեծացուցաք և լիացուցաք ամենայն դոյլիք, լեռամբը և գաշտօք, աւանդեցաք ի սա գիւղս և ագարակս գանձագինս»: Մտեք քանդված ժամատունը կամ դավիթը, նա մաքրված

է ավերակների կույտերից և ներկայացնում է մի փոքրիկ համարյա քառակուսի սալահատակ տեղ, շրջապատված կիսատ պատերով: Մնում են ժամատան սյուների հիմքերը՝ ինչ որ կիսատ արձանագրություն է կարդացվում երկու մեծ կտոր սպիտակ քարերի վրա, որոնք ավերակների միջից են հանված: Եվ այդ ավերանքի, ջարդուփիշուր պատերի, խորտակված սյուների մեջ, եկեղեցու մուտքի կողքին բարձրացած է մի բոլորովին անվնաս մնացած, բոլորովին նոր գերեզման, որի վրա գրված է, թե դա պատերազմում սպանված Վահրամ իշխանի տապանն է¹:

Ես նայում էի տառերին և զարմանում էի նրանց ձևի վրա. մեր օրերում գործածական գլխատառերի ձևն ունեինք Զարմանք էր պատճառում մանավանդ այն, որ աննզծ էին մնացել նույնիսկ այն տողերը, որ քարի վրա վծել էր արհեստավորը նրանց մեջ տառերը փորելու համար: Եվ, վերջապես, ոչ մի վնաս չէ գիտել այդ քարերին, չկա նրանց վրա նույնիսկ մի փոքրիկ քերթվածք, մի կոտրված մասնիկ: Զարմանքս ուշ փարաւլեց, երբ մի գյուղացի պատմեց, թե ընդունմենք հինգ տարի առաջ է շինվել այդ գերեզմանը: Բանից գուրս հկավ, որ մի քանի շիրմեռանդ ալեքսանդրապոլցիներ, կամենալով մեծ Պահլավունուն իրանց հարգանքն ու հիացմունքը հայտնել, նորոգել են նրա գերեզմանը, արձանագրություն են հորինել նրա համար: Նպատակը բարի է եղել, բայց միջոցը՝ անպետք: Հնության հետ այդպիս չեն վարվում: Աշխատում են, որքան կարելի է, պահպանել հնությունը, իսկ երբ վերանորոգություն են կատարում, այդպիս էլ գրում են: Պահլավունուն հարգողները մոռացել են այդ տարրական ճշմարտությունը և կատարել են մի տգեղ կեղծիք: Եթե եղելության տեղյակ գյուղացի շպատահե Մարմաշենի գավթում, այցելուն պիտի սաստիկ մոլորության մեջ մնա:

Բայց ո՞րքան ճիշտ է, թե Վահրամ իշխանի հավիտենական հանգստի իսկական տեղն է ցույց տալիս այդ գերեզմանաբարը:

Վահրամի մահից 178 տարի հետո նրա ժառանգները, Քրիզոր Եպիսկոպոսը և նրա եղբայր Խարիֆը, վերանորոգում

¹ Մարիամ ափիս. թագուհի, տե՛ս Իстория Грузии, եր. 61:

են եկեղեցին, որ այլազգիները բերդի նման մի ամրություն էին դարձրել: Այդ վերանորոգությունը շինության մասերի հիմնավոր փոփոխությանը չէր վերաբերվում, այլ գլխավորապես այն է եղել, որ երկու եղբայրները մաքրել են եկեղեցու մեջ թափած աղտեղությունները, նորից շենացրել ոռապայծառացրել են նրան, նվիրելով կալվածներ: Մինչդեռ կատարված էր այդ գործը, Խարիֆը սպանվեց թշնամու դեմ մղած մի կովի մեջ: Եվ նրա վշտահար եղբայր Գրիգոր եպիսկոպոսը նրա դիակի համար տեղ է պատրաստում Վահրամ իշխանի կողքին: Այս բոլորը պատմում է Գրիգոր եպիսկոպոսը այն ընդարձակ արձանագրության մեջ, որ փորված է Մարմաշենի Հյուսիսային պատի վրա: «Ճմարմին նորա (Խարիֆին),—ասում է նա,—բերեալ թաղեցաք առ դրան սրբոյ կաթողիկէիս մերձ առ նշխարս հաւուն մներոյ Վարճամա իշխանին» (արձանագրության սկզբում էլ Գրիգոր եպիսկոպոսն ու Խարիֆը անվանվում են Վահրամի թոռներ):

Ահա այն միտկ, զատ հավանական վկայությունը, որ ցույց է տալիս, թե ուր հողին հանձնվեց Պահլավունիների հսկա ներկայացուցչի մարմինը: Չամշանն ասում է, թե նա թաղվեց Սանահնի վանքում: Բայց այդ բանի գեմ խոսում են մի շարք փաստեր և, ամենից շատ այն, որ ինքը, Վահրամը, այստեղ էր ընտրել գերեզմանատուն իր և իր տոհմի համար. այստեղ էլ իր մահից 32 տարի առաջ նա թաղել էր իր ամուսնուն, Սոփիա տիկնոջը, որ, ինչպես ասված է նրա տապանաքարի վրա, վախճանվել էր երիտասարդ հասակում:

Թո՛ղ ընթերցողը շպարմանա իմ այս մանր խուզարկությունների վրա: Վահրամ իշխանը յուրաքանչյուր հայի համար պիտի լինի հազվագյուտ հերոսներից մեկը, որոնք երեվացել են մեր պատմության ասպարեզում, մեկը այն մեծ և առաքինի հայրենասերներից, որոնք ամեն մի ազգի իսկական պարծանքներն են կազմում: Այս պատճառով էլ փոքր, անհետաքրական հարց շպիտի համարվի այն, թե ուր է թաղված այդպիսի մի պատմական գործիշը: Քանի՛քանի՛ թանկագին շիրիմներ է կորցրել, իսպառ անհայտացրել դաժան ժամանակը: Մարմաշենը ինչ-որ հրաշքով պահել է իր ամբողջությունը և իր երկու կողերի արձանագրություններով

պահել է ու պահում է մեծ Պահլավունու հիշատակը, մի տեղ նրա սեփական գեղեցիկ խոսքերը պատկերացնելով, մյուս տեղ՝ ցուցմունք, թե ուր է նա հանգըստ: Այստեղ, այս դուն մոտ,— ահա ուր է նա: Գերեզմանաքարը եթե ոչ բռլորովին, գոնե մոտավորապես ճիշտ է ցույց տալիս հանգստյան տեղը:

Նրա առաջ նստելը, նրան մտքեր ու խոներ նվիրելը մի րոպեով թողե՛ք. եկեք դուրս գանք գավթից, նորից կանգ առնենք Վահրամի մեծ արձանագրության առաջ: Մարմաշենը տոհմային սեփականություն է և շինված է տոհմի գլխավոր ներկայացուցիչների անունից, թեև արձանագրության մեջ խոսողը Վահրամն է: Նա ասում է, որ եկեղեցու շինությունը սկսվեց Սմբատ թագավորի (Տիեզերակալի) ժամանակ և վերջացավ Հովհաննես-Սմբատի թագավորության օրով, 986—1029 թվականներին, ուրեմն 43 տարվա ընթացքում: Այդքան երկար ժամանակամիջոցը, իհարկե, անընդհատ գործադրված շէ եղել մի այսպիսի փոքրիկ շինության վրա. անշուշտ զանազան պատճառով երկար ընդհատումներ են եղել: Սակայն շինությունը այնքան էլ հեշտ չէր, և Վահրամ իշխանը, որ բազմաթիվ վանքեր ու եկեղեցիներ է շինել իր հարստություններից, այս մեկի մասին ասում է, որ մեծ շանքեր և շատ ծախսեր է նա կլանել:

Շինողների անուններն էլ այսպես է դասավորում Վահրամը. «Ես և մայր իմ Շուշիկ (կամ Շուշանիկ) Հայոց տիկնաց տիկիններ և եղբարք իմ Վասակի իշխանաց իշխան (Գրիգոր Մագիստրոսի հայրը), որ նահատակեցաւ ի թուրքաց պատերազմին և Ապլխարիք Հայոց մարզպան (ս. Փրկիչ եկեղեցու շինողը և Ապուղամբենց ս. Գրիգորը տոհմային գերեզմանատուն դարձնողը) և մանուկն Համդէ (որ փոքր հասակում էլ մեռավ, ինչպես ցույց է տալիս Ապուղամբենցի արձանագրությունը):» Ինչպես դիտենք, այս շորս եղբայրները Գրիգոր իշխանի որդիներն էին: Բայց նրանք միասին չեին ապրում. Վասակը սպանվեց իր հայրենի Թջնի ավանում (էջմիածնի Հյուսիսային կողմում), Ապլղարիքը Անիում շինեց գերեզմանատուն, իսկ Վահրամ իշխանի ամրոցը հենց այստեղ, Արփալայի ձորի այս ժայռոտ կողի վրա էր գտնվում, հավանաբար այն խել տեղում, ուր ուրարտյան Արգիշտի թա-

գավորը բերդ էր շինել: Թեև այսպես բաժան-բաժան, բայց Վահրամը՝ իր նղրայրների և մոր անունից շինեց Մարմաշենք, տալով նրան տոհմային սեփականության պատիվը և այդ սեփականությունից էլ հարուատ կալվածներ հատկացնելով նրան:

Այսպիս՝ սեփականությունը, իսկ ի՞նչ էր նրա տեր տոհմը: Վահրամը ներկայացնում է և նրան: «Որք էաք,— ասուած է, — ամենայն տամբ և տոհմիւր հաւատարիմք տէրանց մերոց և նահատակեալ ի վերա տանս Հայոց աշխատութեամբ և արեամբ մերով և որդոց մերոց, և գանձուց առատութեամբ և ամենայն հնարիւր խնդրէաք զիսաղաղութիւն աշխարհիս և զհաստատութիւն եկեղեցեաց»:

Ոսկե՛ խոսքեր, որոնք, ինչպես տեսնում ենք, սնապարծությամբ շեն խոսում այս կարմիր քարերի երեսից, այլ համեստությամբ, զարդարուն սրտաբացությամբ պատմում են այդ մարդկանց կատարած գերը: Նրանք հավատարիմ էին իրանց տերերին, այսինքն՝ Բագրատունի թագավորներին: Նրանք իրանց անձնական բոլոր ջանքերը, իրանց մեծի ու փոքրի արյունը նվիրած էին հայրենիքին և ոչինչ չէին խնայում՝ ո՛չ գանձ, ո՛չ ուրիշ որևէ միջոց՝ հայրենիքի խաղաղությունը և բարեզարդությունը ապահովելու համար:

Եթե տեսնելով ֆեռդալական այն խառնակությունները, որոնք ամբողջ ժամանակ տակնուվրա էին անում հայոց երկրը, մենք զարմանում ենք, թե դեռ ինչպես էր, որ խաղաղու աշխարհաշեն թագավորություններ էլ էին մնում, — շպիտի մոռանանք, որ այսպիսի մարդիկ էլ կային մեր հայրենիքում: Դժրախտությունն այն էր, որ սրանք քիչ էին, հազվագյուտ Ավելի ևս, ուրեմն, բարձրանում է այդ բացառիկ երևութների, այդ աննման հերոսների նշանակությունը սաստկանում է նրանց աղդած հիացմունքը:

Մենք երախտապարտ ենք Գրիգոր Մագիստրոսին, որ իր մեծ հորեղբոր մասին բավական առատ տեղեկություններ է թողել իր նամակների մեջ: Ճիշտ է, բյուզանդական ոգով տոգորված այդ իշխանը միայն ներբողներ կարող էր նվիրել իր տոհմի ամենափայլուն ներկայացուցչին, բայց այս դեպքում մենք միայն նրան շունենք վկաս ժամանակակից կամ

ժամանակով մոտ պատմագիրներն էլ հիացմունքով են խոսում նրա մասին: Եվ, հիմնվելով այդ նյութերի վրա, մենք կարող ենք, գոնե աղոտ կերպով, նկարել այդ վեհ հասակը այստեղ, նրա գերեզմանի առաջ:

Վահրամ իշխանը գերեզման մտավ ութսուն տարեկան հասակում, 1047 թվականին: Ուրեմն նա ծնված պետք է լինի 967 թվականին: Այս հաշվով նա 19 տարեկան երիտասարդ էր, երբ սկսեց Մարմաշենի շինությունը: Եվ այդ վաղ բարեպաշտական եռանդը տարօրինակ չի թվա, եթե մենք աշքի առջև ունենանք նրա ծնողներին: Գրիգոր իշխանի մասին, որ նրա հայրն էր, մենք ընդպարձակ տեղեկություններ չգիտեսք: Հայտնի է միայն, որ նա մի բարեպաշտ, եկեղեցասեր և մարգասեր իշխան էր, և նրան միանգամայն արժանի ամուսին էր Ծուշիկ տիկնաց տիկինը, որի մասին խոսել ենք Ապուղամբենց ս. Գրիգորի նկարագրության մեջ:

Տասն և հինգ տարեկան էր Վահրամը, երբ քառասնամյա հասակում վախճանվեց Գրիգոր իշխանը: Այրիացած Շուշիկ տիկինը, բավական շնամարելով այն լայն քրիստոնեական քարեգործությունը, որին նվիրված էր իր ամուսունու հետ նրա կինդանության ժամանակ, հեռացավ աշխարհից, մտավ կռւանոց: Երեսուն տարեկան էր նա այդ ժամանակ և մինչև կյանքի վերջը մնաց խիստ ճգնող:

Ահա ամենից առաջ ինչ ժառանգեց Վահրամը իր ծնողներից: Մանկության վաղ օրերից նա տեսնում էր, թե ինչպես աղքատներն ու զրկվածները համակրանք և աշակցություն են գտնում Գրիգոր իշխանի տանը, ինչպես հայրն ու մայրը փող ու հարստություն շեն խնայում գերիներ աղաւելու համար, եկեղեցիներ են շինում, եկեղեցիներ են զարգարում: Այստեղից ահա Վահրամ իշխանի ընավորության ամենալայն գիծը՝ բարեկաշտություն, աշխարհաշինություն: Կա հետևեց իր ճգնավոր մոր օրինակին, վանքեր և եկեղեցիներ շինելով: Նրա դոները բաց էին ամենքի համար: Ամեն ժեկը գիտեր, որ իշխանի ապարանքում պատրաստ ապահուած ունի և առանց հարցնելու մտնում էր այնտեղ, ինչ ուզում էր՝ պահանջում էր ու ստանում: Եվ որ ամենագեղեցիկն է՝ այդ սրտաբաց հլուրընկալությունը ազգություններ չէր

ճանաշում. Հայի հետ հավասար իրավունքով պատսպարվում և հյուրասիրվում էր և պարսիկու Խաղաղության գործին նվիրված իշխանը վերին աստիճանի արդարադատ էր և արդարասեր. երկիրը ծաղկեցնելու հօգս տանելով, նա սիրում էր և կուլտուրական կյանքի հիմքը—երկրագործությունը:

Բայց այս բոլոր բարեմասնությունները դեռ բավական չէին, որպեսզի հոչակվի մի իշխան այն ժամանակներում, երբ ուժն էր զլխավորը, երբ բռնությունն էր տիրապետության իրավունքները օրինականացնում: Վահրամ իշխանը մի թուլամորթ ճգնավոր շէր, երկրայինը շէր մոռանում երկնայինի համար: Նա շատ լավ զիտեր, ավելարանական ասացվածքի պես; աստուծունը աստուծուն տալ, կայսրին՝ կայսրին: Եվ երբ պահանջում էր հանգամանքը, խաղաղասեր, հյուրընկալ իշխանը զրահ էր հագնում, զինվում էր և նետվում պատերազմի փոթորիկի մեջ, ուր նույնպես առաջին տեղն էր բռնում, նույնպես աշքի ընկնող էր իր անվեհներ քաջությամբ:

Բարեպաշտությունը ժառանգական էր, իսկ քաջությունը: Երկի նույնպես ժառանգված, թե ոչ հորից, գոնե պապերից: Գրիգոր իշխանի որդիները վախկոտներ չէին: Գոնե երկուաը՝ Վասակը և Վահրամը ժամանակի ամենաքաջ մարդիկն էին: Վասակը մի բուռն մարդկանց հետ դուրս եկավ սելջուկյան մի ստվար զորաբաժնի դիմ, որ արշավում էր զեպի թշնի: Այդ փոքրիկ ուժով նա ընկալ թշնամու վրա, կոտորեց, փախցրեց նրան և, երբ հաղթանակով վերադառնուած էր, Սերկեսիլի սարի վրա սպանվեց մի անհայտ դարանակալի ձեռքով:

Բայց պատերազմի գործում մեծ եղբորից ավել հոչակվեց Վահրամը: Սրա քաջագործությունները այնքան որոտալից էին, որ տարածվեցին աշխարհի բոլոր կողմերում, Հայաստանի ստիմաններից դուրս էլ ահագին արձագանքներ տվին: Վրացիները, հավատացնում է Մագիստրոսը, տաղեր և երգեր հորինեցին Վահրամի վրա և պարելով երգում էին հրապարակներում: Հայաստանում գտնվեցին այնպիսիները, որոնք սկսեցին զրի առնել Վահրամի գործերը, որպեսզի նրա մահից հետո դուրս բերեն նրա կյանքի ամբողջ պատմու-

թլունը: Տարարախտաբար իրանք, այդ կենսագրողները Վահրամից շուտ մեռան և նրանց հավաքած նյութերը կորան:

Հայաստանի սահմանակից մեծ և փոքր պետությունների տերերը մեծարեցին հոչակված հայ զորավարին իրանց պատվավոր տիտղոսներով և հարուստ բնծաներով, որ ուղարկում էին Վահրամի տունը՝ հատուկ պատգամավորությունների ձեռքով: Բյուզանդական կայսրը շնորհեց նրան անթիվատ պատրիկի տիտղոսը (այդ տիտղոսով էլ Վահրամը իրան հիշատակում է Մարմարենի արձանագրության մեջ), թաղդաղի Խալիֆը և Պարսկաստանի կիսանկախ Էմիրները, կողմնակալի, բգեշխի պատիվ հատկացրին նրան: Սրով ու կորովով նվաճած այդ հոչակն ու փառքը, սակայն, չկուրացրին Պահապետնի իշխանին, շարժարեցին նրա մեջ փառասիրական մեծ տենչեր: Այստեղ է ահա նրա բնագործության ամբողջ վսեմությունը, ամբողջ մեծությունը: Հայաստանը, ինչպես վերեւում ասացի, մի երկիր էր, որ ուղմիկ նյութեր էր տալիս հարեան երկրներին, գլխավորապես Բյուզանդիական: Վահրամը, իր հոչակի վրա հենված, կարող էր մեծ փառք դտնել իր հայրենիքի սահմաններից դուրս, օտարների ծառալության մեջ: Բայց նա չհրապուրվեց այդպիսի փառքով, չդարձավ մի անձնամոլ հերոս, որի համար դափնիներն ու պսակներն ունեն նշանակություն, որ էլ կարելի լինի նրանց հնձել: Զանազան կողմերից, առավելապես, երկի, Բյուզանդիայից նա ստանում էր հրապուրիչ առաջարկություններ: Առաջարկում էին թողնել հայրենի երկիրը, առաջարկում էին օտար երկնքի տակ ստանձնել զորավարի, գրլիավոր հրամանատարի պաշտոններ: Բայց նա չսեց և ոչ մեկին:

Ի՞նչ ազնիվ, անշահասիր հայրենասիրություն: Մի ուրիշը, գոռողացած այնքան զարմանալի հաջողություններից, շողոքորթված թագավորների, կայսրների և ազդեցիկ իշխողների հաճոյական նամակներից, որոնց պատասխանները սպասվում էին արքունիքներում, կարհամարեն իր հայրենի աղքատ ու դժգույն իրականությունը, իր փառքին ու ընդունակություններին արժանի չէր համարի իր փոքրիկ երկիրը և կգնար ոչ թե նոր-նոր հոչակ վաստակելու, այլ ունեցածի

պտուղները լիովի վայելելու։ Սակայն Վահրամի մեջ առաջ քինությունը քաջարի զինվորի հաստատակամության հետ ձուլված էր։ Եվ նա մնաց իր տանը, որպեսզի իր ժողովուրդը խնամե, նրա լավ օրի գաղափարին նվիրվի։ Մնաց իր հաշրենիքում, որպեսզի հավատարմությամբ ծառայե իր տերերին, իր հարազատ թագավորներին։

Ահա ինչպիսի մարդիկ էին պակասում մեր դժբախտ հայրենիքին։ Ահա ինչ տեսակ հսկաներ էին, տարաբախտաքար, թվով շատ քիչ, շատ աննշան մեր երկրում։ Այսպիսի ամբողջացրած, կատարյալ տիպեր մեզանում գիսավոր աստղերի պես են երևցել։ Եվ շգիտես թե ինչի վրա ավելի հիանաս—անվեհեր քաջության թե քաղաքացու պարտաճանաշության վրա, փայլուն ճակատագրի՝ թե զարմանալի համեստության վրա։ Ամեն ինչ խոշոր է այս մարդու մեջ։ Ոչինչ գած, ոչինչ մանր բան նրան չէր տված։

Մնալով հայրենի երկրում, նա երբեք շշահագործեց իր ահագին հեղինակությունը իր կամ իր դասակիցների ոռքարեկամների համար։ Անխախտ էր նրա սկզբունքը։ Եվ իր համեստ գավառից, ծերության հասակում, նա դուրս եկավ օրհնասական վտանգի ժամանակ, երբ դավաճանությունը պատրաստվում էր հաղթանակ տօնել։ Թագրատունյաց գահի ավերակների վրա։ Վահրամը դուրս եկավ Անիի մեջ մի դերում, որ նրա սպիտակ մազերը ամեն երկրավոր թագերին պվելի մեծ փայլերով էր զարդարում։

Տեսանք այդ դերը։ Տեսանք, որ իր ազգի շահերք պաշտպանելու համար նա սուրը ձեռքին դուրս եկավ այն կայսրության դնմ, որ նրան անթիպատ պատրիկ էր անվանել։ Կարո՞ղ էր նմանության պես մի որևէ բան լինել նրան այն վեստի մեջ, որ նույնպես իշխան էր, նույնպես պատիվ ու հարստություն ուներ, բայց աշքը դրած էր բյուզանդական շքեղ սեղանի վրա և քսու, գետնատարած գարշելիությամբ փառքի փշրանքներ էր մուրում այնտեղից, ո՞վ դիտե, դուք և մտքով անց կացնելով, թե թագրատունյաց թագը մի օր կարող է հանդիւ իր անարժան գլխի վրա։

Վահրամը, տեսանք, հաղթեց թե կայսրին և թե իր եղբարդու փեսային։ Հերոսական պողպատե թագուկով նա-

սստեցրեց երիտասարդին իր պապերի գահի վրա։ Իսկ ինքը ազնիվ ու անշահասեր, հեռացավ ասպարեզից։ Մինչև իսկ չփորձեց իր ահագին հեղինակությամբ պաշտպանել իր եղբարդուն, երբ նա, իր բյուզանդամոլ հակումների պատճառվ, դավադրության մասնակից համարվեց և հալածական դարձավ։ Անշուշտ, այդ բյուզանդամությունը մեծ սառնություն մտցրեց Վահրամի և Գրիգոր Մագիստրոսի մեջ։ Որպիսի կոկիծով լսած պիտի լիներ նա իր կյանքի վերջին ժամանակներում, թե ինչպես այդ եղբարդողին, վախկոտության տիպը պատկերը երեսին, թշնին տվեց կայսրին և ընդմիշտ հեռացավ պապերի հողից…

Տեսանք մենք, որ դավադրությունը իր գործը կատարեց։ Տեսանք, որ Գագիկը, գուցե անփորձությունից փոքր-ինչ երերուն երիտասարդ, լսեց Վահրամի խորհուրդը և գնաց Բյուզանդիայում կորսոյան վիճ գտնելու։ Ո՞ւր էր այդ ժամանակ Վահրամը։ Այստեղ, երեխ, այստեղ, Արփաշայի այլ ձորում, մենակ իր վշտի հետ։ Այստեղ, վերեռում, նրա ամրոցն եր, շրջապատված «սքանչելի» և ամրապատ պարիսպներով ու աշտարակներով», ինչպես ասում է Մագիստրոսը։ Հայաստանի մեջ կա՞ր մի ուրիշ այդպիսի գեղեցիկ ու պինդ ամրոց։ Նույն Մագիստրոսը բացասական պատասխան է տալիս, իու Հարկին, Համեմատելով այդ փոքրիկ ամրոցը Անիի բերդի հետ։ Ահա այդտեղից, իր Վահրամաշենից, ցած էր իշնում թառ թեալաշտ մեծ ծերոնին, մտնում էր իր Մարմաշենը, սրտի դառնության դեմ մխիթարություն էր որոնում աղոթքի, երկնքի տուաջ խոնարհությամբ գլուխ իշեցնելու մեջ, և ապա ալեզարդ հոնքերի տակից խոժոռ հայացք էր ուղղում դեպի համապատ դեպի Ալաջայի ստորոտը, ուր կատարյալ տեր էր դարձել դավադրությունը։

Երկար շտանցին ծերունու այդ օրերը։ Անիի մեջ հաստատված հույն կուսակալը վեճի բռնվեց Դվինի Արուսվարքի հետ։ Դեռ հաղիվ մի տարի էր անցել Անին հափշտակելուց, և ահա պատերազմ բռբքովվեց։ Հույները հաղթեցին, իսկ Արուսվարը նրանց վրեժը Արարատյան դաշտի հայերից հանեց, սրով և հրով տանջում էր նրանց, մահմեղականացնում էր։ Իր գտած հաջողություններից հանդնացած՝ նա ա-

վելի առաջ անցավ, ասպատակություններ էր անում Շիրակում, հասնում էր մինչև իսկ Անիին...

Ահա այդ ժողովրդական աղետը դուրս հանեց ծերունի առյօտին Վահրամաշենից: Ութսուն տարիները նրան շէին քննկնել, և նա զորք էր տանում Արուավարի գեմ: Հունաց անիրավ տիրապետության համար չէր նա սուրբ պատյանից հանում, այլ իր ժողովրդի համար: Այդ պատճառով էլ նա անհարմար շգտավ, որ հույն զինվորներն էլ միանան իր զորքին: Իր հետ նա տանում էր և իր որդի Դրիգորին:

Պատերազմական բախտը այս անգամ էլ շդավաճանեց նրան: Մահմեդական զորքը շդիմացավ նրա ամուր բախման և փախուստ դարձավ: Վահրամը հալածեց նրան մինչև Դվինի դոները: Այդտեղ նորից բոլորվեց օրհասական կոփվը, որի մեջ սպանվեց Գրիգորը (Առաքելոց եկեղեցու արձանագրության մեջ հիշվածն է): Սերունին, վկաված այդ դժբախտությունից, սուրբ ձեռքին ընկավ թշնամիների մեջ և պատերազմում էր անխնա, ինքն իրան մոռացած: Նրան շրջապատեցին, և զինվորի մահը եկավ լրացնելու այն փառքը, որ այդ մարդու ամրող կյանքն է կազմում: Հայրենիքի հավատարիմ պասավորը մինչև վերջին շունչը շդավաճանեց իրան և վերջացրեց նրանով, որ իր սպիտակ մազերը շաղախեց հայրենիքի փրկության համար թափած արյունի մեջ: Ի՞նչ մահ...

Շիրակը նորից որբացավ: Լաստիվերտցին ասում է, որ այդ մահը մեծ կորուստ էր առհասարակ հայերի համար: Հույները դեռ քաշվում էին այդ պատկառելի մարդուց, երբ նա հողի մեջ մտավ, նրանք սկսեցին իրանց դարավոր ատելությունը հրապարակ հանել: Դրանից հետո էր, որ Պետրոս Գետադարձին տարան Կ. Պոլիս...

Ահա ինչեր է ասում Մարմաշենի դռան կողքին գտնվող գերեզմանը:

Եվ մինչդեռ ես նստած էի այդտեղ, եկեղեցու ներսում մի ինչ-որ ձայն բարձր ելեէջներով հնչում էր կամարների տակ: Դա աղոթք չէր: Գաղթական թուրքահայ քահանան, ցնցոտիներով պատած մի բարի և խղճալի ծերունի, հուզիլ շեշտերով և անման պարզությամբ պատմում էր 1895-ի կոտորածը Սասունում: Այսպես է մեր պատմությունը: Ամեն

ինչ—հնադարյան ավերակ, եկեղեցի, գերեզման, կենդանի քահանան կոտորածների, դժբախտությունների մասին է խոսում...

Պահապունիների այս գերեզմանատունը, ինչպես երևում է, միայն այս եկեղեցին չէ ունեցել. նկատվում են նրա մոտ մեծ-մեծ ավերակներ, իսկ մի մատուռ, եկեղեցու հարավային կողքին, այժմ էլ կանգուն է: Հին գերեզմանների մեջ, արևելքան պատի տակ, ցույց են տալիս մեկը և ասում են թե Վահրամ իշխանի կինն է: Բայց ուրիշ աղբյուրներից իմանում ենք, որ տիկինը թաղված է եղել այն մեծ վանքում, որից մնացած մի պատի ավերակը երևում է այստեղից քիչ հեռու, հյուսիսային կողմում: Նշանավոր է, ասում են, և հին կամուրջը, որ շինված է Արփաշայի վրա: Պետք է զարմանալ: Վահրամ իշխանաց իշխանն էր այս տեղերի տերը:

Նրա գեղեցիկ հիշատակներով զվարի՝ վերադարձա Ալեքսանդրապոլի: Վահրամաշենը շպետք է բաժանել Անիից...

Այդ օրվա մի փոքրիկ տպավորությունս էլ պիտի պատմեմ: Ալեքսանդրապոլի հայոց եկեղեցիներից մեկը, Ամենամիքիը, Անիի Մայր եկեղեցու նմանությամբ է շինված: Մենք այցելեցինք այդ մեծ, բարձր, գեղեցիկ շինությունը: Թիֆլիսը իր 50—60 հազար հայ ազգաբնակությամբ չունի և ոչ մի բան, որ հիշեցներ այդ ընդարձակ տաճարը: Բայց Ամենամիքի ճարտարապետության վրա մեծ կարծիք կազմելու համար մարդ շպետք է տեսած լինի Անիի Կաթողիկեն: Եթք մտաքերում ես, թե դա Անիից վերցրած ընդօրինակություն է, իսկույն աշքիդ առջև պատկերանում է սերունդների տարբերությունը: Ալեքսանդրապոլցիները հայտնի են իրեն ճարտար ու վարժ վարպետները: Բայց ի՞նչ համեմատություն բուն օրինակի և նրա պատճենի մեջ: Այստեղ այն տպավորությունը չկա, քարեր են դարսված իրար վրա, ընդօրինակող ձեռքք կոպիտ է եղել, չէ կարողացել ընդօրինակել և այն օդային, թեթև, նուրբ արտահայտությունը, որով տոգորված է Անիի Մայր եկեղեցու յուրաքանչյուր քարը:

Սերունդների տարբերություն... Նա շատ է աշք ծակում, բայց նրան, իհարկե, կարելի է բացատրել շատ պատճառը ներով:

Երեկոյան ես ճանապարհ էի դնում իմ ընկերներին թիֆ-
ֆիս: Ինքս շգնացի: Դեռ մի քանի տեղեր էլ էի ուզում տես-
նել:

Տեսա սլաղ, հունիսի վերջին օրվա արևի տակ անգամ
մըսող կարսը: Մյուս օրը Գր. Խալաթյանի հետ իշա երկաթու-
լով Արարատյան դաշտի կրակների մեջ:

Տեսա էջմիածինը իր խիտ ծառաստանների, այդիների
մեջ, մոծակների ու մլաշների անողորմ կամայականության
մատնված: Տեսա նրա լավն էլ, վատն էլ: Տեսա Զվարթնոց
Ֆկեղեցին, զարմանալի հնությունների այդ թանգարանը:

Տեսա Երեանը իր Զանգիով, իր կեղտոտություններով ու
յոժակներով, նայելով նրա կավե պատերին, հիշեցի Արով-
ցանցի շափազանցեցրած, ահեղ, բայց սիրուն նկարագրու-
թյունը:

Շատ և շատ անգամ տեսա Մասիսն ու Արագածը:

Վերջապես տեսա Օշականը, ու Մեսրոպի գերեզմանց
Կեղեցու խաղաղ ստվերի մեջ:

Զգացմունքների մի ահագին բնո էի տանում հետո էջ-
միածնից: Երբ գնացքը մոտենում էր Անի կայարանին, մենք
կանգնեցինք պատուհանի առաջ: Հեռվում, արեգակի պայծառ
լուսերի մեջ, նորից, վերջին անգամ, երեացին այժմ ինձ
այնքան ծանոթ, այնքան սիրելի ավերակները:

Եվ ես զգացի, որ ամենից ուժեղը, ամենից ուպավորի-
չը, ամենից անմռանալին դրանք են, այդ սգավոր պա-
տերն ու շենքերը...»



ԱՆՁՆԱՆՈՒՆԵՐԻ ՑԱՆԿ

- Արտա բագավոր 309, 315, 317,
356:
Արքայացներ 299, 309:
Արիս 37, 187:
Արովյանց նեխիք 43:
Արովյան Խաչառուր 32, 33, 374:
Արքանամ 192:
Արու-Մուսե, տե՛ս Սաալի իշխան:
Արուսայիդ Թեհառուր, խան, 250:
Արուսվար Էմիր 371, 372:
Արարեկ Վահրամ 122:
Ալիշան Աւոնդ 53, 54, 81, 92,
95, 109, 142, 176, 237:
Ալ-Մորիկիերի խալիք 285, 289,
298:
Ալի-Ասլան 110, 158, 200, 341:
Անմեղ ոստիկան 302:
Ալուսի 32:
Անրուդա Զաբարյան 236:
Աղվանեցնց Գրիգորիս եպիսկո-
պոս 51:
Ամիր Սպանալար Շահնշան 192:
Անանիա Շիրակացի 125:
Անանիա Սոկացի կարողիկո-
356, 357:
Անդրեև Ա. 62, 63, 64:
Աշոտ (որդի Գագիկ II-ի) 341:
Ազոտ Առաջին, թագավոր, 89,
294—297, 299—311, 313, 315,
317, 318, 336:
Աջոտ Բագրատունի (որդի Գա-
գիկ I-ի) 116, 320, 321, 324,
325:
Աջոտ Եւկար, թագավոր, 309,
314:
- Աշոտ Աղոստինի 17, 19, 26, 67,
91, 116, 150, 169, 198, 224,
231, 251, 276, 292, 294,
308—311, 313, 314, 315, 317,
320, 325, 337, 338, 341, 342,
354, 362:
Բայրոն Ջ. 30, 275:
Բաշինչառյան Գ. 66:
Բամաջյան Կ. 66, 270:
Բեզորքագիով 323:
Բիյ-Սուլրան Շեղդատեան 289:

Թժշկյան Մինաս 21, 23, 25, 26:
 Թորե է կունեն 28:
 Թուրիստ, սպա, 216, 217:
 Թռուս, ակադեմիկոս, 26, 37,
 39, 40:
 Թուղա, զորապետ, 284, 285, 286,
 289—294:

 Գագիկ Առաջին, թագավոր, 129,
 130, 131, 151, 163, 230, 246,
 309, 320:
 Գագիկ Արծրունի 313, 314:
 Գագիկ Բագրատունի, Կարսի թա-
 գավոր, 337, 341:
 Գագիկ Երկրորդ, թագավոր, 16,
 158, 200, 224, 325, 327—
 337, 339, 341, 371:
 Գագիկ Շահնշահ, տե՛ս Գագիկ
 Առաջին:
 Գեղամյանց ն. 52, 212, 214:
 Գեղ Դամիանի 236:
 Գեղորգ վարդապետ 36, 131, 132:
 Գեղորգոս 129:
 Գետաղարձ կարողիկոս, տե՛ս
 Պետրոս կաթողիկոս:
 Գրիգոր 192:
 Գրիգոր աղա 196:
 Գրիգոր արքայիսկոս 237:
 Գրիգոր եպիսկոպոս 363, 364:
 Գրիգոր իշխան 232, 244, 246,
 365, 367, 368, 372:
 Գրիգոր Խուզիսի 236:
 Գրիգոր Մագիստրոս 165, 322,
 323, 327, 328, 329, 335, 336,
 341, 357, 365, 366, 368, 371:
 Գրիգոր Պահլավունի, տե՛ս Գրի-
 գոր Մագիստրոս:
 Գրիգոր Վկայակեր, կաթողիկոս,
 165:
 Գեղորգ կարողիկոս 51, 55, 306:
 Գանք Ա. 134:

Գանին վարդապետ 122, 123:

 Խայի իշխան 286—289, 293,
 293:
 Խեմիկ Զելեպի 21:

 Զանզի, ամիրու, 18:
 Զաքար Սպասար 122, 169,
 170, 171, 190, 192, 267:
 Զաքարյաններ 190, 192, 223,
 236, 239:

 Էրրոս 27:

 Թամար թագունի 170, 171:
 Թևողոս Ռշտունի 278, 279,
 299:
 Թուլմա Արծրունի 288:
 Թուրամանյան Թ. 66:

 Խշխան 120:
 Խվան Զաքարյան 170, 236:

 Լազարե, գեներալ, 49, 96:
 Լինչ 65:
 Լուի-Միհելով, գեներալ, 45, 96:
 Լուսոս 192:

 Խալարյան Գրիգոր 84, 85, 355,
 374:
 Խալարյան Կարապետ 85:
 Խանիկով 39:
 Խանչես 190:
 Խաչիկ կարողիկոս 151, 354, 356:
 357:
 Խարիփ Պահլավունի 363, 364:
 Խելյան, իշխան, 128:
 Խոսովովանուշ, թագուհի, 152:
 Խուանողն տիկին 236:
 Կաննինց 30:
 Կառմ (Կաշմ) զորապետ 283:

Կառուանիտե թագունի 151, 152,
 153, 159, 187:
 Կարենյանց Հակոբ 42:
 Կեստոներ 39, 40, 52:
 Կեր-Պուտը Ռարեւ 23, 24, 26:
 Կոլյ 27:

 Համզե 246, 365:
 Հենուպ Գրիգոր, իշխան, 120,
 121, 122:
 Հեմիլտոն 27:
 Հոնինց Տիգրան 168, 169, 171,
 172, 174, 182, 243:
 Հովհան Երզնկացի 32, 33:
 Հովհաննես (որդի Գագիկ II -ի)
 341:
 Հովհաննես աղա 196:
 Հովհաննես, թագավոր, տե՛ս Հով-
 հաննես-Մերատ:
 Հովհաննես կարողիկոս 291, 295:
 Հովհաննես-Մերատ, թագավոր,
 115, 116, 131, 270, 309, 320,
 321, 323, 324, 325, 334, 335,
 341, 365:
 Հովհաննես վարդապետ 111, 115:
 Հովհյան Նիկոլոս 131:

 Ծահմուդ 239:
 Ծամախարուն 109, 110, 190:
 Ծամիկոնյան Գրիգոր, իշխան,
 301:
 Ծառ Ն. 61, 62, 127, 150, 163,
 223, 228, 234, 247, 248, 251,
 252, 253, 257, 348:
 Ծառքոս Ռուբայեցի 151, 248,
 334, 339, 341:
 Ծարիամ ռազունի 363:
 Ծարեկով նվազին 64, 65, 193:
 Ծեփ-Շահ 341:
 Ծեմինդ Երկրորդ 60:
 Ծեղշեսի Վ. 32, 47:
 Ծեւող Մաշտոց 73, 374:

Միխայիլ Պահ 323:
 Մինուշեն 239:
 Միիրար 112:
 Միիրար Դամդանի 236:
 Միիրար Խափսկոպոս 235:
 Միիրարյան Արել, վարդապետ,
 40:
 Միիրարյաններ 25:
 Մորամեդ-Թիլլան, խալիֆ, 305,
 306:
 Մոնումախոս Կոնստանդին կայս
 328, 330, 331, 334, 339:
 Մովսես Կաղանիատվացի 286:
 Մութի կայսր 95:
 Մուշեթի խալիֆ, տե՛ս Ալ-
 Մութեքբիրի:
 Մուխտար փաշա 44, 45, 46, 48,
 49, 95, 96:
 Մուհամեմատ 277:
 Մուշեղ 315, 317:
 Մուրավոյ Ա. 38 39, 133, 134,
 231, 271:
 Ցուսուֆ սոտիկան 90, 314:

 Ներսես կարողիկոս 40:
 Ներսես Շինող 161, 163, 247:
 Ներսես Շնուհալի 17, 18, 19,
 165:
 Ներսեսյան 349:
 Նուշիրվան, թագավոր, 231:
 Նուշյատին Թորիք 236:
 Շահնազարյան Կարապետ, 39:
 Շահնշահ (Զաքարի որդի) 169
 236:
 Շահնշահ (որդի Հովհնց Տիգրա-
 նի) 171:
 Շահնշահ սպարապետ 192:
 Շամշադին Սանիպ 236:
 Շանուշ 190:
 Շեկովնիկով, գեներալ, 49, 96:
 Շիրակունի վարդապետ 50:
 Ցուարի 239:

Տաւշտենիկ տիկնունց տիկին 244
 246, 365, 367;
 Լամշյան 334, 364;
 Ամելավունիներ 21, 164, 165,
 223, 231, 244, 246, 247, 323,
 330, 364, 373;
 Կայիկ 236;
 Կոսկանյան Ք. 52;
 Կառուս Դատարած, կաթողիկոս,
 324, 329, 331—334, 337, 339,
 340, 357, 372;
 Կոպկո, գեներալ, 50;
 Կոստո, գեներալ, 22, 57, 60;
 Հօլովյանց Սարգիս 36;
 Հաճապ 303;
 Հանշյան Դ. 61;
 Հափար (Հափր), տե՛ս Ալ-Մահ-
 Բեկիբիլ;
 Հեմելի 22;
 Խժեռուսի 47, 48, 215, 317;
 Ստիտի Պարք 73;
 Սահակովստ 267;
 Սահիպ Դիվանի 236;
 Սահմատ 236;
 Սամվել Անեցի 110, 322, 329;
 Սաստիյաններ 277;
 Սաւզիս կարսդիկոս 357;
 Սաւզիս վարդապետ 109, 121;
 Սաւզիսյան Ներս 36, 37, 109,
 131, 177;
 Սեդա 246;
 Սիմեոն Զմշկիկ 42;
 Սիրատ Առաջին, Բագավոր, 88—
 91, 309, 313, 314, 315, 317;
 Սիրատ Բագրատունի, սպարա-
 պետ, 290—294, 297, 307;
 Սիրատ, իշխան, 120;
 Սիրատ Խոստովանող, տե՛ս Սըմ-
 բատ Բագրատունի սպարապետ

Սիրատ Եւկրանդ (Տիեզերակառ)
 Բագավոր, 148, 150, 151, 155,
 187—190, 192, 193, 250, 274,
 309, 365;
 Սոֆիա տիկին 364;
 Վանեամ տմիւռ 192;
 Վանեամ Պահլավունի 164, 233,
 244, 246, 323, 325, 327, 331,
 336, 338, 341, 362—373;
 Վաղազն բազավոր 127;
 Վաշի 109, 110;
 Վասիկ Պահլավունի 164, 165,
 244, 336, 365, 368;
 Վասիկ, Այունաց Բագավոր, 151;
 Վասիկ կայսր 116, 321, 324;
 Վարդան 110, 200;
 Վարդան Բարձրարեդի 159;
 Վեստ-Սարգիս 321—325, 327—
 331, 333, 370;
 Վերոնդով, իշխան, 39, 40;
 Վերյո Ա. 65, 66;
 Տեր-Բարսեղ 121;
 Տեր-Խաչառուց 23, 23, 25;
 Տեր-Հովհանն 22, 23, 25;
 Տեր-Մինասյան Միքայիլ 146;
 Տեր-Պետրոսյան Գեղամ 85, 86;
 Տերիկ 29, 31, 52;
 Տեղատ, ճարտարապետ, 149, 151
 152, 154, 157, 160, 187, 247;
 276, 345, 354, 356;
 Ուլիքընեմ 27;
 Քալանքար Ալեքսանդր 304;
 Քարիմադին 236;
 Քիշմիշե, գեներալ, 47;
 Քյուրշյան Հ. 51, 52, 54, 85 68n
 154, 231, 269;

ՏԵ՛ԿԱՆԻ ԱՆՕՐԻ ՑԱՆԿ

Արհեմ 275;
 Ալաշոյի ամրություններ 45;
 Ալազան, ոսր, 30, 44, 45, 46, 48,
 49, 67, 96, 99, 106, 147, 201,
 265, 271, 272, 315, 325, 332;
 Ալազան, լեռներ, 82, 94, 95,
 208, 211, 215, 229, 275, 353,
 371;
 Ալաջայի ջուր 208, 211;
 Ալավերդի 79;
 Ալեքսանդրապոլ 12, 13, 42, 44
 46, 49, 51, 55, 64, 73, 81—
 87, 91, 92, 146, 153, 353, 358;
 362, 373;
 Ալեքսանդրապոլի գետ, տե՛ս Ար-
 փաշայր;
 Ալյամ, գյուղ, 46;
 Ալվիար, բարձունք, 353;
 Ալալիցիս 52, 80;
 Ախուրյան, գետ, 12, 13, 21, 33,
 39, 36, 38, 39, 44, 45, 46,
 47, 49, 55, 69, 71, 82, 93,
 14, 36, 103, 106, 111, 113,
 123—126, 131, 132, 151, 172,
 173, 176, 177, 179—182, 186,
 155, 257, 258, 261, 266, 275,
 333, 353;
 Ախուրյան, բաղաք, 92;
 Ախուրյանի նովիս 357;
 Ախուրյանի ձոր 102, 132, 173,
 174, 183, 201, 247, 248, 253,
 255, 259—262, 268, 269, 271;
 Ականց ջուր 112;
 Ակրապոլիս 275;
 Աղքամատ 356;
 Աղյուղ, գյուղ, 92;

Արտագած, լեռ, 82—85, 94, 98;
 99, 374:
 Արշաւայան դաշտ 83, 87, 371,
 374:
 Արշաւայան երկիր 170:
 Արշաւայան նահանգ 203, 293,
 306:
 Արտիս, գետ, 92:
 Արդինա, գյուղ, 151, 187, 257,
 353—358:
 Արվաշայ, գետ, 25, 86, 92, 216,
 353, 373:
 Արվաշայի ձոր 365, 371:
 Արևմտյան Ասիմ 284:
 Արևմտյան Շիրակ 50:
 Արփիկ 279, 310:

 Բարիկն 27:
 Բարերդ, գյուղ, 177:
 Բազավան, գյուղ, 210:
 Բազարան 317:
 Բազնայր, ավան, 118, 272, 274:
 Բազընվանդ 301:
 Բազզնոց, արհեստանոց, 251:
 Բազդադ 89, 270, 283—286, 289,
 292, 293, 301, 302, 303, 305,
 309, 310, 314, 318, 369:
 Բայրախտար, գյուղ, 96:
 Բաշ-Շուշապյալ, գյուղ, 87, 88,
 90, 91:
 Բարձր Հայք 292:
 Բազեներ, տե՛ս Բագնայր:
 Բեխենց վանք 182, 183, 261, 274:
 Բյուզանդիա 60, 119, 158, 270,
 277—280, 300, 304, 312, 313,
 318, 319, 333, 336, 342, 369,
 371:
 Բոսֆորի նեղուց 333:
 Բջնի, ավան, 365:
 Բջնի, բերդ, 164, 335, 336, 368,
 371:
 Բուն փողոց 251:

Գառնի, գյուղ, 203:
 «Գեղան-զյալմազ» 212:
 Գեղարդի վանք 203:
 Գըզ-զալե («ըզբլ-դալե») 266, 269,
 271, 327:
 Գլինոր (Գելինոր) 173, 174, 186,
 186, 187, 188, 201:
 Գորիս, ավան, 203:
 Գտակիառոց, արհեստանոց, 251:
 Գուգարք 292:

 Գարբնոց, փողոց, 251:
 Գերեղ, գետ, 75, 76, 77, 79:
 Գիգոր, գյուղ, 46, 49:
 Գիզակ, գավառ, 286:
 Գորգատ 37:
 Գլին 90, 188, 189, 302, 390,
 330, 337, 371, 372:

 Խղիպոս 278:
 Խղիսիա 18:
 Խղիչե առաջալի վանք (Ղարա-
 բաղում) 127:
 Խվրոպա 21, 23, 24, 26, 27, 158,
 311, 312:
 Խրազդավոր 88:
 Խուսաղեմ 18:
 Խեկան 12, 32, 64, 87, 172, 178,
 188, 193, 374:

 Զանգեզուր, գավառ, 82, 203:
 Զանգեզուրի արշանարք 103:
 Զանզուր, գետ, 374:
 Զվարբնոց, եկեղեցի, 163, 230,
 246, 374:
 Էջմիածին 22, 55, 64, 65, 168,
 164, 230, 365, 374:
 Էրգում 49, 96:

 Թաղլար, գյուղ, 286:
 Թեմզա, գետ, 176:

Փիֆիլս 13, 36, 40, 41, 49,
 73, 74, 84, 286, 373, 374:
 Թոխարք, գյուղ, 177:

 Իգանոր 195, 200, 201, 202, 203:
 Իզդիր 46:

 Լեհաստան 21, 25, 338, 350, 353:
 Լոնդոն 65, 176:
 Լոռի 75, 170, 171, 318, 338:
 Լոռու ձոր 77:

 Լեմբուշենց եկեղեցի 252, 253:
 Լաշեն 119, 120:
 Լելար, քաղաք, 170:
 Լեծկոնք, գյուղ, 118, 170:
 Լեծկոնքի վանք 168, 322, 323:
 Լեննուրեսկ, գյուղ, 203:

 Մաղկոցանոր 29, 61, 163, 205,
 208, 210, 211, 213, 215, 220,
 222, 224, 225, 229, 241, 248,
 262, 263—266, 271, 274, 332:
 Մազուկակ, փողոց, 251:

 Կարողիկե եկեղեցի, տե՛ս Մայր
 եկեղեցի:
 Կարողիկե եկեղեցի (Արգինա) 355:
 Կապիտոլիում 275:
 Կաստից ծով 82:
 Կատանոց, արհեստանոց, 251:
 Կարաղալ, բարձունք, 353:
 Կարախանի ջուր (գինուկ) 87:
 Կարս-շայ, գետ, տե՛ս Ախուր-
 յան գետ:
 Կարս 12, 24, 25, 32, 44, 49,
 50, 51, 55, 64, 80, 94, 96,
 105, 193, 315, 316, 317, 318,
 337, 356, 358, 374:
 Կարուց (Կարսի) դուռ 191:
 Կաֆա (Թիոդոսիա) 21:

Կըզըլ-բախա, բարձունք, 94, 96,
 353:
 Կողը, գյուղ, 115:
 Կողկակառոց, արհեստանոց, 251:
 Կովկաս 37, 41:
 Կովկասյան լեռնաշղթա 286:
 Կ. Պոլիս 36, 40, 45, 309, 310,
 319, 320, 329, 331, 334, 335,
 339—342, 372:
 Կուեր, փողոց, 251:
 Կուր, գետ, 69, 82:

 Հալեպ 18:
 Հաղբատ 152:
 Հայաստան 21, 25, 37, 48, 49,
 47, 53, 55, 57, 64, 65, 119,
 161 167, 169, 248, 276—286,
 290, 291, 294, 295, 296, 298,
 299, 300, 302—303, 310, 311,
 312, 318, 319, 321, 336,
 342, 354, 368, 369, 371:
 Հառինայ, գյուղ, 171:
 Հատինայի վանք 170:
 Հատեցոց գուկակ (փողոց) 251:
 Հնդկաստան 158, 202, 273:
 Հոռոմու 106, 109—113, 118,
 133, 172, 201, 274, 321:
 Հոռոմոսի գետ 110:
 Հոռոմոսի ութաղղի 104:
 Հոռոմոսի ձոր 124, 125, 129:
 Հոռոմոսի վանք (Ղոշավանք) 36,
 37, 39, 47, 49, 50, 93, 97,
 101, 102, 103, 104, 105, 109,
 111—117, 119—124, 131, 168,
 254, 272:
 Հովիի եկեղեցի 273, 274,, 349,
 351:
 Հոռմ 187, 275:
 Հունաստան 30, 342:
 Հունգարիա 21, 25:

 Ղանլիջա, գյուղ, 358, 359, 360,

Հաւաքրագ 103, 127, 128, 185:
Հաւաքիլիս, գյուղ, 79, 80, 84:
Հեղուն, գյուղ, 45:
Լրզր-Շիլիս, գյուղ, 45:
Խոզիչ, գյուղ, 271:
Հաշովանել, տե՛ս Հոսովանի գանք:
Երմ 21, 25:
Երմի բեռակղզի 25:

Հայր եկեղեցի (Կաթողիկե) 18,
23, 38, 48, 51, 55, 56, 66,
130, 143, 148, 149, 151—155,
158, 159, 160, 165, 166, 168,
180, 187, 238, 242, 243, 250,
273, 274, 276, 327, 345, 378:
Հաճապիեր 302:
Հաճուշի մզիիր 249:
Հայիս, սար, 29, 84, 99, 374:
Հայուսկ, գետակ, 99:
Հայրակ, գյուղ, 50, 94, 95, 96,
98:
Հայրիկառավիս, բաղար, 95, 98:
Հայտաշնի եկեղեցի 327, 361—
369, 371, 372:
Հերուսյ Մաշտոց 374:
Հիջազին 18, 321, 336:
Հիշին Ասիա 284, 342:
Հիշնարեղ 29, 38, 49, 61, 62,
142, 143, 144, 150, 174, 179,
183, 196, 213, 214, 220, 223,
225, 238, 247, 248, 261—266,
268—271, 274, 275, 276, 283,
295, 326, 327, 333, 341:
Հոլովովիս 338, 353:
Հուկիս 61, 63:
Հոհեն, գյուղ, 210:
Հցիսիր 168:
Հուց 285:
Հոնին. բարձունք, 353:

Սոլրանինց, արհեստակը 283:
Նախիջևան 80, 283:
Նիգ, գավառ, 164:
Նոր-Բայազիս 64:

Եիրմի, երկիր, 46, 53, 54, 76
82, 83, 84, 87, 91, 95, 98
103, 104, 105, 107, 111, 113
114, 115, 117, 118, 126, 133
139, 148, 156, 158, 164, 166
169, 170, 182, 200, 210, 234
251, 296, 302, 306, 308, 309
310, 314, 316—322, 324, 325
339, 341, 353, 354, 356, 358
360, 362, 372:
Եիրական 88, 95, 313, 312:
Եիրակի դաշտ 12, 27, 30, 35,
40, 44, 67, 77, 82, 83, 89
87, 94, 101, 102, 103, 109
184, 188, 200, 201, 262, 271,
350:
Եուշի, գավառ, 285:

Զարան-Շիլիս, գյուղ, 349:
Զորան-Շիլիսի տաճար 57, 69:
Հոփլու, գյուղ, 180, 182:

Զահականց 230:
Զարենաց պալտա 227:
Զարսկաստան 111, 277, 279,
340, 342, 369:
Զարտուլ, բաղար, 185, 220:
302, 303:
Զատերուց 37, 40, 91, 93:
Զոմակի 62, 251:

Հայլա, գյուղ, 48:
Հայլա-սու, գետակ, 23:
Հայունի բունել 81:
Հաջունի լեռնազրտ 81:
Հայրին. գավառ, 137:

Քուասուան 12, 15, 63:
Քուաֆելոց, եկեղեցի, 231—
235, 237, 238, 243, 250, 254,
372:
Ք. Առաքելոց գուկակ (փողոց) 251:
Ք. Աստվածածին, եկեղեցի (Թաք-
նայր), 272:
Ք. Գրիգոր, եկեղեցի, 97, 129,
131, 132, 245:
Ք. Լուսավորիչ, եկեղեցի, 55, 56,
166—169, 171, 172, 174, 182,
184, 199, 212, 232, 243, 347,
348, 349:
Ք. Մինաս, եկեղեցի, 97:
Ք. Մարգիս, եկեղեցի (հօծկուր).
170:
Ք. Մանիանս, մատուռ, 246:
Ք. Փրկիչ, եկեղեցի, 23, 160—
165, 177, 186, 230, 244, 246,
365:
Ք. Քրիստոփոր, մատուռ, 246:
Զամուտան 333:
Զանանին 152:
Զանանին, կայարան, 78:
Զանանինի վանք 78, 364:
Զոռուն, փողոց, 251:
Զոտուն 285, 372:
Զուղարապոտ 87:
Զարիդամիջ, գյուղ, 92:
Զերաստիս 319, 340:
Զերկիլի սուր 368:
Զիսիան 82:
Զիսկան 53:
Զիրիս 278, 279:
Զմրտայան պարիսպներ 274, 341:
Զյունիք 53, 82, 318, 322:
Զուրենիկյան Անի 212, 213, 314
118, 219:
Զուրմանի սեւ 328:

Հալախիտ 25:
Գանեամաշն 371, 372, 373:
Գաղաղապատ 23, 161, 162,
246:
Գան 222, 359:
Գանանդ, գավառ, 316 341:
Գասի փնտուկ (քարվանսար-):
251:
Գասպուրական 90, 213, 214
318, 319, 321, 333, 356:
Գաւանդա, գավառ, 286:
Գաւղանակերտ 282, 283:
Գենետիկ 25, 36, 37, 54:
Գերի փողոց 251:
Գերին Ղանիխա 360:
Գոլգա, գետ, 350:
Գրասան 38, 170, 258 263
321, 341, 342, 363:
Տայոց նոնանգ 292:
Տարոն 285:
Տիգրանի դուռ 183:
Տիկոր 118:
Տող, գյուղ, 286:
Տուրութեան 292:
Ուշ-բափա, բլուրներ, 45, 66, 74—
95, 99, 271, 325, 348, 356:
Ուշարտու 359:
Փարիզ 39, 66:
Փարափի, գյուղ, 210:
Փոքր Ասիա 37:

Քաղկեդոն 279:
Քընչի վանք, տե՛ս Քընչի բէր-
Քընչ, բերդ, 286, 289, 290:
Քընչ, սար, 292:
Քընչստան 303:

Զակիսն, գյուղ, 220, 274:
Զամանյան պետքարքան 12.

ԲՈՎԱՆԴԵԼԱԿՈՒԹՅՈՒՆ

Հրատարակության կողմից	77
Առաջաբանի տեղ	1
I—Թե ինչպես այս աշխատությունը	23
II—Ի՞նչ իրավունքով	16
III—Վեաները	22
IV—Պաշտամունքի դար	69
Կուը—Այսուրյան	1
Անհետացածների քաղաքը	875
Անձնանունների ցանկ	389

Պատասխանատու խմբագիր՝
պրոֆ. Ս. Պ. ՊՈՂՈՍՅԱՆ
Հրատարակության խմբագիր՝
Արմ. Շ. ՀԱԿՈԲՅԱՆ
Տեսական խմբագիր՝
Հ. Ա. ՀԱԳՈՒՄԻՉՅԱՆ
Վերապետող սրբազրի՝
Ա. Պ. ՄԱԿՈՅԱՆ

ՎՃ 11536

Պատվեր 1308

Տիրաժ 30000

Հանձնված է և բարերության 19/V 1964 թ.

Ստորագրված է տպագրության 27/V 1964 թ.

Թուղթ՝ $84 \times 108^{\circ} / 32^{\circ}$ Տպագր. 24 = 19,7 պար. մամուլ

Հաշվ.՝ հրատ. 17,5 մամուլ

Գինը՝ 1 պ. 45 կ.

ՀԱՍՈՒ Մինիստրյանք սովորի մամ. լի պետական կոմիտեի

պոլիցիաֆարդունարերության զիմափոր վարչության

Ա. Բ. տպարան, Գրանց. թումանյան № 51:

ԳՐԱԴԱՐԱՆ

